

UTL AT DOWNSVIEW



D RANGE BAY SHLF POS ITEM C
39 11 15 07 14 007 7

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

DR
583
I85

Islaheddin, Mehmed
Bildiklerim

3214

20/27



مغذور ومظلوم عثمانی ملتک نظر مطالعہ وانتباہنہ :

بیلدیکلریم

اتحاد وترقی جمعیتک مقصد تأسس وصورت تشکی

و

دولت علیہ عثمانیہ نک سبب فلاکت وانتقاسی

İslāheddin,

Mehmed

Bildiklerim

اثر

محمد صالح

هر حقى محفوظدر

(قطعه)

فيلسوفانه باقنجه صفحات دهره
عقلمه وقعه هابل ايله قابل كليور
اتحادك آكلنجه او مبارك !! نامى
«اشرفا» خاطرمه بر سوري قاتل كليور
اشرف

مصر القاهرة

امين هندیہ مطبعہ سندہ طبع اولنشد

سنه رومى ۱۳۳۴ — سنه افرنجى ۱۹۱۸

مقدمه



بیت

نیتی خالص اولنجه کیشنک

خیر اولور عاقبتی هر ایشنک

DR

583

I 85

شاعر شهیر « اشرف » مرحومک بالاده کی بیتنی (مقدمه) و (سرنامه) اتخاذ ایده رک بر ایکی سوز سولیه حکم .

اوروباده اولدینی کی مملکت مزده شمدی به قدر (اداری ، سیاسی) دینیله جک درجه ده مکتبر موجود اولدینی وزمانزده ایسه علوم اداریه و سیاسیه تی تحصیل ایچون شروطنی حقیله جامع بر مکتب عالی بولندینی جهتله بوآنه قدر بزده یتیشن سیاسیمونه انحق باب عالی جولانکاه سیاست اولشدر . بناءً علیه عثمانلیلرک مکتب سیاستی باب عالیدر .

عاجز لریده احوال معروضه به نظراً سیاسی بر تحصیل کورماش ایسه مده مکتب سیاسی دیدیکز باب عالیده ربع عصر دن زیاده اولان مدت خدمتم ظرفنده اجله رجال دولت ، مأمورین سیاسیه حکومت آره سنده بولنش وبومدت ایچنده جریان ایدر احوال سیاسیه تی پک یقیندن تدقیق ایلش اولدینمه وادوار ماضیه به عائد بعض تتبعات ومطالعاته دخی بولندینمه بناءً ماضی ، حال واستقباله دائر اکتساب ایده ییلدیکم معلوماتدن قارئین کرامی ده مستفید وحصه مند ایتک ایستدم .

بیت

اوله مام جبر ایله بر زمره اشراړه قرین

آرام کننده بر ملجاء عادل وامین

شعرادن بر ذاتک شوییتی مضموننجه نه جبر وتضییق ونهده سوق حیمتله ذاتا احوال تشککلی معلوم اولان بزده کی جمعیات وفرق سیاسیه دن برینه انتساب

ودخالت ایتماش ایسه مده بوجمیتلر مؤسس ورؤسا واعضاسی اکثریتله رفقای عاجزیدن اولدقلرندن اعلان مشروطیتدن سنه لرحه مقدم درسعادنده تشکل ایدن اتحاد وترقی جمعیتمدن واوروپا وممالك سائرده بولونان مرکز وشعبه لرندن خبردار اولدیغمه و بعد الانقلاب میدان آتیلن مذکور جمعیت منسو بینیلده محبت ورفاقتم خللدار اولدیغنه کوره کندیلرینی سنه لردنبری هرکسدن زیاده طانیر و بیلیرم .

بوزواتدن هیچ برینه قارشو شخصی بغض وعداوتمه یوقدر . مع مافیه جمعیت اتحادیه نك ایلک تشککندنبری مؤسس ورؤسا سیله جریان ایدن مکالمات ومذاکرات اثنا سنده مشاهده ایلدیکم حالات وتعقیب ایتک ایسته دکلی حرکات طریق سعادت وسلامتدن پک اوزاق ، غایت اعوجاجلی وحیقماز بریول ایدوکندن بونلری دولت ومملکتک منافعه خادم بر فکره ارجاع ایچون اخطارات ونصایح لازمه ده بولندم . حالبوکه بوزوات خیالپرست برطاقم چولق ، چوچق ایله اشتراك مساعی ایدرهك سوکیلی وطنمزه بوحال اضمحلاله کلمسنه سبب اولدیلر .

صرف منفعت ذاتیه وشخصیه یوزندن بوحاله کلن دولت ومملکتیزی بوندن صکره اولسون بو منفعتپرستان سرسریلردن قورتارمق ایچون بوباده جزئی وکلی معلوماتی اولان هر عثمانلی نشریات لازمه ده بولنه رق بیلمیانلری ایقاظ ایتکه حسب الحمیه مجبور در .

ایشته اومجوریتیه بناء هرکسک اکلاویه ییله جکی برطرز وافاده ایله یازدیغم بواثری نشر ایدیورم . بونده اتحاد وترقی جمعیتک مقصد تأسسی ، صورت تشککلی ، الی یوز الی سنه لك دولت معظمه عثمانیه نك سبب فلاکتی ، انقسامی ، تاسس وتشککنده خلوص نیت ایله ایشه باشلانمادیغندن بویله بر جمعیت ایشک حسن نتیجه یه اقتران ایده میه جکلی ، جمعیتک معاملات کیفیه وجاهلیه سی کسندوسنی شایان عفو اولیه جق خطاره سوق ایلدیکنی برر برر ارائه واثبات ایله ابتدای انقلابدن بوکونه قدر جریان ایدن داخلی ، خارجی احوال سیاسیه دن مختصر بر صورتده بحث ایده جکم .

هردرلو غرض وعوضدن عاری ، صرف حق وحقیقتی جامع اوله رق غایت بی طرفانه یازیلن بواثری مطالعه بیوره جق اصحاب حمیت ووجدانک افاداتی تصدیق بیوره جقلرینه امین .
(ومن الله التوفیق)

بیلگه کلام

اتحاد وترقى جمعيتك مقصد تاسيس وصورت تشكلى

و

دوات عليہ عثمانیہ نك سبب فلاكت وانقاسى

برقاج عصر اول اور وپاده تشكلى و ظهور ايدى بر « جمعيت خفيه » انجق
جنتمکان سلطان عبد العزيز خان حضرت تارىك او آخر سلطنت تارىنه طوغرى ممالك
عثمانیہ به فرصتياب دخول وزمانك كنچ و خيال پرستاندن بر طاقنى دائره نفوذينه
جلب و جمعه موفق اوله بيايش و مملكت مزده مقصد ماعتكارانه سنك اجراسنه



سلطان عبد العزيز خان حضرت تارى (*ء)

Sultan Abd-ul-Aziz Khan

(*) تاريخ ولاد تارى جلوسلى خلعلى ارتمالارى
۱۴ شعبان ۱۲۴۵ ۱۷ ذى الحجة ۱۲۷۷ ۱۷ جادى الاولى ۱۲۹۳ ۲۲ جادى الاولى ۱۲۹۳

باشلامش اولديغندن بوجمعيث خفيه يه اتساب و دخالت ايدن خذله نك منفعت
خياهرستانه لر نك توسع و ترايدى و بعضاير نك اوروپايه فرارله تاهين استقباله
تشبث و موقتيلرى وطنمز ايچون فلاكت واضع حلال مقدماتى احضار ايلمشدر .
بوجمعيث و منتسبينك ممالك اجنبيه يه فرارلرنده كى مرض غرض زمانمزه دخى
سرايت و انتقال و بوسياست سقيمه عصريمز كنجارينه نمونه امثال اولمغه توليد
ايتديكى ضرر دولتمزى ، ملتمزى بوكونسكى ورطه هولنا كه دوشورمشدر .
مملكتمزه داخل اولان بوجمعيث خفيه جنتمكان سلطان مراد خان خاھس
حضرتلر نك (۱) اوچ آى اوچ كوندن عبارت اولان مدت سلطنتلرنده دخى
اجراى فعاليتده دوام ايتمشدر .



سلطان مراد خان خامس حضرتلرى
Sultan Mourad Khan V.

(۱) جنتمكان سلطان مراد خان خامس ابن غازى سلطان عبد المجيدخان حضرتلرى ۱۲۵۶
سنه هجرىه سى رجبك يكرى بشنچى كوفى قده نهاده عالم وجود اولوب ۱۲۹۳ سنه سى جمادى
الاوليسنك اون يدنچى كوفى جالس سرير سلطنت اولمش ايسه ده مبتلا اولدقلى علتدن طولانى
اوچ آى اوچ كون صوكره خلع ايلمشدر .

بالاده یازلدیغی وجهله تأمین منافع ذاتیه مقصیدیه باشلایان بوفرار موده سی خاقان اسبق سلطان عبد الحمید خان ثانی حضر تلیرنک ابتدای جلوسلرندبری تزیاید ایدرهك پایتخت سلطنت سنیه ده بر طاقم جمعیتلر وقومیتلر تشكیل و ظهور و بعض وقایع مؤسسه حدوث ایتمش و اخلاق عمومیه اوزرنده تأثیر کلی حاصل ایلمش اولدیغندن واوکی آله میان بوحال کتدکجه توسع ایلدیکندن مملکت مزده اوفقی تهك جمعیتلر وقومیتلر وجوده کلمکه باشلامشدر .

بوجعیتلرک ظهوری شرقده منافع سیاسیه و اقتصادیه چالیشن بعض دولترلره اوروپادن مملکت مزه داخل اولان خفی جمعیتلر ایچون بر فرصت متربقه اولدیغندن بونک دهاییوک مقیاسده تأسس وتشکیلی ایله داخل ممالک عثمانیه ده اختلاللر وقوعی منافع سیاسیه لری ایجابندن بولندیغندن لازم کان فداکار لقله تحریکات وتشویقاتدن چکنا مشارددر .

ذاتاً تأمین استفادۀ ذاتیه یه آماده اولان بعض بدخواهان حکومت ، اورپا مقلدلکندن کنیدیلرینی آله میان آسان آشنا وافکار منوره اصحابی دیدیکیز کنج لرك اذهان وافکارینی تحریص وتخدیشه باشلایه رق در سعادتده منصوب ومعزول مأمورین وخیالپرست بعض کنج لره مکاتب طلبه سندن مرکب اولوق اوزره « اتحاد وترقی جمعیت عثمانیه سی » نامیله بر جمعیت تشکیکنه موفق اولدیلر .

یالکیز استانبولده تشکیل ایدن بوجعیت تأمین مقصیده کافی اولدیغندن اوروپایه فرار ایدنلره التحاقله اوراده ده بر جمعیت تشکیل ونشریات لازمه یه توسل ایدلمسی ایجاب ایتدیکندن بوجهتده تأمین ایدیلوب برطاقم کنج لار اوروپا ومصره فرار صورتیله سوق واعزام اولمغله (پارس) و (مصر) ده ده اتحاد وترقی جمعیتی شعبه لری تشکیل ایتدی .

تاریخ خلعلرندن تاریخ ارتحالاری اولان ۱۳۲۲ سنه سی جدادی الاخره سنک اون یدنجی بازار ایرتسی کونه قدر یکریمی طقوز سنه چراغان ساحل سرای همایوننده عادتاً محفوظاً ومحبوساً دینیهك بر صورتده اقامت ایتدیرلمشدر . خاقان مرحوم مشار الیه حضر تلیر خاندان جلیل العتوان عثمانی بیننده حلم ونزاکت ومرحمت وتریبه ذاتیه وعلمیه وآمار قلمیه لریله مشتهر بولندقلری جهته دولت ومملکتک طالعه سزلکی وشهریار مغفور مشار الیه حضر تلیرنک بخت سزلکی خلعلرینه سبب اولمش وبویله بر وجود عالی وقیمتداردن استفادۀ ایدیه مامشدر .

التمش الی یاشلرنده عازم کاشن سرای مغفرت اولان پادشاه مشار الیه حضر تلیر استانبولده یکی جامع شریف قربنده والده محترمه لری تربیه شریفه سنه شان سلطنته موافق اولیه حق بر صورتده نقل ایله دفین خاک عطرناک ایدلمشدر .

ایشته بوصورتله فرار و پارسده تجمع ایدن بکاز عزالک پارسده نشرینه باشلا دقلری «مشورت» واولجه سلیم فارس افندی طرفندن لوندرده نشر اولونان «حریت» غزته لرینک ذات حضرت پادشاهی و حکومت عثمانیه علیهنده کی نشریات نجاوز کارانه لری سلطان عبد الحمید خانک و همنی تشدید و تزیدد ایلدیکی بر صر ده دیون عمومی عثمانیه اداره سی عثمانلی داینلر وکیلی و میزان غزته سی صاحب امتیاز و محرری طاغستانلی مراد بکک ده اوروپایه فراری خاقان اسمیق مرحومی بستانون اغضاب ایتسندن بونلرک اقتناع و عودتاری اسبابنک استحصالی ضمننده برچوق مأمورین سیاسیه و خفیه نک اوروپا و مصره اعزامی مصارفی خزینئه جلیله مالیه به بیکلرجه لیرایه مال اولمشدر .

استانبولدن روسیه طریقله فرار ایدن مراد بک روسیه دن اوروپانک بعض مراکز مدنیه سنی طولاشه رق پارسه واصل واوراده کی رفقاسی ایلله کوریشهرک مصره عزیمت و قاهره ده «میزان» غزته سنی طبع و نشره باشلامش ایسه ده برمدت صوکره مصرده انتشار ایدن میزانک اوراده انتشاری (*) قابل وکندوسنک دخی اقامتی ممکن اوله میه جفی جهتله پارسه عودت ایلمشدر :

بو وجهله پارسه عودت و مواصلت ایدن مراد بک پارسده کی جمعیت منسوبینله بلذاکره میزانک اسویچره نک «جنوره» شهرنده انتشارینه قرار ویریلهرک رفقاسندن برقاچ ذات ایلله اسویچره به عزیمت ایلدیکندن اتحاد و ترقی جمعیتی استانبول مرکزندن ماعدا اوروپاده اوچ و مصرده برکه جمعا درت شعبه تأسیس ایتمش لوندرده «حریت» پارسده «مشورت» جنوره ده «میزان» ناملرنده اوچ غزته به مالک اولمش و مصرده بعض رسائل و اوراق طبع و نشرینه و بونلری داخل ممالک عثمانیه به ادخال وارساله باشلا دیغندن جمعیت افرادینی تکثیر ایتمشدر .

استانبول مرکزی طرفندن بوغزته لر و اوراق سائره توزیع و بعض محله ره یافته لر تعلیق اولنق کی جرأتکارانه حرکت ابرازی پادشاه مرحومک داخل ممالک عثمانیه ده ظلمنک تشدیدینه و برطاقم نورسیدکان وطنک نفی و تعزیننه و برچوق خائنانک ده محو و پریشان اولسته بادی اولدی .

اوروپایه سوق و اعزام اولونان مأمورین سیاسیه و خفیه طرفندن بو منفعت

(*) میزانک مصرده عدم انتشاری اسبابی مرحوم مشار الیهک (مجاهده ملیه) و (تحریر) استقبال) نام اثر لرنده مذکوردر .

پرست بگردن بعضی منافع شخصیه لری تامین ایدلك صورتيله عودته اقناع ایدلیدکندن عودت ایتشلر ودرسهاده مواصلتلرینی متعاقب قائمقاملق ، مکتوبجیلک ، متصرفلق ، معارف ، جمعیت رسومیه ، شورای دوات اعضاقلری کبی برر ماموریتیه نصب وتعیین اولنمشاردرکه بونلرک اسامیسنگ نشردن شمیدلك صرف نظر ایدرم .

آمال وخیال خاملری مناصب دولتك يك فوقنده اولدیغندن نظارت وصدارت مقاملرینی اقتدار واهلیتاری درجه سندن دون عدایدن ومطالعه ایدلکلری خیالی کتاب ورومانلرک خیالاتيله سرمست غرور اولان بوفکرسز ووجدانسز سرسریلردن برطاقی مسلك ونشریات تجاوز کارانه لرنده اصرار . وحکومتک تعقیبات وتقیدات شدید و مماندیه سندن طولانی داخل ممالکده راحت عمومیه بی سلب واخلال ایتدیلر .

بالاده بیان اولندیغنی وجهله جمعیت منسوبینيله برطاقم کنج مکتبلیلرک نفی وحبسندن توحش ایدن استانبول مرکز هیئت برمدت برر طرفه چکیلمشلرسه ده موخرأ بعض طرفدن آلدقاری قوته استنادأ اوراده بوراده کیزلی کیزلی اجتماعلرله مقصد لرینک تأمینندن وجمعیتلرینک دوام وبقا سندن کیر و طورمدقلری کبی طشریه نفی وتغریب اولونان جمعیت افرادی ده کتدککاری محللرده بعض سبکغزانی اغفال ایتمک صورتيله بوفکرک اویانمنسه وکندیلرینه طرفدار پیداسنه موفق اولدقلرندن بوندن استفادهیه قالدیشن استانبول جمعیت مرکزیه سی تعقیب وتجسسندن یاقه لرینی قورناره رق مقصدلرینک ده امین وسریع بر صورتده جریانی ایچون آناتولی وروم ایلی ولایاتنک بندهده بر مرکز کشادینی تحت قراره آلوب بوفکرلرینک حصولی چاره سنه توسل وتشبث ایله اعضای جمعیتدن بر قانچی بعض ولایاته اعزام ایتمشلردر .

اول امرده آناتولی جهتنه کیدن اعضای جمعیت بعض ولایاتده اجرا ایتدککاری سیاحت نتیجه سنده آناتولی اهالیسنک نجیب و صاف اولان قیللری بویه برآشیشک شمیدلك اورالرده اجراسنه مساعد اولدیغنی مشاهده وکزدککاری برلرده کیر فیکلریده مشاهدات واقعه لرینی تأیید ایدلککاری جهتنه عودت ایدلرک مشهودات ومطالعه لرینی بیان وبونک حصولی انحق روم ایلی جهتنده قابل اوله بيله جکنی اتیان ایتمشلردر .

ذاتا سالانیکده باش کوسترن وکتدکجه توسع ایدن بر جمعیت خفیه ایله اشتراک ایتمک اتحاد و ترقی جمعیتک آمانه دها زیاده موافق اوله جنی درک و تبقظ اولندیغدن جمعیت اعضای ناطقه پردازانندن بذات سالانیکه اعزام اولمش واوراده دخی اتحاد و ترقی نامنده بر جمعیت یاییله رق حصول مقصده وصول ایچون ایشلرینه کرمی ویرلشدی .

اولزمان سالانیک اوچنجی اردوی هایون مشیریتک مقری بولندیخی مناسبتله ارکان و امرا و ضابطان عسکریه بالطبع کثیر ایدوکندن و بوضابطانندن برجوغی جمعیه داخل اولدقلرندن جمعیت مدت قلیله ظرفنده مناسرتله سائر بعض محالرده دخی شعبه لرشاد ایتدی .


روم ایلی جهتمنده بولونان امرا و ضابطان عسکریه وقت و زمانیه ترفیع و ترقی ایده مدکاری و منتظماً معاش آله مدقلری و استانبوله مأذونیت اعطا ایدلمدیکی وزادکان صنفندن برطاقم پاشا زاده رفیقارینک ارکان و امرا رتبه لرینه ارتقا ایتدکلی و پایتخت سلطنت سنیهده بولونان اردوی هایونک کندی حالرینه نسبة مکمل و منتظم بولندیخی جهتمله حکومتنده فوق العاده دلکیر و قوماندان اعظم اولان پادشاهده غایت مغیر اولملری روم ایلی ولایاتنده کب ضابطان و بونلر واسطه سیله ده برحوق مأمورین و اشرافک جمعیه دخولنه و اردوی هایونک مع التأسف جمعیه آلت اولسنه سبیت ویزدی .

جمعیتک شوصورتله تکثر و تزايد ایدن اعضا و افرادینک همت و غیرت لریه ده اناطولینک بعض محالرده طرفدارلری چوغالغه باشلادی .

بوندن خبردار اولان و داخل و خارجه بولونان منفعت پرستان دخی درحال استفاده یه شتابان اولوب فوج فوج جمعیه داخل اولدیلر .

برمدت دها بویله خفی دوام ایدن جمعیتک درمه و چاته و خیالپرست اعضای مقصد لرینک تسریع حصولله تأمین منفعت لرینه وسیله جو ایکن اوصردهده واقع اولان حکمدارانک « ره وال » ملاقاتی کندیلرینه بر سرمایه عد و اتخاذ ایله حقیقی وطنپرورلک کسوه سنه بورینه رک میدانه آتیلوب جمعیتک رؤسا و اعضای عسکریه سی واسطه سیله اردوی هایونی مقاصد سقیمه و وخیمه لرینه آلت مقامنده استخدام و استعمال ایله نیک و بدی تمیز و تفریقندن عاجز اهالی مظلومه یی ده بیک درلو اراجیف نشر و اعلانیله تحریک و تشویق ایده رک اردوی هایون ایله برابر خلیفه

مسلمین و قوماندان اعظم پادشاهان یله حکومت حاضرۀ عثمانیه یه قارشی عصیان
وقیام ایئتدیردیلر .



غازی سلطان عبد الحمید خان ثانی حضرتلری

Sultan Abd-el-Hamid Khan II

مملکتیمزک کویا تقسیم ایلمکده اولدیغندن بحثله بوندن صیانه هان قانون
اساسینک اعلان و اصول مشروطیتک وضعی و وطنک انقسامدن تخلیصی یولنده
سلانیک و مناستر و سائر روم ایلی مراکزندن جرأتکارانه تلغرافنامه لرکشیده
ایتدیره رک مابین هایونی ، باب عالی بی تضییق و تهدید ایله مأمورین حکومت
واستانبول خلقنی وله وحیرته دوشورمشلردر .

وطنپرورلک تقاییده اتحاد و ترقی نامی تحتنده طوبلانان بواسطه و اشرا بر برینی
تعقیب ایدن تهدیدنامه لر یله استانبولی براق کون ده تضییق ایلدیلر .

مناستر و سلانیکدن توالی ایدن مراجعات اوزرینه خاقان اسبق عبد الحمید خان
ثانی حضرتلری صدر اعظم فرید و سرعسکر رضا پاشا لردن قوشقولانه رق دفعه
ایکبسنی بردن عزل ایله سعید پاشایی موقع صدارته کتیردی .

سعید پاشا نك صدر اتی — صدر اعظم فخامتو دولتو سعید پاشا حضرت تری
موقع صدارتہ کلدکن صوکرہ ده مراجعات واقعه توالی ایتسی اوزرینه خاقان
اسبق حضرت تری اہمیتی آرتقده اولان بواشی مذاکرہ ایتک اوزرہ برکیچہ
وکلانی سرای ہایونہ جلب ایتدی . حتی بودعوت واجتماعہ شیخ الاسلام دولتو
سماحتو محمد جمال الدین افندی حضرت تریلہ وکلادن بعضاری دعوت اولمادیلر .
خاقان مشار الیہ حضرت تری بوبایدہ روم ایلیدن مابین ہمایونہ کن تلغرافنامہ لری
انجمن وکلایہ تودیع و برقرار اتحادینی ارادہ بیوردیلر .

صدر اعظم سعید پاشا « ملتک هنوز مشروطیت ایلہ ادارہ بہ قابلیتی اولدینی
ظن واعتقادندہ بولدیغندن » برقرار اتحادندہ متردد وحیران ایکن اوصردہ مناستردن
ضابطان عسکری امضا سیلہ کن تہدید آمیز بر تلغرافنامہ اوزرینہ خاقان مشار
الیہ حضرت تری نتائج وخیمہ ظهورندن احترازاً قانون اساسینک اعادہ مرعیتی رسماً
اعلان اولنق اوزرہ بر مضبطہ تنظیمی انجمن وکلایہ ارادہ وفرمان بیوردقلرندن
درحال اووجہلہ انجمن وکلایہ بر مضبطہ تنظیم وعرض وتقدیم قلمنش وموجبہ
ارادہ سنئہ پادشاہی شرفتمتاق بیورلمش اولدیغندن جملہ نک معلومی اولدینی اوزرہ
« ۲۵ جمادی الآخرہ ۱۳۲۶ » سنئہ ہجریہ و « ۱۱ تموز ۱۳۲۶ » سنئہ رومیہ
سنہ مصادف « جمعہ » کونی غزتہ لرہ ویریان مختصر بر اعلان رسمی ایلہ « قانون
اساسی » نک اعادہ مرعیتی اعلان اولمشدر .

اعلان مشروطیتی کندیسنہ مال قید وقبول ایدن اتحاد وترقی جمعیتی شوراسنی
یلاسون کہ مشروطیتک اعلانی سلطان عبد الحمید خان حضرت تری نک حزم واحتیاطیلہ
مؤخرأ برر صورتلہ هدف تعرض وحقارتاری اولان وکلانک ہمت وغیرت
وطنبروانہ لرندن ایلروکہشدر .

چونکہ سلطان عبد الحمید خان حضرت تری نک اوتوز اوچ سنہ لک ادارہ کیفیہ
ومستبدہ سندن بزار اولیمان وکلا ومأمورین دوات وافراد ملت قلمامش واستانبول
خالق ایسہ الک زیادہ ظلم وتعدی بہ معروض قلمش ایدی .

یوقسہ اولیلہ برزمرہ قلیلہ نک تضییق وتہدیدینہ سرفرو ایدلیہ رک حل عصیانده
بولونان عسا کر شاہانہ نکدہ مجازاۃ قانونیہ لرینک اجراسیلہ بوقیامدن منعاری یک
سہل وقابل اولدینی ایضاحہ لزوم یوقدر .

ہرنہ صورتلہ اعلان واستحصال ایدیلورسہ ایداسون خاقان اسبق مرحومک

اوبوز اوچ سنه دوام ایدن اداره کيفيه ومستبده سندن بيقمش واوصانش اولان رجال ومأمورين دولت وافراد ملت بومشروطيتي کمال اشتياقه آتقشلايه رق استقبال وهفته لرحه اظهار آثار شادمانی ايله قهرمان حریت وبائی مشروطيت عدايلدکاري اتحاد وترقي جمعيتنک اوخائن وقاتل مؤسس واعضالريني ، اعظم ملت واولاد وطنک قانلريني زقاق اورته لرنده هدر ايچون حاضر لدقاري فدائی جانليريني بيله تحسين وتقديره مجتمعا شتاب ايتدکاري کبي بو جمعيت قید ودخالق عاداتا فرائضدن عدايله مليونلرحه خلق داخل جمعيت اولديلر .

اهالنيزک جمعيت قارشو کوسترمش اولديغي حرمت ومحبت اثری اوله رق جمعيت توسيع دائره نفوذ ايدهرک عموم ممالک عثمانيه ده بر رشعبه کشاد ايمش وبوکوردکاري توجه ورغبتک ويرديکی نشئه مؤسسين ورؤسای جمعيتي پک زياده شمارتمش ومقاصد سقيمه معلومه لرینک قریب بر زمانده حصولی قبللرينه القا ايلمشدر .
مع مافيه سنه لرحه اداره مستبده التنده ازيلن بيچاره ماتک بيلير وبيلامز سوق حریت وحيت ايله جمعيت قید ودخاله شتابان اولمسی پک طبعی ايدوکندن بوندن طولانی جمله سنی معذور عد ايدرز .

بر منوال محرر ميدان انقلابه آتيلان اتحاد وترقي جمعيتي اولاد در سعادت مرخصلر اعزاميله نور عثمانيه جوارنده شرف افندی زقاغنده کی دائره مخصوصه يي کشاد واجراآت حکومته اورادن مداخله به بسماه کش ابتدار اولدقدن بر مدت صوکره « رجال الغيب » عدينه سزا اولان سلايک ديئت مرکزیه می مؤسس ورؤسای بر آن اقدام واصل اقصای اهل اولق حرصيه استانبوله جان آتديلر .
بو وجهله اتحاد وترقي مرکز عموميسنی پايتخت سلطنت سنيه به نقل ايله امور حکومتک جمله سنه مداخله به باشلاديلر .

ابتدای انقلابه کی بياناتلری خلافت اوله رق نکهپان مشروطيت اولان اتحاد وترقي جمعيتي رؤسای منفعتيپرستانی تفرعات اموره وارنجيه قدر وظائف حکومته مداخله دن اجتناب ايتمديلر .

اوصرده تنظيم ورسمآ باب عالیده قرائت اولونان خط همايونه صدر اعظم سعيد پاشا حضر تاري طرفدن تأمين افکار اهالی ايچون قانون اساسی احکامی مؤيد اولق اوزره صدارت ومشيخت کبي حريمه وبجریه ناظرلرينک ده طرف شاهانه دن انتخابی حقنده درج اولونان فقره قانون اساسينک ماده صريحه سنه

خائف اولديغندن شيخ الاسلام جمال الدين افندي حضرتلری طرفندن اولبايده
وقوعبولان مخالفت واعتراض شديد اوزرينه سعيد پاشا استعفايه مجبور اولمشدر .
مشروطيتدن اون ، اون ايکي کون صوکره سعيد پاشا حضرتلرينک بورجهله
استعفاى ايله قاينيه سنک (*) سقوطى صدر اسبق کامل پاشا حضرتلرينک اوچنجى
دفعه اوله رق موقع صدارته کلمنى موجب اولدى .



صدر اعظم کامل پاشا حضرتلری

Son Altesse Kiamil Pacha (Grand vezir)

« مشروطيتک برنجى قاينيه سى وایلك صدر اعظم و شيخ الاسلامی »
بالاده مختصرجه افاده و بیان اولدیی اوزره صدر اعظم سعيد پاشا حضرتلرينک
وقوع استعفا سنه مبنی قانون اساسینک ماده مخصوصه سى موجبنجه طرف اشرف

(*) بو قاينه مشروطیتی اعلان ایتش ایسه ده قبل انقلاب تشکلی ایلدیکی و اعلان
مشروطيتدن اون ، اون ايکي کون صکره دوشدیکی جهله قانون اساسی موجبنجه تشکلی
مشروطیت قاينيه سى عدايديله مز .

جناب پادشاهیدن مشروطیتك ایلک قاینه سنی تشکیل ایتمک وظیفه سیله مسند جلیل صدارت امور داخلیه و خارجیه ده مهارت و سیاست و ممارسه ودهاسی حسبیله داخلده و خارجده مظهر اعتماد عمومی اولان افخم وکلای سلطنت سنیهدن قبریسی خفامتلو دولتو محمد کامل پاشا حضرتلرینه تفویض و مقام عالی مشیخت دخی اصالت و نجابتله متصف افاضل علمای اسلامیه دن بیک اوچ یوزیدی سنه رومیه سندن اعتباراً بیک اوچ یوزیکرمی درت سنه سنه قنر بلا فاصله اون سکز سنه مقام معالای مشیخت اسلامیه یه شرفبخش اقبال اولان استانبولی دولتو سماحتلو محمد جمال الدین افندی حضرتلرینه توجیه بیوریلر رق بر معناد آلائی والا ایله باب عالی ده بوبابده کی «خط همایون» ملوکانه قرائت و مقام صدارتجه ده قاینه اعضاسی انتخاب و تعیین بیوریلر رق اراده سنی سی استحصال ایدلایکندن مشروطیتك قانونی ایلک قاینه سی بوقاینه اولمش و «مستعیناً بتوفیقه تعالی» ایقایی وظائفه بدأ و مباشرت ایلمشدر.

بروجه تفصیل تشکل و امور اداره یه توسل ایدن کامل پاشا قاینه سی داخله و خارجاً عمومیه امنیت بخش اولمسی و اداره دولتک تحت انتظامده دورانه باشلادیغنی ارائه ایلمسی اوزرینه اوروپا دولتلرینک عثمانیلره قارشى آثار محبت و توجه ابرازینی و ممالک عثمانیه نك معصومیت و ترقیاتنه خدمت و معاونت مقصیدیه برچوق اوروپا سرمایه دارانك قاصه لرینی کشاد ایله فوج فوج پایتخت عثمانیه یی زیارت شتابان اولمسی تأمین ایلدیکنی مشاهده ایدن اتحاد و ترقی جمعیتك رؤسای منفعتپرستانی ارباب ثروت و سرمایه نك قاصه لرینی کشاد و دولت هردرلو معاونتی دعوت ایدن حالک حکومتك حائز اعتماد و امنیت اولسندن منبعث اولیوب اعلان مشروطیتك تأمین ایلدیکی طبعی برحال اولدیغنی ومع مافیه کندیلری دخی اداره حکومتی اله آسه لر هم شخصلری هم مملکتك مستفید اوله جنی ظن باطلی افکار سقیمه لرینی تشویش و ذهنلرینی تخریش ایتمش اولملى که ابتدای انقلابده داخل جمعیت اولان برطاق اشخاص شمریره و اشقیای مشهوره یی باشارینه طوبلایه رق قاینه نك تدابیر انضباط پرورانه سنه طبان طبانیه ضد و آداب دینه و اسلامیه و قوانین موضوعه یه کلیاً مخالف اولان اولان غصب نقود و نهب اموال کی حالاته اجتسارله وکلای سابقه و مأمورین دولت و اغنیای ملتك خانه لرینه هجوم ایتمک و بعضارینی انواع ظلم و اشکنجه ایله زقاقلرده سور و کلمک و نقود موجوده لرینی جبراً اخذ

وغصب ایلهرک مملکتی آنارشی حالنه قویغه ودرلو درلو بهانه لرله ده اعانه لر جلب وجمعه وکسه لرینی طولدیرمغه باشلامش لر و حکومتی مشکل برحاله کتیرمشدر .

کامل پاشا حضرتلری مقام صدارته خیلیدن خیلی به یورلمشدر .

چونکه بر طرفدن بونلرک ارتکاب ایتدیکی فضاحک اوکنی آلتی و بر طرفدنده مناصب ومأموریت دولته داخل اولیه جقلرینی مع القسم بیان وتأمین ایدن جمعیت اتحادیه رؤسا واعضاسنک مستشارق ووالیک کی مأموریتلرله منسوبلرینک حکومته یرلشدیرلسی واوصاف قانونیه یی حائز اولیان جاهل ودرکسر بعض اشخاصک هیئت اعیانه ادخال کی ناجا مراجعتلرینه برنهایت ویرمک وآسایش وانضباط مملکتی محورنده دوران ایتدیرمک چاره سیله پک چوق مشغول اولمشدر .

بو یولده فضایح اجراسنه تشبث ومأموریت طلبیه باب عالی یی تضییق ایتملری ایوجه تدقیق اولنورسه کامل پاشا حضرتلرینک مسند صدارته بولنمسی اتحادی تولید ایدن خفی جمعیتلرک مرضیسنه موافق کلمدیکندن صدر مشار الیه حقنده موجود اولان داخلی ، خارجی اعتمادی ازاله ایتدیرمک مشار الیه حضرتلرینک اغیار واقعاتی جلب ایله ترک مقام وموقع ایتمسی چاره سنک تحریری ایچون مذکور جمعیتلردن آلدقلری امردن بشقه برشی اولمدیغی تظاهر ایدر .

سلامت وطن وسعادت ملتدن بشقه بردوشونجه سی اولیان وهیچ برفرده قارشی بغض وعداوت بسلامیان پیر سیاست تدبیر کامل پاشا حضرتلری اول امرده بونلرکده عین حس وفکرده بولندقارینه ذاهب اوله رق نکپان مشروطیت اولمقدن پک اوزاقلشمش اولان جمعیت واعضاسی یوزندن مملکتک کوره جکی فلاکت ومهالکی دفع ایچون نصایح لازمه ایله اصلاحلری چاره سنه تشبث ایلمشرایسده حشرات مرقومه نک معاملات ناروا وحركات مستبدانه لرندن واز کچیرملری ممکن اوله میه جفنی وشخص ونفسلرندن بشقه دنیاده بردوشونجه لری اولیان ومملکت وملمته قارشی برحس حرمت ومحبت بسلامه یین وهردرلو فضائل انسانیه دن محروم وانواع جنایات وفناقلری اجرا وایقاعه مستعد ومنهمک ووطن وملمته دکل عالم انسانیت ایچون وجودلری برسم مهلک اولان ووطنپرورلک نقاب وکسوه سی تحتنده منفعت شخصیله لرینک استحصالنه چالیشان بورزیل وخائنلرک وطن ومملت ایله قطعیا برعلاقه لری اولمدیغی استدلال بیورمشدر .

معزز وطنمیزی بوکی اشخاص شریه الله ترک وتودیع ایله چکلمک عصرلردنبری

بر حال کشمکشده یو وارلاناں دولت و معدنک کشمکش تسریع انقسام و اضمحلالی بادی
اوله جغنی بالملاحظه یونلرک دیگر بر صورت حسنه ایله تنسیق و اصلاحلری
چاره سنه توسل بیوردقلرندن خبردار اولان رؤسای جمعیت بوندن فوق العاده
اورکرک استانبولده کی عساکر عثمانیه ایله لازم کلن تهدیداتی ایقاع ایده میه
جکارتی ده بیلدکلرندن اللرنده بر قوه مسلحه بولندیرلمسنی حس و بر بهانه ایله
روم ایلنده بولونان نکپهان حریت دیدکلری آوجی طاوورلرینی سلانیکدن جلب
ایتدیره رک بو طاوورلره مابین هایونی و باب عالی تی تضییق و تهدید کستاخننده
جرات و کامل پاشا قاینه سنک سقوطی چاره سنک تحریرسندن کیر و طوریدیلر .
اک بنام جمعیت اتحادیه مؤسس و رؤساسندن اولوب قاینه ده عدلیه ناظر لغنده
بولونان و جمعیتک تعقیب ایلدیکی بو حالی تجویز ایتمین مانیاسی زاده رفیق بک
افندی نی بیله تهدیده قیام ایتملری مشار الیهک انکسار قلبی و بر مدت صوکرده
و فائمه سبب اولمشدر .

اولزمان قاینه ده داخلیه ناظری بولونان حسین حلمی پاشا هر نه سببه مبنی ایسه
بو خائن سرسریلره سرفرو و اقیاددن کندیسنی بر درلو آله مامش و موقع صدارته
اقعادی و عدینه انضمام ایدن حرص جاه ایله کوزلرینه عمی طاری اولوب حال
و استقبال دولت و ملت فراموش ایدرهک بوخله ایله معاً قاینه نک سقوطنه وار قوتی
بازویه و یروب چالشدیغندن وطن و ملت مزک بو حال فلاکت و انقسامه معروض
قالمسته مشار الیهک بو وجهله حرکتی سبب یکانه در .

تضییق و تعرض و تهدید و مداخله دن بر آن خالی قالمیان کامل پاشا قاینه سی
بو حال ایله بالطبع امید ایدیلن اجراآت و اصلاحاتی تمامیه موقع تطبیقه وضعه
میدان بوله مامش ایسه ده آنارشی حائنده اولان ممالک عثمانیه ده آسایشی تأمین
و انتخباتک اجراسیله مجلس مبعوثانک کشادینه بلا قیور چالشمش (۲۳ ذی القعدة
۱۳۲۶) سنه هجریه و (۴ کانون اول ۱۳۲۴) سنه رومیه سنه مبعوثانک کشادینه
موفق اولمشدر .

انکلتزه دولت معظمه سی در سعادت سفیر کبیر لکنه تعیین بیور یلوب ابتدای
مشروطیتده شهر یمزه مواصلت ایدن سهر سیر لاوتر جنا بلری حقنده استانبول
اهالیسنک اتحاد و ترقینک بر قاج اعضاسی مستثنا اولدیفی حالده مذکور جمعیت
اعضای سائره سیله برابر کوستر دکری آثار حسن قبول و حرمت و محبت فوق


الغایه دن وانکلتزه دولت معظمه سیله دولت علیه نك دوست و محب قدیلمری اولان بعض اوروپا دول معظمه سنك قاینه حقنده پرورده ایلدکلی آثار خالصت و مودندن شرقده کی منافع سیاسی لرینه خلل طاری اوله جغندن توحش وتلاشه دوشن اتحاد وترقی جمعیتك حامی یکانهسی آلمانیا ایمراطوری ویلهلم ثانی ایله جمعیت اتحادیه نك آمر اکبر وظهیر اعظم لری اولان جمعیات خفیه طرفندن صورت مخصوصه ده مأمور لر اعزامیله قاینه نك بهمه حال سقوطی چاره سنه باقمسی و بواوغورده لازم کلن فدا کارلقدن چکنامامسی ایچون او آمر مقتضیه اعطا و بو او آمرک صورت تطبیقنه نظارت ایتمک ایچونده آیر وجه قونترول مأمور لری تعیین اولندیغی کی استانبولده کی دویجه بانک و اناتولی شمندوفر اداره سنك قاصه لرینی اتحاد وترقی جمعیتنه آچهرق ترک لریک حقیق دوست و محب قدیمی اولان انکلتزه دولت نخیمه سنك نفوذ و پولتیقه سنك ممالک عثمانیه به عدم دخولنه غیرت ایدلمسته اناتولی شمندوفر لری دیرکتوری موسیو (هکنن) مأمور ایلدکدن بشقه درسعات آلمانیا سفارتنه برلندن ویریلن امرده ده سفارتک جمعیتله دائماً تماسده بولنه رق منافع سیاسی و اقتصادیه لرینه کلیاً منافی اولان بویله برحالدن جمعیت مؤسسین ورؤسا سنك منعی ایچون تقیدات بصیرتکارانه ده بولنلمسی امر و اشعار اولنمشدر .

کرک آلمانیا حکومتی کرک مذکور جمعیت لر بواوغورده یوز بیکارجه ایرار صرفندن چکنمیه رک اتحاد وترقی نك اودینمز و ایمانسز و وطنسز و وجدانسز اوچ بش کشیدن عبارت اولان مؤسسین ورؤسای مهمه سنی اولجه احضار ایتدکلی پلان موجب بنجه حرکت ایتدیرمکه موفق اولدقاری جهتله رؤسای معلومه معهوده نك مجلس مبعوثان اعضاسنه ویردکلی تعلیمات دائره سنده کامل پاشا قاینه سنه حق قانونسنی « قانون اساسی احکام منیفه سنی آیاقلر التنده براقه رق » استعمال ایتدیرمیوب و صدر مشار الیهک اوچ کون صکره ویره جکی ایضاحاتنه ده انتظار ایتمکسزین مجلس مبعوثانده غیباً عدم اعتقاد بیان ایتدیردکدن بشقه سلطان عبد الحمید خان حضر ت لرینی تضییق و اصرار ایله کامل پاشا حضر ت لرندن عادت سابقه وجهله اوکیجه بلا استعفا مهر همایونی استرداد ایله عزله مجبور ایتمشلر و بوسبیلله ایلک ضربه بی قانون اساسی به کندیلری اورمشلدر .

جمعیت رؤسای معلومه سنك بونا قابل غفو اولان حرکت لری یوزندن دولت

و مملکت مز فلاکت و انقسامه طوغری برنجی خطوه بی آتشدر .

کامل پاشا قاینه سنه عدم اعتماد بیان اولندیغی کون پاشای مشار الیه حضرتلری
دائرة مبعوثانه عزیمت بمورمش اولسه ایدیلر مبعوثان قو و قوریدورلرینه و آیا صوفیه
میداننه یراشدیریلن اتحاد و ترقی اشقیما و فدائیلری طرفندن قتل ایدیله جک کردی .
بوجنائیک اجراسی آلمانیا نیک درسمعات سفیری بارون مارشال دو بیرشتاین
و آلمانیا لی مشیر غولچ پاشانیک تشبثات و ترتیبات خفیه لری نتیجه سی اوله رق اتحاد
و ترقی جمعیتجه قرار کیر ایدی .



صدر اعظم حسین حلمی پاشا حضرتلری

S. A. Hussein Hilmi Pacha (Grand Vezir)

حسین حلمی پاشانیک برنجی صدارتی — کامل پاشا حضرتلری قاینه
سنک غیر مشروع صورتده سقوطی اوزرینه مسند صدارت جمعیت طرفندن موعود
اولان نعامتو دولتو حسین حلمی پاشا حضرتلرینه توجیه ایتدیرلمش و مشار الیه
حضرتلری قاینه سنی اتحاد و ترقی رؤسا و اعضا سندن مرکب اوله رق تشکیل ایلمش

اولدیغندن بوقایینه اتحاد وترقی جمعیت مرکزیه سنک باب عالیده برمرکزی اولمشدر.
ملعبه صبیان دیمک اولان بوقایینه نك آزمدت ایچنده اوینادیغی اونولر لایمده
ولا یحیی اولوب الك مهم اولان ایکسینک ذکری افهام مرامه کفایت ایدر.
برنجیسی اوتوز برمارت وقعه سنک احضار واجدا ایدر.

ایکنجیسی سلطان عبد الحمید خان ثانی حضرتلرینک غیر مشروع وغیر قانونی
خلعی قرار ایدر.

بوایکی مسئله مهمه حقنده معلومات نامه لری اولیانلری ایفاظ ایچون براز
ایضاح ایدم.

بر آلت شرمقامنده وهر بر خصوصده استخدام واستعمال اولنق اوزره اولجه
سلانیکدن کتیرلیدیکی بیان اولونان آوجی طابور لرینک اوتوز برمارت حادثه سنک
تولیدی وساطان عبد الحمید خان حضرتلرینک خلعی ایچون اوینادیغی رول اتحاد
جمعیتجه باعث شکران اولدیغندن اول امرده بوندن بحث ایده جکم.

چونکه بو طابورلرک قوماندانلری سلانیکلی عودتی رمزی بک کبی محترم قارداشلرک
رؤساسندن وضابطانی ده اوقارداشلرک روم ایلی واستانبولده زقاق اورتله رنده قتل
وشهید ایدیلن حقیقی وطنپرور لرینک قاتلاری اولان اتحاد وترقی جمعیتک نامه دار
فدائیلرندن ایدیلر.

بو یله قوماندان وضابطاندن مرکب بر هیئت محترمه نك (!) تحت قوماندا واداره
سندده بولونان طابورلر افرادی ده عین حس وفکره تابع اولدقدن بشقه افراد
موجوده نك قسم کلیسی روم ایلی اهاالسدن روم و بلغار اشقیایچه لری منسوبندن
اولدقلری جهتلره ارباب جنایت وشقاوتدن ایدی :

ایشته اذهر جهت شایان اعتماد وامینت (!) اولان بو طابورلرک ایفا ایده جکلری
خدمتی دیکر طابورلر ضابطان وافرادی نك اجرا ایده میه جکلری جمعیتجه معلوم
ایدوکندن اوتوز برمارت حادثه سنک اردوی همایون ایچنده احدائی وظیفه سنی
بونلره تحمیل ایله استانبولده بولونان عساکر عثمانیه نك افکارینی تحریک وتحدیشه
باشلاتدیغی وجهیت وسائط سائرده ایله ده بعض سبکمهزان اهالی بی تشویق واغفال
واردوی همایون ایله برابر بر عصیان واختلال چیقارمغی تأمین ایلدیکی جهتلره
« ۳۱ مارت ۱۳۲۵ » تاریخنده استانبولده بروقعه مؤسسه ظهور ایتشد.

بووقعه خیمه یی تهییه واحضار ایدن آوجی طابورلری ضابطانی بوم حادثه ده

نفرالبسه سیله سوقاقلری طولاشه رق عصیان و قیام ایدن عسا کر شاهانه ایله
افراد اهالی بی تحریکدن و وقعه نك کسب توسع ایتیمی یولنده ده بر چوق رول
اوینادقدن صوکره ذاتاً مرتب اولدیغی وجهله سلا نیکدن حرکت ایدن حرکت
اردوسنه التحاق ایتک اوزره چتالجه و خادم کوی جهتلیرینه فرار ایتمشلدر .

برنجی وایکنجی فرقه هایونلرده بولونان طابورلر مکتبلی و اتحادجی ضابطانی
دخی وظیفه مقدسه لرینی ترک و فرار ایدهرک حرکت اردوسنك استقبالی ایچون
چتالجه کتدیله قوماندانلر و ضابطلر قالان طابورلر افرادی بالطبع ارقداش لرینه
التحاق ایدلکلرندن وقعه توسع ایدهرک بعض وقوعات ظهورینه بادی اولدی .

بوفترت و عصیانه یدی ، سکر آي ظرفنده جمعیتك عقل و حکمته غیر موافق
اجرا ایلدیکی حرکتانی کورن و نتیجه نك و خامتنی تقدیر ایتمکه باشلایان بعض کسان
التحاق ایتمش قادرو خارجنه چیقاریلن اسکی ضابطان دخی کندیلرینه قوماندان
ایتک ایچون افراد عصیانیه طرفندن خانه لرندن جبراً جلب ایدلکیلندن ایش
اتحاد علمینه دوزمکه باشلامشدر .



صدر اعظم توفیق پاشا حضرتلری

Son Altesse Tewfik Pacha (Grand Vezir)

جمعیت وقاینه اوینادینی بواو یونک کندی علیهنه دونسندن خوف وهراسه
دوشهرک هر بری برطرفه فراره باشلادقلرندن تخلیص نفس سوداسنه دوشن
صدر اعظم حسین حلمی پاشا وقاینه سی دخی استعفا سنی و یروب فرار ایتمش
اولدیفندن مملکت حکومتمسز و برحال عصیانده قالمشدر .

بوهرج و مرجه معروض قالان دولتی دوشدیکلی شوال ضجرت وفلا کندن
قورتارمق ایچون مملکتجه معروف سیالردن متشکل برقایینه تشکیلی تأمل ییوران
ذات حضرت پادشاهی درحال توفیق پاشایی مسند صدارته اقعادیوردیار .

توفیق پاشانک صدارتی — مقام جلیل صدارتی احراز ییوران نغامتلو
دولتو توفیق پاشا حضرتلری قاینه بی مملکتجه معلوم و معروف ذواتدن بالتشکیل
بوحالک اوکنی آلتی ایچون لازم کلن تدابیری اتخاذه باشلادیلر .



حریه ناظری مشیر غازی ادهم پاشا حضرتلری

Son Excellence Ghazi Edhem Pacha
Ministre de la guerre

قائمه ده حریه نظارتی در عهد ایدن مشیران عظامدن غازی ادم پاشا حضرتلرینک همت غیورانه وشجاعت عالم پسندانه سی ایله حال عصیانده بولنان عسا کر واهالی اقناع وعفو عمومی اعلان ایدلک صورتیله تأمین ایدیلرک طاغیدلش وعصیان واقعک همان اوکی آلوب عسا کر شاهانه قشله لرینه وهرکس یولرینه عودت ایتدیکندن استانبوله سکون وآسایش تقرر ایلمش ایکن حرکت اردوسی نامیله سالنیکدن کلن اتحاد اردوسی شهریمزه داخل اولدی .

شهره بلا مقاومت داخل اولان بوعصیان اردوسی عادتایوک براشقیاجته سندن بشقه برشی دکلدی .

چونکه روم ایلی ده عقیب انقلابده استیمان ایدن نقدر بلغار ، روم ، ارناؤود چتیلری وارایدسه انلرک همان کافه سی موجود اولدیغندن وسلانیکک دونه یهودیلری وبوکا مائل حشرانده اردویه دخالت ایلدیکندن بوکی اشخاص شیریه ایله مالی اولان وحرکت اردوسی دینیلان اتحاد وترقی اشقیاجته سی استانبوله دخول ایدر ایتمز یوله راست کلدکلری علما وصله های امتی قتل وشهید ایتمه وانواع مظالم واعتسافات وینما کرلک اجراسنه وقشله وقره غولرینه چکیلن ووظیفه لرینی ایفا ایدن عسا کر عثمانیه یی کویادشمنله محاربه ایدرجه سنه قشله لرینی طوبلرله آبلوقه ایدرک قشله لری طوبه طومق وبوصورتله درونلنده بولنان یکریمی اوتوزبیک نفری خاک هلاکه سرمک کی جنایات ارتکاب ایتدیلر .

« خروج علی السلطان » دیمک اولان وبوحاله جرأت ایدن ومحمود شوکت پاشا ایله فریق حسین حسنی پاشا قومانداسنده بولنان بواشقیای شیریه اردوسنک قوماندانلرندن تقرینه وارنجه یه قدر عسکری جزا قانوننامه هایونی مواد معلومه سی موجبنجه اعدام ایدلمری وجمعیت اثیمه یه خلوص وعبودیت ایچون بوجانیلری آقیشلایان اللریده مجازاة شرعیه وقانونیه یه تودیع وتسليم ایتمک لازم کلیرکن بوحشرات واسطه سیله خلیفه روی زمین وبادشاه اسلامیان اولان سلطان عبد الحمید خان ثانی حضرتلرینی خلع ایتدیرملری عقلای امت ووکلای ملت واعیان حکومت ایچون الی الابد باعث مؤاخذه احوالندیر .

بوصورتله استانبوله داخل اولان بواردو مرتب ومقرر اولدیغی اوزره درحال اداره عرفیه اعلان ایتمش وبرنجی ، ایکنجی دیوان حرب عرفی ناملرنده برر محکمه عسکریه تأسیس وتشکیل ایدرک وکلای سابقه وعسکری ، ملکی مامورین

سائر ایلہ سرای ہمایون ارکانی و کندی منافع شخصیتہ لرینہ قارشی حرکتہ قیام
ایده ییلمسی متصور اولان ادبا و محررین عثمانیہ ایلہ ار باب اقتدار و نفوذدن برچو غنی
اعصار سابقہ دہدہ یکچریلرک اجرا ایلدکلری طوت وقاپ اصولنجہ راست
کلدکلری برلرہ دردست و حربیہ نظارتندہ بکراغا بلوکی دینمکلہ معروف حبسخانہ بہ
القا ایلملرلدیر .



حرکت اردوسی نامیلہ سلانیکدن استانبولہ کلن اتحاد وترقی
اچتہ سنک محمود شوکت پاشادن اولکی قوماندانی
فریق حسین حسنی پاشا

Hussein Husni Pacha, Chef de l'armée d'opération

دردست و حبس ایلدکلری اشخاص کوندن کونہ تکثر ایلدیکندن و مذکور
بکراغا بلوکی نام حبسخانہ بونلری استیعابہ کفایت ایدہ مدیکندن اوست قاتندہ کی
برنجی فرقہ عسکریہ و مرکز قوماندانلغی دائرہ سیلہ اطفائیہ و ناشانجی طابورلری
افرادینک اقامتنہ مخصوص قشله لر دخی مظلومین ملت ایچون برر زندان حالہ
قونلقلری حالہ بونلرہ موقوفین و محبوسین موجودہ نی استیعاب ایدہ مامش

و مؤخرأً ارکان حریهٔ عمومیہ دائرہ سی اتحاد اولونان حربیہ نظارتی قارشوسندہ کی چفتہ سرایلری بیلہ حبسخانہ حالتہ افراغ و حربیہ نظارتی میدانندہ چادرلر رکزیلہ حبسخانہ اتحاد ایتمشدردر .

بومنوال اوزره توقیف وحبس اولونان ذوات کرام و افراد سائرہ ملت آج و صوسر براقدقلری کبی عقل و خیالہ کله میان بیک درلواذیت واشکنجه لردہ حقارندہ روا کورلدی .

حتی جمعیت اتحادیہ نک اورزیل و مسخرہ مؤسسین و رؤسای و قهرمان و بانی مشروطیت دیدکلی انور و نیازیلرله سائر فدائی جانیلری طرفندن موقوفین و محبوسین مظلومدن بعضلری کوندوز و کجه و غیر معین وقت و ساعتده بورزیل و وجدانملرک بولندقلری حربیہ دائرہ سندہ کی اوطه لره بالجب انواع حقارت و تعرضه دوجار اولدیغندن بواثره درجندن حیا ایدیلن الفاظ شنعه و کریمه ایلہ عزت نفسی و ملتیه ترزیل ایتدیلر .

بوالحاق رزیلرک تشکیل ایدکلی دیوان حر بلردن برنجی دیوان حرب هیئی میاننده یاشلی باشلی ارکان و امرای عسکریده دن وارباب ناموس و وجداندن برقاج ذات بولندیغندن مذکور دیوان حرب بومثللو معایر قانون حالاته محاسرتلرندن طولانی شایان مؤاخذه اولان بورزیل و خائنلری تقبیح و بوحالاتک منع تکرری ضمننده لازم کان تدابیری اتحاد ایتمش ایسه ده طوچی حسن رضا پاشا دینیلن ایکنجی دیوان حرب رئیسک تحت ریاستنده کی دیوان حرب هیئی اتحاد و ترقینک فدائی جانیلریله یکریمی ، یکریمی بش یاشلرنده کنج ضابطاندن مرکب اولدیغندن بودیوان حرب هیئی اجرا ایدیلن بوکی معامله غیر قانونیه نی منع ایلمک شویله طورسون اتحاد و ترقی جمعیتک بنده خاص و اصدقلری اولدیغنی اراثه ایتمک ایچون برجوق فضایح ارتکاب و اجرا سندن چکنمکدن بشقه قانوناً برایکی سنه حبس جزاسنه محکوم اولسی لازم کان و یا برجزایه مستحق اولیان مظلومین ملتی اعدام جزاسیله محکوم ایدهرک مملکتملرک عصرلرجه یتشدیره میه جکی اولاد و طندن یوزلرجه سنی آیا صوفیه و بایزید میدانلرنده صلباً اعدام ایتدیره رک جمعیتہ قارشی اثبات صداقت و ابراز خدمت ایتمشدر .

جمعیتہ قارشی ابراز صداقت و خدمت ایدن بوایکنجی دیوان حرب عرفی رئیس و هیئی بوکی غیر مشروع و غیر قانونی حرکاته جراثندن طولانی تاریخ عثمانی

لکه دار ابتدکاری کبی دنیوی، اخروی مجازاة الهیه دن بقا ربی قورتارمیه جقدر .
برطرفدن ملت مظلومه نك توقیف وجبسیله اوغراشان جمعیت اتحادیه دیکر
طرفدن سلطان عبد الحمید خان حضرتلرینك خلعی ایچون ایجاب ایدن تدابیری
انخاذا ابتدیکی کبی حرکت اردوسنك درسعاده دخولی ایچونده سعید پاشانك
ریاستی التنده طو پلایه بیلدیکی اعیان ومبعوثانی آیاستفانوسده کبیاط قلوبنده اجتماع
ابتدیرمش وحرکت اردوسنك استانبوله دخولنه قرار ویردیرمشدر .

حرکت اردوسی استانبوله دخول ایله قشله لرده کی افراد غضنفر نهادی خاك
هلاکه سردکدن صوکره مرتب ومقرر اولدیغی اوزره بیلدیرسرای همایونی
جوارنده آرامساز عرب وآرناؤود طابورلریله اناطولی افراد بسالت نهادندن مرکب
دیگر طابورلری برر صورت و بهانه ایله تبدیل ایدوب یرلرینه مذکور حرکت
اردوسنه منسوب طابورلره سالانیکدن کتیردکاری ژاندارمهرلی اقامه ایله سرای
همایون محافظه لغنی ده اله آلدیغندن آرتق خاقان مرحومدن قورقاجق برشی
قالمامشدر .

اعیان ومبعوثانی اقتناع ایچون جمعیتك ترتیب ومحمود شوکت پاشانك کشیده
ابتدیکی یدلز سراینك عوارضدن تجرید ایدلیکنه دائر اولان برتلغرافی اوزرینه
اعیان ومبعوثانی دائرة مبعوثانده اجتماع ابتدیرمش واورایه جلب ودعوت ایدیلن
فتوی امینی صدور عظامدن وصلحای علمادن سماحتلو نوری افندی حضرتلرینك
انطالیه مبعوثی المالی حمدی افندیك قارالامش اولدیغی فتوی مسوده سی مندرجاتی
مخالف شرع شریف اولدیغندن عدم تصدیق واصرار واقع اوزرینه ده بکا ایدرهك
سوزنده نبات ایتمسى جهتیه حسین حلمی پاشانك صدارته تعیننده شیخ الاسلام
جمال الدین افندی حضرتلرینك استعفاده اصرارینه بناء مقام مشیخته کتیریلن
روم ایلی قاضی عسکری ضیاء الدین افندی وقوع بولان جبر واکراه اوزرینه مسوده
مذکوره بی فتوی شکنه افراغ ایله امضایه مجبور اولمغله خلعه قرار ویرمشدر .

مذکور اردونك استانبوله دخولندن برقاچ کون صوکره خلاف شرع شریف
اوله رق بالاده بیان اولونان قرار موجبجه سلطان عبد الحمید خان ثانی حضرتلرینی
« ۷ ربیع الآخر ۱۳۲۷ » سنه هجریه و « ۱۴ نیسان ۱۳۲۵ » سنه رومیه سنه
مصادف صالی کونی خلغ ومقام خلافت وسلطنته خاقان مشان الیهك برادر
والا کهرلری ولی عهد سلطنت محمد رشاد افندی حضرتلری عین کونده اجلاس

واقعات وخاقان سابق حضرتلرینی مع عائلہ سلائیکنده اقامت ایتمک اوزره اورابه
سوق واعزام ایلدیلر .



سلطان محمد رشاد خان خامس حضرتلری

Sultan Mohamed Rechad Khan V.

تخت عالی بخت عثمانییه سلطان محمد خان خامس عنوان جلیلی ایله جلوسلری
اجرا قلنایان سلطان محمد رشاد خان حضرتلری ملک خصمت برپادشاه عالیجه
ایدیسه لده تخته قعودلری صالی کوننه مصادف اولدیغنه وقرون سابقده صالی
ایسه اجرام سماویه عابدلری عنندنه مشوم عد اولنور برکون اولدیغندن بوشامت
زمانزه قدرده انتقال ایلدیکنه بناءً برچوق اَلم تصادفلر واقع اولغله یوم مذکورک
بزرجهده شامتی قبول ایدنلر واردر .

صالی کوننک شامتی محرر عاجزده قبول ایدنلردن اولدیغ جهتله سلطان مشار
ایسه حضرتلرینک صالی کونی جلوسلرینک وقوعی هم مملکت وهم نفس هایون
ملوکانه لری ایچون خیرلی اولیه جغنی اوکون بعض رفقایه سویلدیکم وارد خاطر
عاجز یدر .

حقیقه صالی کونک بر یوم مشئوم اولسنی سلطان محمدخان خامس حضرتلرینک
بوکچن اون سنه لك زمان سلطنتلریده اثبات و شامتی تایید ایدیور .

بوملك خلصت پادشاه كلدیكى اوصالی کونندیری برادرلری خاقان سابق
حضرتلرینک و همندن طولانی اوتوز اوچ سنه چکلدکری عذاب آلمی اونودیره
جق برچوق عذاب وجدانیه و آلمه قارشوسنده بولمش واصل و نسللری بللی اولیان
برچوق اتحاد زور بالرینه مع التأسف آلت شر و اسیر اولمش و بوجاهل و حریرص
ورزیل مؤسسین و رؤسای جمعیتک تغلب و تجاوزندن نه کندیلرینی نهده مملکتی
قورتاره بيلمشدر .

خاقان مشار الیه حضرتلرینک دورسلطنتلری دولت عثمانیه تاریخنده سیلنمز
برسیاه لکه براقه جق و بوسلطنته یغما و اعدام و آتش و قان و انقسام دوری نامنی
و یردیره جکدر .

بومغدور و مظلوم و بدبخت سلطان محمدخان خامس حضرتلری ازمدت ایچنده
پك بيوك وقایع مدهشه و حادثات خیمه به صناید جمعیتک جبر و تضییق و تهدیدیه
ایسته میهرک آلت اولدیغندن شبهه سز فوق الغایه دلتون و متاثر اولمش و دولت
و مملکتک آتیا اوغرایه جفی فلاکتی درک و نفرسله محزون و مکدر اولهرق مایوسا
ترک دغدغه حیات ايلمشدر .

بویله غیر مشروع فتوی ایله خلع قرارینی و یردیرن جمعیت هر حال و کارده
دیانت اسلامیه بی برآلت مقامنده استعمال ایلدیکی حالدده خلیفه و پادشاه مسلمین
حقنده و یریلن بوقرارک « شریعت غرای محمدیه » به کلیاً مخالف و مغایر بولندیغنی
و قانون اساسینک اون برنجی ماده سنده دولت عثمانیه نك « دینی دین اسلامدر »
دیو محرر اولسنه کوره دیناً و شرعاً و یریلن بوقرارک تبلیغ و تطبیق و اجراسنده
اودین ایله متدین و علاقه دار اولیان برذاتک استخدای بالطبع غیر قانونی اولدیغنی
نصل اولوبده اونودیده بوقراری تبلیغه مأموراً یدرز سرای هایوننه کوندیریلن
هیئت میاننه « سیونیست » جمعیتک اتحاد و ترقی جمعیتی نزدنده مرخص عمومیس
بولونان و جمعیت اتحادیه نك سلانیک هیئت مؤسسینندن واحوال ماضیه سی
سلانیکده برمدتجک اقامت ایدنلرجه معلوم اولان سلانیک مبعوثی یهودی
مشهور قره صوی اذخال و اعزام ایتدی .

ایشته اتحادجیلر طرفندن تهییه و احضار ایدیلن و سلطان عبدالحمید خان

حضرتلریله طرفدارلرینه اسناد وعطف اولونان اوتوز برمارت حادثهسی صدر اعظم توفیق پاشا حضرتلریله قاینه سنک هممات مشکوره وطنپرورانه لریله تسکین ایدلدکدن و سلطان عبد الحمید خان ثانی حضرتلرینده غیر مشروع خلغ(*) و سلائیکه سوق واعزام ایتدکدن و حرکت اردوسی استانبوله کیردکدن و اداره عرفیه اعلان و دیوان حربلر تشکیل و بیکلرجه آدمی توقیف و حبس ایدلدکدن صوکرده رقوقرقلری قالمیان وصاقلاندقلری دلیکلدن چیقان اتحادجیلار و سابق قاینه اعضاسیینه حکومتی اله الملق سوداسنه دوشه رک مشروطیتک ایلک خلیفه و پادشاهی نامنی و یردکاری سلطان محمد خان خامس حضرتلری جلولسارینک ایلک کونلرنده مشروطیته مغایر و قانون اساسی حکمنه مخالف حرکتیه سوقه ایشلا یوب سلطان مشار الیه حضرتلرینک صدر اعظم توفیق پاشانک ابقاسی خصوصنده واقع اولان ابرام و اصرارلرینه رغماً مشار الیه حضرتلرینک عزلیله یینه ملعبه صبیان قاینهسی رئیس حسین حلمی پاشانک موقع صدارته کتیرلسنی آمرانه و تهدیدکارانه اصرار و طلب ایلله مقصدلرینی استحصال ایلدیلر .

*
* *

حسین حلمی پاشانک ایکنجی صدارتی — ایکنجی دفعه اوله رق مسند صدارتی احراز ایدن نغامتلو دولتلو حسین حلمی پاشا حضرتلری بوکرده قاینهسنی رؤسای اتحادک الک مهم ارکنندن تشکیل ایلدیکی و یدیز سرای هایوننک ینماسی و بیکلرجه مظلومینک قتل و اعدام و نفی ، تعزیری ، انواع مظالم و اعتسافات اجراسی و سلطان عبد الحمید خان ثانی حضرتلرینک باتقه لرده کی تقود موجوده سنک ضبطی و در سعادته یاقینار ایقاع و احداثی ، سائر کونا حادثات جنائیه و شقاوتکارانه ایقاعی بوقاینه زماننده واقع اولدیغندن حسین حلمی پاشانک بوجرأتکار و جنایتکار ایکنجی قاینه سنه دخی (جانیلر) قاینهسی نامی و یریه ییلور .

جانیلر قاینهسی نامی و یردیکمز شو اتحاد و ترقی جمعیتک باب عالی شعبه مرکزیهسی شرف افندی سواقی هیئت عمومیهسی رؤساسیمه برلشهرک یدیز سرای هایونی ینماسندن آلدقلری مجوهرات و سائر یی تاریخک یازمقدن حیا ایده جکی بر صورتده سرای هایونده بولونان قلعه لردن جبراً اخذ و غصب ایتدکری الماس و ذقیمت

(*) « خلیفه و پادشاه مسلمین فاجر و ظالم اولغله خلغ اولنه میوب مجنون اوانی و یاترک دین ایتک » لازم ایدوکنه نظراً بوخلغ فتواسی موافق شرع شریف اولمیدی اهانه معلومدر .

اشیائی گویا پدرلرندن موروث ایش کی ینلرنده توزیع و تقسیم ایتدکدن صوکره اهاالینک کوزینی بویامق قصدیلہ برقاچ پارچه مجوهرک اورو پایہ ارساللہ فروختی و بونلرک ائمانی اولان اوچ بوزکسور بیک لیرا قدر جزئی برمبلنی دوتما جمعیتی اغانہ سنہ ایراد قید ایتدیردکلرینی و بر مقدارینی ده خزینہ هماون ایلہ موزه خانہ به (*) تودیع ایتدکلرینی اوتانندن اعلان و بوکا ممائل احوال جنایتکاری به ده اجتسار ایتدکلری ارباب ذکا و احباب و قوف عنندنه معلوم و مسلمدر .

قاینه بویله یغما کرلک و حرکات جنائیه ایلہ مشغول اولدینی صرده حامیلری و یلہلم ثانی ایلہ ولی نعمتلری اولان جمعیات طرفندن کلن امرلر اوزرینه طرابلس غرب بازارلنی ایچون روما سفیری اولان حق پاشا به معاونت ایتک و صفت رسمیه سی اولان سفیرک کیرهمیه جکی یرلره کیروب حقیق و کورهمیه جکی آدملری کوروب قونشقم ایچون مؤتمن و کارآشنا بازرکانلر اعزای لازم کملکله بوکی دقایق احواله واقف و طرفینک مظهر اعتماد و امنیتتی حائز بازرکانلر سوق و اعزام ایدلمش و بالخاصه قره صو افندینک بوبابده کی همت و غیرت و طنپورانه (!) سیله ایش یولنه کیرمش اولدیغنه و مقام صدارته اقعادیلہ بومستلہ نی ختامه ایردیرمسی ایچون حق پاشانک ده موقع صدارته کتیرلمسی مقررات واقعه جمله سندن بولندیغنه بناء ارتق حسین حلمی پاشا قاینه سنک دویرلمسی تحت وجوبده اولدیغندن امثالی مثالو ترتیب ایدیلن بر استیضاح ایلہ مذکور جانیلر قاینه سی مجلس مبعوثانک عدم اعتمادینه مظهر اوله رق سقوط ایدی و یرمشیدی .

حق پاشانک صدارتی — مقام صدارت روما سفیری نخامتاو دولتاو حق پاشا حضر تارینه توجیه ایتدیرلمش و ذاتاً در سعادت و رودلرنده سرکه جی استاسیوننده جمعیت طرفندن کمال دبدبه و وطنطنه ایلہ استقبال ایدیلن بوذات صدارت آلاینده ده عین حرمت و محبت اتحادیه به نائل اولمش و صندالی صدارت ده شمدی به قدر چکدیککی بر عدل و احسان صدر اعظمی سنه لرحه طاشیوب ازلمکه محکوم اولمشدر .

ایشته عدل و احسان پولتیقه جیسی پاشامزده حسین حلمی پاشا قاینه سنده بولونان

(*) خزینہ مایونه کوندربان مجوهرات دیدکلری سلاطین عظام حضراننه عائد مرصع نشانلردر . موزه خانیه کوندردکلری اهمیت تاریخیه یی حائز اوروپا حکمداراننی طرفندن اهدا اولونان اچچه و بعض اوانی سیم و زردر .

ذوات محترمه نك بمضاريني ابتا وآنلردن دها محترم ذواتى قايننه سنه ادخال ايله
قايننه ني تشكىل ايدهر ك طرابلس غرب وبنغازى احسانى ايچون استحضارات
لازمه ده بولندى .



صنر اعظم حقى پاشا حضرتلرى

S. A. Hakki Pacha (Grand Vizir)

« عدل واحسان » قايننه سى بووجهله تشكىل ايدهر ك ايشه باشلامش ايسه ده
حقى پاشا حضرتلر بئك درسعاته ورونده سر كه جى استاسيوننده ييكلرجه خلق
طرفدن اجرا ايديلن مراسم استقباليه ده ايراد ايلديكى نطقنده بحث ايتديكى « عدل
واحسان » دن مملكتمز مستفيد اوله مامش و پاشاى مشار اليه ك عدل واحسانى
كلديكى شمندوفر آلهرق رومايه قدر كير و كوتورمش اولملى كه بو احسانلرينه ايتاليا نلر
نائل اولمشدر .

مملكتمزك حصه سنه ده بو قايننه نك يوم وروندن سقوطى كونه قدر باب على
حريق اسف انكيزى ، حوران عصيانى ، عن عصيانى ، استانبولده قورا ظهورى ،

ماليسور عصيانى ، وزنه جيلر حريق كبرى ، كريد مسئله سى ، ايتاليانك دوات
عثمانيه به اعلان حربى ، طرابلس غرب وبنغازينك ايتاليانلر طرفدن ضبطى ودها
بوكنى وقايع خيعة ومؤسفة نك حدودنى اصابت ايتمشدر .

حقى پاشانك قدومى مملكته خارجى ، داخلى هيچ سكون يوزى كوستراماش
وممالك عثمانيه يى براوغورسزلق بلوطى قاپلامشدر .

نه شرائطله موقع صدارته كلديكى يوقاريدده بيان اولونان حقى پاشا قاينه سنده
حرييه نظرى بولونان وفتح عنوانه (!) لايق اولان اتحاد وترقى اردوسى قوماندان
بسالتم (!) عنوانى محمود شوكت پاشايه اول امرده طرابلس غرب قطعه سنك
تخليه سنى توصيه ايلديكندن ناظر مشار اليه ايله اركان حربيه عموميه دائره سى
(بو دائره بعد الانقلاب اتحاد وترقى رؤسا واعضاسى الندد قالمش ومذكور دائره
ماهورينى اردولر بمزك بوحاله كلمسهنه واتحادك آمانته خدمت وباردم ايتمشدر) درحال
طرابلس غرب وبنغازينك تخليه سى ايچون لازم كان تدابيرك اجراسنه مباشرت
ايلمشدر .

شويله كه اولاً تخليه به مانع اوله جق اولان طرابلس غرب والى وقوماندانلغنده
بولونان مشير فلاتون تدبير دوللو ابراهيم پاشا حضرتلرينى عزل ودرسهاده بحلب
ايتمش ويرلرينه كيمسه تعيين اولميه رق وطرابلسه درحال اعزام ايلمديكندن
ولايت وقوماندانلق مقاملى بوش بر اقلمشدر .

ثانياً يمتنه سوق ايتك بهانه سيله اوراده كى قوه عسكريه يى قالديرديلر .
اوواسع قطعه ده موجود عسكرك مقدارينى ايكي ، اوچ ييك راده سنه تنزيل
ايتديلر .

طوب وتفنگ وسائر لوازم عسكريه يى برر بهانه ايله آلديرديلر .
دور سلطان عبد الحميد خانمده دائمى صورتده اون بش ويكرمى ييك راده سنده
بولونان طرابلس غرب وبنغازى فرقه عسكريه سنه ظهور اولمق ايچون تشكيل
اولونان قول اوغلى اوچاقلرينى طاعتديلر .

طرابلس غرب فرقه سنده بولونان اونوزيدنجى ، اونوز سكرنجى سوارى
آلايلرنندن برينى ده آلديلر .

براقدرارى برآلاى سوارينك موجودينى بك دون برمرتبه يه ايندريديلر .
قول اوغلى عساكر مليه سنك تسليحي ايچون حين تشككنده كوندريلن قرق الى

یکمی متجاوز مارتین و شنایدر تفنکرینی ده یکی سیستمه تبدیل و تحویل ایتک وسیله سیله در علیه یه جلب ایله یرینه سلاح کوندرمدیلر .

طرابلس غربده و تقاط سائرسنده محتاج تعمیر اولان استحکاماتی تعمیر و نقصان اولان طوبارینی اکیاله ییله لزوم کورمدیلر .

ابتدای انقلابدنبیری طرابلس غرب اهلایسنگ اجراسنی ارزو و طلب ایلدکری اخذ عسکر معامله سنی یامعدیلر .

بونو یامامقله اسنانه داخل اون بش و یکریمی یک افراد غائب ایتدیلر .

والحاصل قوه نظامیه دن و هر درلو وسائط مدافعه دن تجرید ایدیلن بوقطعه واسعه دشمنک تسلط و هجومه معروض برحاله وضع اولنه رق ایتالیا نك باز یجه احترازی اولغه محکوم ایدلدی .

حتی پاشا قاینه سی دولت علیه عثمانیه نك آفریقا قطعه سند یکانه مالک اولدیغی طرابلس غرب ایله بنغازی نی بویله جه هر درلو مدافعه دن عاجز ، عسکر سز ، طوپسز ، تفنکسز ، والیسز ، قوماندانسز ، ذخیره سز ، یاره سز براقه رق شرائط مقررینی ایفا و وظیفه سنی اکیال ایتمشدر .

بالطبع بوندن خبردار اولان ایتالیا حکومتی اردو و دوتناسنی احضار و سوقیانه ابتداره مهیا برحاله قویدییغی حالده هیچ برشی بوقمش کبی داورانمقده و باب عالی یه قارشی دوستانه حرکتنده دوام ایتمکده ایدی .

ایتالیا نك بویولده حرکاته باشلادیغنی احساس ایدن عثمانی مطبوعاتی طرابلس غرب مدافعه سنک علی العجله استیجال ایدلمسی لزومنی حکومتیه توصیه یوللو بعض مقاله لر یازمشرسه ده ذاتاً باب عالیجه معلوم اولان بوحرکتدن طولانی برشی یاییلمق لازم کلمدیکندن حتی پاشا قاینه سی سرین قانلیقله جریان احوالی سیر ایدیور و غزنه لک بومقاله لرینه هیچ اهمیت و یرمیوردی .

حتی پاشا قاینه سی رخاوت و مسکننت و سرسملکننده دوامده بولنسور استحضاراتنی اکیال ایدن واردوسنی کیلره ارکاب ایلین و دوتناسنی آق دکرده جولانه باشلانان ایتالیا حکومتی درسعادت سفیرینه ناکهانی « ۲۳ ایلول ۱۹۱۱ » تاریخیه باب عالی یه و یردیردیک برتقر یرده « شوصره ده طرابلس غربده ایتالیا نلر علیه تحریکات موجود » اولدیغی ادعاسنی اوکه سورهرک « اورابه مهمات و عسکرطولی واپورلرک سوقی غلیان تعصبی موجب اوله جفی و بوده اوراده کی

ایتالیان تبعه سنی تهلکه به دوشوره چکی جهتله بویله شیلردن صرف نظر ایدله سنی «
اکلاته رق ایشه باشلا دیغنی ایما ایدیور.»

بوندن الی کون صوکرده ویردیکی اولتیا تومله «طرابلس غربک ترکیا طرفندن
سنه لردنبری اعمار ایدیله مدیکندن وایتالیانک اورایه نفوذ وحلولنه ممانعت
ایدلدیکندن» بحثله «ایتالیا حکومتیجه وظائف متمدینه و عمران پرورانه ایفا
اولتیق اوزره قطعاً مذکورهنک درحال عسا کر عثمانیه دن تخلیه سی ویکرمی درت
ساعت ظرفنده جواب قطعی اعطاسی لزومی» بیلدرلسی اوزرینه صورت
ظاهرده باب عالیجه برتلاش کوستریله رک حق پاشا اوکیجه مجلس وکلای کیجه
یارلیرینه قدر سرای همایونده عقد ایتدیرمش «غایت ملایمانه و متدلانه» دها
طوغریسی «هراستدیکنه آماده یز سویله یک بازارلقه کیریشه لم» طرزنده برنوطه
حاضرله یه رق ویرمشرسه ده بونوطه نک مدت تبلیغی اولان ییکرمی درت ساعت
ختم بوله دن برقاج ساعت اول ایتالیا سفارتخانه سی طرفندن ویریلن «۲۹ ایلول
۱۹۱۱» تاریخی نوطه ایله ایتالیا حکومتی دولت علیه عثمانیه یه اعلان حرب
ایدی. (۱۶ ایلول ۱۳۲۷)

ایتالیانک طرابلس غربک تخلیه سینه کندیسنه تسلیمی ویکرمی درت ساعت
ظرفنده جواب اعطاسی لزومنه دائر ویردیکی نوطه اوزرینه باب عالی دن طرابلس
غربه کشیده اولونان برتلغرافنامه ایله «شاید ایتالیا نلر تجاوز ایدرسه دشمنه برهانه
ویرلامش اولتیق اوزره مقابله ایدلیه رک شهرک موقتاً تخلیه سی» امر اولتمش ایدی.
غریبدرکه اوصره ده «حق پاشا وقاینه سنک بوبابده کوستردیکی رخاوت
و بطانت مملکته خیانت واهانندن دکدر. بلکه اولجه روماده بولونان وایتالیانک
احوال پوتیقیه سنه واقف اولان صدر اعظم حق پاشا حضرتلرینک نامدار
دیپلوماتلردن اولدیغی جهتله بومسئله مهمه یی ده «بوکر او یونی ماصه سنده» غایت
مصلحانه و ملایمانه برچاره حل و تسویه یه ربط ایده جکلدر. ایتالیا نک
طرابلس غرب وبنغازی یه چیقاردیغی عسکرینی کلدیکی کبی کیر و کوتورنمکه موفق
اولور. بناء علیه موجب اندیشه وتلاش برشتی بوقدر» طرزنده واهی سوزرله
مشغول جمعیت اتحادیه نک وحق پاشانک بندکان و مداحلری ییله مع التأسف
کورلمش ایدی.

ایشته قاینه و جمعیت بومسئله یی امثالی مثلاً و کچشدیرمک ایسته مش ایسه ده کوندن

گونه کسب شدت ایدن هیجان و غلیانك اوکی قولای قولای آلنه میه جغنی حس ایدرهك شارلانا نقله کوز بویاجیلغنه قیام ایتمش و جمعیت اتحادیه « ایتالیا نلر ابدیا دشمنمزد » سرنامه سنی غزته لرینه قویدیرمش و قهرمان و فدائیلرینی برر برر طرابلس غرب جهتنه سوق و اعزام ایله کویا مدافعهیه تشبث ایدوب قاصه لرینی طولدیرمق چاره سنه توسل ایلمشدر .

بو وجهله ملته قارشى اثبات حمیت و ابراز صداقتله جمعیتلرینك و کندیلرینك بقا و آمال خسیسه لرینك دواى ایچون حقى پاشایی فدا ایتمك و مجلس مبعوثانی میعادندن برآی اول کشاد ایله قاینهیی دوشورهك آرتق غلیان و هیجاناره برنهایت ویرمك و افکار عمومیهك کندی علیهلرینه دونامسی ایچون تسکین هیجانہ چالشمغه جمعیت قرار ویردی .

مجلس مبعوثانی میعادندن برآی اول « تشرین اول ۱۳۲۷ » ابتداسنده کشاد ایتدیردی .

مجلس مبعوثانك کشاد و اجتماعنده مبعوثان میاننده اتحاد و ترقی فرقهسی مبعوثانلرندن ده حقى پاشا قاینهسی علیهنده بولونانلر کورلدیکندن قاینهك سقوطی تحقیق ایتدی .

مجلس مبعوثانده واقع اولان هیجان و کور و لتیلر آره سنده حقى پاشا قاینهسی یو وارلانهرق عدل و احسانیه برابر سقوط ایتدی .

سقوط ایدن بوقاینهك یرینه کله جك قاینهك ریاستنده بولنه حق ذات ملتجه معروف و امور سیاسیه واقف بریسی اولدینی صورتده بوذاتك احوال سیاسیه وقوفندن امیدوار اوله حق اولان ملتك برمدت ده او یالنه رق وقت قزانیه جغنی جمعیتجه تأمل اولندیغندن (بوقلمون) کبی رنکدن رنکه کیرن و جبانیت و ملعتی، ساخته کارلق و شیطنتی سایه سنده کورنمایان و سلطان عبدالحمیدخان ثانی حضرتلرینك زمان سلطنتلرنده سکر دفعه مقام جلیل صدارتی احراز ایتسمیه مشهر اولان صدر اسبق اهتلو دولتلو سعید پاشا حضرتلرینك صدارته تعینی قرارلشدیرلش و ذاتا آماده اقبال اولان سعید پاشاده جمعیتك بوقرار و تسکیننه روی موافقت کوسوهرهك طقوزنجی دفعه اوله رق موقع صدارته اقعاد اولمشدر .

مسند صدارتی احراز ایدن سعیدپاشا حضرتلری طرابلس غرب مبعوثلری طرفندن ویریلن تقریرله دیوان عالییه سوقلری طلب اولونان حقى پاشا قاینهسی

ارکانندن اکثرینی داخل ایده رک بقاینه تشکیل ایتدی .

سعید پاشا حضرتلری بو تشکیل ایلمدیکي قاینه ایله مبعوثان حضورنده عرض اندام ایدنجه مجلس مبعوثانده عدم قبول آثاری واقع وهیجانلی مذاکره لر حاصل اولدینندن خفی برچلسه ده هیجانلی مذاکره لر « برایکی آی صوکره تدریجاً ارکان مشار الیه دکیشدیریه چکدر » وعدیه هیجانه نهایت ویرمه موفق اولدیلر .



صدر اعظم سعید پاشا حضرتلری

Son Altesse Saïd Pacha (Grand Vezir)

صدر مشار الیه وهمپاسی اولان رؤسای معلومه جمعیت ، بو مسئله ده دخی رول چویرمکدن خالی قالمیوب یالکیز قاینه اعضاسنک دکیشمسی وعدیه قاینه به اعتماد ایلمیه چکنی بیلدکلرندن هر مسئله ده اولدینگی کبی بونده ده « مخالفلر کامل پاشا دخی برابر اولدینگی حالد یکی بر فرقه یاپیورلر وبوطراباس غرب مسئله سنی ایلری سورده رک مملکتنده طرفدارلرینی تکشیر ایدیورلر . اکر سز بقاینه به اعتماد ایتمز وقاینه شکل ایلیه مزسسه مملکتده برعصیان ظهوری ملحوظدر .

بونك اوكنى آلىق و حكومتى مخالفانلار انده كورمامك ايچون بوقاينه يه اعتماد ايديكنز »
طرزنده برطاقم اراجيف ايله مبعوثلرني اسكات وسعيد پاشا قاينه سنه بيان امن
واعتماد ايتديردلر .

« استقلال وار ، بكا كيمسه مداخله ايدهمز ! » ديين سعيد پاشا حضرتلري
اكثريت فرقهسى دينيلان اتحاد وترقى اعضالرينك آمالنى تروييج ايتدكدن بشقه
طلعتلر ، جاويدلر ، محمود شوكتلر ، اللرنده برآات شر اولقندن غيرى هيچ برائر
استقلال كوستره مامشدر .



سعيد پاشانك صدارتى — ايسته بروجه مشروح طقوزنجى دفعه اوله رق
مسند صدارتى احراز شرفنه مظهر اولان بو اختيار سياسى سعيد پاشا حضرتلري
بالاده ايضاح ابدلديكي اوزره صدارتى قبول وقاينه سنى ده تشكيل ايدهرك قاينه
بياننامه سنى قرائت وامن واعتماد طليله حضور مبعوثانه آتلى .

هيئت جديده و كلايه ترتيب ابدن وظائفك مشكلاتندن باشلايه رق وطنلرينه
مر بوطيتمده فدا كار اولان رجال حكومت ايچون وظيفه حكومتى درعهده ايلمكندن
قاچنامق لابد اولديغندن وبوندن طولاي هيئت وكلايه اشتراك ايله هيئات مبعوثان
حضورنده ابراز وجود ايلديكندن باحث اولدقجه اوزون وداخلى وخارجى برچوق
سفسطه ايله مالى بياننامه سنى قرائت ايدهرك طلب اعتماد ايتمش اولان سعيد پاشا
قاينه سنه مبعوثانجه بيان امن واعتماد ابدلى .

مع التأسف بوقاينه يه اعتماد ايدن مبعوثان بواعتمادى صرف سعيد پاشانى رقيبى
عدايديلن وخاف وضعيتنده بولونان صدر اسبق اهتلو دولتو كامل پاشا حضرتلرينه
قارشو محافظه ايتك ومخالفلارك ديدكاريني يامش اولماق غيرتيله ويرمش ايدى .
مهام امور دولتى الله الان سعيد پاشا حضرتلري كيجه يارلرينه قدر باب عالى ده
قاله رق (دوستلر آليش ويريش ده كورسونلر) خواسنجه جمعيت مؤسسين
ورؤسايله ملاقات وانلر طرفندن عقلى ، كفى ويريلن قرارلري تنفيذ واجرايه
مبادرت ايتدى .

بوقاينه موقع اقتداره كلدكدن بش ، اون كون صوكره ايتاليا حكومتى طراباس
غرب وبنغازينك تماما وصورت مطلقه ده ايتاليا قراليتى تحت حاكيمته وضعنه
دائر اولان ۵ تشرين ثانى ۱۹۱۱ (۲۳ تشرين اول ۱۳۲۷) تاريخلى امرنامه قراليدن

بمحلله طرابلس غرب وبنغازی بی ایتالیا به الحاق ایتدیکنی نشر ایدیوردی .
 بویاننامه ایله ایتالیا به الحاق ایدیلن بوقطعه بی کویا ایتالیا به ویرمماک بهانه
 سیله میدان مجاهده به آیلن اتحاد و ترقی اشقیا و اشراسی برمدت خزینه جلیله مالیه
 بی بو سیله ایله ده مأ کل اتخاذ و بیچاره ملتهک ملیونلرجه التوننی صرف واستملاک
 ایتدکلی کی بیکارجه عربان و افراد ملته تأمین منفعتلی ایچون شراب شهادتی
 ایچرمشدر .

بزه طرابلسک لزومی یوق دین بوحشراته بزه شمدی سؤال ایدرزکه ؟ عجبانه
 ایچون بوقدر اولاد وطنک قانی هدر وملتک ملیونلرجه لیراسنی صرف ایتدیلر !! .
 جمعیت اتحادیه رؤساسنک کرک طرابلس غرب ایشنده وکرک سائر خصوصانده
 چویردکلی دولاب مفسد تکارانه لرندن خبردار اولان مبعوثین مخالفین ایله
 مؤسسن و رؤسای اتحادیه دن بعضیلرله ذوات سائر حوصله حمیت و وجدانیه
 لرینه صیغیمان بومسائل مهمه فوق العاده ایله مؤخرأ ظهوری محقق و ملحوظ
 اولان دیگر وقایع فحیمه نک اوکنه برسد هائل اوله بیلیمک امنیه سیله بالاتحاد
 میرالای صادق بک افندی حضرتلرینک ریاستلی التنده « ائتلاف و حریت »
 فرقه سی نامیلر بفرقه تشکیل ایله میدان چیقدی .

جمعیت وقاینه منتظم برپر و غرامله ده ائتلافجو ، ائتلاف عناصره ده میال ،
 توسیع مأذونیت اصوله ده محب کورین بفرقه نک ظهورندن طولانی پک زیاده
 تلاش دوشدی .

یکی فرقه مبعوثانده موجود (اهالی) و (معتدل حریت پروران) فرقه لرله
 آرنأود ، روم ، بلغار مبعوثلر بی ده برآربه طویلادیغندن مجلسده التمش ، یتش
 قدر اعضادن مرکب برکتله مخالفه وجوده کتیردی .

مجلسده بوقدر اعضایه مالک اولان بفرقه مملکتک هر طرفنده شعبه لرشادینه
 و اعضا لر قیدینه باشلادی .

قارشوسنده برخالف کورمک ایسته مین اتحاد و ترقی جمعیتی بونو ظهور فرقه نک
 ازاله وجودینه حصر غیرته باشلامشدر .

بویله کندیسندن تولدایدن واسرار جمعیه اولدقجه واقف اولان و اعضا و افرادیه
 بریکون عظیم حاصل ایلین بفرقه نک تخویف و تهدید و قتل و ائتلاف کی افعال
 جنائیه ایله اورته دن قالدیرلسی ممکن اوله میه جعنی بیان اتحاد و ترقی فرقه سی

اللرنده سلاح مقامنده استعمال ايتدكلى مجلس مبعوثانى در عقب فسخ ايتديره رك بوفرقة نك ازاله وجودينه قرار ويرمش وصدر اعظم سعيد پاشا حضرتلرينى ده بوقراره موافقت ايتديرمش اولديغندن قاينه بوسلاحى استعمالك لزومنى تقدير ايتدى .

قاينه بوصوك سلاحى استعمال ايتمك ايچون اورته به برشى آتقى لازم ايدوكندن اولجه قره سى مبعوثى فضيلتلى عبد العزيز جدى افدينك رياستى تحتنده تشكىل ايدن « حزب جديد » لك مواد عشره سندن برىسى اولان « مجلسى فسخ حقنك بادشاهه ويرلسى وتوازن قوايه رعايت اولمىسى » مسئله سنى ميدانه قويدى . حزب جديدك ابرام واصرارى اوزرينه كرها قبول ايتدكلى بوكى موادك تعديلنه دوندن راضى اولان اتحاد وترقى فرقه سى ، سعيد پاشا قاينه سنك قانون اساسى معدلك اوتوز بشىجى ماده سنك تعديلنى بتكرار طلبى حاوى ومستعجلت بيايله مبعوثانه مراجعتنى كمال ممنونيتله قبول ودرحال ماده معدله لايحه سنى انجمنه حواله ايتدى .

بوانجمنك رئيسى منتشا مبعوثى وحقى پاشا قاينه سنك داخله ناظرى اولان خليل بك ومضبوطه محررى ده اولجه سربست برقانون اساسى به طرفدار كوروش اولان بغداد مبعوثى بابان زاده اسماعيل حقى بك ايدى .

سعيد پاشا قاينه سى بوماده نك تعديل وحقوق بادشاهينك توسيعى ايله قوه اجرائيه وقوه تشريعيه بيننده توازن حصولنى طلب ايتمى اللرنده كمال تأسفله سويليه لم كه بر آلت اولقندن بشقه حق حكمرانى سنى استعمال ايده ميان سلطان محمد خان خامس حضرتلرينه ارزو ايتدكلى زمان مبعوثانى فسخ ايتديره بيلمك ايچون بر سلاح بولمىسى ايسته مكدن بشقه برشى دكلدر .

بوماده نك بردن به ميدانه چيقارلسى مبعوثانك فسخى احتمالى كوستومش اولديغندن « ائتلاف وحریت » فرقه سنك مخالف مبعوثلرينى دوشونديردى . لايحه مذكوره انجمندن چيقارق مجلسه كنجيه قدر اتحاد فرقه سى مخالفلى اوياله مق ايسته ديكندن بونرله ائتلاف ايچون مذاكره به كيرشمك ارزو سنى اظهار ايدوبونجه مستقل مبعوثانك دلاتيله هر ايكى فرقه نك مرخصلى مذاكره به كيريشديلر .

مخالفانك طلب وائتلاف ايتمك ايسته دكلى مواددن باشلوجهرلى بونلدر .

قائمه نك اكثریت و مخالفه فرقه لری منسوبیندن، یا خودی طرف ذواتدن تشکیلی، اداره عرفیه نك رفعی، مأمورینك جمعیتله داخل اوله ماملری اوتوز بشنجی ماده نك تأخیر تعدیلی، کامل پاشانك صدارته کتیرلسی وسائر در.

بو مذاکرات دیدیکمزکی وقت قازانق ایچون ترتیب ایدیلن اتحاد و ترقی او یونی جمله سندن اولدیغندن بالطبع او یوشق قابل اوله مامش و ایش سورونجه یه دوشمش و بومدت ظرفنده اوتوز بشنجی ماده انجمندن چیقارق مجلسه کلمش ایدی. بو جریان ایدن مدت مذاکره ذاتاً جمعیتك ائتلافه یناشق ایسته مدیکی اکلانشدیغندن اتحاد و ترقی فرقه سی لایحه نك مجلسه کلمسندن بالاستفاده مجلسك فسخی ایسته دیکنی علناً سویلمکه باشلامشدر.

بونك اوزرینه مخالف مبعوثلر ماده نك یوم مذاکره سنده مجلسده بولنامغه قرار ویردیلر و بولمیدیلر.

مخالفلرک بولنامسندن مجلسده «انسداد مذاکره» حصوله کلمش و قانون اساسی تعدیلی ایچون ایجاب ایدن ثلثان اکثریت دکل اکثریت عادیه بیله حاصل اوله. مامش اولدیغندن قاینه ایله مبعوثان آره سنده اختلاف ظهور ایتمشدر.

فقط اوتوز بشنجی ماده معدله ده «اختلافک بلذاکره و مکرراً حاصل اوله جنی» محرر اولدیغنه نظراً قانون اساسی مؤداسیجه اختلاف اولیان بو حالی سعید پاشا قاینه سی اختلاف عدایتدی.

بو صروده مجلس مبعوثانده مخالف و موافق مبعوثلر او یله بر شمتاه اختلاف قوپاریورلر و عاداتا بر برلری علیهنده شتوم و تحقیرانده بولنیورلری.

دولتک طرابلس غرب محاربه سی و برچوق غوائل داخلیه و خارجیه ایله مشغول بولندیغی بویله برزمانده مخالفلری دوشورمک و اللرندن حکومتی براتییه رق عدم اداره لری سببیه دهاییوک تهلمکه لره مملکتی سوروکمک و بویله دغدغه لر احداث ایتمک و فسخ مبعوثان کی تهلمکه لی و شدید حرکتله جرأتله اده بولونان قانونی کیف و منفعتلرینه تطبیقه اوغراشمق اصلاً و قطعاً جائز دکلدی.

ذاتاً منفعت شخصیهدن بشقه برارزو و دوشونجه لری اولیان اتحاد و ترقی جمعیتی اعضای محترمه سندن بوندن غیری دولت و مملکت نه بکلیه بیلیردی.

مجلسك ایلك دردنجی دوره اجتماعیه سنك ختامنه برقاچ آی قالمش ایدی. مخالف فرقه ایله حسن صورتله ائتلاف ایدهرک او یله نازک برزمانده غوائل

احداثدن اجتناب ایتمک و حکومتی دها اهل و مقتدر لرینه ترك ايله چكلمك حسن نیت اصحابی ایچون موجب فخر و سرور اولدیغی حالدله ملت و مملکتی سودیکنی اعلاندن کیر و طور میان اتحاد و ترقی جمعیتی نهدن بوجهتی نظر تأمله آلهرق سلامت مملکتی کوزتمدی ؟

هر نه ایسه سعید پاشا حضرتلری قانون اساسینک معدل اوتوز بشنجی ماده سنه کوره « اختلاف » صایله میان — چونکه قانونده مذکور « مذاکره » و « توالی » اختلاف « یوق ایدی — انسداد مذاکره بی اختلاف عد ایدوب استعفا سنی و یردی .

شمدی دیگر بر هیئت وکلانک تشکیلیله مجلسه کلمسی وشو حال اسف انکیزه بر چاره بولسی و دوام ایدن کورولتیره نهایت و یرمسی امیدی هر کسده اویانمش ایکن قانون اساسینک اوتوز بشنجی ماده سنده « یکی کلن هیئت وکلا اسکی هیئت وکلانک فکر و طلبنده اصرار ایدرسه و مجلس مبعوثان بونی قبول ایتمزسه او حالده مجلس مبعوثانک موافقت اعیان ايله طرف حضرت پادشاهیدن فسخ » اولنه بیله جکی کوسترلیدیکنه نظراً سعید پاشا قایینه سنک یرینه کله جک هیئت وکلا اسکی هیئت وکلا اوله مازدی . عکسی حالدله قانون اساسینک لزوم کوستردیکی هیئت وکلا تبدانک فائده سی قالمازدی .

بو مقصد قانونی غایت آچیق ایکن مجلس مبعوثانی هرجه باد آباد فسخ و سسد ایتدیرمک تصمیمی جمعیت اتحادیه ترك ایده مدیکندن بالا استعفا چکیلن سعید پاشا حضرتلری بیکی قایینه نک تشکیلنه مأمور ایدیلر .



سعید پاشانک صدارتی — اوننجی صدارتدن چاپوق دوشماک و وقتيله کندیسنک بر ویرکو بورجندن طولانی هدف تحقیرلری اولدیغی اتحاد و ترقی بکترینه بر اویون اوینامق و دوشرسه اتحادیده برابر دوشورمک عزمنده اولدیغنه شبهه ایديله میان سعید پاشا حضرتلری بیکی هیئت وکلا سیله مجلس مبعوثانده بر بروغرام اوقومق واعتماد طلب ایتمک اصولی بلکه مخالفلر غلبه چالارده بن اختیارک کنج قایینه سنی دوشورلرسه او بنایه جنم اویون کیر و قالیردیهرک بوندن صرف نظر ایدی .

اوتوز بشنجی ماده دیو مجلسه کتدی . مجلسده ده مذکور ماده مذاکره یه قونامش

ایدی . الله ایچون سویلیهم . وجدانا اعتراف ایدهم . « تقویم وقایع » جریده رسمیه سنک مجلس مبعوثان مذاکره سنی مطالعه ایلیم . « مخالف مبعوثان کرسی » ملتده مجلسک شوزمانده فسختک مناسب اوله میه جغتو اونوز بشنجی ماده موجبجه مجلسک فسختی تشبی ، قانونه وقواعد مشروطیته توفیق ایدلمدیکنه « دائر واقع اولان افادات و بیاناتلری پک قوتلی دلائله مستند ایدی .

بو اونوز بشنجی ماده نك مذاکره سی کونلرجه سورددن صکره نهایت سعید پاشا قاینه سنک ماده نك تعدیلی حقنده کی تکلیفی ۱۲۵ رایه قارشی ۱۰۵ رای ایلهرد اولندیغندن وثلاث اکثریت حاصل اولدیغندن ماده نك تعدیلنه موفق اوله مدیلر . مجلس مبعوثانکوردی اوزرینه اتحاد جیلر مجلس اعیانه ویردیردکلری مجلسک فسختی قرار یله مقصدلرینی تأمین ایلدیلر .

« ۵ کانون ثانی ۱۳۲۸ » تاریخلی « خط هایون » ایله مجلسی طاغیدیلر . شوصورتله ملتک مذهب بربرات نجاتی اولان قانون اساسی یی چیکنه یه رک هرتدییره توسل ایتمکده مضطر قالدقاری حالده بوغفو اولنه مز خطا لرینی سد ایتک وکندیلرینی قورتارمق ومعدور کوسترمک ایچون هر راست کلدکلرینه « اگر مجلس فسخت اولسه ایدی حکومت مخالفله کچه جکدی . حال بوکه قارشیمزده قوی ومتنظم ، احوالی مضبوط بفرقه مخالفه یوق . اوسبله حکومتی شونازک زمانده مخالفه الله برافماق ایچون بوحرکته بالضروره تشبث ایتدک ! » دیورلردی .

مخالفه دیدکلری اتحاد جمعیتک اسکی ویکی اعضا ومؤسسلری وکندی رفیقلازدن بشقه کیسه لر دکلدی . بونلر مملکتک حال واستقبالی فنا کوروب آیریلن برطاقم منور الافکار ذوات ایدی . بونلره او یوشوب برایکیسنی قاینه یه آله رق ائتلاف حاصل ایتسه لردی . اوزمان « فسخت » کبی مدهش برحاله سببیت ویرلماش اولور . قانوندن آیرلماز وقانونی منفعت ذانیه لری ایچون آباق الله آلمانلردی . سعید پاشا حضرتلری بونکله قانون شکنانه خطا لره دوشدیکی کبی مجلس اعیانی ده خفی مذاکره دن صوکره فسخت طلبنی قبوله سوق ایتدی که بوجهت حقیقه شایان تعجب وتدقیقدر .

ایشته سعید پاشا قاینه سی اونوز بشنجی ماده مذاکره سته بووجهله نهایت ویره رک مبعوثانی طاغندقدن صوکره چوققلر الله کچدیکی کوندنیری باز بجه حرص ومنفعت اولان وبوتون بوتون شیرازدن چیقان مملکتده بواداره طفولیه برحقوق

وقایع تولید ایلمش ایدی .

سعید پاشا حضرتاری اوتوز بشنجی ماده ایله آیرجه مشغول اولدینی جهتهله بو وقایع ایچین ، ایچین یانمده بولدیغندن طبیعی برکون بردن بره آتش آله جقدی .
تته کیم اولیله اولدی . سعید پاشا قاینه سی ایلك کلدیکی کوند نیری معروض بولندی
کرید مسئله سی ، مالیسور مسئله سی ، یمن وقایع ، ایران ایله طرابلس غرب
حربله اوغرا شیرکن برده جمعیت طرفندن سببیت ویریلرک میدانلر کن حزب
مسئله سی ، فرقه مسئله لری ، مبعوثانک طاغیدلسی ، انتخاب جدید اجراسی کی
هر بری الک متمدن برملکیتی آیرجه وسنه لرجه اشغال ایدجک ایشلر آره سنده
بولالمش قالمشدر .

آلمانیا امپراطوری ویله لم دوستمک (!) همت حمایت پروانه لری (!) آثارندن
اولان طرابلس غرب محاربه سی کفایت ایتمیورمش کی برده ما کدونیا ده
مالیسور مسئله سنی تعقیماً بلغار قومیته لرینی بالتشویق شمندوفر یوللرنده ، قره
غول و قشله لر جوارنده بومبار پاتلادی . بودفه بلغار قومیته لرینک (اتحادچی
بککک عقیب مشروطیتده کی قارداش لری) حرکات جنایتکارانه لری معابد دینییه ده
سرایت ایدی .

بو پاتلایان بومبار لدن بر دانه سی « اشتب » ده جامع شریف التنه قونیلهرق
اسلاملردن بر چوغنک شهید و مجروح اولسنه و بوندن غلیانه کن آرناؤودلرک
خرستیا نلردن بش : اون کشی قتل وایکی یوزکشی بی جرح ایتملرینه سبب اولدی .
مالیسیه و بلغار قومیته لری مسئله لرینه انضمام ایدن آرناؤود حروفی مسئله سیله
ذاتاً قاریشمش اولان روم ایلی حق پاشا قاینه سنک خطای فاحشی نتیجه سی
اولهرق آرناؤود قومندن سلاح طوبلامق وکویا اصلاحات یامق وسیله سیله
آرناؤودلری تهدید و مخالف مبعوثلرینی محو ایتمک چاره لرینی دوشونن اتحاد وترقی
جمعیتی آرناؤودلرده اداره عرفیه اعلان ایدرک بیکرجه معصومینی اعدام وحبس
واشکنجه لرله اتلاف ونفی ، تغریب وسلاحلرینی اللردن آلمق کی حرکتلرله بو
قوم نجیبی دخی دلکیر ایلدکلرندن بو حالدن منفعل اولان آرناؤودلق اهالیسی وقت
مناسبه اتحاد وترقی جمعیتدن انتقام آلمق سوداسنه دوشمشلردر .

آرناؤودلرک مالیسورلر و بلغار قومیته لرینک فضاحنه قارشى حکومت اتحادیه نک
کوستردیکی عجزندن ده استفاده ایتمک ایسته یه جکلری طبیعی ایدی .

مالیسورلره ویریلن مساعدیه‌نی و بلغارلره قارشلی کؤستریلن عجزی کورن و ییلن آرنائو دیر قیامه حاضرلنمش و بالقان اتقاقیده یواش یواش اویانمه باشلامشدر .

بالقان اتقاقی — اتحاد و ترقی جمعیتک امریله آرنائو دیرلک محمود شوکت پاشا طرفندن سلاحلری طو پلانهرق اهمیتلی بر قوه مدافعه‌نک اورتهدن قالمسی و ایالتیانلرک طرابلس غربه هجومی سببیه آق دکز یولنک سوقیات عسکریه‌یه مسدود اولمسی و بر قوه مهمه عسکریه‌نک اناتولی سواحلی ایالتیانلرک هجومندن محافظه ایله مشغول بولمسی کی اسبابدن استفاده ایدن بلغار و صرب حکومتلری ما کدونیا یی یینلرنده تقسیم ایتمک اوزره سعید پاشا قاینه‌سی موقع اقتدارده بو لندبغی زمان عقد اتفاق ایتمش و یونانی‌ده بو اتفاقه دعوت ایله مشاردر .

فقط یونان ریاست و کلاسنده بولونان موسیووه نیزه لوس بلغار و صرب دولترلرینک حائز اعتماد اولماسنه بناء دولت علیه عثمانیه ایله عقد اتفاق ایتمکی یونانستانک منافعه موافق کوردیکندن آنه‌ده کی مصلحتکذارمز معرفتبله بلغار و صرب حکومتلری ییننده عقد اتفاق اولندبغنی باب عالی‌یه اخبار ایدهرک منفعت مشترکه ایجابجه یونانک‌ده دولت عثمانیه ایله عقد اتفاق ایتسی لزومی و ایسته نیلیر ایسه بواشی مذاکره ایتمک اوزره بالذات در سعادت کله جکنی بیلدیرهش ایسه‌ده اوصرده بویقوتلرله یونانلیر علیه‌نه اعلان خصومت ایدن اتحاد و ترقی جمعیتی ارکنتک بوجهته امال‌سی قابل اولمدبغنی بیلن صدر اعظم سعید پاشا حضرتلری بویولده کی مراجعات مکرره‌یه بر جواب بیله ویرماهش ونهایت روم ایلی ینعما سندن کندیسیده محروم قالماق اوزره یونان دولتی دخی ایام اخیرده بلغار و صرب اتفاقنه کیرمک مجبور یئنده قالمشدر . چونکه بودولترلر یکدیگرکندن امین دکل ایدیلر نته کیم صوکره یینلرنده محاربه ظهور ایتدی .

ایشته بویله باشلایان بالقان اتقاقی روم ایلی ولایاتنک آتیا کسب ایده جکی و خاقتی کؤستردیکندن بوندن خوف ایدن آرنائو دار اتحاد و ترقی بکری طور دقجه مملکتلرینک ایدای اجانبه دوشه جکنی اکلادیلر .

بونی حکومتله کلاعتق و بعض مساعدانه نائل اولق و مملکتلرینی آتیا ملحوظ اولان مخاطره‌دن قورتارمق ایچون اجتماعلره باشلادیلر .

بونلرک بوجهله اجتماعلریله حکومتدن طلب مساعدانه قیاملری امثالی مثالو

اتحاد حكومتی عثمانيان عدوانه رق و روم ايلي ده كي عساكر غنائيه ده امنيت و اعتمادي اوليان اتحاد و ترقی جمعيت و حكومتی عسكر جلب و جمع و قنديله فریق اسماعیل فاضل پاشا قومانداسيله روم ايلي به سوق و اعزام ایلدی .

اسماعیل فاضل پاشا قومانداسنده كي عساكر غنائيه ده سكران طابور ایلدی .
بويله بر قوه کثیره ايله روم ایلنده حرکات عسكریه اجراسنه مامور اولان پاشای مشار اليه ظهير اولان روم ايلي اردوسی موجودینك علاوه سی حالده اسماعیل پاشا قوتی تضاعف ایدر .

بناء علیه بو عظیم بر قوتله اجرا ایدیلن حرکات عسكریه ، عساكر شاهانه نك آناؤود قوم نخبینك مطالب محقه سنه قارشى استعمال سلاح ایتمارندن طولانی عقیم قالمشدر .

حرکات عسكریه نك عقیم قاله رق اجرا ایديله ميه جکني اکلایان قاینه و اتحاد و ترقی جمعیتی فوق العاده خوف و هراسله تلاشه دوشمشدر .

آناؤودلر مطالبلرینك اجراسنده اصرار و عساكر تنکیلیده آتله هم حال اولدیغندن بو دفعه كي حرکاتده افعال جنایتکارانه لرینی اجرا ایده میان و بو حرکاتک تولید ایده جکی وخامت دخی کندیلری ایچون پك خیرلی اولدیغنی استدلال ایدن جمعیت محترمه (!) مؤسسین و رؤسائینك آغزارینی بیچاق آچمیوردی .

بو صروده حرکات عسكریه قوماندانی فریق اسماعیل فاضل پاشادن حریه ناظری محمود شوکت پاشایه کلن بر تلغرافنامه ده تحت قومانداسنده بولونان سكران طابور عسكر كافة آناؤودلره التحاق ایلدیکندن حرکات عسكریه يه امکان اولیوب بوايشك بشقه بر صورتله تسویه سی لزومی ییلدیر یلیوردی .

محمود شوکت پاشا بو تلغرافی آیر آلاز اولکی ، بو دفعه كي خطاسنك جزاسی کندیسى ایچون بهالی يه مال اوله جفندن پك زیاده قورقدی .

مذکور تلغرافنامه يی آلهرق باب عالی يه کلوب صدر اعظم سعید پاشا حضرتلرینه ارائه ایلدی .

بونك اوزرینه اجتماع ایدن مجلس وکلاده عریض و عمیق اجرا ایدیلن مذاکره ده عسكرجه برشی یا پیله ميه جفنی حریه ناظری محمود شوکت پاشا تکرار ایتدی .
استعفاستفی و یوروب مجلسی ترك ايله کتدی .

بالاستعفا فرار ایدن سلائیك دن بدأ ايله فرارینه قدر دوام ایدن ونشئه قوماندان

ایله سرمست اولان و بوجوچقار حکومت و جمعیتدن بردرلو آیريله مین پاشای
مشار الیه نتیجه نك بورایه واره جغنی ادراك ایتمش اولسه ایدی . بوکوک
بکاره سرفروندن آزاده قالیر و بویله آغیر یوکک التمه کیرمز و بالاستعفا مجلسدن
فراراً کیتمزدی .

دیکتاتورلغه قالقیشن پاشای مشار الیه انی ، بونی اعدام ونفی ، تغریب
و توقیف و حبس و اذیت و اشکنجه لره مساعده ایتامش اولسه و الله کی قوه
عسکریه نی بوککج بکارک اصلاحلارینه حصر ایلسه ایدی . هیچ شمه ایدیه مزکه نه
مملکت بوحاله کلیر و نه ده کوچک بکار ممالک عثمانیه ده پادشا هلق او یونی او بویه
بیلیلردی .

چونکه اردولر الله و اکثر ضابطانده کندیسيله هم حال و فکر بولنیوردی .
اردولری مظلوم ملتک قانی دوکک و مملکتی بوحاله کتیرمک ایچون استخدام
و استعمال ایده جکنه بو حشرانی تمیز لامک ایچون قوللانه بیلیردی .

اگر بویله بر خدمت و طنپورانه یه تشبث و قیام ایتسه ایدی . محمود شوکت پاشا
تاریخ عثمانی ده پک بیوک بر نام بر اقایر و دولت و مملکتی انقسام و اضمه حلالدن تخایص
ایتمش اولوردی .

نعمت بصردن محروم دینیه جک قدر آتی نی کورمکدن عاجز و فکراً قاصر
اولان پاشای مشار الیه بویله برحاله تشبث و اجراسنی خاطرینه بیله کتیره
مدیکندن مملکتک فلاکت و خرابیسنه سببیت و یرمش و شخصنی ده الی الابد
تلعین و ثقتدن قورتاره مامشدر .

محمود شوکت پاشانک استعفا سی سعید پاشا قایینه سنی تنزله دوشورمش
اولدیغندن پک متلاشی بر حالده نه یاپه جغنی شاشیران سعید پاشا بر حریبه
ناظری بولوب تعیین ایده ما مشدر .

بر طرفدن آرنائو دلقدن اتحاد جیلرک ایلک انقلابده یاپدقاری و اوکر تکلری
اوزره یاغمقده اولان تلغرافنامه لر و دیگر طرفدن مسائل سائره سیاسیه آره سنده
قالان قایینه ارکانی دخی فراره حاضر لمقده ایکن مجلس مبعوثان آره سنده قایینه یه
قارشی عدم اعتماد کوسترلمکه یاشلادی .

بونی حس ایدن و حریبه ناظرینک استعفا سندن صوکره سکیز اون کون مرور
ایلدیکی حالده بر حریبه ناظری تعیین ایتیمان سعید پاشا بر بیاننامه حاضر له یرق

جلس مبعوثان حضورنده بر دن بره قاینه سیمله کورندی.

بیاننامه سنی قرائت ایتدکن صکره داخلآ آسایش مملکتک محور لایقنده دوراندن وخارجاً دخی دول معظمه ایله جریان ایدن احوال سیاسیه نک یولنده اولدیغندن بحث ایتدی .

بالقان حکوماتیله ایسه قاینه نک تعقیب ایلدیکی مسلك سایه سنده مخادنت وخالصت دولتک غایت دوستانه اولدیغندن موجب اندیشه برشی اولدیغنی سویلیدی .

بونک اوزربنه قاینه یه امن واعتماد طلب ایتدی . مبعوثانده بو یالانله ذاتا قانع ایچون طولانان ذوات محترمه دن متشکل اولدیغندن در حال قاینه یه اعتماد قرارینی ویردی .

دون اعتماد قرارینی آلآن قاینه ایرتسی کونی باب عالی ده اجتماع ایله کیجه آلترقه ساعت سکره قدر دوام ایدن مذاکرات نتیجه سنده حربیه ناظری کبی فراره قرار ویردکلرندن بالاستعفا صاوشمشلردر .

طلعتلرک ، جاویدلرک ، محمود شوکتلرک وامثالک بویله برر برر فرارلرندن صوکره سعید پاشا حضرتلری باب عالی دن استعفا نامه سنی مابین هایونه بالارسال خانه سنه کتیمشدر .

سعید پاشا حضرتلری یوقاریده دینلیدیکی کبی ویرکو بورچندن طولایی اوغراذیغنی حقارته مقابله اتحاد وترقی جمعیتنه قارشى ایسته دیکی اویونی تمامیه اوینایه مامش ایسه ده برمدت موقتیه ایچون بونلری دوشورمکه موفق اوله بیلمشدر . زیرا سعید پاشایی یقیندن بیملنلرجه مسلمدرکه مشار الیه غایت عنود وکینچی ، انتقام آلمغنی سور برذات اولدیغندن شخصه تعلق ایدن بومسئله دن طولایی حس انتقامدن کندیسنی آله ماز ایدی .

ذاتا صدارتی ده قبولی کوردیکی حقارتک آجیسنی چیقارمق وهرکسه ایشته ینه بکا محتاج اولدیلری کوسترمکدن عبارتدر .

فطره ذکی واققدار خارق العاده مالک اولان سعید پاشا حضرتلرینک بو و بوکا مماثل حرکتلری اولسه ایدی . مملکت بحق کندیلرندن استفاده ایده بیلیردی .

سعید پاشا طوغریسنی سویلیه لم . مملکتتمزک صوکه زمانلرده یتشدیردیکیری رجال سیاسیه نک نوادرندن معدود در .

مع التأسف غایت قورقاق و ثباتسز و مرتسز ایدی. حریص ایدی. هرشی کندی نفسنه جلبه چالشییر و چالشیدیغنی عالمه بیلدیر مامک ایستردی. یایدیغنی ایشلرده پک زیاده بصیرتکارانه حرکت ایدر و عکسی بر حال ظهورنده مسئولیتی اوزرندن هان آتار تبریه چالشیردی. مشار الیه بوحالاری ایله هر باشلادیغنی ایشی نتیجهیه ایصال ایتدیره مزدی.

مشار الیه قرق یاشندن صوکره فرانسزجه نی برایکی سنه ظرفنده تحصیل ایتدیر. بشقه سنک اون ییلده کوچ طو پالایه جفی بر سر مایه معنوییه مالک اولدی. اوروپا اصول مدنییه می و آداب سیاسییه سنک کنه و غوامضنه وقوف کسب ایتدی. معارف پرور ایدی. دور سلطان عبد الحمید خانیده تشکیلات معارف حقنده اظهار ایتدیکی همت و غیرت شایان تقدیر اولدیغنی کبی تشکیلات عدلیه، تنسیقات اقتصادی، تنظیمات اداریه به خدمتی مسبوقدر. افراط درجه ده عائله مر بو طیتی ده مشار الیهی بعض خطاره سوق ایتدی.

حاصلی سعید پاشانک حسناتی سینئاتنه معادلدر. دینلر یالان سویله مامش اولورلر.

بو یولده استعفا ایله چکیان سعید پاشا قایینه سنه خلف اوله جق هیئتک آرناؤ و دلرک مطالبی وجهله کامل پاشا حضرتلرینک ریاستنده اولسی لازم کلیرکن فرار ایدن قایینه ارکانک رفقا سندن جمعیت اتحادیه نک بنده خاص و اصدقلری اولان مابین هایون ملوکانه باش کاتبی خالد ضیا و سرقرنای حضرت شهر یاری لطیف، قرین ثانی جناب پادشاهی توفیق بک افندیلر جمعیتدن اخذ و تلقی ایلدکلری او آمر دائره سنده مهر صدارتی کامل پاشایه و یردیر مامک ایچون همت و غیرت ابرازندن کیر و طور مدیلر.

آرناؤ و دلری آو و تمق و کامل پاشا حضرتلرینی صدارته کتیر مامک اوزره بر قایینه تشکیلی ارزوسنی اظهار ایدن جمعیت اتحادیه مؤسسين و رؤسای قایینه به کامل پاشاده داخل اولق اوزره غازی احمد مختار پاشا حضرتلرینک مقام صدارته و فارماصون اولسندن طولای عزلی آرناؤ و د لرجه طلب اولنان شیخ الاسلام موسی کاظم افندیلر یرینه ده نظر ملتده بر موقع مخصوص و ممتاز صاحبی اولان شیخ الاسلام اسبق دولتلو فضیلتلو محمد جمال الدین افندی حضرتلرینک تعیینی طلب و اصرار ایتملری جهتله غازی احمد مختار پاشا حضرتلرینه مسند جلیل

صدارت و جمال الدین افندی حضرتلر بنه ده مقام عالی مشیخت اسلامیّه توجیه
و تفویض بیورلشدرد .



صدر اعظم غازی احمد مختار پاشا حضرتلری

Son Altesse Ghazi Ahmed Mouhtar Pacha
(Grand Vezir)

غازی احمد مختار پاشانک صدارتی — مقام جلیل صدارتی احراز ایدن
نخامتلو دولتو غازی احمد مختار پاشا حضرتلری شورای دولت ریاستی قبول
بیوزان صدر اسبق ایتلو دولتو کامل پاشا حضرتلریله دیگر وکلانی انتخاب
وتعیین ایدهرک اراده سنیّه سنی استحصالی ایتمش وایفای وظائفه مبادرت ایلمشدر .
جمعیت اتحادیه مؤسسين ورؤسانک چویردکلری دولاب واداره حکومتده
کوستردکلری عجز و مسکنک بر قاق سنه ظرفنده چرخ حکومتی بوزمش ایدی .
اداره حکومت مختل و بر چوق غوائل و مسائل محدث اولدینی بر صروده موقع
اقتداره کن غازی احمد مختار پاشا قاینه سی اول امرده آرنائو ودرک طلب ایتدکلری
الّی ماده فی نظر دقته آلمش و بالغان حکومتانه قارش بر کتله عظیمه اولان

آرناؤود قوم نجینى تطمين و تطييبه مسارعت ايلامشدر .

آرناؤودلرك مطالبي شونلردر . مجلس مبعوثانك فسختى ، انتخاب جديدك سربست وقانون دائره سنده اجراسى ، هيئت وكلايك تبدیلی ، اولجه اللرنندن آلنان سلاحلرك اعادهسى ، كامل پاشا حضرتلرينك صدارته كتيرلىسى وسائره در . غازى احمد مختار پاشا قايننهسى درحال مبعوثانك فسخته تشبث ايتدى . آرناؤودلرك مطالبينك اجراسنه تشبث ايتديكنى كوسترمك وبونلره التحاق ايدن طابورلره آرناؤودلره نصايح لازمهده بولمق اوزره مشران عظامدن دولتو ابراهيم پاشا حضرتلرينك رياستلرنده بر هيئت مخصوصهينى روم ايلي په اعزام ايلدى .

قايننه بر طرفندن ده ديكر مصالح مهمه دولتك تسويهسى چاره سنى تحرى وتامل ايله مشغول بولنديغى بويله بر نازك زمانده باب عالمى كيجه ياريسندن صوكره ترك ايله فرار ايدن اسكى قايننه اركانى ، اتحاد وترقيتك مؤسس ورؤساسى آمال مفسد تكارانه لرندن بر درلو كچه ميهرك ينه حكومتى اله آلق سوداسيله حركات فساد جويانه په باشلامشدر .

هيئت اعيانك رآى وموافقيله مبعوثانك فسخته دائر اولان اراده سنيه پادشاهينك تبليغ وقرائتى ايچون مبعوثانه دعوت ايديلن مبعوثينى مجلسه كيتمكدن منع ومجلسه كلن مبعوثلرك افكارينى تحريك وغليان واختلاله سوق ايله مملكتده بر وقعه احداث ايلمكه چاليشديلر .

مبعوثانده بولنان سلايك مبعوث محترم (!) علم اقتصادك علامه (كبارى) و جمعيتك سرتاج افتخارى ، صراف معروف وتاجر مشهور عودتى جاويدك كرسي خطابه چيقارق قايننه نك بوحركتى مشروطيته ضربه اولديغندن باحث برحق هذيانلره مبعوثان واهالى غليان وعصيانه دعوت ايلامشدر .

محترم (!) جاويد بكك قانون اساسى حكم منيفنه واراده سنيه پادشاهى په منافى ومغاير اولان بوحركتى مع التأسف جزاسز قالدى .

مبعوثانده بويله برحال وقوعى وبلكه جمعيتك فدائيليله ديكر حشراتى طرفندن مبعوثان دائره سنده وياطيشارى ده بر وقعه ظهورى حالنده متجاسرلر ينى در دست و پنجه قانونه توديع وتسليم ايتمك وآسايشى ادامه ومحافظه ايلمك ومبعوثان دائره سنده كى قره غول افراديننه ظهير اولمق اوزره حرييه نظارتندن مبعوثانه سوق واعزام اولنوب داخل وخارج دائرهده حاضر بولونان قوه عسكريه دن بالاستفاده جاويدك

وعونه سنی دردست وتوقیف ایتمک امرینی ویرمکده صدر اعظم غازی مختار پاشا
حضرتلری تردد وعجز کوسترمشلدرد .

سلامت مملکت نقطه سی نظر دفته آلنسه وبوشرذمه قلیله قارشی عجز اظهار
اولنسه ایدی . شبهه یوق که احمد مختار پاشا قایینه سی هرايشنده موفق اولور ومملکت
بوسر تیرلردن قورتیلوردی .

مهارت وشجاعت عسکریه لر یله بنام اولان غازی احمد مختار پاشا حضرتلرینک
بو بایده کوستردکاری عجز وبطائت ایکی شیئه حمل اولنه بیایر .

برسی اتحاد وترقی ، حریت وائتلاف فرقه لرینک ایکسینی بردن اداره ایتمک
دیگری داخلی ، خارجی حکومتک معروض قالدینی غوائل مهمه آره سنده دیگرکونا
بروقعه احداثه سببیت ویرمکدر .

بونی براز تدقیق ومحا که ایدر وبزده بوکا دائر بیان مطالعه ایلر ايسهک دبرزکه
بونک هرایکیمی ده خطا ایچنده خطادر .

چونکه پاشای مشار الیه حضرتلری نه اتحادجی ، نه ائتلافجی در . ذاتاً
برفرقه یه استناداً موقع صدارته کلامشدر .

آرناؤودلق قیامی کندیلری کبی بر بی طرف ذاتک کله سنی انتاج ایتمشدر .
مادامکه برفرقه طرفندن کتیر لماملشلدرد . مبعوثانده استناد ایده جکاری قوت
یوق دیمکدر . بونک ایچون هرایکسینی اداره یه چالیشه رق قیرماق وایجابنده
بونلردن برینه اسناد قوتله محافظه موقع ایتمک بویله بحرانی برصرده مسند صدارتی
احراز بیوران برذات ایچون دوشونیه جک حالادن دیکدر .

بناءً علیه بو محترم بکاری (!) اوکون توقیف وحبس ایتدیرمک ودولت
ومملکتی حالاً وآتیا اوغرایه جفی فلا کتدن قورنارمق اک ببوک برخدمت
اولدیفندن بوکا موفق اولسه ایدیلر نارنج عثمانیه نام فخرمانه لری شرفلی برصورتده
قید و ذکر اولنه جق وتواریخ عالم تقدیر وتحسین ایده جکدی .

اتحاد بونک بوصورتله وجودلرینک ازاله سیله موجود اولان وظهوری ملحوظ
بولونان غوائل داخلیه اورته دن قالدیه پروغرامی دائره سنده اجرای
حکومت ایله مشغول اولور واحوال سیاسیة خارجیه نک تسویه سندن غیری
اورته ده بر مسئله قالمازدی .

زیرا بعد الانقلاب ظهور یافته اولان وقایع ومسائل هیچ شبهه ایدلسون خطاء

دكل قصداً اتحاد و ترقى جمعيت و حكومتى طرفندن احداث و ایجاد ايدلمشدر .
 بوندن مقصدلى ولى نعمتلى اولان آلمانيا ايمپراطورى ايله جمعيات خفيه معلومه نك شرق حقنده كى مقررانى قولاي قولاي موقع تطبيقه وضع ايدده بيلمسنى اولردن آلدقارى امر موجبجه تأمين ايتمك و دوات و مملكتى برحقوق وقايع و خيمه ايچنده بولنديره رق و خلقى عجز و ضرورت و مسكنت ايله او بوتوب جمعيت و حكومتلرينه قارشى قيام و وقوعى منع ايله ايسته دكلرى كى مقدرات مملكت و دواتى تدوير و بونكاهده منفعت ذاتيه لر ينك حصوله خدمت ايتمكدر .
 مع مافيه بوجو بر دكلرى فيرلدقار ك نتايج و خيمه سى دواتى بوكونكى ورطيه دوشور مشدر .

برده قابينه بونارك سبيت و ير دكلرى بالقان حكومتلى اتفاق و هجومه و اور يا دول معظمه سنك برلين معاهده سى موجبجه روم ايلده اصلاحات اجراسى طلبى قارشوسنده بولندى .

دول معظمه اصلاحات لازمه نك اجراسنى طلب ايتدىكى صره ده آلمانيا و آوستريا دولتلى (ژون تركارك حاميارى) تسليح و تجهيز و اتفاق ايتدير دكلرى بالقان دولتلى اردولرينده اوزر بزه هجوم اميرنى و يرديلر . بوحر كته روسيه و ايتالياده مساحه كارانه دورانديلر .

احمد مختار پاشا قاينه سى بر حرب ظهورينه ميدان و يرمامك و روم ايلي اصلاحاتى بر نتيجه حسنه ايصال ايلمكى در پيش ايتمش و سياسته لازم كن وسائله مراجعتله بر حرب وقوعنك اوكنى آلمغه چايشمشدر .

حالبوكه بوكا موفق اولق زماننك چوقدن كچمى : قره طاغ حكومتنك حدود عثمانيه ي تجاوزه باشلامسى ، متفقلى اولان صرب : بلغار ، يونانك اونق تفك حركت و قياملى يوز كوستردىكى صر ده اتحاد و ترقى جمعيت محترمه سى (!) و طنبرور (!) رؤساسيله اجير خاصلرى اولان مبعوثاندىن و دارالقانون طلبه سندن بعضلرئى والى بايراقلى افرادىنى امثالى مثلاًو جلب و جمع ايدهر ك بو فرصتدن بالاستفاده قاينه سى دوشورمك و حكومتى نه اللرينه آلق ايچون بايراقلرئى آچوب باب عالى به كلديلر .

تكبير و حرب ايسترز ندالرينى عيوقه چيقارمغه باشلاديلر .
 صدر اعظمى كورمك طابنده بولونان بو حشرات جام قيرومق و قيو قيرومق اوكا

بوکاهجوم ایتمک کبی حرکات جنائیه وی ادبانه به باشلا دقلرندن حال تجمعده بولونان مجلس وکلا بوندن خبردار اوله رق بورزیلرک دفعلمری ایچون لازم کان تداییری اتحاد بیوردی .

بونلرک صورت حسنه ده طاغیللمری ایچون مأمورین عأده سی طرفندن واقع اولان نصایح تأثیر ایتدیکنندن صدر اعظم غازی احمد مختار پاشا حضرتاری رفاقتارنده بحریه ناظری محمود مختار پاشا حضرتلری بولندیغی حالده بونلرک مجتمع بولندیغی قپو اوکننده کی محله کله رک دولتجه لازم کان معامله نک ایفا ایدلمکده اولدیغندن بحثله کنیدیلرینک مسترح اوللمرینی وبویله نمایشره لزوم اولدیغنی بیان و بعض نصایح اجرا بیوردقلری صرهدده بونلرک مطالبات وتجاوزلرینی ایلوکونورمه که وافعال جنائیه لرینی ایفا ایچون قیامه حاضر لندقلری مشاهده اولندیغنی بر صرهدده باب عالی ده کی قوه عسکریه به ظهر اولق اوزره طلب ایدیلن و بیکیاشی حسنی بک قومانداسیله باب عالی به کان بر طابور عسکرک ورودیغی کوررکورمز تکبیر آلهرق عسکرک اوزرینه یورویره رک قارداش لر « الحمد لله » مسلمانز قایینه روم ایلی بی صاتیور . انک ایچون کلک بز روم ایلی بی ویرمه جکبز . دیو عسکری اغفالنه تشبیدن وعسکر طرفندن وقوعوبله حق مداخله بی منع واستمداددن ده اونا ندیلر . بونلر دن هر درلو واقع اوله جق تعرضاتک منعی وظیفه سیله کان بو طابور قوماندانی بیکیاشی حسنی بک افندیکنک وطنپورانه وظیفه عسکریه سنی اجرا ایتمسندن طولانی ده ایلر و کیتمه جسارت ایده میان بو اختلاجی نمایشجیلر برر بر رصا ووشمغه باشلا یوب اوکون یابه جقلری حرکات جنایتکارانه ارینه میدان بوله مامشدرر . بوجانیلر کندی یاپدقلری بونایشی اغفال ایده بیلدکلری برقچ دار الفنون طلبه سنه عطف واسناداً دار الفنون طلبه سی طرفندن یاپیلدیغنی غزته لری ایله اعلان ایتدیلر .

نمایشده حاضر بولنان طلعت ، خیری ، عمر ناجی ، ادرنه وازمیر معبوثلری فائق ، عبیدالله وسائر مبعوثین وقائم مقام ، بیکیاشی ، بوزباشی ، ملازم رتبه سننده کی امرای عسکریه وضابطان بکر واتحاد وترقی جمعیتی اعضالری افندیلرله طنین ، تصویر افکار ، ترجمان حقیقت غزته لری امور تحریریه واداریه سی مأمورینه سزده دار الفنون طلبه سند نمیسکنز دیر ایسه ک عجباً بونلر حیا ایتمزلمی ؟ .

حاصلی بر طرفندن بونلرک بوحیاسزجه حرکت ورزالتاریله داخله و بالقان

حکومتك تجاوزانيه خارجاً مشغول اولان قاينه قره طاغك حدودى تجاوزى
اوزرينه عساكر عثمانيه ي تحت سلاحه دعوت وروم ايلي يه سوقه باشلادى .



بحريه ناظرى محمود مختار پاشا حضرتلى

Son Excellence Mahmoud Mouhtar Pacha
(Ministre de la Marine)

دول معظمه طرفندن طلب ايدين روم ايلي اصلاحاتنى ايفايه تشبث ايدين قاينه
برده ديكر بالقان حكومتلرينك دخى حرکات تجاوزکارانه سنه و دولت علميه
عثمانيه يه قارشى اعلان حرب ايتملرينه معروض قالدى .

بو حاله معروض قالان حكومت عثمانيه ده اردولرينى كاملاً تحت سلاحه دعوت
ايله حكومات مذكوره يه مقابله يه امرويردي .

بو وجهله بالقان محاربه سى ظهور ايتدى . امر واقع قارشوسنده قالان دول
معظمه ده حربه مساعد ايلدى .

عساكر نصرت ماثر عثمانيه نك بسالت وشجاعتندن مذكور محاربه دن دخى

مظفراً چیتقمق مامول ومنتظر ایکن وطنی برقاچ غروشلق استفاده سنه دیکشن و بو استفاده ذاتیه سنه مقابل اتحاد وترقی جمعیتک آمال مفسدتکارانه سنه خدمت ایده جکنه دائر قارا کلک اوپهده عین ایدن واردوی هابونلرده کثرتلیجه بولونان ارکان وامرا وضابطاندن طوغریسی بوقدر دولت ومملکته خیانت واهانت ایده جککری ومحاربه نك دولت عثمانیه علمبنده ختامه ایره جکی امید وطن ایدلزدی . کمال تاسف وتائرله سوبلیهلم که . اردوی همایونده موجود بولونان اتحادجی ضابطان محاربه نك بدایتندن باشلايه رق ختامنه قدر سوکیلی وطنمزی ایادی دشمنه کچمسنه خدمت وغیرت ایلدیلر .

ایشته اوضابطلر جمعیت اتحادیه طرفندن اردوی همایونلرده پروپوغاندا یامق وعسا کر عثمانیهی حربدن منع ایله روم الی بی دشمن النده بر اقق ایچون علما وصاحای اسلامیه قیافنده اتحاد وترقی جمعیتی طرفندن تعیین واعزام اولونان بر طاقم خذله وسلانیک دونه یهودیلرینی عسکرک ایچنه ادخال ایله قاینه مملکتی صاادی . نیچون محاربه ایدیورسکیز . دیوفراره تشویق ایتدیردیلر . مع التأسف ضابطاندن برچوخی ده بو سوزارله عسکرک قوه معنویه سنی قیروب فرار ایتدیردی .

حق داخلیله ناظر سابق وجمعیت محترمه (!) نك برنجی آمر مطابق ودیکر منسوب اولدیغی جمعیت خفیه ک ممالک عثمانیه ده کی استاذ اعظمی اولان طلعت بك (پاشا) کوکلی صفتیله نفر اوله رق اردویه داخل اولدی . بوندن مقصد یکانه لری اردو قوماندان وضابطانی جمعیت اتحادیه نك آمالندن انحراف ایتدیرمامک وجمعیت منسوب اولمیانلرینی ده اردوده موجودیتنی کوستره رک تهدید ایتمک ایدی .

طلعت کی انورلر ، جماللز . فتحیلر وسائر رفیقای محترمه لری دخی حال حرب طولایسیله سیاسة بر حرکتده بولمیه جقلرینه دائر ناموس عسکریلری اوزرینه عین ایتمک وسوز ویرمک صورتیله باش قوماندان وکیلی اولان حریره ناظری ناظم پاشا حضرتلرینی بالاغفال اردویه داخل اولدیلر . بونارده طلعت بك (پاشا) کی عین حس وفکره تابع ایدیلر .

بر طرفندن بونارک اغفال وتشویقاتی و بر طرفندن ده خواجه قیافنده کی یهودیلرک تلقینات خائنانه لری یوزندن اردومز بوز ولعه باشلادی .

غازی احمد مختار پاشا حضرتلری بو حال ایله بر مدت دهه موقع صدارتده
قالمشلسه ده عارضه وجودیه لری مناسبتیه ترك موقعه لزوم کوردکلرندن بالاستعفا
جکلمشلردر.

غازی احمد مختار پاشا حضرتلرینک استعفا سیله سقوط ایدن قابینه سنک یرینه
ذاتاً آرناؤودلرجه تعیینی طلب ایدیلن صدر اسبق کامل پاشا حضرتلرینک ریاستلرنده
برقابینه تشکیل اولندی.

* *

کامل پاشانک دردنجی صدارتی — مسند جلیل صدارت نخامتلو
دولتو کامل پاشا حضرتلرینه تفویض ومقام عالی مشیخت دخی دولتو سماحتلو
محمد جمال الدین افندی حضرتلرینه ابقاء توجیه ییورلمشدر.



شیخ الاسلام محمد جمال الدین افندی حضرتلری

Son Altesse Mohamed Djemaleddin Effendi
(Cheikh-el-Islam)

دردنجی دفعه اوله رق مقام جلیل صدارتی احراز بیوران محمد کامل پاشا
حضرتلری حربیه ناظری ناظم پاشا حضرتلرینی اثنای حربده قوماندانک تبدیل
مناسب اوله میه جغی مطالعه سیله قاینه سنه ادخال ایدرک برقاینه یادی .

اثنای حربده تشکل ایدن بوقاینه نك وظیفه سی دیگر قاینه لره قیاس قبول
ایتمیه جك درجه ده آغیر ایدی .

چونكه بوقاینه حربی ادامه ایله احراز مظفریت ایتمك واردوی هایون آره سنه
کیرن مفسد و منافق اتحادجی خائنلرندن اردوی تطهیر ایلمك کبی غایت آغیر و مشکل
بر وظیفه ایله مکلف ایدی .

عنایت حقه استناداً ایفای وظیفه یه ابتدار ایدن صدر اعظم کامل پاشا حضرتلری
جهت ملکیه و عسکریه ده بعض تبدلات اجرا سنه ده تشبث ایتمشدر .

اتحاد جمعیتنه منسوب والی و مأمورین سائرده دن بهض لرینی تبدیل ایلمشدر .
اردوی هایونلرده بولنان واحوال مفسد تکارانه یه جرأت ایلین خائنلرک دخی
تبدیل و تحویلی ایچون حربیه نظارت نه ده امرلر ویرمشدر .

ینه کمال تأثرله دیه بیلیر زک . بوباده صدر مشار ایله حضرتلرینک مصروف
بیوردقلری همت و غیرت و طبرورانه لری ثمره بخش اوله مدی .

حربك ابتداسندن موقع صدارتی اشغال بیوردقلری زمانه قدر کچن مدت
طرفنده اردوی هایونلر ایچنه نفوذ ایدن خذله معهوده عسکریمزک قوه معنویه
و مفکره سنی بوزمش و عسکر فراراً رجعت ایتمک باشلامش ایدی .

بویولده کی تلقینات ملعونه ایله رجعت و فرار ایدن شرق و غرب اردوی
هایونلری افرادینک بو فرار و رجعتلری کافی دکلمش کبی یوللرده و هرکچدکلی
مخلارده اتحاد خذله و اشراسی طرفندن کما فی السابق کامل پاشا مملکتی صاندی
طوب و تفنگاریکزی براقک دشمن کلیموردیه رک تلقینات لعینه و تشویقات
خائنانه دن کیر و طورلمیوردی .

ایشته بو خائن جانلرک تشویقاتی بوزندن بیکارجه طوب بوز بیکارجه تفنگ
یوللرده ترك ایلمشدر .

ملک دیشندن و طیرناغندن بریکدیروب آرتدیرمش اولدیغی پاره لرله مبايعه
و تدارک اولنه بیلن طویلر ، تفنگکر ، جیخانلر ، کله لرهب بر اقلمش و آتامشدر .
ذاتاً اردولریمزک نقصان اولان اسلحه سی بو وجهله ضایع و تلف اولدی .

غرب اردوسنده کی طویچی اوبوس طابورندن بری (قومانه) یه سوق ایدلش واورایه ورودندن خبر داز اولان قول اردو ارکان حربیه ریاستده بولونان قائمقام فائق بك « بوارکان حربیه قائمقامی فائق بك اتحادك سرافرازاندن اولوب اسکدار متصرفلغنده بولندیغندن دونما اعانه سی اختلاسی ایله خانلره ویردیکی قونفرانسله مشهور در » دشمنك (قومانه) یه کیرمکده اولدیغندن بو طابوره همان اسکوبه عودت ایتسی امرینی ویردی .

طابورده اسکوبه کتدی . اسکوبده دشمنه قارشی برمری انداخت ایتمدن اون سکز عدد صوک سیستم یکی بیوک چابلی طویچی (اسکوب) استاسیوننده بر اقوب فرار ایلدی .

اسکوب جوارنده بوندن بشقه یوللرده ترك ایدلش درت یوزه قریب طوی صربیلر اغتنام ایتدیلر .

شرق و غرب اردولرنده بو و بوکا مائل بیکلرجه اجرا ایدیلن فضایح موجوددر . بونلره دائر معلومات ویرمک ایچون جلدلرجه کتاب یازمق لازم کلیر .

بو حالی مشاهده ایدن شرق و غرب اردوی همایونلری قوماندانلری جمعیت اتحادیه نك همت عالم پسندانہ (!) سیله عار فراری ارتکاب ایدن بوافراد عسکریه نك اوکنی آلق قابل اولدیغنی و بوافرادله حرب ایدیله میه جکندن سیاست هرنه یایمق لازم ایسه یایله رق حربیه نهایت ویرلسی لزومنی تلغرافلره حربیه نظارتندن طلب ایلمشدر .

اردولریز بیان ایدلدیکی اوزره منهزم و پریشان و مغلوب اولوب فراراً رجعتیه باشلادی .


اردولرك بوصورتله رجعتی ادرنه ، اشقودره ، یانیه قلعه لرینك خارجدن مدافعه سنه امکان بر اقامش اولمغله دشمن اردولری طرفندن مذکور قلعه لر محاصره ایدلشدر .

کامل پاشا قاینه سی خارجی دشمنلره قارشی سوق ایدیلن اردولرك بو حاله کلدیکنی کوردی .

حربیه ناظری ناظم پاشا حضرتلرینك بو باده عسکرلکجه یایله جق بر تدبیر قالدیغندن بحثله باب عالیجه سیاست نه یایلمق لازم کلیرسه یایله رق حربیه نهایت ویرلسنه دائر توالی ایدن مراجعاتنی اکلادی .

مشاهده واستخبار ایتدیکی بوحالک بشقه درلو تدابیر عسکریه اتخاذیله سلامته ارجاعنی دوشوندی . بوحاله برچاره بولونوب بولونیه جغنی بالفعل اکلامق ایسته دی .

درسعادتہ جوار محللرده بولونان قول اردو قومانداندریله استانبولده بولونان منصوب ومعزول مشیران وارکان وامرای عسکریه دن مرکب بر مجلسک باب عالی ده عقد واجتماعنه قرار ویردی .



حربیہ ناظری ناظم پاشا حضر تلی

Son Excellence Nazim Pache (Ministre de la Guerre)

یوزیکری کشیدن زیاده اولان بو مجلس عسکریده مشیراندن فواء پاشا ، ابراهیم پاشا ، عبدالله پاشا ، عزت پاشا کبی ذوات عالیہ عسکریه ایله محمود شوکت پاشا دخی واردی .

ارکان حربیہ عمومیه دائره سی مدیرانی وحربیہ نظارتی رؤسای ، قوماندان پاشا لوارکان حربیه لری هیئت حاضر ایدی .

بو مجلس عالی عسکریه به هیئت وکلاده اشتراك ایدرهك مذاكره به باشلادقلى صره ده اردوى همايونك بوحاله كلمه سبیت ویرن محمود شوكت پاشا دن اول امرده بعض شیلر استیضاح ایدلدى .

طوبجی میرلورندن اولوب اقتدار ودرایتله بین الاقرا ن ممتاز اولان وسلانیک ولایتی والی وکلتنده بولندیغی هنكآمده اتحاد وترقی جمعیتنه منسوب قوماندان وضابطانك سلامت محلیه یی تأمین ایچون اورادن وجودلرینك قالدیرلمسی طلبنه دائر حربیه ناظری ناظم پاشا حضرتلرینه کشیده ایلدیکی تلغرافنامه سیله ابراز حمیت وطنپرور یدده بولنان سعادتلو فرید پاشا حضرتلری غلیان حمیتله محمودشوكت پاشایه خطاباً « پاشا حضرتلری سزدن هر نه سؤل ایدیور ایسهك هپسینه عدم معلومات بیان بیور ییورسكز . حالبوكه مجلس عالینك بوسوأللرینه جواب ویرهك انجق سزسیكز . زیرا اوچ بحق درت سنه در اردوسرك الیكزده ایدی . نیچون بیلمیورسیكز . اردومزی بوكون مع التأسف کوردیکز شوخاله کترین قوماندان و حربیه ناظری سزدکلمسیكز . دشمن چتالجهیه قدرکلدی دایاندی . استانبولمزی مدافعهیه مخصوص اولان وملیونلرجه لیرالر صرفیله وجوده کتیریلن چتالجه وخادم کونی استحقکاتندهکی طوپلری چیقارتان . استحقکاتیهدم ایتدیرن . پایتخت عثمانی یی بوكون مدافعه سز براقان . دولتک بوکونکی حال فلاکتنه وساطت ایدن هپ سنسك » دیو جواب طلب ایلمسی اوزرینه دیگر پاشالرخى مشار الیهك افاداتی تصدیقاً محمود شوكت پاشایه شدت کوستردکلرندن بوندن اورکن محمود شوكت پاشا بر صورتله مجلسی ترك ایله فراره شتاب ایتمش ایدی .

فرید پاشا حضرتلرینك بومردانه ووطنپرورانه واقع اولان افاداتی کامل پاشا قاینه سنك سقوطندن صوکره کنديسنك دیار بکره نقیمه سبب اولدی .

مجلس عالی عسکریده ساعتلرجه دوام ایدن مذاکرات نتیجه سنده بوحال ایله محاربهیه دوام ایتمک ممکن اوله میه جغندن قاینهجه سیاست برچاره عاجل بولمسی قرارکیر اولمشدر .

شرق اردوسی رجعت قهقریه ایله استانبول جوارینه وقسماً خادم کونیه قدرکلدی .

غرب اردوسی دخی سلانیکک « حریت پرور بکرمزك کعبه حریتی » دها طوغریمی « دولت علیه عثمانیهك سبب فلاکتی احضار ایدن یعنی اتحاد

وترقی جمعیتی تولید ایلین شهر معروف « ک اتحاد وترقی ضابطان واردوسی معرفتیه یونانه تسلیم ایدلمسندن طولانی افرادینک نصفی اسیر دوشمش ونصف دیگریده اسکو بلردن ، اشقودره لردن ، مناستر لردن ، یانیه لردن رجعت ایددرک آدر یاتیق ساحلنه اولونیه وآیاسر انده لره قدر اینمش وحر بدن ساقط اولمشدر .

سلاطین عظام عثمانیه نك واجداد ملتك قانی بهاسنه سنه لرجه اوغراشیلوب الده ایدیلن یوزلرجه سنه تحت اداره عثمانیه ده بولونان روم ایلی ولایاتی برایکی آی ظرفنده اتحاد وترقی جمعیتك سایه عالی وطنپرورانه (!!) سنده بویله جه دشمن الله کجیدی وکتدی .

بر طرفدن اردولریمزك رجعت وانهمزای وبر طرفدن ده چتالجه خط مدافعه سنده تعبیه ایدیلن طوپلرک انحق برقاچ کون آنیله بیله جك کولله لری قالدیغی وبناء علیه پایتخت سلطنت سنیه نك تحت تهلکده بولندیغی حربیه ناظری ناظم پاشا طرفندن مجلس وکلاده بیان اولنسی اوزرینه وقتیه ارضروم جهتنه ایصال اولنق اوزره طربزونه کوندرلیدی خبر ویریلن او نوع کولله لرك همان جلبی وقروب فابریقه سی معمولاتندن اولان مذکور طوپلر ایچون مقدار کافی کولله مباحه سیله سریعاً ارسالی خصوصنک آلمانیا ده بولونان مأمورین عسکریمزه اشعاری وبونار یتیشنجه یه قدر بر متارکه عقدیه دشمنك اشغالی ضروری کورلمش واورده طرفین اردولرنده حکم فرما اولان قولرا علت مدهشهی سببیه بلغارلرکده متارکده تمایلی حس وکیفیت بلغار اردوسی باش قوماندانی جنرال صاووفه تبلیغ ایدلمش وحصول موافقتنه بناء حربیه ناظری ناظم پاشا ایله زراعت ناظری مصطفی رشید پاشا حضرتلری بلغارلره متارکه مذاکره سنه مأمور ایدیلوب چتالجه یه کوندرلمش وعقد متارکه ایندلمشدر .

اتحاد وترقی جمعیت خاتمانه سی عسا کر عثمانیه یی تشویق ایله فرار ایتدیرمه سه وابتدای انقلابدن محاربه ظهورینه قدر صندالیه غوغاسیله مشغول اولیو بده عقد ایدلیکی استقراضلری ما وضع لهنه صرف ایلمش اولسه ایدی طبیعی اردولریمز بو حاله کلمز وجبخانه وکولله سر قالماز ایدی .

معاذ الله تعالی دشمن طرفندن متارکده موافقت اولنموب فرار وخسته اق ایله پریشان اولان اردو پایتخت عالی عثمانی یی دشمنه چیکه ته جك وبو حال دولتك شان وشرفی الی الابد لکه دار ایده جك ایدی .

ایشته اتحاد وترقی جمعیتک القآت وتلقینات خائنانه سی نتیجه سی اوله رق بو درجه یه کلن و بی طرف ونامدار قوماندان وضابطانی شهید ورن واتحادجی ضابطان النده قالات وجمعیت اتحادیه نک یهودی ودینسر خواجه قیافتنده کی پرووغاندا جیلرینک کذب صریحنه اینانان براردودن آرتق برشی بکله نیلمیه جکنی اکلایان صدر اعظم کامل پاشا حضرتلری مقدمات صلاحیه بی احضاره باشلامشردر .

عقد صلح ایله مشغول اولان صدر مشار الیه حضرتلری اتحاد وترقینک بوندن بالاستفاده داخله ایقاع شورش ایله قاینه بی دوشورمک وحکومتی اله آلتی ایچون چالیشدقلرینی خبر آلدقلردن بر طرفدن بونک اوکنی آلتی و دیگر طرفدن دولتمزک اوغرا دیغی فلا کتک توسعه مانع اولغه سعی ، غیرت بیورمشلردر .

حالبوکه اوصرده اتحاد وترقینک اوجرأتکارجانی رؤسای حریت واتتلاف فرقه سنک شخص وهویتلری معلوم اولان اتحادجی اعضاسندن اولوب حریه وعدلیه وداخلیه نظارتلرینه تعیین اولندقلردن طولای کامل پاشا حضرتلرینه غیر اولان بعضلرینک قاینه بی ده ویرمک عزمنده بولندقلرینی استخبار واسکی ارقداشلری اولان بوکی آدمارک آغزینیه بر یارمق بال سورهرک بواشک برلکده حصولنه چالیشمق ایچون برلشمکه موفق اولشلردر .

بونلر حکومتی اله آلتی چاره سیله اوغرا شیرکن کامل پاشا حضرتلری ده دول معظمه بالقان محاربه سی حرب عمومی بی انتاج ایده ییلمسی ملاحظه سیله بر اوروبا مسئله سی شکنه قویه رق بر معتاد محاربلر بیننده جریانی اقتضایدن مذاکرات صلاحیه بی انکثره خارجیه ناظری قونت ادوارد غره ی حضرتلرینک ریاستی اتنده لوندرده بردولی قونفرانس عقدلیه اجرایی طلبنه موافقتله لوندریه زراعت ناظری دولتلو مصطفی رشید پاشا حضرتلرینک ریاست جلیله لرده مرخصبار اعزام بیورمشلر ودول معظمه نک قره دکز ساحلنده کی « مدیه » نقطه سندن دده اغاچک قلعه سلطانیه جهتنده کی « اینوز » نقطه سنه منتهی بر خط کشیده سیله اوته جهتنک یعنی ادرنه ولایتی دخی داخل اولدیغی حالده المزدده کی روم ایلی قطعه سی بقیه سنک تماماً بالقان حکومتلرینه ترکی وانا طولی ساحلنده کی جزایر معلومه مقدراتنک کندیلرینه تودیعنه دائر باب عالییه صورت قطعه ده واقع اولان تکلیفلرینه قارش ی لازم کلن تدابیری اتحاد ایله مشغول اولشلر ایدی .

صلح حقنده دول معظمه نك باب عالی به تبلیغ ایلدیکي نوطه ایله بو نوطه به جواباً قلمه النان نوطه مسوده سنه دائر براز معلومات ویره رك بوبابده اتحاد جیلر طرفندن اشاعه ونشر ایلدیلان اراجینی جرح ورد ایدلم .

دول معظمه ویردکلی نوطه ده ادرنه استحكاماتنك سقوطه محکوم اولدیغنی مشاهده ایلدکرندن ودولت علیه عثمانیه نك دها زیاده متضرر اولسنی ارزو ایلمدکرندن ادرنه شهرینك حکومات متفقیه (بالقان حکوماتنه) ترکی و منازع فیه اولان اطهرک مقدارتنی ده کندیله رینه ترك وتودیغنی بالاتفاق صورت جدیده توصیه ایلورلردی .

بونك اوزرینه مجلس وکلاده اوزون اوزادی به جریان ایدن مذاکرات نتیجه سنده صلح جهتنی التزامدن بشقه برچاره قالمدیغندن دولتك منافع سیاسیه سی کوزه دلك شرطیله صلحك اجراسی ایچون بونوطه به جوابا برنوطه نك قلمه التمسی قرارگیر اولدی .

مع ما فیه ادرنه ولایتنك دولتجه معلوم اولان اهمیتنه وادرنه شهرینك ایکنجی پایتخت عثمانی اولدیغنی جهتله بر چوق آثار اسلامیه بی جامع بولندیغنه مبنی بونك شوصورتله ید اعدایه ترکی تأثرات وهیجان عمومی به بادی اوله جغنی ملاحظه بیوران کامل پاشا حضرتلری اعظم مأمورین دولت ووکلای ملت واعیان حکومتدن مرکب بر مجلس عالینك ده مابین همایون ملوکانده عقد واجتماعی تصویب وتنسیب ایله سرای همایونده بر مجلس عمومی عقدینه قرار ویردی .

سرای همایونده اجتماعی قرار گیر اولان مجلس عمومی مسئولیت وکلایه اشتراك ایتیموب یالکز بین الوکلا شرائط صاحبیه حقنده اتخاذ اولونان مقرراتك اصابت وعدم اصابتی خصوصلرنده بر هیئت استشاره اوله رق عقد ایلدی .

بو مجلسده صدر اسبق سعید وصدر سابق غازی احمد مختار پاشاالر وهیئت اعیان ایله مبعوثانندن ومتحیزین رجال علمیه وملیکه دن اتحاد منسوب وغیر منسوب ذوات معروفه بولندی .

یالکز محمود شوکت پاشا حضرتلری بر هیئت مسئوله ظنیله دعوته اجابت ایدمه جگنی بانذکره مقام صدراته بیلدیردی .

ذات حضرت پادشاهی وولی عهد سلطنت دولتلو نجابتلو یوسف عز الدین افندی حضرتلریله شهزاده جوانبخت دولتلو نجابتلو وحیدالدین وعبدالمجید افندیلر

حضراتی ده صورت غیر رسمیه ده مجلس عمومینک انعقاد ایلدیککی حاکم اتصانده کی مخصوص اوطمه ده بولنه رق قاینه نک و یردیککی ایضاحاتی استماع بیور بیورلردی . بو مجلس عمومیه دولتمزک اوغرادینی حرب فلاکتی ایله اردونک احوالی حقتده ایجاب ایدن معلومات بیان و ایضاح ایدلش و مذکور مجلسجه ده صلحک عقدی ضروری اولدینی تصدیق قلنمشدر .

شوراسنی بیان ایتمدن کچمیه لم که . اتحاد و ترقی جمعیتی اوکونه قدر دولت و مملکتده منافع ذاتیه سی اوغرنده اوینادینی او یونلرک اشنع واک خائنانه سنی مع التأسف بو صلح مسئله سنده اوینامشدر .

شویله که . ادرنه قوماندانی شکری پاشا حضرتلری طرفندن حربیه نظارتی شیفره سیله چکیلن بر تلغرفنامه نک قاینه یی صلحه سوقه مجبور ایتمک ایچونک کزیده اتحاد جیلردن بر ذات طرفندن تحریف ایدلمسی کی بر جنایت ایقاع ایدلمشدر .



ادرنه قوماندانی شکری پاشا حضرتلری

Son Excellence Chukri Pacha (Defenseur d'Andrinople)

ادرنه قوماندانی شکری پاشا حضرتلری طرفندن بو تحریف کیفیتی تاینسد اولمشدر . مذکور تلغرافده ارزاقك فقدانندن ناشی قلعهك انحق كانون ثانی اواخرینه قدر طیانہ بیلہ جكنك تحریری وبومدتكده تقریبی قاینه بی مشکل بر موقعده بر اقمشدر .

چونکہ ادرنه استحکاماتی تلغرافنامهده محرر یوم معیندن بر قاج آی دها مدافعهیه مقاومت ایلدی .

ادرنهك آیلرجه مدافعهیه مقاومتی تلغرافنامهك تحریف ایدلیکنی اثبات ایتدیکندن بو فعل خائنانه جرأت ایدن جانلری تلغین ایتمك حمیت وطنپورانه اصحابی ایچون بر بورجدر .

بو تحریفدن مقصدلری کامل پاشا قاینه سنه صلحی تسریع وتعجیل ایلہ یابدیرمق صوکردهده امثالی وجهله قاینه علیمنده پروپوغاندا یاهرق اهالی بی کامل پاشا علیمنه قیام ایتدیرمك قاینه بی دوشوروب حکومتی اله آلمق دها طوغریسی چالوب چیر پوب دولت ومملکتی بوکونکی حاله کتیرمکدن بشقه برشیء دکدر .

اگر ادرنه قوماندانك تلغرافی تحریف ایدلماش اولسه ایدی . قاینهجه دول معظمهك صلح تکلیفنه در حال موافقت ایدلیهرك ادرنه استحکاماتك قریب السقوط اولدیغنه دائر اولان اعتقادلری تصحیح اولنور وتکلیفات واقعه لرینك تعدیلنه موفق اولنوردی .

ذاتاً انکتره دولت معظمه سی خارجیہ ناظری قونت ادوارد غره ی حضرتلری طرفندن اولجه صورت خصوصیهده واقع اولان بر تکلیفده ادرنهك بی طرف بر منطقه دائره سنه آلنهرق کمرك وسائردهن معافیتی بیان اولمش وکامل پاشا حضرتلری طرفندنده ادرنهك دولت علیه عثمانیه یه تابعیتی باقی اولوق اوزره تکلیفات واقعهك قبول اولنه بیلہ جکی جوابی ویرلش ایدی .

بالاده دینلیدیکی وجهله دول معظمه طرفندن ویریلن قطعی نوطه اوزرینه مجلس وکلاده جریان ایدن مذاکرده بتقدیریه تعالی بالقان دولترلرینك احراز ایتدکلری غلبه کامله یه وعلی الخصوص دول معظمهك ایشه بالداخله لوندردهده عقد ایتدکلری صلح قونفرانسنده ویردکلری قرار نهائی یه نظراً روم ایلینك تخلیصنه امکان قالدیفندن فقط ادرنه ولایتك نفوس موجوده سنه نسبتله اکثریتی اسلام اولوق ونفس ادرنه دولت علیه عثمانیهك پایتخت قدیمی وبر چوق آثار اسلامیہ ایلہ

مشحون بولنق حیثیتله بلغارلره ترکی حق وعده همده شیمه مصلحتیه موافق اولمديغندن قونت ادواردغره ی حضرتلرینک اخطار خصوصیلرینه استناداً ولایت مشار الیهانک شکل اداره سی دول معظمه ایله بالاتفاق قرار لشدیریله جق بر اسلام پرنسینک تحت اداره سنده بولنق اوزره اسویچره کبی بر حکومت مستقله بی طرفی حالته وضع ایدلسی واطه لرك دخی آسیا قطعه سی ماحقانتندن بولنسی وانا طولی ساحلنه قریبی جھتیه یونانیلره ترکی قحاقجیلنک وانا طولی ساحلنده ساکن روملرك تحریکله دائماً اوجهته غوائل ظهورینک منعی اشکال ایده جکندن بوراسنک دول معظمه نك نظر دقت وحماستنه عرضیه اطه لرك مقدراتنک دول مشار الیهک آرای عادلہ سنه تودیی حقنده جوابی برنوطه تنظیمنه قرار ویرلشدیر .

دوات علیه عثمانیه نك آتیا استکمال قوت وترقیاتنه خدمت ومعاونت ایده جکارینی وعایدن دول معظمه نك نوطه سنه حاضر لنان بوجوابی نوطه یه مواد آتیه علاوة درج اولنمش ایدی .

حکومات متفقیه ترکی تنسیب اولنه جق اراضی عثمانیه حدودینک دول معظمه طرفندن تعیینی ، دول معظمه ججه موعود معاونات مادیه ومعنویه یه بذل همتله ضایعات واقعیه مدار تعویض اوله جق اولان مساعدات خیر خواهانه نك اجرا سیله دولت عثمانیه نك معاملات اقتصادیه ده بین الدول جاری اولان اصولک اجرا آتنده سربست بر اقلمسی .

بو بولده قلمه آلنن فرانسرجه نوطه مسوده سنک ترجمه سی « ۲۳ کانون ثانی ۱۹۱۳ ، ۱۰ کانون ثانی ۱۳۲۸ » سنه سنه مصادف پنچشنبه کونی باب عالی ده انعقاد ایدن مجلس وکلاده مطالعه وتدقیق اولنمقده ایکن مار الذکر اتحاد وترقی جمعیتی بکار یله حریت وائتلاف فرقه سنک صورت ظاهرده مخالف وحد ذاتنده موافق اولان بکری قاینه بی دوشورمک ونظار تتری بینلرنده تقسیم ایله استفادۀ شخصیه لری اوغورنده دوات ومملکتی محو وپریشان ایلمکی جمعه ایرتسی کونی برابرجه ایفایه قرار ویرمشرسده مخالف صفتنده بولونان ائتلافجی قارداش لرینه نظارتلردن بعضی قایدیرمق بیله ایشنه کلیان اتحاد وترقی جمعیتی بکری (۱) قرار واقع انتظار ایتمه یه لزوم کورمیه لرك بواشی کندلی الی بایراقلی عونیه سیله اجرایی تنسیب ایدوب پنچشنبه کونی باب عالی یه هجوم ایتمشدر .

ایشته بونکله ده اسکی ، یکی ارقداشلری اولان ائتلافک حریص شهرت

بکری آلامش وانلری اورتہ ده برامشدرد .

بوموال اوزره اتحاد وترقی جمعیتک شرمه قلیله اختلالیه سی بر صورت خائانه ووحشیانه ده باب عالی به هجوم ایدهرک حال انعقادده اولان مجلس وکلا به داخل اولق ووکلا ی نخامی قتل وشهید ایتمک ایسته مشاردرد .

اوکلرنده رئیس اعظم لری طلعت وقاتل شهیر لری انورله خطیب بی نظیر لری عمر ناجی وسائر فدائی جانیلری اولدینی حالدہ باب عالی به هجوم ایدن بورز یل قاتلر بر معتاد تکبیر لره یوک صالونه داخل واثرة صدارتہ تعرض وهجومه باشلادقلری بر صرہده اوراده موجود اولان صدارت یاورانندن یوزباشی نافذ وحریه نظارتی یاور ی توفیق بکلره بعض بولیس سیویل مأمور لری بونلرک افعال جنائیه لرینه مانع اولق ایستدکلرندن تشہیر سلاحه جرأتله یاور توفیق بکلہ بر سیویل بولیس مأمورینی قتل وشهید ایلدکلرندن یاور نافذ بکده مقابله به مجبور اوله رق استعمال سلاحه باشلامشدر .

نافذ بکک انور پاشایه انداخت ایلدیکی قورشونلردن بردانه سی اختلالچیلردن مصطفی نحیب نامنده برجانی به اصابتله مر قومی قتل ایلدیکنندن جمعیتک دیگر فدائیلری طرفندن آتیلن قورشونلره مومی الیه نافذ بک مجروح دوشمش وبر ایکی فدائی جمعیتده دها کبرمدکی دیهرک بیچاره نافذی قمارله جرح وشهید ایتمشلدرد .

شوصورتله کوثر شهادتی نوش ایدن یوزباشی نافذ وتوفیق بکلر وظیفه نظیفه لرینی مردانه وشجاعتکارانه بر صورتده ایها ایله ناملرینی الی الابد پایدار ایلمشلدرد .

بر مظلومه حر ی خانله ایکی صغیر اولادینی ملت تحبیه به ترک وتودیع ایدهرک وظیفه سی اوغرنده بر صورت خیمهده شهید اولان مومی الیه نافذ بک اوتوز، قرق ملیون عثمانلی آره سنده کوچ یتیشیر بر وجود قیمتدار اولدینی اثبات ایلدیکنندن بوسورتله شهادتی حقیقه شایان تأثر وتأسفدر .
(جناب حق شہدای مومی الیہی غریق رحمت ایلہ)



اواننادہ صدر اعظم کامل پاشا حضرتلری بعض ارادات سنیه پادشاهی بی تبلیغ ابچون باب عالی به کلن ما بین هایون ملوکانه باش کاتبی فواد بک افندی ایلہ

صدارته مخصوص او طه لردن برنده بولندقلردن مجلس وکلاده بولمورلردی.
طیشاریده نی بوکورولتی مجلس وکلاده بولونان باش قوماندان وکیلی وحر بیه
ناظری ناظم پاشا حضرتلرینک مسموعی اولغله مجلسی ترکله طیشاری به چیقمش
وبوحالک منع وتسکینی ایچون لازم کلن وصایای ایقابه مقتدر اوله مقسزین آتیده کی
رسمده کوریه جکی وجهله کوچک سالونده انور طرفندن آتیلن روولور قورشونیه
شهیداً وفات ایلمشدر .

(رحمة الله علیه رحمةً واسعة)

حربییه ناظری ناظم پاشانک شهادتندن صکره اختلاجیلردن برطاقم ضابطان
ایله سیویل قیافتنده بعض کیمسه لر دائره صدارته دخول ایله صدر اعظم کامل پاشا
حضرتلرینک بولندقلری او طه به کیروب ایچارندن صدر مشار ایله حضرتلرینک
افاده لرینه کوره برچسوری یانلرینه تقر بله طیشاری ده هیجان زیاده اولدیغندن
هان استغفارلرینک تحریرینی طلب ایلمک جسارت وکستا خلقتنده بولمشدر .
بونلرک بوقیام وافعال جنائیه دن مقصداری اخذ ناردکل مجرد زمام حکومتی
اله آلمق اولدیغنی اکلایان کامل پاشا استعفانامه سنک تحریرنده توقف وتردد
کوسترمش اولسه لر بلکه صدارتک انجلانی وقوعه کتیرمک ایچون کندیلرینه ده
بر سوء قصد ایده جکاری ملاحظه سنی در بیدش بیوره رق « جهت عسکر یه دن
واقع اولان تکلیف اوزرینه استغفایه مجبور اولدیغندن خدمت صدارتدن
غفوینه مساعدۀ سنیه نک شایان بیورلسنی » ناطق حضور شاهانه به یازدقلری
استعفانامه نی ویرمشلردر .

استعفانامه یی الآن انور پاشا باب عالیده بولونان شیخ الاسلام جمال الدین افندی
حضرتلرینک رکو بلرینه مخصوص اوتومویله راکباً طوغریجه مابین هایونه عزیمت
وعدوت ایلمشدر .

باب عالی وقعه جنائیه سی : رسم ۶ صحیفه ۶۸

حربییه ناظری ناظم پاشانک انور طرفندن آتیلن قورشونله وقوع شهادتاری

Nazim Pacha Assassiné par Enver à la Sublime Porte

Tableau : Page. 68



بودن بر ساعت صکره باب عالی به کلن سرقرنای حضرت شهر یاری خورشید
 بك افندی ذات حضرت پادشاهی وقعه دن بك مكدر اولدیفنك بیانیه حال تقرر
 ایدنجیه قدر باب عالینك حكومتدن خالی بر اقلمامسی فرمان بیورلدیفنی تبلیغ
 ایدیکندن نتیجه حاله انتظاراً کامل پاشا حضرتلری مقاملرنده بولنشلردر .
 بوضه ده مشار ایهك بولندیفنی اوطیه کیروب حیقان اختلالچی بکرك آره سنده
 ظلمت واتور پاشا زدنخی بولنیوردی .

جمعیت رؤساسندن قرق کلیسا مبعوثی (خطیب شهر) عمر ناجی بك کامل
 پاشانك یانه تقررله مقام استهزاده « افندم انشا الله سز بو مقامده دولته دها چوق
 خدمت ایدرسیکمز . بزره محتاجز . جمله من امریکز تختنده بولنورز » سوزلریله
 اظهار روی مداعنه ایلمش وکامل پاشاده « بکازومی یوق بن دولتك طالعی تجربه
 ایدم بوکافیدر » جوابیله مقابله بیوره رق مومی الیهی یانلرندن دفع ایلمشرایدی .
 بعده انور پاشاده صدر مشار الیه حضرتلرینك یانلرینه کلوب کندوسی تعلیمده
 ایدوکنی وعودته وقعه یی یوله خبر آلوب کلدیکنی حیرتله بیان ایلمش واجرا
 ایلدیکنی چنایتدن یقاسنی قورتارمق ایچون یالان سویلمکدن ده اجتناب
 ایلمامشدر .

بونلرك ساعتارجه دوام ایدن بوحالندن صوکره دیگر اوطه لرده بولونان ذات
 سامی مشیختنهای ایله سائر وکلای خام کامل پاشا حضرتلرینك یانلرینه کلمشدر .
 بر مدت صکره موقع صدارته تعیین ایتدیردکاری محمود شوکت پاشا حضرتلری
 شیخ الاسلام جدیدی مصحوباً باب عالی به کلدیکندن اختلالچی بکرك قیو
 اوکنده کی ارقداشرینه ایشتمردمک ایچون خلاف معتاد اوله رق مردیون باشنده
 « خط هامونی » قرائت ایتدیردکدن صوکره عرض اوطه سنه کلوب موجود
 قاتللك تبریکاتی قبول ایله ترتیبات لازمه به باشلامشدر .

وکلای سابقه بر اوطه ده کامل پاشا حضرتلرینك یانلرنده و صدر جدید محمود
 شوکت پاشا ایله عونونه سی دیگر اوطه لده کیجه یاریسندن صوکره قدر بولنشلردر .
 محمود شوکت پاشا نصف الیلدن صوکره بر آره لق بشقه بر اوطه ده کامل پاشا
 ایله آبروجه کوریشمش واحوال حاضرده دن بحث ایلمش ایدی .
 بومصاحب اثناسنده محمود شوکت پاشا (بزورایه ایستکرله کلمدك بزى کیردیلمر)
 دیلملری اوزرینه کامل پاشا دخنی (اوت بزى دخنی اوپله کتیر مشلردی .

کلیشکز بزه بکزه دی دقت ایدیکز که کیدیشکز بکزه ماسین !!) پیر سیاست کامل پاشا حضرتلری اوکیجه الافرانغه ساعت اوچلره قدر باب عالی ده قالمش و اوچدن صوکره انجق خانه لرینه عودت ایلمکه موفق اوله بیامشاردر .

کامل پاشا بو حال ایله لایلا آلدقلمی صغوقدن طولانی ایرتسی کونی خسته نمیشلر و زیارتلرینه کن دول معظمه سفراشدن هیچ بریسی قبول ایده مامشلرایدی . اون کون قدر اسیر فراش اوله رق تداوی ایدلدکدن و براز کسب عافیت بیوردقدن صوکره اطبانک کوستردیکی لزوم اوزرینه برای تبدیلها مصره عزیمت بیورمشلردی .

اتحاد وترقی جمعیتی کامل پاشا حضرتلرینک بوندن اولکی قابینه سنی بر صورت غیر مشروعه ده دوشوره رک دولت و مملکتک فلاکت و انقسامنه طوغری برنجی خطوه یی آتمش ایکن بو دفعه غایت خفیع و خونخوارانه بو یولده دوشورمی دولت و ملتیز ایچون چاره نجات و سلامت قالدیغنی کوسترمش وارباب حمیت و وجدانی بک زیاده دوشوندرمشدر .

ذاتاً دولت و مملکتله بر علاقه سی اولیان بوجمعیات مؤسسين و رؤسا سنک منفعت ذاتیه لرینی تأمیندن غیری بر دوشونجه لری اولمیدیفندن بوندن بشقه کندیلرندن برشی بکله مک عبثله اشتغال ایتمک دیمکدر .

سنلری حد کاله ایرمش اولان کامل پاشا حضرتلری نان و نعمتیه پرورده اولدیغنی دولت و ملتیه صوکر بر خدمت صادقانه ده بولمق و دولتک حال و استقبالده اوغرایه جفی خارجی ، داخلی فلاکتلره برسد هائل چمک ایچون بک بو یوک بر تشبهنده بولندقاری صره ده ناکهانی صورته ده بو حاله دوچار اولماری تشبیهات واقعه یی عقیم برافش و بوصدارتنده ده ارزوسی دائره سنده حرکتیه موفق اوله مامشلردر .

اوتیه دنبری مغلبه و اشقیالندن کندینی قورتاره میان دولت و ملت مقدراتینی اشرا و اشقیالنه ویرمش و مملکت مزده بوکونکی حاله کمشدر .

کامل پاشا حضرتلری هیچ شبهه یوق که بو اشقیال و اشرا نک صوکر درت بش سنه ظرفنده مملکتده اوینادیغنی او یولره آرتق بر نهایت ویرمک عزمنده بولندقارینی شوازمیت دوام ایدن صدارت لرنده ارائه و اثبات بیورمشلر سه ده مع التأسف اسباب مانعه حیولیته بوکرده بوجمعیات اشقیال سندن مملکتی تطهیریه موفق اوله مامشدر .

چونکه كامل پاشا بونلرك آتيا مملكتى دوشوره جكارى حفره ي چوقدن كورمش و بو جمعيتك وجودينك ازاله مى ايچون هر نه يايى لازم ايسه يايوب دولت و مملكتى قورنارمقدن كير و طورمدقلى كې كنديلرينه مساعد و معاون اولان قاينه مى اركانك فكربى ده بو جهته اماله يه باشلامش ايدى .

كامل پاشانك بوصوك قاينه مى اركان كرامى . مملكتيمزك اك على و دكرلى عضوندن مركب اولدقلى خالده مع التأسف بر ايش كورمكه موفق اوله مامشلدرد . زيرا بو اركان فحام هيچ بر فرقه و جمعيت منسوب دكلر ايديسه ده مملكت باشدن باشه اتحاد امالنه خدمته آماده و اكثر مامورين دولت جمعيتك قارا كلق او طه مى محفيندن بولندقلى جهته و يريلن او آمرك حرفى حفره انفاذى قابل اوله مديغندن كامل پاشا مطلوبك حصولنده انديشه بيوريورلردى .

نته كيم اويله ده اولدى نظار گرامدن بعضلى مخالف صفتنده اطرافلرينى الان اتحادجيلرك تشويقاتنه آلدائش و بعضى ده ابتداى انقلابدن برى اتحادجيلر طرفندن مامورين دولت و مملتك سمعنه يرلشديريلن پرووغانلردن برىسى اولان (قانونى حركت ايدم . بزده انلركي بر ياكاشلقه دوشيمه) سوزريله حركت ايتك ارزوسنى اظهار بيوره رق خطا ايتشلردى .

وكلای فحام حضراتك بو خطاسنه حرييه نظرى ناظم پاشا حضرتلرينك تميز و صاف اولان قبلرى اردويه طلعتلر ، انورلر ، جماللر ، فتحيلر و امثاللرينك دخولنه مانع اوله مديغندن بالطبع اداره حكومت اتحاد جيلر النده قالمش و نتيجه نك و خامشى اولزمان كوسترمش ايدى .

بوايشده ذات سامى صدر اعظمى ايله ذات على مشيختنهائى يالكز قاله رق هر نه درلو بر چاره صلاح و سلامت تحرى بيورمشرسه ده موانع متعدده ظهوريله موقفيت الورى مامشدر .

قانونى حركت ايتك ارزوسنى اظهار بيوران وكلای فحامه غفورينه مغروراً سوال ايدركه ؟ شمدى يه قدر مملكتده اتحاد جيلرك آصديقلى و سوردكلى آلدقلى ، يادقلى هرايشده قانونى كنديلرينه آت ايتدكربى كورمپورلى ايدى . بكون اتحاد زور بالرينه ده سوال ايدسه هر فعللى قانون دائره سنده اولديغنى اثباته قالمشدر .

ذاتاً شمدى يه قدر دنيا ده پاييلن فنا قلمك جمله مى اللرنده برآت اولان قانون

ایله یاییلمشدر .

بو بویله اولدقدن صوکره آرتق قانونی حرکت ایدلم دیمکه حاجت یوق ذاتاً ویریلن امرلر غیر مشروع و غیر قانونی دکل ایدی .

قانونی حرکت ایدلمی وکلای نغام اتحاد جیلردن اخذ وتلقی ایله استعمال ایده جککریته بونلرک بر صورت سر بعهده مضر تلرینک دفعنه الده کی قانون دائرة سنده همت و غیرت بیورمش اولسه لردی . هم او مخالف صفتنده کی اتحاد رؤسائینک همده اتحاد اشرا واشقیاسنک القا ایلدیکی فکر سقیمدن مملکت ازاده قالیر ، بواشقیاده محو و پریشان اولوردی .

ایشته بوکی یا کاش حرکت بیوران قاینه ارکانندن بعض ذوات رؤسای اتحاد طرفندن مغفل اولمغله کامل پاشا حضرتلرینک افکار وطنپورانه لرینک اجراسته امکان بر اقامش و صدر مشار الیه بو صوک وقعه جنائیه یی کو ستر میشدر .

هرنه ایسه بو حرکت غیر مقبوله نک تشریح و تصریحی وقعه نویسانه براقه رق صدهده رجوع ایدلم .

برازده یوقاریده دیدیکزکی استقبال ملت و دولتی نظر تامله الان کامل پاشا حضرتلرینک دولت عثمانیه حقهده آتیا ظهور ایده جک اولان فلاکت و مشکلاتی منع خصوصنده کی تشبثات جدیه لرندن بحث ایدلم .

کامل پاشا حضرتلری انکثره دولت معظمه سی دوستلغنک دولت علیه عثمانیه ایچون نه درجه الزم ایدوکنی و بودوستلغنک دولتمز و مملکت مزه محض حیات اولدیفنی یک رعنا بیلدکلرندن اوتنه دنبری انکثره سیاست عالیه و پولتیقه سنی تصویب و تعقیب ایدرلر . دائماً مسند صدارته کلدکلری زمان مذکور پولتیقه یی ترویج بیوررلردی .

ذاتاً دولت علیه عثمانیه عصرلر دنبری انکثره دولت معظمه سنک مظاهرت و معاونتی سایه سنده برحق و قایعهده تمامیت ملکیه سنی محافظه ایده بیلمش ایدی . بو حقایق انکار ایدنلر تاریخه عدم وقوفی اولانلر و یا بر منفعت ذاتیه مقابلنده قصداً بشقه صورتله حرکت ایلانلردر .

یوقسه تاریخه آشنا اولانلر و تبعات تاریخیهده بولونانلر بیلیرلرکه هرنه زمان دولت علیه عثمانیه آلمانیا و آوستریا دولتلرینک انترقیه لرله فلاکت و مصیبتیه معروض قالمش و روسیه حکومتنک تعرض و تسلطنه اوغرایه رق الک بو یوک تهلکه

و مشکلاته دوجار اولمش وهر وقت انکلتزه دولتک مظاهرت و معاونتی استحصال و تأمین ایدلک صورتیله اوفلاکت و مصیبتدن تخلیصه موفق اوله بیامشدر .

دولتک صوکه زماندرده یتشدیردیکی الک بیوکه رجال سیاسیسی اولان رشید پاشا ، عالی پاشا ، فوآد پاشا ردخی انکلتزه دولت معظمه سنک همت و معاونتی ایله برچوق وقایعدن دولت و مملکتی قورتارمشدر .

بو حقیقی مدرک اولان و دولتک عنعنات قدیمه تاریخیه سنی نظر اعتباره الان ومدت حیاتنده انکلتزه سیاست عالیه سندن اصلاً انحراف ایتمک دولت و ملتیز ایچون مدارنجات بیلن کامل پاشا حضرتلری دولتک بوحال فلاکت و بحران مدهش ایچنده یو وارلندیغنی کورنجه انکلتزه دولت معظمه سندن استمداد و استعانهدن بشقه برچاره قالدیغندن دولت معظمه مشار الیه ایله بر اتفاق عقدی ایچون مراجعت بیورمشلر ایدی .

شویله که ، دولتک حال و موقع جغرافیسی و عنعنات تاریخیه سی اعتباریله شدت و صمیمیتله مربوط بولندیغنی انکلتزه دولتی ایله بر اتفاق تام حصوله کتیرمک ایچون لوندیره سفیری بولونان صدر سابق توفیق پاشا حضرتلرینی مأمور ایلدیلر . بو اتفاق مذاکرتی غایت خفی جریان ایدیوردی .

حتی بو اتفاقک اساسی حاضرله مق و بوابده لوندیره سفیری توفیق پاشا حضرتلرینه تبلیغات لازمهده بولنهرق انکلتزه خارجیه نظارتیله مذاکره ایلمک اوزره مخدوملری بحریه میروالزندن سعادتلو سعید پاشای صورت مخصوصهده بالدفعات لوندیره اعزام ایتمشلردی .

اولزمان انکلتزه دولت معظمه سی خارجیه ناظری بولونان اصلتلق قونت واردغری حضرتلری و خارجیه نظارتی مستشاری انکلتزه اعظم رجال سیاسی سندن سیر نیقواسون جنابلریله مشار الیه توفیق و سعید پاشا میاننده جریان ایدن ملاقات و مذاکرات نتیجه سنده دولت علیه عثمانیه نک تمامیت ملکیه سنی ضامن اولق اوزره انکلتزه دولت معظمه سیله دولت عثمانیه آره سنده تدافعی و تجاوزی بر اتفاق اساسی حاضر نمیش و قرار لشدیرلش ایدی .

قرار واقعک موقع تطبیق و اجرایه وضعی ایچونده بو مذاکرات سیاسی ائنا سنده ابراز رؤیت و فطانت بیوران و دولتک سلامت و سعادت آتیسنی تأمینیه موفق اولان توفیق پاشا حضرتلری اتفاقک تسریع حصولی ایچون قایینه ده

خارجیه نظارتی در عهده و قبول بیورهرق در سعادتیه متهمی عزیمت بولندقلری صروده باب عالی وقعه مؤسسه سی ظهور ایتمشدر .

بو صورتله قاینه بی باب عالی به هجوم و ایقاع جنایتله سقوط ایتدیرن اتحاد و ترقی جمعیتی ایسه جنایت ایچنده جنایت اجرا ایتمش ایدی .

چونکه بو وجهله موقع صدارتی ترك ایدن کامل پاشا حضرتلری بر مدت دهامسند صدارتده قالمش اولسه لر بو اتفاق عقد ایدیلور ، دولت و مملکت مزده بو کونکی فلاکت و اضمحلاله معروض قالمز ایدی .

جمعیت اتحادیه اشرا و اشقیاسنک منفعت ذاتیه و شخصیه لری اوغرنده اجرا ایتدکلری جنایات تعداددن خارج وایکی دفعه کامل پاشا قاینه سنه اوردقلری ضربه ایسه بو جنایتلرینک اک مدهش و فجیعی اولدیغندن آرتق بو جمعیت وافرادی حق حیاتدن کندیلمی محروم ایتک زمانک کلدیکنی و دولت و مملکتله ایتدکلری فئالقلری کوز اوکنه کتیر رک نام و شانلرینی عالم بشریتدن سیلمک ایچون برر برر انتحار ایدهرک وردزبان ایدکلری ناموس کلمه سنک معنای حقیقیسنی بالفعل ارائه و اثبات ایتدیلرلر .

دولتمزک انکاتره دولت معظمه سیله عقد ایده جکی بو اتفاقدن نه مرتبه تأمین منفعت ایده جکی ایضاحه حاجت یوقدر .

ایشته پیر سیاست تدبیر کامل پاشا حضرتلری کیجه و کوندوز راحتنی سلب ایده زک دولتک تأمین استقبالننه چالیشمشدر .

ذاتاً اوزاغی کورمک حاصه سنه مالک اولان مشار الیه حضرتلری دولتک و مملکتک بو کونکی فلاکتله اوغرایه جغنی بر چوق سنه اول کورمش ویدی سنه اول برای تبدیلموا مصرده بولندیغی صروده استقبالده کله جک اولان فلاکتک اوکنک الخمسی ایچون سلطان محمد خان خامس حضرتلرینه آئیده عیناً صورتی مندرج عریضه بی تقدیم و ارسال ایله ابراز آثار حمیت و صداقت بیورمش ایدی .

— عریضه صورتی —

جناب رب منان ولی نعمت بی امتنان افندمر حضرتلرینک عمر و اقبال ، شوکت و اجلال شاهانه لرینی مز داد بیورسون .

شو بولندیمز حال خطرناکک تأثیری تحتنده اولانارک جدأ مضطرب و دلخون

اولاملری ناقابلدر . احوال ادارهٔ ملکیه و سیاسیه ده بی وقوف اولان اتحاد و ترقی جمعیتک نفوذ و تحکیمه تبعاً حکومتک سالک اولدیی مسالک سقیمک انتاج ایتمکده اولدیی عال و مشاکل و مهالک تحلیل و تدقیق اولندقجه ممالک دولت علیهک انتقامه معروض بر حالده و خلافت سنیهک تهلکده اولدینی نمایان اولور . فی زماننا سائر دول معظمه یالکیز کندی قوتلرینه استناد ایله حقوق و منافع مخصوصه لرینی تأمین ایدمه جک لرینی ادراک ایدرهک منفعتده مشارکته مستعد و طرفدار دیکر دولترلرله عقد اتفاق و بوضورتله موازنهٔ دولیه ده موقعلرینی تحکیم ایلدک لری حالده دولت علیهک بوکا موفق اوله مامسی یالکیز لقله دیکر دولت و ملتارک احتراصات و تعرضاتنه معروض بر وادی انفراد ده قالمسنه بادی اولشدور . شرقده منافع تجاریه و اقتصادیه سی اولان دولترلر دن مسالک سیاسیلرینه ک زیاده اعتماد ایده بیله جکمز انکاتره ایله فرانسه اولدینندن دور سابقده انکاترهک مظاهرتنه نائلیتمز ایچون اتفاقنه خاقان سابق امالیه نه درجه چالیشدیغم خاطرات عاجزانه مده مبین و باب عالی قیودیه مبرهندر . نه چاره که سلطان عبد الحمید حضرتلری روسیه محاربه سی مغلوبیتک تأثیری تحتنده انجذاب خوف ایله سلامت نفسی روسیهک اتفاقده آرامقده و دوات مشار الیها دخی و سائط مخصوصه سیله سلطان عبد الحمید حضرتلرینک دوستلغنی کندی طرفنه حصر ایتک ایچون بالجمله مساعدینی ابدال و باخصوص روسیهک اول وقت رقیبی اولان انکاترهی نظر شاهانه یه عدو اکبر کبی ابراز ایلکده ایدوکنندن معروضات عاجزانه مله خنکارک تحویل فکر ثابتی قابل اولما یوب بناء علیه دولت علیه بین الدول معینسر قالمغله بعض دواتلرک احتراصاتنه معروض قاله رق روسیه و آوستریا پولتیقه سی آرّه سنده روم ایلی قطعه سی الدن کیتک درجه سنه کلمش ایکن بغایه الله تعالی انقلاب مسعودک وقوعیله قانون اساسینک اعلانی اوزرینه ولایات ثلثه دولتین مشار الیهماک تشبثات مضره سندن قوریلوب مع مافیہ عموم تصور اتندن اولان بلغارستانک استقلالی اعلان و بالنتیجه بوسنه — هر سک دخی آوستریا مالکته الحاق اولنشدور .

جملهک معلومی اولدینی اوزره تأسیس اولونان حکومت مشروطهک اتخاذ و تعقیب ایلدیکی مسالک سالم داخلاً و خارجاً عمومه امنیت بخش اولسیله اداره دوات تحت انتظامده دورانه باشلا یوب درحال ممالک عثمانیهک ثروت طبیعیه سی موقع انتفاعه وضع ایله معموریت و ترقیانه خدمت و معاونت مقصدیه بالجمله

اوروپا سرمایه دارلرینک قاصه لرینی آچمش اولدق لرینی مشاهده ایدن اتحاد وترقی جمعیتک منفعت پرستانی اشبو ابواب ثروتک کشایشنی دعوت ایدن حال حکومتک حائز امنیت اولماسندن منبعت اولیوب طبیعی برشی اولدینی و بناء علیه کندیلری دخی اداره حکومتی اله آلمش اولسه لر هم کندیلری هم مملکت استفاده ایده جکی ظنیه مناسب بروسيله اتخاذ ایدهرک انفصال عاجزانه می وقوعه کتیرمشر و کندی منسو برندن مرکب بر هیئت حکومت تشکیلله اداره بی اله آلمشردی .

بو صورتله زمام حکومتک ارباب اختلاک اللرینه کچدیکنی کورمش اولان سرمایه داران درحال چکیلوب امور نافعنه تشبثاتک کری قالدینی و بعده احداث اولونان اختلالرده فصل قانلر دوکولدیکی مستغنی عرض اولوب الحاصل ژون ترک ناميله تشکل ایدن جمعیت حکومتی چونکه حکومت مشروطه قاعده سی اوزرینه انفاذ احکام ایده مدیکندن اداره عرفیه اعلانیله احوال اداره مستبدیه ی اعاده ایدهرک کک مرکزده و کک ولایاتده امور آشنا مامورین آچیه چیقار یلوب لرلرینه جمعیه منسوب آدمار نصب ایدلسيله بونلر تجربه دیده و کار آزموده کیمسه لر اولدیغندن جمعیتک تعلیماته تبعاً اتخاذ ایلدک لری مسلك سقیمده اهالی بی دلکیر ایدهرک آرتاؤودلق ، عربستان و عینده وقوعبولان اختلالاتده کک عسا کر شاهانه دن و کک اهالیدن بیهوده قانلر دوکولمش و ملیونلرجه لیرار صرف و هدر اولوب جمعیت حقنده نفرت عمومی بی دعوت ایتمکدن بشقه بر نتیجه حاصل اولماشدر .

بعده جمعیتجه عالمه میدان اوکورجه سنه اظهار اولونان طور و حرکت دول متحابه بی دلکیر ایدهرک بو حاله قارشى حکومت متجاوره تدابیر لازمه اتخاذینه مسارعت و دیگر دولتلر نتیجه حاله مدنظر دقت ایلدک لری صروده ابتالیا دولتی سفارتک برنجی نوطه سنده مبین اولدینی اوزره دولت علیه دکل جمعیت علیه نه اوله رق اعلان حرب ایله طرابلس غرب و بنغازی بی ضبط واستیلایه قیام ایلمشدر .

خل عهد اولان بو تعرضه قارشى انگلتره ، فرانسه و روسیه دولتلرینک بیطرف بونلری معنیداردر بو درس عبرت بزه کافی اولمسه دیگر تجاوزاتده انتظار اولملیدر .

بوروش حالک صوکی (لا سامح الله) مقاسمه در . بوکونکی کون کربد ایله روم ایلی قطعیه سی مقاسمه یه معروضدر . بو بایده کی حسیات عاجزانه مک مستند

اولدنی معلوماتی تحریراً تقدیم ایدهم. جمعیت اربابی حقایق احواله واقف اولسه لر هم دولتک همده کندی نفسلرینک سلامتی ایچون امور اداره حکومتده مداخله دن ال چکدرک امور خیریه ایله اشتغال ایلملری اقتضا ایدر. عکسی تقدیرده خاقان سابق زماننده استبدادی اورته دن قالدیرمق ایچون ظهوره کلن وقعه خیریه مثللوینه اردوی هایونک اشتراکیله قریباً وقوعی طبیعی اولان اختلال شمیدیکي استبدادی دخی محو ایده جکی شبهه سزدر.

افکار عمومیه آوروپاده دخی ایتالیانک تجاوزات غیر محتممی علمینده ایسه ده حکومتلر ایچون تبدیل قراره بوکافی دکلدر. آلمانیا کندی متفقلمری اولان ایتالیا وآوستریانک منافعه مظاهرتدن آریله ماز.

انکلیز حکومتک بولندینی حال بی طرفیدن چیقوب دولت علیه نک حقوقی محافظه ایده بیللمسی اسبابی بزم استحقار ایله مه مز لازمدر. انکلیز ایله طریق اختلافه کیرمک ایچون شوهرده بوراجه ایورزمین سالم حاضر لائش ایسه ده بو طریق کیرمک، اورته ده حائل اولان جمعیت خفیه نک رفعیله ممالک عثمانیه ده حکومت مشروطه نک تأسیس ومظاهرتنه متوقف اولوب بوده اداره عرفیه نک رفعیله مجلس مبعوثانک هیئت حکومته طرفدار ویاخلافکیر فرقه لرک کرک وضع قوانینده وکرک وکلانک اجرا آتی مراقبه ده هیچ برطرف نفوذی تحتنده اولمیرق مذاکره مواد واعطای رأیه سربست اولمزدن عبارتدر. انکلیز ایله میانده حاصل اوله جق اختلافه فرانسه ایله روسیه نک اتباع ایده جککری درکاردر. اگر جمعیت اربابی بو ایضاحاته قانع اولمازلرسه کندیلریله بالاجتماع تعاطی افکار ممکندر. کورلم: اولاداخللاً اهالیجه جمعیت علمینده پیدا اولان نفرت عمومیه نک ازاله سی قابلمیدر؟ ثانیاً: جمعیتن دلکیر اولان دولت وملتک توجیهاتی جمعیت لهنه چویرمک ممکنمیدر؟ اگر قابل وممکن ایسه بوایده جمعیتجه دوشونیلن چاره نهدر؟ ممالک عثمانیه بی مقاسمه یه مبدأ اولق اوزره ایتالیانک بزه آچدینی محاربه نک اوکنی وسفک دمء وقوعنی منع ایله طرابلس غرب وبنغازی بی استیلادن قورتارمق ایچون قنئی قوته استناد اولمقده در؟ هر نه شق ایله اولورسه اولسون بو ولایتک تخلیصی امیدى ضعیف اولوب بورالری الدن کیدرسه کیرد مسئله سی ذاتاً بین الدول موضوع بحث اولسیله بونک دخی علمهمزده حل اولنمی بالقان حکومتلرینک حرصنی تحریک ایده جککدن آچیله جق غوائل کلییه بلا معین بالکیز اردوی

هابون ايله نصل مقابله اولنه بيله جك وبوغواثل ايله مدت مديده اوغراشمق
 مليونلرجه ليرالر صرفنه محتاج اولديغندن نره دن ونه وجهله استقراض عقدى
 ممكن اوله جق ؟ معاذ الله تعالى روش حال بورالره قدر وار ير وروم ايلي قطعه سى
 الدن كيدرسه ، چونكه جمعيت طرفندن مصرده حزب الوطنى تحريك ايدلسندن
 طولاي خديويت مصريه جمعيتدن منفعل وانكتره دخى عين حالدن دلكير
 اولدقلردن بويله بر مقاسمه حالنده مصر ليلرده دولت عليه نك مصرى حايه يه
 اقتدارى قالمديغى اعتقاديله خديوك سلطنت سنيه لرينه اولان صداقتنه رغماً
 بلغارستان كي مصر ك استقلالنى اعلان وانكتره نك مصرده وسودانده اولان حقوق
 ومنافعى تامين ايچون ميانه لرنده معاهده عقدينه قيام ايده جك اولدقلى تقديرده
 جمعيتجه بونك منعى نصل ممكن اوله جق ؟ وبوحالده عين ممالك عثمانيه يه اولان
 ارتباطنى فك ايده جكي شبهه سر اولديغندن حجاز ايله خلافت سنيه نك حال
 وموقعينه شكل آله جق ؟ روسيه شميدن بوغازلر مسئله سنى ميدانه قويمش اولقله
 اناطولى جهتنده بزملة نه رول اوينايه جق ؟ بورالى شايان تفكر مطالعاتدن
 اولغين جمعيتك احوال معروضه حقنده عمومه قناعت بخش اوله جق جوابلرى
 هر نه ايسه بيان ايتملرى وچونكه بونده مقصد اصلى سفك دماء وقوعنك منعى
 ماده سى اولوب وخامت جاريه نك حاضر لامقده اولديغى اختلافك ايلك هيجومنه
 جمعيت اربابى هدف اوله رق طرفدارلرى دخى تعميمدن تخلص كريان ايده ميه
 جكلى روش حالدن استدلال ايدلمكده اولسييله هم وطنك هم ده جمعيتك اويله
 بر حال هولنا كدن وقايه سى ايچون جمعيت اتحاديه حكومت اجرائيه نك مسئوليتنى
 كندى عهده سنده ابقا ايده رك هلاكه معروض قالمقندن ايسه امور حكومته جاهلانه
 مداخله دن فراغت وجهليه اعلان كيفيتله بعدما حكومتك حايه سى تحتنده امور
 خيره ايله اشتغال ايتلملى اولى اوله جقى جهتله مجلس مبعوثان اعضا سندن جمعيتك
 منسو بينيله خلافيكراندن مركب بر قوميسيونده مذاكره مصاحبتله قرار ينك حضور
 على جناب شهربايرلرينه عرض اولنسى واليوم امارات ظاهره يه كوره مقاسمه يه
 معروض اولان وطنك سلامتيله برابر خلافت سنيه لر ينك دخى خللدن صيانتى
 امر اهرمنك بلا افاته وقت تحت تامينه آلنسى خصوصنه اراده وفرمان بيورلمسى بابنده .

صدر اسبق

قوللى

كامل

۷ كانون اول ۱۳۲۷

یدی سنه اول شویازیلان عریضه دولتک آتیا اوغرایه جغنی فلا کتی جمله به اراائه ایلدیکی حالده بونک نظر مطالعه وندقیقه ییله الخمسته تنزل ایدلبه رک جمعیت اتحادیه طرفندن بر طاقم افترازله کامل پاشا حضرتلری علیه نه قیام وهجوم ایدلمش وعریضه طنین غزته-یله ومزاردن برسس سرلوحه سیله عیناً نشر ایتدیر یلوب پاشای مشار الیهک سیاستی قوقش وکندیلرینک میدان سیاستدن قالمشش وأولمش اولدقلرینی اوتانمدن اعلان ایتدیرمش ایدی .

اتحاد وترقی جمعیتک حرکات جنائیه سی یوزندن کامل پاشا حضرتلری برنجی مشروطیت قاینه سنده موقع اجرایه وضع ایده جکلری برحق مواد مهمه نک تطبیقنه وقت بوله مدقلری کبی بو دفعه کی صدارتارنده دخی ینه اوسپیدن انکلتزه اتفاقیه سائر کونا اصلاحات تشبثاتی عقیم قالمشدر .

دولت وملتمزک طالع وقدردنمدیرکه . بزده یتیشن اعظم رجال سیاسیه شمدی به قدر هرنه به تشبث ایتسه لر مطلقاً قارشولرینه بر انکل وبارر رقیب ظهور ایدر واوذاات تصمیم ایلدیکی مسائل مهمه بی اجرایه میدان بوله مقسزین ترک موقع ومأموریت ایلر .

بو جمله دن اوله رق بیوک رشید پاشا ایله عالی وفوآد پاشارلکده اصلاحات وتنظیمات دولت حقنده کی تصورات وتنصیما تارینی موقع تطبیقه وضعه مقتدر اوله مدقلری تاریخده کورلمکده در .

کامل پاشا حضرتلری دور سلطان عبد الحمید خانیده کی برنجی وایکنجی صدارتارنده دخی اصلاحات دولته متعلق اجراسنی تصمیم ایلدکلری برحق مواد مهمه بی موقع تطبیقه وضع ایده مامش ایدی .

ازجمله اناتولی ، روم ایلی ولایاتی اصلاحاتی وارمنی مسئله سنک تسویه سی ، امور اداره حکومت ومالیه نک تنظیم واصلاحی وبوکا مماثل سائر کونا صورت تطبیق واجراسی لازم کلن مواد هپ تأخره وعدم قبوله اوغرا دیله رق عقیم بر اقامش ایدی .

حتی ایکنجی صدارتارنده کامل پاشا حضرتلری اناتولی وروم ایلی اصلاحاتیه ارمنی مسئله سنک حلته ومجلس مبعوثانک کشادیه دولت وملتمزک رفاه وسعادتنه خادم اجراآت حکومته دائر تحریر وتنظیم بیوره رق سلطان عبد الحمیدخان حضرتلرینه عرض وتقدیم ایلدکلری لایحه مفصله اوزرینه منفوراً ومنکوباً

صدارتدن عزل اولنه رق وهمان درسعادتی ترك ایتك اوزره حاضرلانا واپور
خصوصله تعیین اولندقلری حلب ولایتی والیكنه عزیمتلی تبلیغ اولمش
ودولتخانه لری برچوق مأمورین خفیه وتفنگچی ویاوران پادشاهی طرفندن
تحت مراقبه وترصده النشدر .

خاطر عاجزیده اولدیفی اوزره پاشای مشار الیه حضرتلری تعیین بیوردقلری
حلب ولایتنه عزیمتدن استنکاف ایله تقاعدینك اجراسیله استانبولده قالمسنه دائر
بالتحریر تقدیم حضور پادشاهی ایلدیکی عریضه اوزرینه ترصداات واقعه
تعرضاته قلب اولمش ودولتخانه لرینه کیدوب کلمك ایستیان سفرا و سائر ذوات
کرامك دخول لرینه بیله نمانعت ایدلمش ایدی .

بوحال ایله درسعادته اقامت ایده میه جکلینی تفکر وتأمل بیوران کامل پاشا
حضرتلری بك زیاده سودکلی از میره عزیمتله اوراده اختیار اقامتی ترجیح
بیوردقلرینی عتبه علیایه عرض ایتملری سراجیه بر غنیمت غیر مترقبه عداولنه رق
آیدین ولایتك عهدۀ نهمانه لرینه توجیهله تهیته واحضار ایتدیریلن از میر
قرووا زور هایوننه راکباً درحال در علیه دن عزیمتلی خصوصنه اراده سنیۀ
پادشاهی شرفصدور بیورلمغله بالضروره عزیمت واون بر سنه از میر والیكنده منفیاً
ومنکوباً قالمشدر .

دولت ومملکتنه ایتدیکی خدمته مقابل ومکافاة اولقی اوزره شووجهله منفیاً
اعزاملردن طولانی اصلا فتور کتیرمامش واز میرده بولندقلری مدنجهده اصلاحات
واقعه نك اجراسی ایچون ذات شاهانه مه مراجعت ومراسلاتدن کیرو
طورمامش ایدی .

از میرده بولندیفی اون بر سنه لك بر مدت مدیده ظرفنده اصلاحات حقنده
واقع اولان بو مراجعتلری اوزرینه اوچ ، درت دفعه مستند صدارته تعیین
بیوریلهرق درسعادته عودتلی حقنده اراده سنیۀ پادشاهی بی اخذ وتلق ایلمشدر
سده عقیبنده درسعادت آلمانیا سفیری بارون مارشال دوبیرشتاین جنابلرینك
ایمپراطورك امریله چویردیکی دولاب فساد عزیمتلینك تأخیرینه سبب
اولمشدر .

اون بر سنه از میر والیكنده بولندقدن صکره ینه آلمانیا ایمپراطور وسفیری ایله
اوهنگامده موقع صدارته بولونان فرید پاشا حضرتلری رقیبی عد ایلدیکی کامل

پاشای ولایتدن عزل ایتدیرمکه موفق اولدقلری کبی ایکی قاتلی نئی دیک اولان ردوسده اقامتیرینه ده اراده سنیة پادشاهی بی استحصال ایلمشدری .

بونک اوزرینه ازمیردن محفوظاً رذوسه اعزامیرینه ازمیر فرقه سی قوماندانی فریق توفیق پاشا ایله تعقیب اشقیایه مأمور میرلوا قره سعید پاشانک مأمور ایدلکلرینی خبر الان کامل پاشا حضرتلری طوغریجه انکتره نک ازمیر قونسلوسخانه سته عزیمتله قونسلوس « مستر هنری الفرد قومرباج » جنابلرینه برهفته قدر مسافر اولدیغندن انکتره حکومتیله دولت علیه عثمانیه خارجیه نظارتلری بیننده جریان ایدن مخبرات نتیجه سنده مشار الیه کامل پاشا حضرتلری هر درلو تعرضدن مصون و آزاده قالمق وعائله محترملری حقننده عین معامله ایفا واجرا قلنمق اوزره درسعادته اقامتیرینه قرار ویرلدیکندن بر موجب قرار در علیه یه عزیمت و طرف شاهانه دن نشان طاشنده احضار ایتدیریلن قوناقدده اقامت بیورمشلردر .

مشار الیه کامل پاشا حضرتلری ابتدای انقلابه دکین برسنه قدر مذکور محله اقامت ایتدیلر .

کامل پاشا حضرتلری رشید و عالی وفوآد پاشار کبی زمانک اعظم رجال سیاسیة سندن اولدقلری حالده مع الأسف قدر و قیمت نخیمانه لرینی تقدیرده اظهار عجز ایدلمش واوذا ت نادر الوجود دن دولت و مملکت ایچون بر چوق استفاده تأمین ایدلمک قابل ایکن بوجهته برر درلوموانع و رقابت ایله عقیم بر اقدیرلشدر .

مشار الیه حضرتلری بالاده ایضاح و بیان اولندیغی اوزره قاینه سنک بر صورت غدارانه وجنایتکارانه ده سقوطی اوزرینه مصره عزیمتله بر مدت مصرده اقامت ایتدکدن صوکره درسعادته عودت ایتمش ایسه ده اتحاد و ترقی اشرا و اشقیاسنک هجومنه معروض قاله رق اوچ ، درت کون اقامتله درسعادتی ترکد مجبور ایدلمش ایدی .

استانبولی ترک ایله تکرار مصری تشریف بیوران کامل پاشا حضرتلری بر مدت دهامصرده اقامت ایتدکدن صوکره مسقط الرأسلری اولان قبریس اطه سته عزیمتله لفقوشه شهرنده اختیار اقامت وعزلت بیورمشلردر .

بو صورتله بورالرده اقامت ایتدیریلن کامل پاشا حضرتلری دولت و مملکتتمزک استقبالده کوز کوره کوره اوغرایه جغی حال خطرناکی تحطردن برآن خالی قالمدیغندن حکومت اتحادیه جه بونک حسن صورتله اوکئی آلمق متمسر و بو اختلاجلیلر انده

بولونان مملکتی قورتارمق غیر ممکن اولدیغنی در پیش بیوره رق محزون ومکدر اولدیغندن کوندن کونه عارضه وجودیه لری اشتداد ایتمش وسنلری ده ذاتاً حد کماله ایرمش اولغله مقهوراً ومنفعلاً ترك دغدغه حیات ایتمکله نغش مغفرت نقشاری قبریسک مرکز حکومتی وکندیارینک مسقط الرأساری اولان لفقوشه شهرنده واقع عرب ^{اطریش} حنین جامع شریفی خطایره سنده کی مدفن مخصوصه ودیعه خالک غفران قلنمشدر .

(جناب حق غریق رحمت ومظهر غفران بیورسون)



کامل پاشا مرحوم الی سنه دنبری بزده یتیشن اعظم رجال سیاسیه میاننده برنجیلکی احراز ایدن افخم وکلای سلطنت سنیه واکابر رجال سیاسیه دن برذات نادر الصفات ایدی .

مرحوم مشار الیه دولت وملتک هر درلو حرمت ومحبته وتحسین وتقديرینه سزا ولایق ایکن مع التأسف غدر وظلم وهجوم رقبادن ازاده وخالی قالمدیغی جهتله سنه لدنبری روی راحت کورمامش وصدقات متعدده روزکار ایلله داغدار اوله رق ارتحال دار نعیم ایلنمشدر .

مرحوم کامل پاشا امور کلیه وجزئیته نک رؤیت وتمشیتده حرکات مردانه سیله مشتهر وهر سوزی مشمر ومؤثر بر وزیر صاحب وقار ایدی .

خاندان سلطنت عثمانیه یه پک زیاده حرمت وعبودیت پرورده ایدردی .

مشار الیه حکیم ، مدبر ، سرعت انتقاله مالک وووقور ومکین ومتین اولمغله برابر درویش نهاد وپاک اعتقاد وهیچ برفرده قارشى بغض وعداوت بسله مز اخلاق حسنه واوزاع مستحسنه یه مالک بر وجود پاک وقیمتدار ایدی .

والحاصل مرحوم کامل پاشا اداره امور معتنا بهاده اسلاف واخلافنه فائق وکمال درایت وصدق واستقامتله مجبول اولدیغنه بناء وجودی دولت وملته لازم ایدی .



محمود شوکت پاشانک صدارتی — کامل پاشا قایینه سنک اتحاد وترقی اشرا واشقیاسی طرفندن بر هجوم غدارانه وجنایتکارانه ایلله سقوطی اوزربنه

کجه لین موقع صدارته کان نخامتلو دولتو محمود شوکت پاشا حضرتاری مسند
صدارته مأموریتک فرداسی کونی قایینه سنی تشکیل ایدهرک ایشه باشلامشردر .



صدر اعظم محمود شوکت پاشا حضرتاری

S. A. Mahmoud Chevket Pacha (Grand Vezir)

رقیبی عد ایتدیکی کامل پاشانک ترک صدارت ایتسندن ممنون اولان کوچک
سعیدپاشا دینمکه معروف صدراسبق سعید پاشا حضرتاری محمود شوکت پاشا ورفقا
سنک موفقیت واقعه لرینی تبریکه شتاب ایله باب عالی یه کلمش ایدی .

بو وجهله باب عالی یه کان سعید پاشایه صدر اعظم پاشا حضرتاری طرفندن
شورای دولت ریاستی تکلیف ایدلمش ومشار الیهده مع الممنونیه قبول ایله حقیقه
کوچککنی کوسترمشد .

موقع صدارته ارتقا ایدن محمود شوکت پاشا وقایینه سی ارکانی جمعیتک
منسوبینه تبلیغ واعلان ایلدیکی کبی اوزمانه قدر هیئت سابقه وکلا طرفندن
دولتک نوطه سنه ادرنه نک حکومات متفقیه ترکی تکلیفه موافقتله صالح جهتی

التزام اولنديغى اعتقادنده بولندقلرى حاليه مجلس وكلا اوراقتك مطالعه سنده نوطه به هنوز جواب ويرمديكى ونوطه نك محتوياته نظراً مصالحه طريقتيه سلوكدن بشقه دولت عثمانيه ايچون چاره سلامت اولمديغى اكلامش اولميدرلر كه ، ادرنه شهربنى مريچ نهرندن ايكي به بولهرك استحكاماتى دخى اولان بر قسمنى بلغارستانه ترك ايله ماعداسى دولت عليه عثمانيه به قالمق وتعويزات جہتي ايچونده قايتولا سيمونلرك لغويله برابر اجنبى پوسته خانه لرينى دخى قالديرمق كې بعض تقسيادات ايله مصالحه به حاضر ومتمايل اولدقلرينه دائر دولتره جواب ويرمشلردر .

بو جوابلرينه بلغار حكومتى هيئت اختلافيه ايله صلح مذاكره سته نزل ايتماكه قرار ويرديكى كې تكرر محاربه به بدا ومباشرت اولنمى حقننده بلغار اردوسى باش قوماندانى جنرال صاووفه امرويرهرك مقابله ايلمشدر . بلغارلر طرفندن باشلانيلن ايكنجى حرب به اردوى هايون دخى مقابله به مجبور اولمشدر .

بو وجهله تكرر بدا اولنان محاربه دن بر فائده استحصال اولنه ميوب بيكارچه عساكر عثمانيه شهيد اولمش وانور پاشانك مجنونانه حركتيله بولاير وشاركوى جهتلر ننده برچوق اولاد وطن دكزه دوكديرلش وسابق قاينه طرفندن ادرنه ، اشقودره ، ويانيه قلعه لرنده كى طوپرله اسلحه وسائره نك دولته تسليمى طلبى قالدقن بشقه مذكور قلعه لرده محصور عساكر شاهانهدن بيكارچه افراد تلف وشهيد ايتديرلش وقلعه لر طوپرله تفنگرله عسكريله دشمن انه دوشورلشدر . شدت سمرمان وخسته لق وسائره دن ويريلن تلفاتده بشقه در .

بو ايكنجى محاربه آثار توفيق زرهلىسى ايله برقاج كمينك غرق اولمى موجب اولدى .

شو محاربه دولته برقاج مليونلق مصارفاته قيو آچديغى كې ادرنه ، اشقودره ، يانيه قلعه لرنده بولنان وانامنى مليونلرجه ليرالره بالغ اولان اسلحه ومهمات حريه يده بو مصارفاته ضم ايتمك لازم كلور .

وكلاى سابقه طرفندن دولت عليه عثمانيه نك شان وشرفيله متناسب بر صورنده حاضرلطان وحصولنه موفق اوله جقلرينده هيچ شبهه ايديله ميان مصالحه نك عقدينه قاينه يده وييرهرك حكومتى اله الان بوجانى اختلاف الجليلر بالطبع

موفق اوله میهرق اولجه ویردکلی نوطه ایله ترکنه حاضر اولدقلری ادرنه نك یاریسی یرینه بتون ادرنه نی ترک ایله (اینوز) و (مدیه) خطی حدودینی قبول ایلمشلدرد .

کامل پاشا قایینه سنه اهانن وخیانت عطف واسناد ایدن بوجانی دیپلوماتلرکندی یادقلری بو مصالحه ایله عالمه اسناد ایلدکلی اهانن وخیانتی کندیلری قبول ایتمش و ذاتاً خانن و جانی اولان بو هیئت جدیده حکومت ملت عثمانیه به دکل عالم بشریته دنائت وخیانتی اکلتمشدر .

بو قایینه نك شو وجهله آچدیغی مصارف یوزندن کوندن کونه مضایقه مالیه درجه نهائییه ی بولدیغندن مأمورین و مستخدمین دولت وایتام وارامل و سائر بالجه محتاجین و بیچارکانه معاش و یریه میوب آچلقدن هلاک درجه سنه دوشورلدی . استقراض چاره سنك تحر یسنه تشبث ایدن بو قایینه املاک امیرییه یی دکرندن پک دون بر فیثاتله صاعدی .

ینه استقراض ایجون قانونسز وقاعده سز برحق امتیازات ویردی .

داخلده و خارجده عدم امنیته مظهر اولان بو حکومت ممالک عثمانیه ده ساکن ملل مختلفه یی کندی باشلر نك چاره سنك تحر یسنه وسیاه اولدی . اقوام مختلفه بشقه بشقه دوشنمکه باشلادی .

محمود شوکت پاشا قایینه سی اردو قوماندانلردن اک دکرلی و ناموسلی ذواتله کامل پاشا صدارتنده تعین اولونان مأمورین و سائر هیی برر برر تبدیل و عزل ایله بعضلرینی درسعادتن نفی ایلدی .

عقلی و کینی برطاقم بولسزلقلر اجرا وایفا سنه ده باشلادی .

بو صروده بالقان حکومت متفقه سندن بلغار و صربلیار بیننده ماکدونیا و آلبانیا نك تقسیمی مسئله سندن طولایی تحدث ایدن کرکینلک ایکی متفق آره سنه حربی انتاج ایلدی .

بلغار و صرب بیننده ظهور ایدن بو حربیدن دیگر متفقلری اولان یونانیلر استفادیه شتاب ایدوب (قواله) و (درامه) و سائر بعض شهرلری ضبط واستیلا ایتدیلر .

بو حالدن رومانیا حکومتی دخی مستفید اولق سوداسنه دوشه رک دو بر بجه وحوالیسنی ضبط ایلدی .

دولت علیه عثمانیه نك بوفرصت غير مترقبه دن حصه مند اولسي طبعی ایدو کندن اردوی هایون (ادرنه) اوزرینه یورویوب (ادرنه) یی بد دشمندن تخایصه موفق اولدی .

شو موقعیت رأس کارده هر هانکی حکومت بولنورسه بولسون استحصالی آسان اولان بر حال اولدینی وایکی کره ایکی درت ایدر قبیلندن بر مسئله اولوب شایان افتخار بر شیء اولدینی حالدده اتحاد وترقی جمعیت و حکومتی امثالی مثللو شارلانا نلغه باشلا یه رق (ادرنه) یی آلدق نغمه سیمله اهانلنک کوزینی بویامغه و بوندن ازهرجهت استفاده یه باشلادی .

بالقان حربندن بر مدت اول طرابلس غرب ایله بنغازی یی واون ایکی بیوک وکوچک اطه یی ایتالیا یه ویرن وین جهتی الدن چیقاران مذکور جمعیت و حکومتی بو محاربه ده ده اشتودره ، سلاتیک ، قوصوده ، مناستر ، یانیه ولایتلریله کرید بزم جانر فدا اولسون قانیمز نغمه و نقراتیله بیکلرجه اهانلی یی بالا غفال زقاق ، زقاق طولاشدیردینی اونونتمش اولملی که (کرید) ولایتی ده دول متفقیه ضبط واستیلا ایتدیردی .

مع مافیه (ادرنه) یی آلدق سوزیله مملکتده بر مدت ده ا اجرای ظلم و حکومته میدان بولدی .

اتحاد وترقی جمعیتی میدان انقلابه آتلدینی کوندنبری وطن عزیزه نك بر جزو مهمنی ایادی دشمنه ترك وتودیع ایلدیکی حالدده اذهان عمومیه یی تسمیم خصوصنده کی مهارت خارق العاده سنه آلدانیمان افراد ملت یوق کیدر .

جمعیت اتحادیه نك بوشارلانا نلق و پروغاندا جیلغی حقه بازك کورولتی وشارلانا نلغی قبیلندن بشقه بر شیء اولدینی کیمسه درخاطر ایده مدی دیسهك یالان سویله مامش اولورز .

بنابراین كرك اتحاد وترقی جمعیتك و كرك ناشر فیکری اولان طنین (*) پاچاو راسنك بو وجهله چیقاردینی کورولتی ویاغره نره قاپیله جق و (طنین) ك ملی شاعری ، اسمی کیمسه یه بکره مز « کوك آلب » بکك (طنین) غزته سنك ۲۶ تموز ۱۳۳۰ (۸ اغستوس ۱۹۱۴) تاریخلی ۲۰۲۱ غره لی نسخه سنده کی :

(*) طنین — اختری کبیره کوره سینك ویزلیدی و قاز آوازی و مطلقا کورولتی معنارینه کلیر .

دوشانك اولكەسى ويران اولە جق !

توركيا بويويوب « توران » اولە جق !

طرزنده سراپا هذيان آميز « قيزيل داستان » نه آلدانه جق آرتق مملكتمزده
صاف دل بر فرد تصور ايديله من .

ايشته بوياغردجي شارلا تانلر اون سنه دنبري مملكتمزده توران اولە جق ودولت
بويويە جك واوج اعلايه حيقه جق كي سفسطه وهذيانلرله اها لي اغفال ايدەرك
دولت عليە عثمانيه ي بكونكي حال فلاكت واضمحلاله دوشورمشلردر .

مملكتك نصفني ويرمك وادرني آلق فتوحاتنه (!) مظهر اولان محمود شوكت
پاشا قاينه سنك نشئە فتوحاتله (!) وطنده اجرا ايتديكي مظالم واعتسافات قالماش
اولديندن بيزار اولان حيتمندان ووطنپروران محمود شوكت پاشا ايله قاينه سي
اركاندن بعضلرينك وجمعيت اتحاديە قاتل قوميتە سي اعضاسنك وجودلردن
دولت ومملكتي تخلص وتطهير ايتمك ومرحوم ناظم پاشانك قانني آلق ايچون بر
جمعيت خفيه ميدانه كير دكري ايشيدلمشيدى .

مسموعاتە نظراً بو جمعيتە ارباب حيت ووجدانن بر چوق ذوات داخل
اولرق ترتيبات مخصوصه دائرە سنده قرار ويردكري آدمرك وجوديني اورتە دن
قالديرمغه تشبث ايلمشر ايسده هرايشده اولديغي كي بونده ده عجله وياكلشاق
يوزندن بر طاقم خطالره اوغرانلمش وكنديلريني ارباب حيت ووجدان كوسترەرك
داخل جمعيت اولان اتحاد وترقي خفيه وفدايلرينك چويردكري دولاب تزوير
بو مقصدك تماماً حصوله مانع اولمشر .

بو جمعيت خفيه يه داخل اولان اتحادجيلر بر طرفدن جمعيت خفيه نك اسراريني
اتحاد وترقي رؤسا سيله اوصرده استانبول محافظي اولان سوريه قصابي جمال پاشايه
اخبار ايلمك وديكر طرفدن ده مذکور جمعيتله برابر حركت ايتمك كي اهانت
ودنائتي ارتكابدن چكندكري جهتله بر طاقم كنج وطنپرورانك اعدامنه
وييكرجه خلقك استانبولدن نفى وتغريبنه سببيت ويردكري دخي جمله
رواياتنددر .

جمعيت خفيه نك ويرديكي قرار وجهله بركون ايچنده محمود شوكت پاشا دخي
داخل اولديغي حالدە ديكرلرينك قتلي مصمم ايكن يالكز محمود شوكت پاشانك
قتلنه تعين ايديان فدايلرك وظيفه لريني ايها ايتمسي وديكرلرينك برطرفه

صاواوشوب کیمسی و بعضارینکده حکومتجه دردست ایدلسندن طولایی
بوایشک تمامی* حصولی تأمین ایدله مدیکی سویلنمش ایدی .

محمود شوکت پاشانک قتلنه مامور ایدیلن ذوات پاشای مشار الیه اوتوموبیلنده
وتزدنده صدارت یاوری بحریه یوزباشیلارندن ابراهیم وحر بییه نظارتی یاورانندن
سواری یوزباشیمی اشرف بکار بولندیغی حالده یازید جهتنده تصادف ایدلکلرندن
طوپال توفیق ایله رفقاسی طرفندن انداخت اولونان رولور قوشوناریله صدر
اعظم محمود شوکت پاشا حاضر تلی و یاوری ابراهیم بک مقتول دوشمشار و فاعلری
فراره موفق اولمشلدر .

محمود شوکت پاشانک شوصورتله وفاتلی موجب تأسف ایسهده مشار الیهک
ابتدای انقلابدن وفاتلرینه قدر اتحاد و ترقی جمعیتی رؤسای شریه سنک آمال
ومقاصد خائنانه وجنایتکارانه سنه اشتراک و یاردم ایتیمی نتیجهسی اوله رق بو
وقعه قتلی عادتا کندیلری نییته واحضار ایتمشلدر .

(رحمة الله علیه رحمةً واسعة)



قورشونلردن برینه قضاء هدف اولان یاور ابراهیم بک وظیفهسی اوغرنده
شهید اولمش وطنروز بر کنج ایدی .

طبیعة نازک حلیم وسلم ایدی . قضاء قدره رضادن بشقه بر چاره اولدیغی
جهتله بویولده وظیفه نظیفهسی اوغرنده شهادتی متوفای موی الیه ایچون بادی
شرف و افتخار واستقبالده دولت ومملکتنه خیری خدمتله ابراز ایتیمی مأمول
اولدیغندن مملکت ایچون موجب تأسف وتلفدر .

(مولا غریق رحمت ایلسون)



مقتولین مشار الیهمانک نعشرلی امثالی نامسبوق بر آلائی ایله قالدیریلهرق
بک اوغلنده شیشلیده واقع اتحاد جیلر طرفندن حریت ابدیه تپهسی نای ویریلن
محلده استحضار ایتدیریلن مدفنلرینه دفن ایدمشدر .

محمود شوکت پاشانک وفاتی اتحاد مؤسمین ورؤساسنک معناً ممنونیتنی موجب
اولمش ومشار الیهک ضیاع ایدلسندن صوکره کندیلرنجه بویوک طانیدقلمی
وچکینه جکلری کیمسه قالدیغندن صحنه حکومت ومملکتده خونریزانه ومجنونانه

معاملات و حرکات غیر مقبوله و غیر لایقه به باشلامشاردی .

صدر اعظم محمود شوکت پاشا حضرتلرینک ارتحالیه انحلال ایدن موقع صدارته اتحاد و ترقی جمعینه مالا ، بدنا خدماتی مسبوق اولان و برزمانلر جمعیت اتحادیه نك كاتب عمومیلکننده بولنق تزلنده بولونان امرای مصر یه دن حلیم پاشا مرحومك مخدوملرندن پرنس سعید حلیم پاشا حضرتلرینی تعیین ایتدیرمشاردر .



صدر اعظم پرنس سعید حلیم پاشا حضرتلری

S. A. Prince Saïd Halim Pacha (Grand Vezir)

سعید حلیم پاشانك صدارتی — مسند صدارت عهده لرینه توجیه ایتدیریلن خااملو دولتو سعید حلیم پاشا حضرتلری جمعیتجه تعینلری تنسیب اولونان اشرای اتحادیه دن مرکب اولمق اوزره قایینه سنی بالتشکیل ایفای وظائفه بدأ ومباشرت ایلمشاردر .

ایلك اجراآت نخیانه لری محمود شوکت پاشایی قتل ایتدیرن جمعیت خفیه

منسوبیتی در دست و توقیف و حبس ایتامک اوله رق باشلامشدر .

یالکز بونکه قالمیان صدر اعظم پاشا حضرتلری بو خفی جمعیتدن هیچ بر صورتله خبردار اولمیان و حتی مذکور جمعیت منسوبین و افرادینک نام و نشاناردن بیله معلوماتی بولنمیان و یالکز اتحادجیلره مخالف اولان بر طاقم حیتلی و طنپورانی دخی در دست و حبس و توقیف ایتدیرمش ایدی .

در دست ایدیان ذوات حیتیمندان انواع درلواذیت و اشکنجهلره معروض قالدقن صوکره سینوب قلعه سیله اناطولینک بعض محالینه نفی و اعزام ایدلمشدر . بو نلرمیاننده اماسیه مبعوثی میرلوا اسماعیل حق پاشا حضرتلری کبی ملتک مدار افتخاری اولان ذوات دخی موجود ایدی .

بو حبس و نفی اولونان ذواتک مقداری درت بش بیکی متجاوز اولدیغندن بوکرده شوال ایله مملکتیه بردهشت دوری آچمشار و فکرلرنجهده مخالفتیه شدنلی بر ضربه اورمشلدر .

یکی تشکل ایدن بو جمعیت خفیه منسوبین و اعضاسندن بر چوقلریله محمود شوکت پاشانک قاتلی و فعل مذکوره اشتراک ایدن دیگر رفقا سنی دخی در دستله دیوان حرب عرفی یه تسلیم و تودیع ایلمشلردی .

در دست و دیوان حرب عرفی یه تسلیم اولونان ذوات و طنپوران میاننده داماد حضرت شهرباری عطف و قتلو صالح پاشا حضرتلریله ارکان حربیه میرالایرندن فؤاد و کمال بک افندیلر و مأمورین و ضابطاندن بر طاقم و طنپوران بولنورلردی . جمعیت اتحادیه نک تحت امر و اداره سنده بولونان بو دیوان حرب عرفی امثالی مثللو بلا سوال و لا جواب دینیله جک بر صورتده بولاردن بر چوغنی اعدام و مؤبد قلعه بند و کورک و مختلف مدتله توقیف و حبسه محکوم ایلدی .

اعدامه محکوم ایتدیکی ذواتی بایزید میداننده صلباً اعدام و دیگر محکومینی ده عکا و سینوب قلعه لرله و لایات سائره حبسخانه لرینه سوق و اعزام ایتدی .

بایزید میداننده صلباً اعدام ایدیلان حقیقی و طنپوران میاننده داماد صالح پاشا و میرالای فؤاد بک ، پولیس مدیریت عمومیه سی قسم سیاسی مدیری محب بک ، یوزباشی چرکس کاظم بک ، بحریه یوزباشیلرندن شوقی بک ، قسطنونی فرقه سی قوماندانی فریق رضا پاشانک مخدومی ملازم محمد علی بک ، چرکس حق بک و برادری چرکس ضیا بک ، طویال توفیق بک ایله اسملری در خاطر اولنه میان

دها سکنز اون قدر مملکتتمزک آتیا وجود لرندن استفاده ایده جکی دکرلی کنج لری عز و ارایدی .

اعدامه محکوم ایدیلنلردن فراره موفق اولانلرک بعضلریده شونلردر . پیاده قائمقامی چرکس ذی بک ، نظمی پاشا زاده عبد الرحمن بک ، حکمت بک ، نظمی بکدر .

صلباً اعدام ایله شهید ایدیلن داماد صالح پاشانک موجب اعدام بر حرکتی اولدیغی و خاندان عثمانییه صهریق بولندیغی جهتله اعدامنه طرف اشرف حضرت پادشاهیدن ممانعت ایدلک ایستلیدیکی حالدۀ ذات پادشاهی نی تهدید وارادۀ سنیۀ نک صدورلندن اول داماد مشار الیهی صلب و اعدام ایتمک جسارت و کستاخلغنه اتحاد و ترقی جمعیت ملعونه سی جرأتیاب اوله رق سلطان محمد خان خامس حضرتلرینی امر واقع قارشوسنده بولندیره رق ارادۀ سنیۀ سنی استحصا ل ایدلک لری مرویدر .

دولت و مملکتته خدمات فوق العاده و مقبوله سیمله مشهر صدر اسبق تونسلی خیر الدین پاشا مرحومک مخدوم عالی لری اولان شهید محترم داماد صالح پاشا حضرتلری رؤسای اتحادیه نک جمله سنه فائق و وجودلری اتحاد و ترقی جمعیتندن زیاده حرمت و محبت ملتۀ لایق اولدیغندن جمعیت اتحادیه جانلیری طرفندن شو صورتله مغدوراً و مظلوماً و صلباً اعدام و شهید ایدیللری سینۀ ملتۀ اونوتامز بر یاره آچمش و تاریخ عثمانییه عصر مدنیته ده بویوک بر لکۀ سور مشدر .

شهید مشار الیه داماد صالح پاشا حضرتلری حق لرنده اتحاد و ترقی جمعیت و حکومتی طرفندن اجرا ایدیلن بو حرکت خائنانه و جنایتکارانه دن بالطبع فوق العاده متأثر و متأسف بولونان حلیله محترمه لری دولتلو عصمتلو منیره سلطان علیۀ الشان حضرتلرینی من غیر حد تسلیمت و تعزیتۀ جرأتی و جیمیۀ عبودیت عد ایدر و سلطان مشار الیه حضرتلرینک زوج مکرم لری شهید مغفور مشار الیه حق لرنده حکم ویرن و اجرا ایتدیرن جنیارله رؤسای جمعیت و حکومتک عن قریب الزمان عدالت الهیه ایله محکوم و مجازاة قانونیه ده دوچار اولدقلرینی مشاهده بیوره رق مهمما ممکن تسکین آلام و اکدار بیورملرینی جناب قادر المطلق حضرتلردن تضرع و نیاز ایلرم .

پرنس سعید حلیم پاشا قاینه سی بو و بویکی بر چوق جنایات ارتکاب و اجرا سندن

صوکره دولت و وطنمز ایچون الی یوم القیام اونوتیله میه جق و تواریخ عالمده لغتاره مظهر اوله جق صورنده بر جنایت عظیمهدها ایشله مشدر که هم کندیلرینی و همده دولت و ملکیتی محو و پریشان ایتمشدر .

اوده « ۱۹۱۴ » سنه میلادیه سی تموزینک ۲۸ نجی کونی باشلایان آوروپا حرب عمومیسنه آلمانیا ، اوستریا و بلغاریا دولتر یله بالانحاد اشتراک ایتمسیدر .

بالاده اسامیسی محرر دول اربعه یه قارشی محارب اولان دولترده بونلردر . انکلتزه ، فرانسه ، روسیه ، ایتالیا یعنی درت آوروپا دول معظمه سیله امریقا جماهیر متفقہ سی ژاپونیا دولتی ایله بلجیقا ، رومانیا ، صرب ، قره طاغ ، یونان ، پورتکیز حکومتلری ، چین ، سیام دولتلری ، کوبا ، پانامه ، بولیوی ، غوئامالا ، سن مارن ، هوندراس ، نیکاراغا ، بره زیلیا ، سن سالواتور ، آیتی جمهوریت و حکومتلریدر .

بر طرفده درت و دیگر طرفده یکریمی درت که جمعا یکریمی سکز حکومتک بر برلرینه قارشی اعلان حرب و قطع مناسبتی ایله حاصل اولان بو آوروپا حرب عمومیسی تاریخ بشرده امثالی غیر مسبوق بر حریدر . بویله تواریخ عالمده مسبوق اولیان بر حربک ظهورینه سبب یکنانه آلمانیا و اوستریا دولتریدر .

حرب عمومینک سبب ظهوری حقننده بر نبره جک معلومات اعطاسیله قارئین کرامک افکارینی تنویر ایتمک فائدهدن خالی اولیه جغنی بالتأمل بعض ایضاحات و معلومات اعطاسی مناسب کورلشدر .

« ۱۸۷۰ — ۱۸۷۱ » سنه لرنده آلمانیا و فرانسه حکومتلری بیننده ظهور ایدن محاربه آلمانیا نك غالبیتی ایله نتیجه لشمش و آلمانیا ایمپراطورلنک تشککه بادی اولمش ایدی .

بو محاربه نك آلمانیا دولتنه ویردیکی نشئه غالبیت و میلیار لرحه آلدیغی تضمینات حربیه دولت مشار الیهایی پک زیاده شمارشمش و عادتا قاپنه صیغمیہ جق بر حاله کتیر مشدر .

ایشته شوصورتله توسیع نفوذ و شوکت ایدن آلمانیا ایمپراطورلنی اوتارنخدن آوروپا حرب عمومیسنک ظهور ایتدیکی ۱۹۱۴ سنه قدر ابلا فاصله قرق درت سنه اردو و دونیاسنک تنظیم و اصلاحنه و تجارت و صنایعیله نفوذ سیاستنک

توسیعنه غیرت و همت ایتمشدر .
آلمانیا ایمپراطورانی بو همت و غیرتی جهتیله اردو و دونماسنی بر حال مکلیته ایصال و نفوذ و سیاست و بولتیقه سنی حشمت و قوتی سایه سنده دنیا نك هر نقطه سنه ادخال ایلدی .

اردو و دونناسنك بر حال مکلیتده اولسی و التمش ، بتمش ملیوندن عبارت اولان نفوسنك هر سنه بر ملیون راده سنده تزايد ایلمسی دولت مشار البهی توسیع ممالك عزمه دوشورمشدر .

صوك سیستم اسلحه ایله مجهز سکز . اون ملیونلق براردو ایله بوزلجه سفائن حربیه مالک اولان آلمانیا دولتی ایچون توسیع ممالك و تزید شهرت ایتمک مقتضای حال و طبیعتدن اولدیغندن مملکتی رقابت و تعرضات دولیه دن محافظه و صیانت ایچون کندوسنه هم جوار اولان دولتلردن شریک آرامق سیاست الزم ایدوکنندن قومشوسی اولان (اوستریا — مجارستان) و (ایتالیا) دولتری دایره اتفاقیته جلب و دعوت ایله بونلرله عقد اتفاقه موفق اولمشدر .

بو اوچ دولتك اتفاقیله آوروپاده بر اتفاق مثلث حاصل اولمش و دیگر آوروپا دوات و حکومتلری نك ده بو اتفاق مثلثه قارشى یالکیزجه بی قیدانه طاوراعلری قابل اوله میه جعندن بو دولتلرده کندیلرینه بر متفق آرامغه باشلادیغندن انکلتزه و فرانسه حکومتلری بیننده بر ائتلاف حصول بولمشدر .

بر مدت آوروپا دولتلری اتفاق مثلث و ائتلاف مثنی ایله کندیلرینی ادارهیه چالشمشلر سده بو اتفاقلر آوروپا موازنه دولیه سنی ادامه و محافظه میه کافی اولدیغندن خارجهه قالان روسیه دولتی دخی دایره اتفاقرینه آلمغه هرایکی طرف صرف مساعیدن کیرو طورمامشدر .

روسیه دولتی دایره اتفاقرینه آلمغه ائتلاف مثنی دولتماری موفق اولدیغندن هر ایکی طرفده اوچر بویوک دولتك بر ر قوته مالک اولمشلردر .

آلمانیا کی بویله ازمانده کسب حشمت و عظمت ایدن بر دولت ارزوسنك نه اوله بیله جکینی پک یقیندن بیلن و دنیاده عصرلرجه اوینادیغی روللر سایه سنده اکتساب ثروت و نفوذ ایدن بعض جمعیتلر آلمانیا مالکی داخلنده کی شعبه لرینی توسیع ایله مرکز حائنه افراغ ابدهرک مطالبلری نك حصولی ایچون دولت مشار الیهانی آلت اتخاذ ایتدکلرندن آلمانیا عادتاً متبع فساد و دسائس اولمش ایدی .

بر طرفدن آلمانیا حکومتك حرص شهرت سوداسی و بر طرفدن ده بو جمعیتلك القات و افساداتی آلمانیایی برآن اول میدان حربه آتلمغه سوق ایتمشدر .

آلمانیاك متفق اعظمی اولان (آوستریا — مجارستان) حکومتنده دخی رولارینی اجرادن خالی قالمیان بو جمعیتلر یواش یواش ایطالیایهده نفوذ ایتمشلر و اورالده اجرای نفوذ و فساده باشلایه بیلمشلردر .

ذاتاً یکریمی ، اوتوز سنه اول خاقان اسبق مرحوم سلطان عبد الحمید خن ثانی حضرتلرینك انکتره و فرانسه و روسیهیه قارشی مترددانه حرکتی سببیه منفرد بر حالد قالان دولت علیه ممالکینی مستملکه حاله وضع ایتمک نیتنده بولونان آلمانیا دولتی سیاست و پولتیقه سنی ادخال ایدهرک نفوذینی تطبیق و اجرایه والده ایتدیکی امتیازلرله شمندوفرلر انشاسنه و سائر یه باشلامش ایدی .

بر طرفدن شمندوفرلر انشاسنه و بر طرفدن دخی اردوی همیونك تنسیق و اصلاحنه چالیشن و دوائر حکومتیه کندی تبعه سندن مشاورلر ، مستشارلر تعیین ایتدیرن آلمانیا دولتی دولت علیه عثمانیهیه خاقان اسبق مرحوم زماننده اتفاقیه آلمغه موفق اوله مامش ایه ده تعقیب ایتدیکی مقصده وصول ایچون بعض سیاسی دسیسه لرله ارزو و سیاستی دائره سندن دولتی انحراف ایتدیرمامک موفق اوله بیلمشدر .

ایشته شومور تله الده ایتدیکی دولت عثمانیهیه بوتون بوتون اتفاقیه داخل ایده بیللمک سوداسنه دوشن آلمانیا حکومتی ایله بو اتفاقدن ظهور ایده جک نتیجه ده کندی استفاده زینی تأمین ایده جکاری امنیه سنده بولونان جمعیتلر رؤسای ممالک عثمانیه ده بر انقلاب حصوله کتیرمک لزومی حس ایلدکلرندن اجراءات و ترتیبات لازمه یه توسل ایدهرک انقلابی میدانیه کتیرمشلردر .

انقلابی میدانیه کتیردکلن و آلمانیا اتفاقیه داخل اولمقدن فوق العاده توحش ایدن سلطان عبد الحمید خان ثانی حضرتلرینی خلع ایتدیردکلن صوکره حکومتی اله آلان و آورو پاچه (ژون ترکلر) نامی ویریلن اتحاد جیمارک کندی بنده و تربیت کردمی دیمک اولدیغنی بیلن آلمانیا دولتی ایله مذکور جمعیتلر اتحاد و ترکیبک او معلوم اولان مؤسسار یله سرکرده لرینی کیزلیجه اتفاقلرینه آله رق امر و اراده لرینه آماده بر حاله قویمشلردر .

آلمانیا دولتی دولت عثمانیهیه ده بو وجهله اتفاقیه داخل ایده بیللمش اولدیغندن

توسیع ممالک عزمتك برآن آقدم حصولی ایچون بغداد شمندوفریك اكمال انشا آتته کرمی ویرمشدر .

بغداد شمندوفریك اكمال انشا آتته هندستانی تهدید ایتمك مقصدنده بولونان آلمانیا حکومتی دوات علیه ادوسنك طوپلیجه وقوتلیجه اناطولی جهتنده بولمنسی ده تأمین تشبندن کیرو طورمامش واردومزی کندی منفعتنه خدمت ایچون حاضر لامغه سعی وغیرت ایتمشدر .

بومقصدینك حصولی ایچونده روم ایلی ده وقعهلر ایجاد و بالقان حربی احداث ایتمش و بوکا آوستریایی ده اشتراك ایتدیرمشدر .

ایتالیایه طرابلس غرب و بنغازی ایله اون ایکی اطهینی بخش ایله اسکات ایتدکدن واتحاد رؤسای معلومه سی واسطه سیله منسوبین اتحادك سمعنه « روم ایلمینك دولتلرجه تقسیممی مقرردر . ذاتاً سرزده روم ایلمینك لزوم وفائده سی یوقدر . سرك اناطولی ده بولنوب بریوک دولت حالنده قالمکیز يك مناسبدر . بخاراری . ایرانلری ، ترکستانلری . قفقاسیه لری یدیکزه آلیر . بر (توران) حکومتی یاپارسیکیز . ایشته بو حکومت سکسان . یوز ملیونلق بیموک بر آسیا حکومتی اولور » سوزلیری آلمانیا ایمراطوری ویلهلمك القا ایتدیردیکنی سویلر ایسه م یالان سویله مامش اولورم .

القائات واقعه اتحاد وترقی رؤسای معلومه سی طرفندن بو وقوعاتلردن اول منسوبین اتحادك سمعنه یرلشدیرلش و بعض صحبت اثنا سنده روم ایلمینك بزه نه فائده سی واردیین اتحاد جیلر کورلمشدر .

روم ایلمینك بزه فائده سی ندر دیین اتحاد رؤسا واعضا سنه بزه کندیلرینك اون سنه دنبری بو دولت ومملکته نه فائده لری اولمشدر دیهرك شوراجقده صورارسه ق ؟ حقلی دکلیمنیز .

آلمانیا نك و جمعیتك ارشادات والقائات ایله بزه فائده سی یوقدر دینیلن (روم ایلی) قطعیه سی ولی نعمتلرینك امر واراده لرله بویله الدن کیدنجه ورؤیا کبی کوردکلری (توران) نك ده بوزمانده سیاست ناقابل اجرا اولدیغی اکلاشینجه وآلمانیا دولتی ده او حشمت وعظمتی غائب ایدهرک دول معظمه متفقیه یه مغلوب اولنجه ، اتحاد وترقی جمعیتك سایه همت وغیرتمنده (!) قوجه عثمانلی ایمراطورلنی دول معظمه صره سندن چیقارق اناطولی ده برکوچك دولت حالته کیرمك

ضروری اولور . سیاستده قاصر النظر اولانلرک نتیجه اجرا آتی بویلهدر .

بو حالی نظر دقته آلمقدن عاجز وقصداً دولتی محوه مهیا اولان بویله خائنلر جمعیتلریله برابر موقع حکومتی ونام وشانی ترک ایدهرک کیدر .

آلمانیا حکومتک تهیدینی ایقاع ایچون شرقده بر آلت مخصوصه سی اولان بغداد شمندوفری کرچه اکیال ایدیله مامش ایسهده قوه قریبهیه کلمش اولدیغندن ودها زیاده انتظاره تحملی قالمدیغندن وبوسنه وهرسکده سیاحت ایدن آوستریا ولی عهدیله زوجه سنک « پره نسیم » اسمنده بر صربی طرفدن قتل ایدلمسی وسیله اتحاد ایدهرک حربه حاضر وآماده اولان آلمانیا دولتی (۲۸ تموز ۱۹۱۴) سنه سنده آوستریایی صربستانه اعلان حرب ایتدیردی .

آلمانیا (۱ اغستوس ۱۹۱۴) ده روسیهیه (۳ اغستوس) ده فرانسه و بلجیکایه اعلان حرب ایتدیکله انکاتره دولت معظمه سیده (۴ اغستوس ۱۹۱۴) ده بالجبوریه آلمانیایه حرب اعلان ایلدی .

بوندن صوکرده ده حربی اشتراک ایدن دولتلر تواریخ مختلفهده بر برلرینه اعلان حرب وقطع مناسبات ایتدکارندن اوروپا قطعه سنده بر حرب عمومی میدان الدی .

اول امرده شو وجهله باشلایان اوروپا حرب عمومیسنه بزم اشتراکری تدقیق و بعض مطالعات ومعلومات سرد و بیان ایده لم .

بو حرب عمومییه دولت علیه نک اشتراک ایتدیرلمسی وملت عثمانیه نک بلا لزوم بو حربی سوق ایدلمسی پرنس سعید حلیم پاشا حضرتلری قاپینه سنک هیچ بر صورتله عفو وتاویل قبول ایتمیان خطای قصیدیسی اثریدر .

دولتمزک ابتدای انقلابدن باشلایان داخلی وقعه لرله بالقان محاربات اخیره سنده دوکدیکی قاناره ضمیمه قان دوکمه آرتق تحملی قالمدیغی بر زمانده بوکا قناعت ایتیه رک حربی اشتراک ایتدیرلمسی دولت وملمته مربوطیت قدیمه وصمیمیه سی اولان ارباب حمیت ووجدنی صورت جدیدیه وحقیقیهده یک زیاده دوشوندرمش ایدی .

زیرا بالجله سیاسیون عندنده معلوم اولدیغی اوزره بو حربی اشتراک ایله دولت عثمانیه ایچون فائده تأمین غیر ممکن اولدیغندن بهوده یره ملیونلرجه خلق قیردیرمق وبرقاچ یوز ملیون ایرا دولتی بورجه صوقوق حال ایله اوغراشمقدن بشقه

برشی دکلدی .

رجال سیاسون شویله طورسون ارباب ذکا و اقتداردن بونی بیلمیه چک بر فرد تصور اولنه مز ایدی .

بو بویله اولدیغی تقدیرده نه دن حربه اشتراك ایلدیکی پک آز تفکر و تامل ایله میدانه چیقار .

اتحاد و ترقی جمعیتی آلمانیا نك آمانه خادم اولغه محکوم ایدلمش وانکله هر صورتله برابر حرکتله اتفاق ایتدیلمش اولدیغندن بالطبع آلمانیا نك کیردیکی بو حربه اشتراکه جمعیت مجبور ایدی .

بو طوغری ایسه آلمانیا دولتی اعلان حرب ایدر ایتمز دولت علیه نیچون اعلان حرب ایتدی سوآلی وارد خاطر اوله بیلیر .

اکاده جواباً دیرزکه آلمانیا نك اعلان حربی عقبنده دولت عثمانیه اعلان حرب ایده مزدی . چونکه هنوز آلمانیا نك دائره اتفاقیه آلمدیغی بلغارستان قرالیتی ایله مذاکرات و مخابراتی ختامه ایرمامش و یونان حکومتک وضعیتی ده تقرر ایتدیکندن ورومانیا دولتی ده آچیقده و بر حال تردد ده قالدیغندن و ترکیا ایله آلمانیا بیننده مواصلا ت تأمینیه ده الحجاب ایلدیکندن بالقانلرده براز حاله انتظار ایتک و تائی ایله حرکت ایلک سیاست لازم کیوردی . مع مافیه آلمانیا و متفق اولان آوستریا — مجارستان دولترینک اردولری ابتدا ایدن حربه مع زیاده کافی و وافی ایدی .

چونکه فرانسه دولتی نا کهانی اولان بو حربه قارشى اردولرینی حاضر لامامش و متفق اولان انکلتزه دولتی ایسه برأ قوه جزئییه مالک عظیم بحری بر دولت اولدیغی جهتله بردن بره متفقنه معاونت ایده میه چکنی آلمانیا و آستریا حکومتلری پک رعنا بیلدکاری کبی بونلرک دیگر متفق اولان روسیه ایسه بطی الحركه بر حکومت اولدیغی امثالیه اثبات ایلدیکندن اوده اردولرینی سفر بر حاله وضع ایدنجه یه قدر وقت لازم اولغله کندی معظم اردوسنه کوه نان آلمانیا حکومتی ایسه بش اون کون ظرفنده فرانسه نك مقرر حکومتی اولان پارسی ضبط واستیلا ایده چکی امیدینی اونه دنبری بسلامکده ایدی . بناء علیه بالقان حکومتلریله دوام و جریان ایدن مذاکرات و مخابراتک نهایتنه تعلیقاً دولت علیه عثمانیه نك در حال حربه اشتراکنه لزوم کورامش ایدی .

بر جهتدن بولزوم وديكر جهتدن ده حكومت عثمانيه نك اردولرينه لازم كن مهمات حربه وسائره نك تهيه واحضار يله سوق وارسالنه باشلامق ايجاب اينديكي كي آلمانيا ايله اتحاد وترقي جمعيتي بيننده كي معاهده واتفاق جمعيتك ركن اعظملى اولان ذوات معلومه معهوده جه معلوم وديكر رؤسادن غايت خفي طوتلدن بونديع باطبع بوندن خبر دار اولما نلرك آلمان آمانه و طرفدارلغنه جايلريني نظردقت ومطالعهدن دور طوتيمان آلمانيا حكومتى ايله اتحاد وترقي جمعيتي لازم كن پروپاگاندارى احضاره باشلايه رق حرب حاضره سوق ايچون دولت وملى امر واقع قارشوسنده بر اقللى لازم كليوردى .

بولزومه بناء لازم كن پروپاگاندايه اتحاد وترقي جمعيتي باشلاديني بر صرده انكليز وفرانسز دونئالرينك تعقيب اتدن ياقه يني قورتارمق ايچون ذاتاً مرتب ومقرر اولديغي اوزره آلمانيا نك (غوبن) و (براسلوو) زرهيليرينك قلعه سلطانيه بوغازندن دخولى وانكلتره دستكاهلرنده انشا واكالايدن زرهيليرينك دولته عدم اعطاسى اتحاد وترقي پروپاگانداسى ايچون ياغلى بر قويروق اولديغندن جمعيت بونلردن بالاستفاده پروپاگانداسى تزييد وتشديد ايلدى .

بوصرده بلغار حكومتى آلمانيا واوستريا اتفاقنه داخل ويونان حكومتى ده بيطرفلغنى تماماً ايفا ايليه جكنى تامين ورومانيا ده بوايشه قاريشميه رقبى طرف قاله جغنى بيان اينديكندن آرتق دولت عليه نك حربه اشتراك ايتامسى ايچون بر محذور قالمش ايدى .

دول متفقه يه قارشى بيطرفلغنى تماماً محافظه ايديه جكنى بيان ايدن حكومت عثمانيه حدودلريني محافظه ايتمك ايچون اردولريني تجهيزه باشلامش واتحاد وترقي جمعيتى ده ماتك اذهان وافكاريني دول معظمه متفقه عليه نه چو يرمكه موفق اولمشدر .

انكليز وفرانسز علميه چويريلن افكار عموميه بعض كونا تردد حصوليله دولك طوغريدن طوغرى يه حربه اشتراك ايديه مامسى خوفي آلمانيا حكومتيله اتحاد جمعيتك نظردقتنى جلب ايتمش وويريلن قرار اوزرينه (غوبن) و (براسلوو) زرهيليرى صورت خفيه ده درسعادت ليمانندن حركت ايتديريله رك روسيه نك (اوده سا) شهرى طوپه طوتديرلدن دولتمزى اهانه وقصداً حرب قارشوسنده بولنديرمشار ودول متفقه نك بزه قارشى اعلان حرب ايتلرينه سببيت و يرمشاردر .

آلمانیا به قارشی ویردیکي سوزنده ثبات ایله ابراز خدمت و صداقت ایلیان اتحاد و ترقی جمعیتی داخده غزته لرله نشر و اعلان ایتدیکي یالانلر قالمش و آلمانلرک دنیای ضبط و استیلا ایله هر طرفده مظفریته نائل اولدقلرندن بحث ایله اردولر یزیده مصری و عموم قفقاسیه نی فتح و استیلا خیالانیله مشبوع بر حاله کتیرمش و براردودن دیگر اردویه حوادث نشر و اشاعه سنی منع ایلمش و شاید اردوی هایونلرجه بویالانلر میدانله چیقارسه علیهارینه بر قیام اوله مامسنی تأمین ایله اوغراشمشدر . اردوی هایونلری بو وجهله اغفال ایدن بو خائنلر بیچاره ملتیه ده بیک درلویالانلرله اشغال و اغفالدن اجتناب ایتمش ایدی .

« یالانچینک مومی یاتسویه قدر یانار » ضرب مثلنجه اتحاد و ترقی جمعیتک اون سنه دنبری دوندردیکي دولاب کذبک اراجیفدن بشقه برشیء اولدیغنی یقینده ثبوته حقیقورنجه طبیعی بو دولابه سقطلق عارض اوله جق و بعدازین تدویری قابل اوله میه جق و ملت مظلومه بوندن صوکره قولاقلری دینج اوله رق یشابه جقدر .

اتحادک پرو پوغاندا ویالانلرندن بعضلری طنین پاچاوره سنده مصادف نظرمن اولمغله بزلریده حیرتده بر اقمش ایدی .

از جمله قاعدهء حقوق دول و قوانین بین الملل موجبنجه حرب وقوعندن اول مبايعه و سپارش اولونان مهمات و ادوات و سفن حریمه حرب ظهوری حالنده اصحابنه اعطا و تسلیم اولغیوب بعد الحرب یا اثمائی و یا عیناً مبايعه و سپارش اولونان اشیا و سفائن صاحبلرینه و برلدیکندن قبل الحرب بزم بعض دولتره سپارش ایلدیکز مهمات و اشیا ی عسکریه نک بر موجب قانون دول و یريله میه جکی آشکاردر .

انکترده حربه اشتراک ایلدیکي جهتله اورایه اولجه سپارش اولونان و انشاری اکمال ایدیلرک استانبوله متهیء حرکت اولان زرهلیلریمزک ده حربک ظهوری طولایسیله بعد الحرب تسلیم و اعطا اولمق اوزره تسلیم و تسلملری تأخره اوغراذلش ایدی .

بونک مقتضای قانون دولدن اولدیغنی بیان اتحاد و ترقی جمعیتی ناشر فکری اولان (طنین) پاچاوردسی هیئت تحریریه سی بوباده (طنین) ستوتلرینه یازمدق یالان سوبلمدک هذیان بر اقمدیغنی کبی اهایی مظلومه نک افکارینی عثمانیلرک

حُب و دوست قدیمی اولان انکلتزه دولتی علمنه چویرمک و جمعیت اتحادیه رؤسائی ده حمیتلی ، وطنپرور کوسترمک ایچون اوصرده وفات ایدن رؤسای جمعیتدن معارف ناظری اسبق امرالله افندینک ارتحالنی یازدیغی زمان مومی الیهک غایت وطنپرور اولدیغنی کوسترمک قصدیه کویا امرالله افندی انکلتزه طرفندن کیلرک ویرلدیکنه پک متأثر اوله رق زرهیلیریز ، کیلیریز ، دوئنامز وملت دیهرک آه واین ایچنده ترک حیات ایتدی دییوردی .

بلکه بویالان وهذیانہ جمعیتک صورت حرکتی بیلمیانلر و امرالله افندی بی طانیانلر اینانیر و آلدانیر .

لکن جمعیتک حال و حرکتی بیلنلر و امرالله افندی بی طانیانلر البته بو وامثالی یالانلره اینانزلر و آلدانزلر .

زیرا امرالله افندی مرحوم سنک ایلریله مسندنمی ؟ یوقسه فیلسوفانه دوشونجه سندنمی ؟ بعضاً خانه سنک قپوسنی بوله میوب قومشوسنک قپوسنی چالارق ایچری یه کیردیکی و بعضاً دخی واپور قماره لرده یاننده اوطوران ذواتک جیسلرینی کندی جیبی ظنیه الی صوقوب مندیلرینی آلوب استعمال ایتدیکی و عیسه متعلق برشی بولورسه انی ده بیدیکنی استانبول جریده و غزته لرینک یازدیغی خاطر مزده در .

بویله خانه سنک قپوسنی غائب ایدن و یاننده کی ذواتک جیسلرینی کندی جیبی ظن ایلان بر ذاتده قوه مفکرده دن اثر قالمدیغی میدانده ایکن بونک دولت و مملکتی و دوتیاوکی بی دوشونجه مقتدر اولوب اوله میه جفک تخمین و تقدیرینی ارباب فن ایله قارئین کرامک وجدانلرینه وحیت و دولت و ملتیه قارشنی صداقتی ده از میر معارف اداره سی قاصه سیله قیود عدلیه سنه حواله ایدرز .

دولتمزک حربیه اشتراکندن مقدم انکلتزه و فرانسه و سائر متفقلری سفیرلری واسطه سیله باب عالی نزدنده دولتلرندن آلدقلری امر موجبنه حربیه اشتراک ائمه مامز ایچون بعض تعهدات و تشبثاتده بونشملر ایه ده سفرانک بو تشبثاتی ثمره بخش اوله مامش ایدی .

اتحاد و ترقی جمعیتی و پرنس سعید حلیم پاشا قاینه سی بالطبع بو تکلیفاتی قبول ایده مزدی .

چونکه ایضاحات سالفه وجهله آلمانیا دولتیله متفق اولان جمعیت و حکومتی بو تشبثات و تکلیفاتی قبول ایله ولی نعمتلرینی دلکیر و منفعل ایتمک و منافع

خسبسه و شخصیه لرینی غائب ایلک ایسته مدیکندن منفعت دولتی
کوزده مژدی .

منفعت ذاتیه لرینی منافع دولت و ملتیه ترجیح ایدن جمعیت اتحادیه رؤسای
عندنده دولتک پریشا نلغنک^۱ و اضمحلالنک هیچ بر دکر واهیتی یوقدر .

بونک بویله اولدیغنی تکراره لزوم اولیوب یالکزمنافع دولت و سلامت مملکت
ایچون انکلتزه دولتی طرفندن واقع اولان تکلیفاتیه دائر دولت مشار الیهانک
۱۹۱۴ سنه سنده نشر ایلدیکی بیاض کتابدن اقتباس اولونان ایکی مهم وثیقہ
تاریخیه یی نشر ایده یورم .

— وثیقہٴ مهمه —

انکلتزه خارجیه ناظری قونت ادواردغری حضرتلری طرفندن درسعادت
انکلتزه سفیری سیر لوئیس مالت جنابلرینه کوندربلن ۱۸ اغستوس
۱۹۱۴ تاریخی تلغرافنامه نک صورتیدر

عثمانلی سفیری توفیق پاشا ترکیا حقننده کی نیاعزدن متلاشی اولدیغنی سویلدی .
بو بایده بزدن خوف ایلمامسینی اوکا اکلادیم . اثنای حربده حقیقهٴ ترکیا
بیطرفلغنی محافظه ایدر (غوبن) و (برسلو) ی آلمان کیجیلرینی عزل و دفع ایلهمک
صورتیله تامیله برر عثمانلی کمپسی حالته افراغ وانکلیر سفائن تجاریه سنه
سیر سفرلرنده اجرایی معتاد اولان سهولتی ابواز ایلرایسه شرق قریبه تعلق ایده
جک شرائط صاحبیه میاننده آنکده تمامیت ملکیه سی تأمین اولنه جقدر .

— وثیقہٴ ثانیه —

مشار الیه قونت ادواردغری حضرتلری طرفندن درسعادت
انکلتزه سفیری جنابلرینه کلن ۲۳ اغستوس ۱۹۱۴
تاریخی تلغرافنامه نک صورتیدر

اگر حکومت عثمانیه (غوبن) و (برسلو) زرهلیرنده بولنان آلمان ضابطان
وکیجیلرینی درحال وطنارینه اعاده ایدر و سفائن تجاریه نک بلا مضایقه قاعه
سلطانیه دن مرورلرینه مساعدیه ایلجه جکته دائر تحریراً سوزوریر و حرب اثنا
سنده بیطرفلغک شرائطی تامیله محافظه ایلرایسه احوال حاضریه ملایم بر اداره

عدلیه نك ختام وضعنده « ائتلاف مثلث » دولتری امتیازات اجنبیه نك لغوینه موافقت ایدرلر .

بوکا ضمیمه اولقی اوزره دخی مذکور دولتر ترکیانك استقلاله و تمامیت ملکیه سنه احترام ایله جکاربنی تحریراً تعهد و حربك ختامنده وضع ایدیله جک اولان شرائط صلحیه دن هیچ بر یسنك مذکور استقلال و تمامیته تعلق ایله میه جکنی درعهده ایدرلر .



انکتره دولت نخیمه سنك شوایکی وثیقہ رسمیه سندن بشقه شفاهی و تحریری درسعادت سفیری واسطه سیله ویردیردیکی تقریر و تأمیناتلده دولت علیه عثمانیه به هیچ بر صورتله تعلق وفائده سی اولیان بو حرب عمومی به اشتراك ایتماسی و اشتراك ایتمیه رك بیطرف قالدیغی صورته انکتره دولتیله متفقعلری طرفندن هر برکونا معاونات و مساعدات سیاسی و حقوقیه به مظهریتی تکفل و تأمین ایدلیدیکی مذکور بیاض کتاب و انکتره و فرانسه غزته لرنده کوریلن دیگر وثائق رسمیه لردن اکلاشیلور .

پرنس سعید حلم پاشا قایدیه سی دولت مشار البهانك بو بولده کی تشبثات و تأمینات واقعه سی قبول و دولتمزك بیطرفلغی اعلان ایتسه و حرب به اشتراك ایلمك جنایت خیمه و عظیمه سی ارتکاب ایلماش اولسه ایدی . هیچ شبهه ایدیله مزکه دولت علیه بو حرب ائناسنده اورو پاک محتاج اولدیغی حبوبات و سایر کونا احتیاجاتی محصولاتیله تأمین و ملیونلرجه ایرانك ممالك عثمانیه به کیرمسنه و دولتك امتیازات اجنبیه دن قورتمسسنه و محافظه حدود ایتسنه و الحاصل هر وجهله شان و شرفیه زنکین و قوتلی بر دولت اوله رق یشامسنه موفق اولوردی . انکتره و فرانسه دوستلغی آتیا دولتمزی یکی باشند احیا ایدردی .

لکن شو بیان ایتدیکمز وجهله حرکتی نه بوقایدیه یاپار ونده اتحاد و ترقی جمعیتی یاپدیردی .

ذاتاً بش ، الی سنه دنبری بو حرب عمومیه حاضر لانان اتحاد و ترقی جمعیت و حکومتلری حامی یکانه لری اولان آلمانیا ایمپراطوری و یاهلمك بغداد شمندوفر خطنك اکمالی بکلدیکنی و خطك اکمال ائناسندن صوکره حرب ایده جکنی و بزده بو حرب به اشتراك ایله جکمزى او وقت دنبری سویلورلردی .

دولتمزك بو حربه اشتراك وعدم اشتراكى بحثنه كلنجه بوكا دائر بر ايكى سوز سويله مك ايسترم .

بعض ذوات حيمتمندان دولت عثمانيه بو حربه كيرمه ايدى . روسارك اونه دنبرى تصور ايتدكلرى استيلا سندن قورتيله مازدى ديورلر . بعضليده اسباب سائره بيان ايدهرك دولتك بو حربه دخولنده ضرورت واردركي بر چوق اسباب ودلائل ايراد ايدىورلر سه ده بونلك هپسى واهيدر . بر قسم خلته آلمانيا ايله دكل انككتره ومتفقريله كيره ايدلر ديورلر .

بز بو مناقشات ومطالعاتى تدقيق ايله اضاعه وقت ايتمكه لزوم بيله كورمىيز . زيرا ذاتاً آلمانيا ايله بالاشتراك حربه كيرمك اتحاد وترقى جمعيتنجه مقررات واقعه جمله سندن ايدى .

آرتق جمعيت ومثل اولان حكومت حربه كيرمكدن كله جك ضرر وفائدهنى دوشونه جك وانككتره ومتفقريله برابر حركت ايده جك بر حالدن چوقدن چيقمش ايدى .

حامى مسلمان اولديغنى اعلاندن چكنمىان جمعيت اتحاديه نك حامى اعظمى آلمانيا ايمپراطورى ويلهلم ايله ولى نعمت اكبرلى جمعيات معلومه قارشى كفران نعمت ايتمك كې بر حركتى اتحاد وترقى جمعيتى رؤساي ملعونه سى صداقت وعبوديتلرينه (!) مخالف اولديغندن اجرا وقبول ايده مزردى .

بونك ايچون نه بيطرفانه حركت ايدلر ونه ده انككتره ومتفقريله حربه كيرلردى . بوايكى شقندن برينى يابه جقلىرى ادا ايتمك ميدانده اولان كونشى انكار ايلمك قىلمندندر .

رؤساي معهوده ملعونه امور واداره حكومتى اله آلدقلىرى كوندنبرى ذاتاً دولت محو اولمش ايدى .

دولتى بز اصلاح ايدرايسهك ايدهرز ايدهمز ايسهك بزم المزده محو اولسون . دولت ومملكيت محو وپريشان اولورسه اولسون بزم جمعيتمز صاغ ووار اولسون ديهرك ايشه باشلادقلىرى بونلك احوالرينه واقف اولانلرجه معلومدر .

بوندن ده اكلاشديغنه كوره رؤساي ملعونه نك دولت ومملكته بر علاقه لى اوليوب صرف كندى منافع ذاتيه لرينى تأمين وهرشيدن زياده حياتلرينى محافظه ايلمك وآمرانه وحاكمانه وطنمزده اجراى مظالم وحكومت ايتمك مقصدندن بشقه

بزدوشونجه وقایعورلی یوقدر .

اکزره قدر دولت و مملکته حرمت و محبتلی اولمش اولسه ایدی . اون سنه دنبری کوندن کونه قصداً تزید و تشدید ایتدکلی مظالم و اعتسافاتی تعدیل و اصلاح ایله دولت و مملکت بوکونکی حال هولنا که دوشمه سندن حذر و اجتناب ایدرلردی .

هر حال و کارلی ایله اهانیت و خیانتلرینی ارائه و اثبات ایدن بوخذله ملعونه دن ملتزمک بوندن صوکره برشی بکلمه سیده عبندر .

ایشته پرنس سعیدحلم پاشا قاینه سنک بو دولته آچدیغی یاره التیام پذیر دکلدیر . چونکه قابینه ایچون یاپیله حق و دولت و مملکته خدمت ایدیه جک برشی وارایدیه اوده دولت علیه عثمانیه بی حربه اشتراک ایتدیرمیه رک تمامی بیطرفلغی محافظه ایدی .

یوقسه سنه لردنبری محاربات داخلیه و خارجیه ایله اوغراشان و بالقان حربندن برمدت اول چیقان دولتی هرهانکی طرفله اولورسه اولسون بویه عظیم بر حربه سوق و اشتراک ایتدیرمک کی جنایت عظیمه تصور اولنه مز .

آلمانیا ایله بالاشتراک کیردیکز بو حربده معاذ الله تعالی آلمانلر غائب کلسه لر ایدی . ذاتا آلمانلرک مطمع نظری اولان مملکتمز آلمانلرک بر مستملک سنی اوله جق و ملتزمده بونلرک اسیر و اجیر خاصی بولنه جقدی . دیگر طرفله ده حربه کیرسه ایدک کرچه مملکتمز حدود طبیعی سنی غائب ایتمیه جک ایدیه ده اولاد وطندن بر چوغنی غائب ایده جک و دولتی ملیونلرجه لیرالر دیونه کرفتار ایلیه جکدی .

بزجه یاپیله جق برشی وارایدیه اوده انکثره و متفقلی اولان دولتلرک اعطاسنی وعد و بیان ایدکلی تعهداتی تحریراً بالاخذ دولتلرک استقلال و تمامی ملکیه سنی تأمین ایتدکدن صوکره بیطرفلغی محافظه ایتمک و ایجابنده ده زیاده منفعت تأمین مأمول اولدیغی تقدیرده دولتلرک تعالی و ترقی سنی ضامن و کافل اولان بودولترلرله برابر حربه اشتراک ایتمک ایدی .

عن قصد بو فرصتلی قاجیران اتحاد و ترقی جمعیت و حکومتی هیچ بروقت بو مسئولیت عظیمه دن یقارینی قورتاره مازلر .

« توران » سودای خامیله ملتی اغفال ایدن بو جانیر « دیماطه پرنجه کیدرکن اوده کی بلغوردن اولدق » ضرب مثلی مؤداستجه وطنمزک قسم اعظمی غائب

ایتدیرمشار و دینداشلیرمزدن بر رکن اعظمی علمهزمه قیامه مجبور ایدوب محشم
ومعظم عثمانلی دولتنک پارچه پارچه اولسنه سبیت ویرمشاردیر .
از جمله امیر مکه مکرمه دولتلو سیادتلو شریف حسین پاشا حضرتلری اتحاد
وترقی جمعیتی رؤسای معلومه سنک مظالمندن بزار اولان حجاز اهالیسنی قورتارمقی
ایچون قیام وعموم اهل اسلامه خطاباً آئیده صورت مترجمهسی مندرج ایکی
قطعه عربجه بیاننامه نشر وحجاز قطعه سنک استقلالنی اعلان ایله «ملک حجاز»
عنوانی آلدقلرندن حجاز قطعه مبارکه سیده اتحاد وترقی جمعیتی یوزندن دولت
علیه عثمانیه دن انفکاک ایلمشدر .

مکه مکرمه امیری دولتلو سیادتلو شریف حسین پاشا حضرتلری طرفندن
نشر اولونان عربجه برنجی بیاننامه نك صورت مترجمه سیدر

— ﴿ بسم الله الرحمن الرحيم ﴾ —

اخوان مسلمینه عمومی بیاننامه مزدیر :

« ربنا افتح بیننا و بین قومنا بالحق وأنت خیر الفاتحین »

تاریخه واقف اولانلرجه معلومدرکه جامعه اسلامیه نك توحید وتقویه سی
مقصدیله امرا وحکام اسلامیه دن دولت علیه عثمانیه یه ایلک تبعیت ایدنلر (مکه
مکرمه) امراسیدر .

سلطین «آل عثمان» طاب ثراهم وجعل دار الخلد مشواهم حضرتنک (کتاب
الله) و (سنت رسول اللهی) اجرا وتنفيذ احکامی خصوصنده کی تمسکاری و بو
خصوصده افناء وجود ایتملری طولایسیله امراء مشار الیه م تبعیتده دوام ایتدیلر .
حتی ۱۳۲۷ سنه سنده بن بالذات عربدن متشکل بر قوتله عرب اوزرینه حرکت
ایدهرک دولت علیه نك شرف وحیثیتنی محافظه (ابها) نك محاصره سنی رفعه
چالیشدم وایرتمسی سنه یه عین مقصدله اوغلاریک بر یسنک قومانداسی تنده
اولهرق و احرکتی اجرا وجهلهجه معلوم ومشهود اولان غایه سامیه دن آیرلادم .

اتحاد وترقی جمعیتنک ظهوریله امور دولته وضع ید ایتمسی وسوء ادارهسی
سببیه داخلی ، خارجی قاریشقلقلرک ظهورینه وعالمک بیلدیکی وجهله بر چوق
محاربانہ بادی اولدیغندن شوکت وعظمت دولتی خللدار ایتمش وهله شوصوک

حربه بلا لزوم دخول ایتمسيلهده بر وضع خطرناکه دولتی اقا ایتمشدرکه ایضا حدن مستغنی در :

بو اجرا آنکه کبی دنی بر مقصدله یابیلدینی ایضاحه حسیات حسنه مز مانع اولدینی کبی عموم اهل اسلام دولت اسلام حقنده فتور کثیروب یأس و کدره دوچار اولدینی کورمک ایسته مدیکزدندر .

بقیه ممالک ده قالان اهالی مسلمه و غیر مسلمه نیک بر قسمی صلب و اعدام دیگر قسمی و ظنلرندن نفی و اجلا ایدهرک رابطه موجوده عثمانیه بی اخلال ایدوب هر کسی جانندن و مالندن محروم بر اقلشدر .

اراضی مقدسه اهالیسینک بو صوک محاربه سبیلله دوچار اولدقاری مضایقه اودرجه بی بولشدرکه متوسط الحال اولان بر انسان اوینک قیو و پنجره لری بی و بتون اشیای بیتیه سنی صاندقدن صکره طام تحتله لری بی دخی صانعجه مجبور اولشلردر .

اتحاد جیلر بو قدرینی ده کافی کورمیه رک سلطنت سنیّه عثمانیه ایله عموم اهل اسلام آره سنده سبب رابطه یکانه اولان (کتاب الله) و (سنت سنیّه) بی اخلاعه تصدی ایدوب سلطنت سنیّه پایتختسنده صدر اعظم و شیخ الاسلام و عموم علما و وزرا و اعیانی مواجهه ارنده انتشار ایدن (اجتهاد) غزته سی سیر نبویه بی اشنع تعبیرلرله تحقیردن چکنمیدی کبی اعتراضه اوغرامدیغندن جرأت آلهرق نصوص قرانیه بی القادن دخی چکنامش « للذکر مثل حظ الاثنین » آیت جلیله سنی استخفاف ایدهرک تساوی میراثی ترویج ایلمشدر .

بونلره ضمیمه ارکان خمسّه اسلامیه دن بیوک برکننی هدمه قالدشمشدرکه : کویا روس اردوسی قارشوسنده حرب ایدن عساکره بکزه دلمک اوزره (مکه مکرمه) ده و (مدینه منوره) ده و شامده بولونان عساکر اسلامیه نیک رمضانده اوروج طوته ماری لزومی ایتانله بوبابده کی « فن کان منکم مریضاً او علی سفر » آیت جلیله صریحه سنی تحریفدن و بوکا بکزر برحق اساسات اسلامیه بی ییقمق و منکرانی التزام ایتمکدن چکنامشدر .

شوکتلو سلطان معظم حضرتارینک بتون حقوقی غصب ایله ما بین هایونلرینه برباش کاتب و برباش ما یینجی انتخابندن منع ایتدکلی کبی عامه مسلمینک امور و مصالحنه باقق حقندن محرومیتله شروط خلافتدن اسقاط ایتمشدرکه بتون

مسلمانان بوشنا عتدن تبری ایدرلر .

بو امور غیر شرعیه قارشیننده حسن تأویلارله حذر و تحالللارله کورونمه من علم اسلام ایچنه تفرقه واختلاف تخملى اکیماک مقصدیله ایدی .

دولت علیه عثمانیه امور و اداره سی انور پاشا ، جمال پاشا ، طلعت بک (پاشا) اللرنده بولندیغی سری میداننه حقیقوب آرتق امور و خصوص انلرک تصویبنه وابسته اولدیغی کورلشدیر وایسته دکلرینی ایشلرل دیله دکلرینی یاپارلر . بوکالک بسیط دلیل (مکه) محکمه شرعیه سی قاضیسنه کان بر امرده قاضی حضورنده شهادتلى اسماع و حضور حاکمده تحریر ایدلیان تزکیه نامه لک عدم قبولی متضمندرکه صورده « بقره » ده مصرح اولان تزکیه بین المسلمین امری کان لم یکن عد ایدلشدیر .

بو نلرله بر طرفده قالسون دیگر طرفدن عظمای افاضل اسلامدن وکبرای نوابغ عربدن (امیر عمر الجزائری ، امیر عارف الشهابی ، شفیق بک المؤید ، شکرى بک العسلی ، عبد الوهاب و توفیق بک البساط ، عبد الحمید الزهراوی ، عبد الغنی العربی) کبی ذواتی بر آنده صلب و اعداملری اُک زیاده قاتی قلبه مالاک اولانلرجه بیله اجراسی کوچ کورینه بو افعالی اجراده بر نوع عذر بولاسق بیله هر درلو ذنب و جنایتدن عاری و بری اولان عموم عائله افرادینک قادیان وارککشدن الک کوچک چو ققارینه وارنجیه قدر و طنارندن نفی و اجلاسيله مصیبتلى اوستنه دها بیوک بر مصیبت علاوه سنه نه معنی ویریلور . عائله رؤساسنک هر نه ایله اولورسه اولسون اعداملری جزاسی اوخانه لک تحرینه کافی و وافی ایکن ایکنجی صورت تجزیه سنه معنی بولندیغی آشکاردر .

« ولا تز وازرة و زراخری » آیت جلیله سی برهان قاطعدر . هایدی بو ایکنجی جنایتی ده بر معذرت سیاسیه عطف ایله یرنده در دینه لم رئیسارینی غائب ایدن عائله لرینک اموال و املاکینک مصادره سنه نه دیک ایجاب ایدر ؟ بو افعال و حرکاته تعامی ایتسه ک بیله مجاهد مشهور (امیر عبد القادر الجزائری) قبرینک تحقیر و تدلیله نه معنی و مسامح بولنه بیلیر ؟ .

اتحاد جیلرک افعال و حرکاتندن بعضارینی ذکر ایدهرک عالم بشره و عموم اهل ایمانه عرض ایدوب بوباده کی حکمی ویرسونلر .

بو نلرک اسلامیت حقنده کی اعتقادینک نه مرتبه ده بولندیغی اکلامق ایچونده

اهل مکه نك طلب استقلال ايله قيام ايتدكلرى صروده عسکرلر نيك (قلعه جیاد) دن
قبلة المسلمين وكعبة الموحدين اولان « بيت الله » آتدكلرى طوپلردن چيقان
ايكى مرميدن بريسنى (حجر الاسود) اوستنه بر بحق ارشون ديكرينى بوندن
اوچ بحق ارشون بعديفه تصادف ايتدیرمشلردر . ستره شريفه آتش آلدیغندن
بوتون خلق « كعبة معظمه » نك قپوسنى آچهرق واوستنه چيقارق يانغینی سوندرمکه
مجبور اولمشلردر .

حالبوکه بونکله اکتفا ايتیوب متصل « مقام ابراهيم » و « مسجد شریف » ی
هدف اتحاد ایتمکدن چکنم دکلرندن وکونده اوچ ، درت کشینک قتلنه سبب
اولدقلرندن کونلرجه بتون خلق مسجده یناشمقدن محروم قالمشلردر . مسجد
وکعبة نك حرمت وتعظیمنه مقابل استخفاف وازدراء ايله مقابله ایدن بومقوله
آدملرک نیه مستحق اولدقلرینی شرق وغرب مسلمانلرینک حکمنه براقیرز .

اوت بوازدراء واستخفافک حکنی عالم اسلامه براقیورز . لیکن دین اسلامک
وقومیتیزک کیانی اتحادجیلرک اللرنده ملعبه اولهرق براقه مایز . جناب حق قومیزه
اتباه وبقظه احسان بیوروب کندی مساعیسیله استقلالنی تأمین ایدوب مسلط
اولان اتحاد مامورین وقواسندن مملکتی تطهیر ایتدکدن صوکره هیچ بر قوه
خارجیه نك تأثیرینه استناد ایتیهرك استقلال تام ومطلق ايله مستقل اولمشلردر .

اتحاد وترقی متغلبلرینک جور وستمیلله انین ایچنده قالان ممالکدن آیریلهرق
نصرت دین اسلام واعلاء کلمه الله هدفی داخلنده ایلری طوغری حرکت
باشلامشدر .

شریعت اسلامییه ملائم وموافق هر درلوفنون وعلمی اقتباسله طریق تمدنده
ایلرولمکه عزم وجزم ایلهمشدر .

امیدورجا ایدرزکه بتون عالم اسلام قرداشلرمرز اداء واجب ایچون واقع اولان
شوحرکتیزى تأیید اخوتله تقویت بیورهرق بزه مشارکت ایدرلر وواجب
کوردیکنز بوحالک اداسنه یاردم ایدرلر .

الریعزی جناب رب الأربابه قالدیرهرق توفیق وهدایتیلله عموم اسلام ایچون
خیری اولمه مزی « رسول ملک الوهاب » حرمتنه استرحام ایدره ز .

(وهو حسبنا ونعم النصير) امیر وشریف مکه مکرمه

حسین بن علی

فی ۲۵ شعبان سنه ۱۳۳۴

امیر و شریف مکّه مکرمه دولتلو سینا دولو حسین . ما حضرتلاری طرفندن
نشر ایئتدیر یلن ایکنجی عربجه بیاننامه نك صورت مترجمه سیدر

— بِسْمِ اللّٰهِ الرَّحْمٰنِ الرَّحِیْمِ —

« فان تولوا فقتلوا شهدوا بانا مسلمون »

برنجی بیاننامه مزده ایضاح ایدلن اسبابه بناء قیام ایدن بز حجاز لیلرک آمال
وافکار مزده بعضارجه تردد حاصل اوله بيلمسی احتمالی دفع ایچون افاضل عالم
وبالخاصه مسلمینه قارشى بو ایکنجی بیاننامه یی دخی نشر واعلانّه لزوم کورهرک
دها واضح دها صریح دها قریب العهد مواد و دلائل ایرادیله مقصديغزی تماماً
تشریح اییدیورز .

شویله که : کرک اهل اسلامک بالجمله عقلاسی و کرک تبعه عثمانیه نك احباب
بصیرتی و کرک عموم اقطار عالمک ارباب فطانتی دولت عثمانیه نك حرب عمومیء دوله
داخل اولدیغنه اسباب آتیه دن طولانی راضی دکلردر . برنجیسی سبب داخلیدر .
اوده دولت علیه عثمانیه نك طرابلس غرب و بالقان محارباتدن پك یقین زمانده
حقیقیغی ایچون قوهء عسکریه و قوهء ماله سنه خسار کلی عارض اولمش و مرکز
استناد اولان ملت خیلیدن خیلی ضعفه اوغرامشدر . اساساً ملت عثمانیه افراد
عسکریه سنک مملکتنه عودت و اعاشه اهل و عیال ایچون سعی و عمله مبادرت
ایدر ایتمز علی التوالی تکرار خدمت عسکریه یه ایسته نلمسی بو ملت ایچون
دائمی بر فلاکت اوله کلمشدر . باخصوص حرب عمومیء حاضر ایسه حروب
سائر مه قیاس قبول ایتمز قورقونج بر حرب اولدیغندن ضعیف بر ملت اوزرینه
تحمیل مصارف ایدهرک بویله قورقونج بر حرب مه ملت عثمانیه یی سوق ایتمک کار
عاقل دکل ایدی . ایشته دولت عثمانیه نك بو حرب به دخولنه عقلاء مسلمینک راضی
اولمالرینک بر مهم سببی بو ایدی .

ایکنجیسی سبب خارجی اولوب حکومت اتحادیه نك متحارب اولان ایکی
صف عظیم دولدن اختیار ایئتدیکی جهتّه عائددر . دولت عثمانیه بر دولت اسلامیه
اولوب خریطهء عالمده اشغال ایندیکی محل واسع و سواحلی کثیر اولدیغی ایچون
اوتنه دنبری « آل عثمان سلاطین عظام » نك مسلکری وجهله تبعه سنک قسم
اعظمی مسلمان و دکرز لرده حاکم اولان دولتلره میل ایتمسی سیاستنه دها
موافق ایدی .

حکومت اتحادیه ایسه بو سیاست قدیمه بی ترک ایله اها لیسنه نسبتله مملکتی طار و بناء علیه خیال وطمعی واسع اولان طرفله برابر حر به کیرنجه مسلمینک ارباب بصیرتی منتظر اولان نتایج سیئه بی کوردرک حرکت اتحادیه دن تشام ابدی .

حتی حرب حقنده کی فکرم تلغرافله صورلدیغی زمان طرفدن بوجه مشروح مقتضاسی ایفا اولنمشدرکه جواباً چکیان اولتغرافم دولته قارشی خلوص نیت و صداقتمه و ناموس اسلامک صیانتی خصوصصنده کی فکرمه عانی بر بهاندر .

ایشته بزم وقتیه دیدیکز وجهله قورقدقلرمز ظهوره باشلامشدر . بوکون دولت علیه عثمانیه نك آوروپاده کی حدودی تقریباً استانبول سورلیدر .

روس اردولرینک طلائی سیواس و موصل ولایتلرنده اهای عثمانیه بی چکنه مکه باشلامشدر .

انکیزلر دخی بصره ولایتیه بغداد ولایتک بر قسمی اشغال ایتدیکی کبی بادیه العریشه بیکرجه عثمانلی اسرانی اوکنده سوروب کوتوریور . شبهه یوقدرکه بو احوالی تأمل و دوام ایتمکده اولان حربک نتیجه سنی تفکر ایدنلر ذهنلرینی یورتمیزین شو نتیجه به واصل اولورلرکه بزم ایچون شواکی شقدن بریسی اختیار ایتمککیز ضروریدر .

یاخریطه عالمدن سیلموب محو اولقی یاخود بو محدود قورتلحق چاره سنی بولقی . بو بایده تأمل و لازم کان جوابی اعطا خصوصنی بوتون علمه ترک ایدرز و درزکه مهالک ممالکی احاطه ایتمزدن اول واقع اولان قیامز بجا حتی قیامزک مشروع و واجب اولدیغی هر وجهله شایان ادعادر .

متغلبه النده بز بجه دن عبارت قالان دولت عثمانیه به مربوط قالدیغمز تقدیرده دولت مشار الیه به فائده بخش اوله جعی معلومز اولسه یرمزدن حرکت ایتمز و هر درلو محن و مشاقه صبر ایدرک . فقط قطعاً فائده متصور اولدیغی اکلاشمشدر . چونکه بزی یورونک ایتدکاری وجهله حرکت ایتسک ولایات سائرته نك کوزکوره اوغرا دیغی محو واضمحلاله بزمده اوغرایه جغمز قطعیدر . ایشته بز بویه دیر و حرکتمز حقنده کی حکمی عالمک نصفه و عدائتمه ترک ایدرز . فقط بالکیز شوارسی علناً سولمکدن کچه میزکه بو دولتک محوینه و اناطولی اها لیسنک پریشانلغنه منحصرأ سبب اولان اتحاد و ترقی متغلبه سیدر . اونلرده انور . جمال . طلعت و همپاریدر . دولت علیه عثمانیه نك خطه سیاسیه اساسیه

سندن یعنی عظمای سیاسیة عثمانیه نك وضع ايتديكي سياستدر كه انكته و فرانسه حكومتلرله موالات و مصافندن عبارتدر . ايشته تاريخاً ثابت اولديغي اوزره فوائد عظيمه توليد ايدن بو سياستدن دولتي چيقارمغه يكانه سبب دخي رؤساي اتحاديهدر .

بو رؤساي اتحادك اخلاق و درجه صدق و وفالريني اكلامق ايچون شوني سويلمك كافيدر . شدت احتياجلى انا سنده كنديلرينه قرضاً آقچه اعطا ايدن فرانسيه چوق زمان كچمه دن اتحادجيلر اعلان حرب ايلمشادر . بوني مثال اوله رق ايرادمز استقراضك هر كسيجه معلوم و قريب العهد اولسته مبنيدر . يوقسه بو ظلمه نك اهالى عثمانيه دن عناصر مختلفه حقنده بلا تفریق ايقاق ايتدكلى مظالم واجرا آت سيئه او درجه ده كشيوفر كه كشافتي ضماي شمس او كنده سحاب مظلم كبيدر . باخصوص اناي محاربه ده شريعت مطهره نك اهل ذمت حقنده كي احكامنى دوشنميه رك ارمنى و روملره روا كوردكلى تعديات ميداندهدر . كذلك شامده و عراقده اجرا اولونان مظالم جملةً معلومدر . از جمله (مدينه منوره) جوارنده مخدرات اسلاميه ي اسيركي عسكر قشله لرينه سوق ايتملري شريعت اسلاميه و شهادت عربيه نك ابا ايده جكي احوالنددر .

اوت بز بونلره قارشى قيام ايتدك و بغض و عداوت اظهار ايتدك وايدده جكز يالكن بو عداوت مز انور ، جمال ، طلعت و همپا لرينه قارشودر .

بزم بو بغض و عداوت مز هر مسلم عاقل اشتراك ايدر حتى خاندان سلطنت دخي قلباً بزمدهدر . بو بابده دليلمز شهيد سعيد ولى عهد سلطنت يوسف عز الدين افندى حقنده كي تعدى ظالمانهدر .

بز بونلردن تيرى ايدهره ك كنديلرينه بغض و عداوت اظهار ايدميورز . بزه ممالك عثمانيه ده و بلاد اسلاميه ده كي هر خالص مسلم اشتراك ايدر . سببي ايسه اجرا ايتدكلى ظلم و وبال و دولت اسلام اوستنه جلب ايتدكلى اضمحلالدر . دوات بونلرك اغراض فاسده لرينه و نيات سيئه لرينه قربان اوليور . بونلردن اللهه صيغيتيرز . بوسوزلرمز كلمه حقدر . بويله يشار و بويله اولورز . نصل بويله دعيه لم كه حركات اتحاديه دن بزه موجب انتباه و عبرت اوله جقدها بشقه مثالدر واردر . بز بونلردن بريسنى بوراده انظار عامه مسلمينه عرض ايدميورز .

شامده فرمان فرماي تحك اولان جمال پاشا اوراده مخدرات اسلاميه دن بر (قلوب)

تشکیلنه صرف مساعی ایدره‌ک موقفده اولمش و بونسا قلوبی طرفندن کندیسنه و معینده‌کی هیئت عسکریه‌یه ویریلن ضیافتده مخدرات اسلامیه ساقیلک ایتمش و نظقلر ایراد و تعاطی اولمشدر . حتی بو ضیافتده جمال پاشایی ممنون ایتمک ایچون شام جرائدیلده اعلان اولمشدر . برکه دوشونه‌لم قرآن کریمده «سورة النور» ده تستر نسوانه دائر موجود اولان نصوص قاطعه آلهیه‌یی نظر اعتباره آلمه‌رق جمال پاشانک واقع اولان شو حیاسز حرکتی صریحاً دلالت ایتمزی که بو متغلبه‌نک شریعت اسلامیه‌یه وعادات عربیه‌یه قطعاً مبالالتری یوقدر .

ایشته بوجه بالا بو متغلبه‌نک احوالی تشریح ایله بلاد عثمانیه و عموم ممالک اسلامیه‌ده اهل اسلامه وعظ و نصیحت ایدر و بوزمره باغیه‌نک اغراض فاسده‌لرینه مبنی اوله‌رق اوامر آلهیه و نواهی سبحانیه‌یی تعمیر و تحقیر ایتملرینه یاردم ایتاملرینی رجا ایده رز . الله عاصی اولانه اطاعت اولنه‌ماز . بونلرک منکراتی هرکیم ایله ، دیلیله ، قلیله بوزمغه قادرایسه یاعلیدر . بونلرک حرکاتی تصویب ایدنلر وارایسه انلرک ادله‌نی دیکلمکده حاضرز والسلام علی من اتبع الهدی .

شریف و امیر مکه مکرمه

حسین بن علی

فی ۱۱ ذی القعدة ۱۳۳۴

شودرج ایتدیکز ایکی قطعه بیاننامه‌دن آ کلاشلدینی وجهله شریعت مطهره اسلامیه وعادات مستحسنة عربیه‌یه قطعاً مبالالتری اولیان اتحاد و ترقی جمعیتی متغلبه معهوده معلومه‌سی یوزندن شریف و امیر مکه مکرمه حضر تلی قیام و اعلان استقلال ایلمشدر .

کذلک حربک ابتدالرنده دولتک اک مهم واک جسم ایالات ممتازده سندن معدود اولان (مصر) قطعه سیله اناطولی و سوش قنالنک کلیدی مثابه سنده بولونان (قبریس) اطه‌سی دخی بو متغلبه باغیه‌یه قربان اوله رق کیتمشدر .

اولجه ضایع ایتدیکز بحر سفید اطه‌لریله طرابلس غرب و بغازی و روم‌ایلی قطعه‌نی ده نظر دفته آله‌حق اولورایسه‌ک دولتمز آق دکزده‌کی حاکمیتنی کاملاً غائب ایلور .

اتحاد و ترقی جمعیت شریره سنه بعد الصلح قربان اوله‌حق ممالک داخل حساب ایدیلورسه اوقوجه عثمانلی دولتی و اولکهمه‌سی خریطه‌عالمدن سیانمک درجه سنه نزل ایدیور .

بوکا سبب یکانه کیم اولمش اولیور ؟ بالطبع اتحاد و ترقی جمعیتله اون سنه دئیری
موقع اقتداره کتیردیکی حکومتلری ، آرتق مدت قلیله ظرفنده بو حاله قویدقلری
بو دولت و مملکتده بوندن صوکره اولسون بو جمعیت و زمره باغیه سنه میدان
و فرصت و یرمک بقیه البقیه ممالکک الدن چیقمنسته بادی اوله جعنی نظر تأمل
ودقتدن دورطومیهرق بویله بر حال وقوعنه میدان و یرلامک ایچون لازم کلن
تداییره دولت و ملتجه توسل بیورمق فرض عیندر .

دولتی حر به سوق ایدن پرنس سعید حلیم پاشا اعلان حرب جنایتک نتیجه
سندن وخامت تولد ایده جکنی اعلان حرب بدن برآز صوکره حس ایتمکه باشلامش
وقاینه ارکانی میاننده بعض کونا سزلدی ظهور ایتمش و باخصوص بو حالدن
پک زیاده توحش ایدن پاشای مشار الیه حضرتلری صلح منفرد چاره سنک
نخریسنه باشلامش لرسده جمعیته و رؤسای شریه معلومه سنه اسماع ایتدیره میهرک
استعفایه مجبور اولمش ایدی .

حالبوکه بو حالدن مؤخرأ توحش ایدن پرنس سعید حلیم پاشا حضرتلری حربک
ابتدا سنده قالدیره میه جقلری بوکک الننه کیرمدن اول استعفا ایله استفاده ایتمش
اولسه ردی ده اعلان برمسلاک اختیار ایتمش اولورلردی .

غفو عالی نخمانه ارینه مغرورأ بو بایده بر قاچ سوز سویلمک ایستم . حریت
حرکتیه مقتدر اولهمیه جقلرینی پک اعلان بیلدکلری حالده نیچون مسند صدارتی
قبول بیوردیلر ؟

کندیلری مصرک الک بیولک پرنسلرندن پرنس حلیم مرحومک مخدوملری والیوم
مصرده موجود پرنسلرک بیوکلرندن اولدقلری حالده ندن بواصل ونسللری غیر
معلوم اتحاد رؤسا و اشراسی ایله اشتراک ایتمک تنزلنده بولندیلر ؟
یوقسه تابعیت و عبودیت قدیمه لرله مربوط بولندقلری دولت علیه عثمانیه
خدمت ایتمکی ایسته دیلر ؟

بزه قایلرسه هیچ شبهه یوق که مربوطیت قدیمه لرلی طولایسیله دولت علیه عثمانیه
خدمات ممدوحه و حسنه ایفاسی ارزوسی کندیلرینی بوبار عظیمه آتمش اولمیلدر .
مع ما فیہ مشار الیه حضرتلری حال وزمانی در پدش و جمعیت اتحادیه موجود
اولدقجه و اونلر طرفندن موقع صدارته ارتقا بویوره بیله جکلرینی بوندن طولانی
سربستی حرکتیه مالک اوله میه رق جمعیتک النده بازجه اوله جقلرینی ادنا بر تفکر

بیورمش اولسه لردی بالطبع بو ارزودن صرف نظر بیورلر و نام نخیمانه لرینی تاریخ عثمانینک اوسیمه صحیفه لرینه ادخالدن وقایه بیورمش اولور لردی .

چونکه امثالی دلائله ثابت اولدیغی وسکزه ، اون سنه دنبری کورلیدی اوزره اتحاد و ترقی جمعیتی طرفندن مقام صدارته کتیریلن ذواتک جمله سی کندیلری کبی منسوبین جمعیتدن اولدقاری جهته برایش کوره مامش و جمعیت طرفندن ویریلن اوآمر دائره سنده حرکت ایتمش اولدیغی مبرهن ایدی . مشار الیهده بونی کوروب و بیلیورلردی .

سعید حلیم پاشا بالارث والا صاله پرنس اولدقارندن و آلتس عنوان و نامنی حائز و ثروت و سامانه مالک بولندقارندن ناشی اتحاد و ترقی جمعیتی اشرا و اشقیاسیمه بالاشترک حرکت بیورملرینه هیچ بر معنا ویریه مز .

ایشلدلیکنه کوره صلح منفرد مسئله سندن طولانی جمعیتله یینلرنده حاصل اولان کرکینلک مشار الیهک موقع صدارتدن چکملرینی انتاج ایتدیکندن مقام صدارت آرتق طوغریدن طوغری به جمعیتک انه کچمشدر .

صدارتدن بو وجهله استعفا و انفعکایدن پرنس سعید حلیم پاشا حضرتلرینک برینه بر دیکرینی کتیروب اثنای حربده بر مسئله چیقارمق و یاخود دولتی حربدن استنکاف ایتدیرمک کبی احواله معروض بر اقق حای اعظم جمعیت اولان آلمانیا ایمراطوری و پهلوی کوچندیرمک دیمک اوله جغندن (جمعیت که تعبیر و جیزیه طلعت دیمکدر) بو کبی احواله محل و میدان بر اقبی موافق کورمدی بناء علیه زمام اداره یی طولایسیمله قوللاقمقدن صرف نظره طوغریدن طوغری به اله آلهرق کندیسنی صدارته تعیین ایتدیرمکله صدارتله جمعیت برلشمش اولدی .



طلعت پاشانک صدارتی — صدارته تعیین اولونان طلعت بک تعامل قدیمه تشریفاته و اصول موضوعه دولت موجبینه پاشاق عنوانتی ده اکتساب ایلدی . صدر اعظم خاتمتلو دولتلو طلعت پاشا حضرتلری اکابر رؤسای اتحادیه دن بر قایینه تشکیلیله ایشه باشلادی . اوصرده مصرده بولندیغمزدن رفقادن بر ذاتله بر محله بولنیوردق طلعت پاشانک صدارته تعییننه دائر تلغراف کلمکله مومی الیه بالداهه عاجزلرینه خطا با آئیده کی بیق سویلمش ایدی .

— بیت —

سن یاقیشماز دیرسك اما كل باشه شمشیر طراق
صدر اعظم اولدی طلعت جلوه تقدیره باق

فرداسی کونی ینده مومی الیهله برلکدده بولندینغمز صررده طلعت پاشا قاینه‌سی
ارکاننک اسامیسنی مبین کلن تلغرافی اوقودقدن وانور پاشانک ده حربیه ناظری
اولدینغی اکلاقدن صوکرده بیت آتی بی سویلمشدر .

— بیت —

طلعت اولمش صدر اعظم آله آلمش انوری
اتحادک سایه سنده ملکک آلت اوست هریری
حقیقه شوزانک دیدیکی کبی طلعت پاشا قاینه‌سی سرعت سیر یله مملکتی آلت
اوست ایتمشدر .



صدر اعظم طلعت پاشا حضر تلی

S. A. Talaat Pacha (Grand Vézir)

طبیعی طلعت پاشا و رفقای سی مملکتک اعظم رجال سیاسی سندن (۱) و آلمانیا نك
بندكان صداقتشاندن اولدقلری جهته ابراز خدمت و صداقت خصوصنده اولجه
كلن قاینه لك جمله سنه فائق ایدی .

طلعت پاشا قاینه سنه نه نام ویرلك لازم كلیر ؟ چونكه قاینه سنه بالفعل قتل
وجنايتلر اجرا وایقاع ایدن بر چوق جانیلر داخل ایلمش وكندیلمیده رئیس
جانیا ن اولدقلرندن بو قاینه یه حكومت قاینه سی دیمكه انسان حیا ایدر .

بونك ایچون رئیس اشرا و اشقیا طلعت پاشانك شو قاینه سی مختلط جانیلرك
انحادیله تشكیل ایدن بر قاینه اولدیغندن (قاتلر و جانیلر قاینه مختلطه سی)
ویا (اتحاد و ترقینك اك جانوار و خونخوار صوك قاینه وچته سی) دیلییر .


طلعت پاشا قاینه سی حرب زماننده كلش و آزمان ظرفنده مملكتنده پك بویوك
ایشلر (۱) كورمشدر .

اعدام ایدیله میان و قورشونه دیزیله مین نقدر وطنپوران و مخالفان و ارایسه
هپسنى تمیزله مش عقل و فكره كله میه جك درجه ده مظالم و جنايتلر اجرا ایلمشدر .
اسلام و خرسیتیان بر چوق مظلومین ملت سیار بر عشرت حالنه قونلمش
طربزوندن ، قسطنونیدن ، سیواسدن چیقاریلانر ممالك عثمانیه نك اك بعید
محللرینه زور ، حالب حوران و كركوك چوللری كبی محلله یایا اوله رقی سوق
و هجرت ایتدیلمش و یوللرده آچلقدن و صوسزلقدن و مزاحم سفریه دن یوز بیكگرجه
قادی ن واركك و چوق چوق ترك حیات ایتمش و برطاقم مظلومه ینده بوجانی
قاینه نك امریله یوللرده قتل و اتلاف اولمشدر .

روایتیه نظراً قتل و اتلاف ایدیلنلرمیاندن اكابر اسلامیه و اغنیای خرسیتیانیه
و مأمورین روحانیه دن بیكگرجه ذاتده بر صورت غدارانه ده قتل اولمشلردر .

اهالی و تبعه سنى بو وجهله قتل و افنادن حذر ایتمین بو حكومتك بو كبی فضاح
وجناياته جرأت و ارتكاب ایتمی سلامت مملكت و ملت ایچون اولیوب عناصر
مختلفه بیننه القا ایلدیكى منافرت و مخالفتی تزید و تشدید ایدره لك ملك استقباله
راحتنى سلب و اخلال ایتك و بونقی واجلا و هجرتدن بالاستفاده مظلومین
و مغدورینك نقود و اشیا و اموال موجوده سنى چته لری افرادیله فدائی جانیلرینه
غصب و یغما ایتدیروب جمعیتك قاصه سنى طولدیرمق و فارماصون و سیونست
جمعیتلرینك اوامر و اتقا آت فاسده لريله آلمانیا ایمراطوری و یلملك اراده خائنانه سنى

حقيله اجرا وايضا ايلدكلىنى كوستهرك منافع خسيه وسقيمه لىنى تا مین واقعا
جانيانه لرنده دوام ايتمكدن بشقه برشى دكلدر .
بوجانلر بونكلده قالموب مملكتى بر هر ج ومرج ايچنده براقدين صوكره
عالم اسلامده تعرض وتجاوزده بولمشلدر .



شيخ الاسلام موسى كاظم افندى حضرتلى

S. A. Moussa Kazim Effendi

Cheikh - El - Islam

بر طرفدن آلمانيا امپراطورينك فكرلرينه القا ايتديكى (توران) خيال خامي
ايچون جمعيتك رؤسا وخطبا وفدائيلرندن يوزلرجه سنى ايران، بخارا، افغانستان،
ترکستان وقفقاسيه و بلاد سائره اسلاميه سوق واعزام اياه بورالرده مسكون
عناصر اسلاميه وخرستيانيه يى بر برلى عليهنه دوشورهرك اورالرده عصيانلر
وقياملر چيقارمشلر وافريقا قطعه سندهكى اهالى اسلاميه يده اسلاملى نقاب
وكسوه سى التنده كورينهرك بالاغفال بولنلر يدهم جوار حكومتلى عليهلر يته قيام
ايتديرمشلدر .

طلعت پاشا حضرتلریله تحت اداره سنده بولونان اتحاد و ترقی و فارماصون و سائر جمعیات خفیه منسوبین و حکومت اتحادیه رجائیک غیر قابل حصول اولدیغنی بک ایوبیلدکرینه شبهه ایدیلهمین بوکی خیالات ایله اوغراشمیری و دولتک ملیونلرجه ایرالرینی صرف ایتدیرملری نه دن نشأت اید یوردی ؟

بو قاریده دینلیدیکی کی شوزمانده سیاست قابل اجرا اولیان (توارن) دولتک آلمانیا ایمپراطوری و یلهم ایله اتحاد و ترقی جمعیتک منافع و خاطری ایچون وجوده کلمسی ممکنمی ایدی ؟

بونک غیر ممکن اولدیغنی بزدن بک اعلا بیلن طلعت پاشا قاینه سی و اتحاد و ترقی جمعیتی نه دن بو خیال خام ایله بیچاره ملتی اغفال ایتدی ؟
 زده بو سواللرک تدقیق و تحقیقی ارباب ذکا و عرفان ایله وقعه نویسان زمانه حواله ایدر و احسان عدلی بک افندیکن (نوران) حقنده اتحاد قارشی سویلدکری قطعه آتییه نی درج ایله اکثفا ایلرز .

« قطعه »

بر ملتی وادی خرابیه سوره رکن
 آلتون طاغه یو کسلمی دیردک سر و بلم !
 درت ییل وطنک خاکنی قانلرله یو غوردک
 (نوران) نه که ، (حوران) نه که ای سیف مظالم !

ازان جمله افریقا چوللرنده و ساحله خیلی اوزاق مسافه ده بولونان مشایخ کرام عربدن شیخ احمد السنوسی حضرتلرینی دین و ایماندن میرا کوندردکری جمله جه معلوم اولان عونله ریلله اتفاقلرینه دعوت و عالم اسلامه خدمته جلب ایتدیلر .

هیچ شبهه یوق که شیخ مشار الیه حضرتلری بو ساخته کار دینسز و حیاسز اشقیای شریعه نک بورندیکی کسویه آلدانمشلر و خلیفه مسلمین و پادشاه اسلامیان نامه حرکتدن چکنمیان بوخذه نک اغفالانته قاپیلمشلردر .

نصل اولور که شیخ مشار الیه حضرتلری حسب الدیانه و الشریعه خلیفه مسلمین اولان پادشاهمز افندمزه قلاباً مربوطیت تامه ایله مربوط بولندقلرندن بو دعوت و قیامه جواب رد ایله مقابله بیوره بیلورلر . بالطبع بولندقلری حال و موقع بو بولده حرکتیه مانع اولدیغندن علم اسلام نامه قیامه مجبور اولدیلر و بوجه مشروح حرکت و قیامه باشلادیلر و باشلادیلرلدیلر .

اتحاد و ترقی رؤسای معلومه سی پک رعنا بیلورلردی که بو حرکت و قیام دولت و مملکتیز ایچون بر عمره وفائده بخش ایتیموب یالکز اهای اسلامیه و عربانندن بیکرجه خلقک شهادتیه آلمانیا حکومتک آمال سیاسیه سنه خدمتدن منبعث اوله بیلردی .

نته کیم ده او یله اولدی بونلرک اغفالات و تشویقاتنه قابیلن شیخ سنوسی حضرتلری منسوبینندن وجوارلرنده بولونان عربان و عشایردن بیکرجه افرادک شهادتندن بشقه بر نتیجه استحصالنه و دولت و ملتیزه یاردمه موفق اوله مدیلر .

دولت و ملتیه اک زیاده اهانت و خیانت ایدن سیلاردن :



حریبه ناظری انور پاشا حضرتلری

Envér Pacha Ministre De La Guerre

بو قایینه شیخ مشار الیهی اسلافندن زیاده اغفال و تشویق ایله آلمانیا ایمپراطورینه بر جمیله کوسترملک ایچونده شهزاده جوانبخت دوللو نجابتلو عثمان فوآد افندی حضرتلری معیت نجابتناهیملرنده بر طاقم ضابطان و ذوات سائره ایله برابر

(مضراطه) طریقہ شیخ مشار الیہ حضرتلرینک نزدعالیلرینہ سوق واعزام ایتمک کئی بر حرکتدن ده چکنمدی .

ایشته شیخ سنوسی حضرتلرینی بوصورتله قیام ایتدیرن اتحاد وترقی جمعیتی بوندن بشقه افریقانک اورتہ سنده وسودان قطعہ سنک اتصالنده بولونان بر بحق ایکمیلیون نفوسہ مالک ومستقل بر اسلام حکومتی اولان (دارفور) سلطانلغندہده شیخ سنوسی حضرتلرینہ اوینادیغی او بونی اوینایہرق (دارفور) سلطانی علی دیناری اغفال ایله قیام ایتدیرمشدر .

دارفور سلطانی « علی دینار » بو اتحاد شیریرلرینک اغفالایتیله انگیزلر علیہنه قیام ایتدیکندن سوداندن سوق واعزام ایدیلن انگیز ومصرقوہ عسکرہ سیله حرب ایتمش ونتیجہ محاربہده سلطان مشار الیہ شہید اولہرق سلطنت ومملکتی انکلترة دولتنک ید ضبط واستیلاسنہ کچمشدر .

هیچ برطرفدن تعرض وهجومه معروض اولیان وشمدی به قدر استقلالتی محافظه ایدن و بوندن صکرہده دها زیادہ مستقلاً حرکتله حریشایه جق اولان افریقاده کی یکانہ مستقل بر اسلام سلطانلغی بو اتحاد وترقی اشراسنک اغفالاتی اثری اولق اوزره خریطہ عالمدن سیلنوب محو و پریشان اولہرق کتدی .

بو خائنلر یالکز بزم مملکتتمزی محو واضمحلال ایله قالمیوب قطعات، خمسهده مسکون وموجود ملل مختلفه وحکوماتک انتظام اداره وراحتی سلب ایچون لازم کلن فضایح وجنایانک ارتکابندن ده کیر و طورمدیلر .

والحاصل میدان انقلابه آتیلدقلری کوندیری نه بز وندهده سائر اقوام بر راحت بوزی کوره مامش وبوخذله ملعونہ همپاریلہ برابر دنیایی آت اوست ایدہرک بو کونکی حالہ کتیرمشدر .

طلعت پاشا قاینہسی حبسخانہلرده کی قاتلری ، جانیلری چقاروب جمعیت اتحادیه نکه شیریر فدائیلرینک ریاستنده چتہر ترتیب ایتمش وبوچتہلرله بیکلرجه اسلام وخرستیان کویلرینی صویدیرمش وبر چوق مظلومین ملتی خالک هلا که سردیرمشدر .

بو قاینہ نکه جنایات متعدده سنی تعداد ایچون جلدلرجه کتابلریازمق لازم کلور . یالکزجه مملکتتمزده اجرا وار تکاب ایلدیکی جرائم یوزلرجه اثر یازمغه کفایت ایدر .

طلعت پاشا قاینه سی جانیک ، اشقیالق ، یغماجیلق کبی جنایات وشقاوتدن
ماعد ا برده تاجرلک ایجاد ایلمشدر .

دوات وملمته اک بیوک اهانت وخیانت ایدن سیالردن :



بحریه ناظری جمال پاشا حضرتلری

Djamal Pacha Ministre De la Marine

بو اشقیای مشهوره صویدق لرینی کافی کورمیه رکه تجارتده باشلاملری طبیعی
بر حال عد اولنه بیلیر .

ذاتاً منفعت ذاتیه وشخصیه وتا مین منافع عزمیله تشکل ایدن بر جمعیتدن بوندن
بشقه برشی بکله نلمز ایدی .

بو مجسم حمیت ووطن پرور اشرا فرصتدن استفادهیه قیام ایلله حال حرب
طولایسیله فیثاتلری کسب تزايد ایدن اتمه واشیا وما کولات وسائرهدن مملکت مزده
موجود اولانلری بعض محالره ادخار وحفظ واولیا نلری جلب وجمع ایلله یوکسک
یوکسک فیثاتلرله بیچاره اهالی یه ییم وفروخت ایده رکه ملیونلرجه لیر اصاحی اولمشلردر .

از جمله هر خصوصه بونله معاونت و اشتراك ایدن سلا نيك دونه لريله بالاشترك
استانبول و بلاد سائرۀ عثمانیه ده چورمدكلى دولاب قالماش و هم اونلر و هم ده
كنديلىرلى مليونلرله ليرالر قازانشدر .

بوييله قالمش اولسه ايدى بلكى نه نظر مساحه ايله كوريلوردى . مع الأسف
بونلرى تزويد ثروت و سامان خرى خزينۀ دولتي ده صومعه سوق ايتديكندن
بر طرفدن خزينۀ جليلۀ ماليه ده ناظرلى اقتدارى عودتي شهر جاويد بك همتي (!)
وديكتر طرفدنده حربه نظارتى لوازمات عموميه دائره سى رئيسى حيا سى طوپال
اسماعيل حقى پاشا نك غيرتى (!) ايله ملت مظلومه به بار و تحمیل ايديلن نوز مليونلرجه
ليرا استقراضدن حاصل اولان آقچهدن مليونلرجه ليرانك سرقى ايله ملتى صوميلرى
نظر مساحه و عفو شايان احوالدين دكلدر .

اون سنه دنبرى دولت و مملكتۀ اهانت و خيانت ايدن سماردن :




ماليه ناظرى سلا نيكلى جاويد بك

Djavid Bey Ministre Des Finances

طلعت پاشا قاینه‌سی آلمانیا دوستمزدن (۱) استقراض ایلدیکنی اعلان و بیان
ایلدیکی مبلغی کویا قارشواق اتخاذ ایدهرک رفیق شریر شهرلری دیون عمومیه
عثمانیه عثمانلی داینلر وکیل (طنینجی) حسین جاهد بکله مشترکاً بالامضا میدان
نداوله وضع و اخراج ایلدکلری غیر معین المقدار ملیونلرجه لیرالق ورقه نقديه ايله
دخی دواتی و ملتی افلاسه طوغری کونوره‌رک بوندن دخی کلی مقدار استفاده
تأمینندن چکنمدیلر.

میدانی واسع و بوش بولدقلرندن هر درلور زالت و دنائت اجرا و ارتکابندن خالی

دوات و ملته الک زیاده اهانت و خیانت ایدن سمالردن سفسطه پرداز شهر:



دیون عمومیه عثمانلی داینلر وکیل وطنین غزته‌سی صاحبی

حسین جاهد بک

Hussein Djahid Bey Directeur et (Fameux) Redacteur
En Chef du Tanine

قالیه رق هر حال و کارده دولت و ملتزك محو واضع حلالی چاره سنی تحری و تمیسه ایله وظیفه لرینی بحق ایفا ایلدیلر .

خلاصه کلام اون سنه دنبری ککن اتحاد قاینه لرینک پایه مدیغی و یارم بر اقدیغی هر نه درلو جنایت و شناعت و ارایسه طلعت پاشا قاینه سی مدت قلیله ظرفنده جمعه سنی اجرا و ایفا ایله مملکتی محو و پیریشان ایدی .

امیدایتد کرك ای دل او یارسه حکم تقدیره

ظهور ایلرسکا البت نه حاجت رأی تدبیره

خواسنجه امید و اعتمادلری ارزوی فاسده لری کبی حکم تقدیره او عیابوب عکسی ظهور ایتمش جهانه میدان اوقویان آلمانیا دولتی مغلوبیتیه یوز طوعغه باشلامش اولدیغندن اتحاد و ترقی جمعیت و رؤسای متغلبه سی فوق الغایه تلاش و ترده دوچار اولدیلر .

حربه دخولدن اول ادرنه شمندوفر استاسیوننک بولندیغی قره اغاج موقعی یعنی ادرنه نك قیوسی دیمك اولان استاسیونی حربه اشتراکی ایچون آلمانیا نك امریله بلغارلره ترك و تسلیمه راضی اوله رق اتحاد اشقیاسی جمیله کوسترمش ایدیلر . ایشته بودوستلرینک یعنی بلغارستانک دول متفقّه اردولرینه مقاومت ایده میه جکئی ا کلامسی و آلمانیا نك دخی آرتق کندیسنه یاردم ایده جك بر حالدن چیقمش اولسنی مشاهده ایلرسی و کیردیکی بو حر بدن ضرر سرجه چیقمق اوزره دول متفقّه ایله عقد متارکه ایلرسی خبری در سعاده ایریشدیکنی متعاقب سوریه قطعه سنك الدن کیده رك حلب، شام، بیروت و بلاد سائره مأمورینک دخی فراراً استانبوله مواصلتاری اتحاد جیلره صاعقه کبی تأثیر و تلاش و توحش لرینی تشدید ایلمش و تعقیب و اجرا ایلدکاری پلانی صویه دوشورمشدر .

بلغار حکومتک میدان حر بدن چکلمسی و آوستریا - مجارستان دولتنک دخی متارکیه آماده بر حالده بولنسی اتخاذ و تعقیب ایلدکاری امید و تدبیری آلت اوست ایلدیکندن جمعیت اتحادیه تخلیص نفس چاره سنك تحریسنه دوشمش دولت و مملکتی محافظه یی اونو نمشدر .

بو حاله دوچار اولان طلعت پاشا قاینه سنجه پایه حق برایش برآن اول ترك موقع و عار فراری ارتکاب ایدی .

اوده طبق بو وجهله صدارتدن استعفا سنی ویرمك رفقای شیریه سنك الك

مہملرندن انور ، جمال ، دوقتور ناظم ، دوقتور بہا الدین شا کر ، مدحت شکری ، اسماعیل حق کبی اشراپی باشنہ طوپالایوب و جمعیتلرینہ و ذاتلرینہ عائد اوراق مہمہ و نقودی دخی آلمشدر . بونلردن بعضی استانبولده بولونان آلمان کیلرندن برینہ را کباً قرہ دکز طریقہ روسیہ و آلمانیاہ و بعضی دخی وسائط سائرہ ایلہ دیگر محللرہ فرار ایتشاردر .

جمعیت و مملکتیہ رفیق شریرشہیرلی فتیحی ، احمد رضا ، احمد نسیمی ، رحمی ، جاوید ، حسین جاہد ، حاجی عادل ، خلیل ، کوزطبیبی اسعد ، خیری ، سلیمان نعمان ، ضیا ، کمال و سائرہ ترک و تودیہ ایلدی . طلعت پاشانک استعفا سی اوزرینہ حکومتی بر مدت دہا الدن چیقارماق و حالہ

دولتہ و ملتہ الہ جوق اہانت و خیانت ایدن سیالردن :



اتحاد و ترقی جمعیتک رکن اعظمی دوقتور ناظم بک

Dr. Nazim Bey Influent membre du Comité
Union et Progrès

کوره حرکت ایچون جمعیتجه کندی آدملارندن مرکب اولمق اوزره بر قایینه
تشکیلنه قرار ویرلمشدر .

بعد الانقلاب دولت وملته اهانت وخیانت ایدن سبالردن :



اوقاف ناظر اسبقی نیکده لی خیری افندی (*)

Haïri Effendi Ancien Ministre des Wakfs

(*) مدارس ومکتب حقوقده تحصیل ایتمش اولان خیری افندی بر مدت امور عدلیهده
بولتمش وبعد الانقلاب منسوب اولدیقی اتحاد جمعیتجه مبعوث انتخاب ایدلش ومبعوثلفی
اثناسنده قایینهیه اوقاف ناظری اوله رق داخل اولمشدر . مدرسه دن یتیشن وتبدیل قیافت ایدن
بو ذات ایکنجی دفعه تبدیل جامه ایده رک مشیخت اسلامییه تعین ایتدیرلمشدر . بومناسبتله
سویلنیلن قطعه آتیه درج ایدلدی . قطعه

بر صاریق برده اوزونجه جیه ...

شیخ ایدن شابی بوکون خلعتدر !

شیخ الاسلام اوله کلش خیری

کرچه فتوایی ویره ن طلعتدر !

احسان عدلی

بو صروده طرف اشرف حضرت پادشاهیدن مسند جلیل صدراتک صدر اسبق
لوندرو سفیری توفیق پاشا حضرتلرینه توجیه بیورلمسی جمعیت اتحادیه جه موجب
اندیشه و تلاش اولمش ایسه ده صدر مشار الیه حضرتلری مصر غزته لرینک روایتیه
نظراً اتحاد رؤسا سندن بر فردک قابینه سنه ادخالته مساعد، بیورمدق لرندن قابینه
تشکیلنه موفق اوله میوب لرلرینه اولجه ارکان حربیه عمومیه دائره سی ریاستنده
و حربیه نظارتنده، و عین قوماندانلغنده بولنش و حرب عمومی اثنا سنده روسیه
حدودی قوماندانلغنی ایفا ایتمش اولان عزت پاشانک تعینینته اراده سنیه جناب
پادشاهی شرف تعلق بیورلمشدر .



در سعادتدن فرار ایدن صدر سابق طلعت پاشایی اسکی طانیانلردن اولدیغعدن
مشار الیه حقنده بعض بیاناتده بولمغه لزوم کوردوم .

طلعت بوندن یکرمی ، یکرمی بش سنه مقدم طانیانلرجه ده معلوم اولدین
اوزره شایان محبت ، خوش صحبت ، نکته دان ، مسافر پرور ، حقوق طانیر
ارقد اشاق ایدیلور بر ذات ایدی .

طلعت لا یقیله تحصیل کورمدیکی حالده فیکر ذکایه مالک برکنج ایدی . حال
فلا کتنده فرانسه تحصیل ایده بیلمش و اولدقجه لسان مذکوره واقف اولدیغی
وامور اداره ده جسارت صاحبی بولدیغی جهتله هر ایشده موفق اولوردی .
طلعت کبر و عظمتدن بری و رفقاسی حقنده کی معامله سی هر شیدن عاری
اولدیغعدن بر چوق احبا و اودایه مالک اولدی .

طلعت انقلابدن اولکی زمانلرده غایت نازک و صادق و احباب پرور ایدی .
طلعت انتساب و داخل اولدیغی جمعیتلره دخولندن اولکی حالی محافظه ایده ییله
ایدی . حقیقهً بین الاقران تمیز و ترقیه لایق برکنج ایدی .

مع التأسف داخل اولدیغی جمعیتلر هر کسک اخلاق و افکارینی تسمیم ایلدیکی
کبی طلعتک ده اخلاق و عاداتی بوزمش و عاداتا کندیسنی برجانی یاغش چیقارمش
و کوزلرینی ده حرص شهرت ایله کور ایتدیکنندن او بیلدیکز و سودیکز طلعت بام
بشقه بر حاله کلمشدر .

وا اسفا که ، بو جمعیتلره انتساب ایدنلر بشقه درلو بر حال کسب ایله حقوق
انسانیه و بشریه یی در خاطر ایده میور و انسا نلقدن اوزا قلاشیور ایشته طلعت کی نه

یادینگی بیلمز بر حاله کلیورمش .

اون سنه دنبری دولت و مملکته اهانت و خیانت ایدن سبالردن :



مجلس مبعوثان رئیس و داخلیه ناظر اسبقی میلّاسلی خلیل بک

Khalil Bey Ancien Ministre de l'Interieur

جمعیت اتحادیه نك دیگر رؤّسائیک عار فراری ارتکاب ایده جکری مأمول
ایکن طلعتک فراری هیچ عقله کلمز ایدی .

بز طلعتی سوزنده ثبات ایدرظن ایدردک . چونکه طلعتک دولتی یا جمعیت
قورتاره جق و یا مملکت جمعیتک النده محو اوله جق دیدیکنی بیلنلردن اولدینغمز دن
اون سنه دنبری فلا کتدن فلا کته سوروکلدکری دولتی بویله اضمحلاله
یووارلاندینی بر صرده قورتارمق و یابستون محو ایلمک شقلرندن برینی اختیار
ایده رک بریره صاووشمیوب صدق مدعاسنی عالمه کوسترملی ایدی .

اتحاد و ترقی جمعیتله دیگر جمعیتلرک ممالک عثمانیه ده رئیس اکبر و عامل اعظمی
اولان طلعت بویله فرار ایدیورنجیه طوغریسی بزلیده وله وحیرتله
ایچنده بر اقدی .

بز طلعتده جسارت مدنيه ي مشاهده ايدييور وتعقيب ايلديكي طريقى بويله
يارى يولده ترك ايله فرار ايتمز ظن ايدييور دق .

دولت وملته اهانت وخيانت ايدن سمالردن :



اتحاد وترقى جمعيتى كاتب عموميسى وسيروز مبعوثى مدحت شكرى بك

Midhat Chukry Bey Ex Député de Serres.
Secrétaire General du Comité Union et Progrès

ايشته طلعتك بو فرارى هم كنديسى وهمده الله طوتديغى وطوتديريغى
جمعيتلى اولديرمش وممالك عثمانيه ده بوندن بويله بونلر ايچون بر حيات اجتماعيه
بر اقامشدر .

طلعت وهما سناك فرارلى مملكت وملت ايچون باعث شكران اولسه كر كدر .
اكر بونلرك واستناد ايلدكلرى قوتلرك مملكتهمزده نام وشانلرى قالسه ايدى .
هيچ شبهه ايديله مزكه شمدى يه قدر ايشلدكلرى فضايحك بيمك قات فضله سنى
ارتكاب ايدرلر . ملت مظلومه ي عقل وفكره كليمان فلا كته سوق ايلرلردى .
طلعت شخصى اعتبار يله سوديكيم بر ذات ايسه ده دولت وملته مضرتى جهتيله
شايدان نفرت وتلعيندر .

كرك بوفراريلر وركرك اليوم مملكتيده قالان وحالا اسكى روللرنده دوام
ايتمك ايستين جمعيت رؤساي سائره سنك يقينده جزاي سزالريني كورمكله ملتك
قريير العين اولسي جناب قهار منتقم حضرتلرندن تضرع ونياز اولنور .

« مارسرما ديده يه مولا كونش كوسترمسين »

مثل مشهورنجه جمعيت ورؤساي شريره سنك جناب حق بر دها مملكتمزده
اجراي نفوذ لرينه امكان وفرصت ويرسون . ملت مظلومه معصومه يده انتباه
احسان بيورسونده بوظلمه ومتغلبه نك اوينا دقلري واوينا مق ايستيه جكلري
اويونلرينه بوندن بويله اولسون آلدانوب وايناغسونلر .



صدر اعظم عزت پاشا حضر تلى

S. A. Izzet Pacha (Grand Vezir)

عزت پاشانك صداقتى — مسند جليل صدارت عهد سنه توجيه بيوريلن
نخامتلو دولتو عزت پاشا حضر تلى قاينه سى اركاننى همان جمله دينيله جك
برصورتده جمعيت اتحاديه رؤساسندن مركب اولق اوزره انتخاب وتشكيل

بیوردقلرندن مشار الیه قایینه سنک تشکنده ده استانبولده قالان و برطرفده اختفا
ایدن رؤسای متغلبه نك یوقاریده بیان اولندینی اوزره جمعیتجه ویریلن قرار
موجبجه روللرینی اوینادقلری تظاهر ایدیور

چونکه بوقایده نك حین تشکنده طلعتلر، انولر، جماللر و رفقای سائره سی
هنوز قرار ایتیمهرك استانبولده برطرفه صاقلانمش اولدقلرنده بولندقلری محللردن
امرلرینی انفاذ ایتدیره بیلمشلردر .

طلعت پاشا قایینه سنک استعفا سی بلغارستانك عقد متارکه ایتمسندن و اوستریا ،
مجارستانك ده داخلی قاریشمسندن طولای آلمانیا ایلده درسعادت ییغنده کی شمندوفر
منافلاتی تعطیل ایدلمش و دولت علیه جهده متارکه بی قبولدن بشقه برچاره برانقلمش
اولمسندن نشأت ایتمش ایدی .


زیرا طلعت پاشا و قایینه سی ارکانی حیاتلرینی و جمعیتلرینك بقاسنی تامین ایده
بیلمك امیدینی بسله مش اولسه لر ایدی . متارکه بی دوندن عقده آماده و حاضر
ایدیلر . بوا مید کندیلر یچون پك ضعیف اولدیغنه و اوته دنبری یابزمحو اولورز
و یامتارکه و صلح یاپمیز یولنده کی پرو پاغاندارینه طپان طپانه ضد اولان بومتارکه بی
عقد ایتمك حرکات مردانه لرینه (!) پکده موافق اولدیغنه بناء کندیلری
چکیلر رك رفقای سائره لرینه عقد متارکه ایتدیرمك و کما کان حکومتی الزنده
بولندیرمقی مناسب کوردکلرندن استعفا ایلده صورت ظاهره ده ایشك ایچندن
چیقیورمك ایسته مشلردر .

حالبوکه عزت پاشا قایینه سی نه اتحاد و ترقی قایینه سی اولدیغندن بوحرکتلر ایلده
عالمک کوزینی بویامغه بزجه هیچ بر لزوم یوق ایدی . شاید بونلر مردلک دعواسنده
ایدسه لر قره کوز کی برده آرقه سنده اوینامغه نه لزوم واردی . یامتارکه بی قبول
ایتمزلر و یاخود جاوید بك رؤف بك و عزت پاشا و سائر قایینه ارکانی کی رؤسای
جمعیتدن مرکب بقایینه یه ده بواشی یاپدیرمزلردی . کندی سوزلرینك ارلری
اولدقلرینی اثبات ایچون محاربه یه دوام ایدرلردی . عجباندن بویله یاپمیدیلر ده
همپالرینه متارکه عقد ایتدیردیلر ؟

بوسوآلك جوانی طبیعی دولتلر طرفندن نشر ایدیلر جك بیاض ، صاری ،
قرمزی ، مائی کتا بلر کوسترر و ویرر .

ایشته بوصورتله پرده التنده او یون اوینایان بوشیرلر عزت پاشا قایینه سنه دول

متفقہ طرفندن تکلیف اولونان شرائط متارکہ بی بالقبول عقد و امضا ایتدیر دکرندن
درت سنه دوام ایدن بومحاربه عظیمه دن دولت و مملکتی مع زیاده ضرر مادی
و معنوی ایله چیتاردیلر .



مجلس مبعوثان رئیس و داخلیه ناظر اسبقی حاجی عادل بك

Hadji Adil Bey Ancien Ministre de l'Interieur

طوغریسنی سویلییه لم اون سنه دئیری (پادشا هلق) اویونی اوینایان بو عارسز
ویاراماز چوچقلردنده بوندن بشقه نه امید ایدیلیر ونه بکله نیله بیلیردی !!
عزت پاشا قایینه سی کوندردیکی مرخصلاره دول متفقہ طرفندن متارکہ نک
عقدینه مأمور ایدیلن انکثره دوئماسی قوماندانی امیرال کلتورپ جنابلرینک تحریر
و تنظیم ایلدیکی متارکہ بی هان عیناً دینله جک برصورتده قبول و ۳۱ تشرین اول
۱۹۱۸ تاریخته مصادف پنجشنبه کونی امضا ایتدیردی .

شرائط متارکہ ده چناق قلعه بوغازی ایله قره دکر بوغازنده کی طور بیللردن
بوغازلرک تطهیری وقاعه لره عسکر اخراجی مندرج اولدیغندن بر موجب متارکہ

دول متفقہ قرہیہ عسکر اخراجیلہ قلعہ لری اشغالہ و طور بیلرک طوپلاتدیرلسنہ باشلابہ رق چناق قلعہ بوغازینی سیر سفرہ مساعد بر حالہ قویغہ باشلار باشلہ ماز یوقاریده دیندیکی وجهلہ استانبولده بعض محللرلہ غوبن زرهلیسنده مسافرہ مقیم طلعت پاشا ایله ہمالیری جملہ استنبیہ قوینده بولونان مذکور غوبن آلمان زرهلیسنده طوپلاتوب انکلیز فیلوسنک استانبول لیمانہ دخولدن اول بر آلمان کیسی وقرہ دکز طریقیلہ روسیہ و آلمانیہ فرارہ قدم باصمشلردر .

محاربه نك صوك دورہ لرنده غلیانہ باشلایان افکار عمومیه طلعت ورفقاسنك بوصورتلہ فرارلری اوزرینہ اشتداد و تزايد ایتمش و غزتہ لک روایتہ نظراً « ذات حضرت خلافتناہی » ده عزت پاشاہ (قایمہ دہ اتحادجی کورمک ایستہ مدکلرینی) بیان بیورد قلدن استانبولده قالان اتحاد اشراسی نہ پایہ جقلرینی شاشیرمش و متردائہ و متلاشیانہ بر حال و وضعیتہ دوشمشلردر .

بوحال ایله اداره امور حکومتہ سکتہ طاری اولدیغندن عزت پاشا قایمہ سی افکار اہالینک غلیانہ هدف اولہ رق بر قیام و وقوعیلہ دوشمکدن ایسہ بالاستعفا بواشک ایچندن چیقمی نفس و منفعتلرینہ دہا موافق اولدیغنی بالتأمل استغفای تقدیم ایله چکیلہ شلردر .

عزت پاشا حضرتلری ارکان و رجال عسکریہ میانده موقع ممتاز صاحبی متفنن و مقتدر بر ذاتدر .

مشارالیہ حضرتلردن بودولت و ملت بر چوق خدمات حسنہ و نافعہ امید و انتظار ایدردی .

دولت و مملکتہ نافع خدمتہ لری نام دولترینی صحائف توارخیہ شانی بر صورتہ قیدہ موفق اولہ بیلمسی مأمول و منتظر اولان پاشای مشارالیہ نصل اولوبده بو اشقیای شریہ چتہ سی رؤساسیلہ بالاتحاد بر زمان حکومت اتحادیہ نك حربیہ ناظر لغندہ و بو حرب اثنا سندہ دہ روس حدودی قوماندانلغندہ بولمش و اناطولی ولایانده اتحاد و ترقی جمعیتی طرفندن اجرا ایدیلن فضایح و جنایاتہ نظر مسامحہ ایله باقمشدر .

مع الأسف پاشای مشارالہدہ بو شیررک ہردرلو امر و ارادہ لرینہ انقیاد و افکار و آمللرینہ خدمت ایتمشدر .

بوجانیرلہ بالاتحاد حرکت ایتمک و ہلہ شوصوک محاربه دہ بونلرک ارزوسی

وجهله ایفای خدمت ایلمک عادتنا اتحادك جنايت عظیمه سنه اشتراك دیمك ایدی .



آیدین ولایتی (ازمیر) والیسی و سلانیک مبعوث سابق رحمی بك

Rahmi Bey Vale de Smyrne ex député de Salonique

مشار الیهك بو وجهله بونلره سرفرو و انقیاد ایتلمرینه هیچ برمعنی ویره مدیکز
کبی بوصولك صدارتی قبوللرینه و بونلره برلکده بولملرینه دخی بردرلو عقل
ایرد بره میورز .

یز پاشای مشار الیه حضر تلیفی هیچ بروقت بونلره اشتراك ایتمز و مملکتی
بوشمیر لرلدن تخلیصه موفق اولور امیدنده ایدك .

پاشای مشار الیهك اتحاد متغلبه سندن مرکب برقایینه ریاستنده بولملری حقیقه
شایان تعجب و تأسف احوالندر .

صدر اعظم عزت پاشا حضر تارینك شوصورتله چکیلملری اوزرینه انحلال
ایدن مقام صدارتهینه لوندرد سفیری صدر سابق توفیق پاشا حضر تلی تعیین
یورلشلردر .

توفیق پاشانك صدارتی — عزت پاشا حضرتلرینك استعفا سی وقوعه
مبنی مسند جلیل صدارت نخواستلو دولتو توفیق پاشا حضرتلرینه توجیه بیورلمش
مشار الیه حضرتلری طرفدن قاینه ارکانی بالا انتخاب تعینلری اراده سنیة جناب
پادشاهی به اقترا ن ایده رك ایفای وظیفه به مبادرت بیورمشلردر .

اتحاد وترقی جمعیتك هر نه زمان باشی صیقله موقع صدارته توفیق پاشا
حضرتلرینك تعینلری اصول مرعیه حالی کسب ایتمش اولدیغندن پاشای مشار
الیه حضرتلرینك بودفعه ده مسند صدارتی اشغال بیورملری اولرجه ممنونیتی
موجب احوال دن عد اولنور .

چونکه توفیق پاشا حضرتلرینك مسلم انام اولان تربیه ذاتیه و نزاکت
طبیعه لرندن استفاده به آلیشمش اولان اتحاد رؤسایینه برمدت صوکره مستفید
اولقی امید و فکری بیسلر لر . امثالی دلائیل ثابت اولدیغی اوزره بوتبدل دن ممنون
و متشکر در لر .

بودفعه یالکز صدر اعظم پاشا حضرتلرندن استفاده بکله میوب قاینه ده مع
التأسف اکثریتی تشکیل ایدن اتحاد اعضا ومنسوبیندن کندیلرینه یاردم بکلر لر
و مستفید اولقی ایستلر .

مع ما فیہ بوکره امیدلرینك پک بوشه کیده جکینی واستفاده و معاونت انتظار
و طاب ایلدکاری قاینه ارکانك یاردم و معاونت لری شویله طورسون ارکان مشار
الیه کم موقع و مأموریتلرینی محافظه ایده میه رك چکیلر جککرینی مأمول ایده رز .
زیرا بوندن بویله « ذات شوکت سادات جناب پادشاهی » ایلر تبعه صادقه
شاهانه لری اولان ملت معصومه مملکتده اتحاد و ترقی نامنده بر جمعیت کورمك ایسته
مدککری کبی اوجمعیته منسوب اولان لریده خدمت دولته بولندیر میق ایسته مز لر .
بوکا دلیل عانی اولقی اوزره دیرزکه . جمعیت ورؤساسنك مظالم واعتسافاته
نهایت ویرلک ایچون داخل ممالک عثمانیه ده بولونان تبعه صادقه شاهانه ایلر
بو ظلمه و متعابه اتحاد ک جور و ظلمنه تحمل ایده میه رك ترك دار و دیار ایلر ممالک اجنبیه
ده بولونان وطن پروران ملت استعطاف و استرحامات متوالیه لر یله « ذات حضرت
خلافتیناهی » به مراجعتدن خالی قالمیور لر .

بو جمله دن اوله رق مصرده بولونان حقیقی وطن پرور لر طرفدن بر جوق امضا
ایلر ده ۸ کانون اول ۱۹۱۸ تاریخله آئیده صورتی عیناً مندرج عریضه تلغرافیه

فرانسزجه یه بالترجمه رفع وتقدیم قلنمشددر .

— تلغرافنامه صورتیدر —

جناب حق عمر وشوکت شاهانه لربنی مزداد بیورسون .
اون سنه دنبری اتحاد وترقی جمعیتك داخلی وخارجی تعقیب ایتدیکی سیاست
سقیمه مملکتی بوکونکی حال فلاکتیه واردیرمش و بومدت ظرفنده حقیقی و طنبوروران
طرفندن اصلاح اداره نامنه ابدال اولونان مساعی مع الاسف موفقیت بخش
اوله مامشددر .

تخت عالی بخت عثمانی یه جلوس همایونلری مملکتتمز ایچون فاتحهٔ سعادت
اولدیفنده شبهه مز اولدیفندن اتحاد جمعیتك خاتمهٔ عمری مقامنده تلقی اولنش
وبناء علیه مواد آتیه نك خاکای شاهانه لربنه عرضنه جرأت ایدلمشددر .

اولا : انتخابی موافق مشروطیت اولمیان مجلس مبعوثانك فسخی وممالك متمدنده
اولدینگی وجهله قانون دائره سنده سربست انتخابات اجراسی .

ثانیاً ، هیئت اعیانه اوصاف قانونیه بی حائز اولیه رق جمعیت طرفندن تعیین
ایتدیریلان اعضا لرك اخراجی .

ثالثاً ، یکی تشکل ایدن توفیق پاشا قاپینه سنده اتحاد منسوب رجال بولندیرلامسی .
رابعاً ، اتحاد وترقی جمعیتی طرفندن اون سنه دنبری جرائم سیاسیه ایله محکوم
ایدیلنلرك بلا استئفا وبلا قید و شرط عفوی .

خامساً ، جمعیت اتحادیه نك جرم سیاسیه یه تطبیق ایده مامسندن ناشی لغرض
جرائم عادیه ایله محکوم ایتدیکی اشخاصك اعادهٔ محاکمه لری .

سادساً ، ملتی بلا لزوم حرب عمومی یه سوق ایدن قاپینه ایله اون سنه دنبری
کلن وبرچوق جرائم ارتکاب ایدن و جمعیتك افعال جنائیه سنه مساعده
واشتراك ایلین اتحاد قاپینه لرینک وهر خصوصده اجرای نفوذ ایله قاپینه لری
الارنده بولندیران رؤسای اتحادیه نك همان حبسیله تحت محاکمه یه آلملری .

سابعا ، ممالك شاهانه لرنده موجود اتحاد قلو بلرینک سدو بندلری وشمدی یه
قدر آسایشی اخلا لدن بشقه برخیره یاره مین بو جمعیتك مسلکندنه کی آتارشی
فکرو روحنك احساسی نیه متوقف ایسه انك اجراسیله مملکت وملتیه راحت
یوزی کوسترلمسی .

سعادت ملت وسلامت مملکت نامنه مواد معروضه نك برآن اول موقع تطبیقه

وضعی خصوصاً مساعده سنيه لرينك شايان بيورلمى بانبده وقاطبه احوالده امر وفرمان پادشاهمز افندمزدكر .

بيانات واقعه وصورتي مندرج تلغرافنامه دن اكلاشديغنه كوره حسيات ملت بسبتون تغير ايتمش ومملكتي قانونسزلق ، نظامسزلق ، مستبدلك ، آنارشيستلك كي شيرله اداره ايدن وبوكونكي حاله كترين اتحاد وترقي جمعيتي ايله رؤساي خونخوار وظالمه سني رأس كرده كورمك ايسته ميور وايستيمه جكدرد .
بونلربوندن صكره مملكتمزده رول چوريه ميه جك واويونلرينه دوام ايده ميه جكدرد .

فارماصونلق ، سيونستلك كي خلقي آلداتيحي واويوتيحي جمعيتلردن تولد ونشوما بولان اتحاد وترقي جمعيتي اون سنه دنبري كوستردكي احتراصات شخصيه وجنايات عديده ايله دولت وملي بوكونكي حاله صوقوش اولديغندن بوني اكلامين افراد ملتدن قيمسه قالمشدر .

فران ماصونلك ممالك اجنييه ده كندى مملكتلرينك منافعه خدمت ايتدكلري مروى اولديني حالده بزمكيلر مملكتي افنايه چالشمشدر .

بوندن بويله ملت بوجمعيت وامثالي جمعيتلردن نفرت ايده جك وتربيه مليه سنك اساساتي نظر دفته آله جق وقواعد اجتماعيه واخلاقيه سني توسيع ايله جلادت وشجاعت فطريه سني ارائه ايله جك واتحاد وترقي جمعيتيله امثاللك ظلم واستبدادينه ميدان ويرميه رك باشلوباشنه ياشايوب منور بر ملت اولديني جهاننه اعلان ايده جكدرد .

ايسته بو وجهله حركتي كنديسنه اس الاساس اتحاد ايدن ملت عثمانيه اصل ونسللري غير معلوم مؤسسين ورؤسايه مالك وصورت تشكلي معلوم بر جمعيت مستبده ومضره ني مملكتندن دفع وطرد ايده رك دولت ومملكتنك سلامت وسعادت آتیه سني تأمین ايله جكدرد .

شوبيانامك صدقني هنوز بش ، اون كوندن عبارت اولان توفيق پاشا حضرتلرينك صدارتنده جريان ايدن احوال ارائه واثبات ايلدى .

اليوم رأس كرده بولونان توفيق پاشا حضرتلريده ارزوي ملت دائره سنده حركت بيوره رق قاينه لرنده بولونان برقاج اتحادجي نظاري اخراج وتبديل بيوررلرسه هيچ شبهه يوقدر كه اودقيقه دن اعتباراً اتحاد وترقي جمعيتي رؤساي معلومه سيله برابر

حکومت و دواع ایدہ جک وابدیا نام وشانی غائب ایلیہ جکدر .

بوندن بویله ده مملکتده اہالی مظلومہ ومعصومہ بی آیاقلر التہ آلہ جق وطباخہ وسائرہ ایلہ قتل وتہدید ایدہ جک ودولتی اونک وبونک کیفنہ خدمت ایتمک وبخصوص آلمانیا ایمپراطورینہ بر جملہ ابراز ایلیمک ایچون حربہ سوق ایلیہ جک ودولک وملتک بارہسنی آلمانیا دن مبايعہ ایتدیکی لوازمات حربہ بہ ووروب بو مبايعاتندنہ ملیونلرجه لیرا چالہرق زواللی ملتی آج ، صومسز ، چبلاق بر اقه جق نہ بر جمعیت قالہ جق ونہدہ تشکل ایدہ بیلہ جکدر .

صدر اعظم توفیق پاشا حضر تری فضائل اخلاقیہ ، عفت ، استقامت ، حمیت ، نزاکت فوق العادہ لریلہ شہر تشعار افاحم وزرای سلطنت سنیہ دن بر ذات عالی صفاتدر لر .

سفارات سنیہدہ وخارجیہ نظارتندہ وایکی دفعہدہ مقام جلیل صدارتندہ بولنہرق ابراز آثار خدمت وصدقت بیوران وطہروران دن بولندقلری جہتلہ بو دفعہکی صدارتدرندہ دخی کندیلرندن دولت ومملکتہ نافع برچوق خدمت لر ایفاسی مأمول ومتظر در .

مملکتمز ایچون الک نافع اولہ جق خدمت لرندن برنجیسی اول امردہ دولتک قلبکاھنہ نفوذ ایدن اتحاد وترقی جمعیتی رؤسای متغلبہ وزور باسندن مملکتی تخلیص ایتمک ومملکتندہ اون سنہ دنبری دوام ایدن آنارشیدستک کبی الک مدنی بر ملتی محو و پریشان ایدہ جک افعال وافکارک ازالہ سنہ ہمت بیورمق وآرتق بو کبی حاللرہ تحمل ایدہ میہ جک اولان ملتہ بوندن صوکرہ اولسون براز راحت وسکون یوزی کوسترمک ایچون لازم کلن اجرا آتک سرعت اجرا وتطبیقلہ دولتی دوشدیکی شوکرداب ائلمدن خلاص ایلملریدر .

مشار الیہ حضر تدرندن امید وانتظار اولونان بو ایشلرک ایفا وتسویہ سنہدہ موفق اولملرینی ونام نخمیانہ لرینک تاریخ عالمہ خط زرین ایلہ کچمسنی دیلرز .

برادر عالیتبارلری جنتمکان سلطان محمد رشاد خان حضر تدرینک عازم کلشنسرای مغفرت اولملری اوزرینہ تخت عالی بخت عثمانی بہ جلوس بیوران پادشاہ نوجواہ شوکتلو قدرتلو سلطان محمد وحید الدین خان عادل حضر تدری (*) صدر اعظم

(*) سلطان محمد وحید الدین خان ابن جنتمکان سلطان عبد المجید خان حضر تدری ۱۲۷۷ سنہ ہجریہ سی رجب شریفنک یکرمی برنجی کونی زینت بخشای مہد وجود اولمشدر .

توفیق پاشا حضرتلرینک اجرا و ایفاسی تمیلاتنده بولندیغمز مسائلده موفق اولملری
ایچون پاشای مشار الیه امنیت و اعتماد هایونلرینی ابدال ایله هر درلو مساعدات
سنیده بولنه جقلرینی بیان و ایضاحه حاجت یوقدر .



خليفة مسامین ذیشان و پادشاه عالیجاه عثمانیان شوکتلو قدرتلو
سلطان « محمد وحید الدین » خان عادل حضرتلری

Sa Majesté Impériale le Sultan Mohammed Vahid-el-din,
Khan, Khalife des Musulmans

چونکه : پیرایه بخشای سریر خلافت سمیر اولان سلطان « محمد وحید الدین »
خان عادل حضرتلری اوته دنبری ملتک قره العین مقخرنی و سلاله عثمانیان
میاننده بی همتا و بی مدانی اولدقاری جهتله سلطنت سنیه لرینی و ملت و مملکتلرینی
زوالدن و دوشدیک شوال اسف اشمالدن قورناره جق و نام پاک عثمانی بی الی
یوم القیام ادامه و محافظه ایتدیره جک قدرت و قوته مالک بر پادشاه عالی جاهدر لر .
وجود هایونلری ملتک رفاه و سعادت و ترقی و تعالی سیه مملکتک تأمین سلامتی
ایچون ملتیه بر موهبة آلهیه در .

شهریار معالی تاجدار و شهنشاه عالی اقتدار شوکتلو قدرتو پادشاهمز افندمز
حضرتلری فطرة ذکای خارق العادهیه مالک واجداد عظام معالی اتساملری
حضراته ازهرجهت فائق شجاعت و بسالتی حائزدرلر .

مسلم عالم اولان اقتدار و ذکای شاهانه لرینه انضمام ایدن علو عاطفت و مرحمت
هایونلری ایسه تبعه صادق شاهانه لرینک رفاه حال و سعادتیه بر برهاندر .
پادشاه نوجاه حضرتلری کوردکلری علوم اداریه و سیاسیه و تاریخیه ایله خاندان
عظاملری میاننده بی نظیر درلر .

دوشونجه لری عمیق و نطق هایونلری غایت سلیس و آچیقدر .
طالع هایونلری دولت و مملکتک اوغرا دیغی شوفلا کتلی دوره دن اول ذات
هایونلرینی تحت عالی بخت عثمانیه اقعاد واجلاسسه سوق ایسه ایدی .
هیچ شک و شبهه ایدیه مز ایدیکه دولت و ملت بوکونکی حال فلا کتیه دوشمز
و سایه شاهانه لرنده رفاه و سعادتیه یاشار ایدی .

خلاصه کلام ذات حضرت خلافتناهی بالجمله مسلمین ایله تبعه صادق
شاهانه لری ایچون بردر جهانقیمت و عالی همت اولدقلرندن شو بخرانیلی زمان
سلطنتلرنده بیله بر تجمدد و تفرد ابراز بیوره رق دولت و ملتی ساحل سلامته
ایصال بیوره جقلری مأمول و منتظر در .

همان جناب قادر المطلق حضرتلری بالارث والاستحقاق سریر ارای خلافت
و سلطنت اولان خلیفه مسلمین ذیشان و پادشاه عالیجه عثمانیان شوکتلو قدرتو
سلطان « محمد وحید الدین » خان عادل حضرتلرینی کمال موفقیت و مظفریت
و عافیتله الی آخر الدوران تحت عالی بخت خلافت شاهانه لرنده بردوام بیورسون .
(آمین بحرمة سید المرسلین)



ایشته اوصاف جلیله شاهانه لرینی درج صحیفه مفخرت ایتدیکمز « شوکتلو
قدرتو پادشاهمز افندمز حضرتلری » برادر جنت مقراری سلطان محمدخان خامس
حضرتلری کبی بر زمرة قلیله اتحادیه نک النده باز بجه اولمئدن پک اوزاق اولدقلری
جهتله بوندن بویله اتحاد رؤسای شریرهمسی مملکتهمزده کی دولاب تزویرلرینی
دوندیره میه جکلری طبعی و بدیهیدر .

بو بدهامته قارشو ذاتاً چرخ حکومتی الرنده بولندیره میه جق اولان اتحاد و ترقی

جمعیتی نامنی دفتر عالمدن حك و طی ایتدیردرك یمقلوب کیمده جکدر .
پادشاهمز افندمز حضر تلرینك اثر همایونلرینه تبعاً حرکتی وجیبه ذمت
وعبودیت عد ایدن ملت وتبعه صادقه شاهانه لری ایسه یوقاریده دینلدیکی کی
بو جمعیتدن چوقدن بیقمش واوصامش اولدیغندن آرتق دسائس ابلسانه و خانانه
سنه آلدانیه حق و بویله جهانده بر فکر سیاسی ومنفعتجویانه تعقیب ایتك ایچون
تشکل ایدن وآتیده کی وثائق ونشریات ایله ده مثبت ومصدق بولونان فارماصون
وسیونست جمعیتلرینك افکارینه خدمت ایلمك اوزره خلوص نیتدن عاری وصرف
منفعت ذاتیه وشخصیه ایچون تاسیس وتشکیل اولونان اتحاد وترقی جمعیتنه دولت
وملکی قربان ایتدیرمیه جکدر .

بانی حریت ونکهمان مشروطیت اولدقلرندن وحریت ومشروطیتی محافظه
ایده جکلرندن بحث ایله مملکتی خرابه زاره دوندیرن جمعیت ورؤسای شیریه سنه
ملتك هیچ برکونا احتیاجی یوقدر .

ملت نجیبه عثمانیه بوکی پارلاق جمله ره آرتق احاله سمع اعتبار ایتمز واشرای
معلومه یه ده آلدانز .

بوندن بویله حریت ومشروطیتی ادامه ومحافظه ایده جك التحق «ذات شوکتسمات
جناب پادشاهی» در .

چونک پادشاه نوجاهمز برشهر یار عاقلدر لر . ترکار حقنده ژاپونیا ایلمارک میقادوسندن
زیاده مشروطیت پرور بر پادشاه اوله جقارینه قویاً امید وامنیت ایدرز .

اوله برسوری فارماصون وسیونست دوکونتیسی اشراذن حریت ومشروطیت
کسوه سیله استبداد وظلم کورمک ارزوسنده دکاز .

ایشته بوشر یرلرک سیونست بنده سی اولدقلرینه دائر حرب عمومیدن بر ایکی
سنه اول اسویچردنك (بال) شهرنده موسیو (وولقون) ک ریاستنده تشکل واجتماع
ایدن سیونست قونغرده سنده اتحاد جیلره تعلق ایتك حبسیله حائز اهمیت اولان
نطقی افتتاحینك بعض فقراتی بالترجمه بروجه آتی درج اولنور .

«سیونست قونغرده سی نطقندن ترجمه اولونان باشلیجه فقراتك صورتیدر»
روسیه ده کی موسویلر حقنده روا کور یان مظالم واعتسافات کوندن کونه دها
تحملافرسا بر راده یه کلیمکده در . رومانیا حکومتی . رومانیا ده کی موسویلرک اصلاح
احوالی حقنده بعض احکام معاهداته رغماً کندی اراضیسنده کی موسویلری

بوتون حقوق سياسيه ومدنيه لردن محروم براقيور . ديكر بعض ممالكده موسويلره قارشى برطاقم افكار باطله پرورده ايديليور . بعضاً اى اهميتىز بر حادثه مناسبتيله موسويلره قارشى حقيقى بر نفرت اظهار اولميور . يكانه ايمدمز تركياده در (۱) بر كون اولوبده احوالمزده بر اثر صلاح كوريله جك اولور ايسه بونك تركيا سايه سنده (!) اوله جغتو شبهه يوقدر . سنه لك انقلابات سياسيه ي اوزرينه ممالك سائرده كى دين قرنداشلمز اقوام سائرده نك حائز اولدقلى حقوق و منافعه عينه مظهر اولمشدر . موسويلره تركياده بخش اولونان حقوق متساويه نك جديتدن امين اولقى لازم كليز . ذاتاً تركلر اوتو دنبرى موسويلر حقهده خيرخواهانه طاورانه مشدر . هر يره بزه نظر استحقاق ايله باقديغى وحقمزده انواع مظالم واعتسافات روا كوردلدى مظلوم بر ماضيهده تركيا اسپانيادن طرد اولونان موسويلر ايچون بر ملجأ تشكيل ايتمشيدى . موسويلر اوزمان تركيانك مهمانوازاغنه فصل كوونمشلر سه شميده اويله كوه نيورلر . واقعا بوسرده تركياده سيونيزم علمنده بر جريان افكار پيدا اولمشدر . تك توك بعض اشخاصك جهالت يابдохواهلنى نتيجه سى اولان بو حركت وجريان طول مدت سوره مز . زيرا بو جريان بر طاقم محاكات باطله ومستخبرات غير صحيحه دن تولد ايلمشدر . بزم اك زياده تأسف و تأثر مزمى موجب اولان شى بزم كى موسوى اولان بعض كسانك افكار عموميه ي بزم علمنده چو يرمكه ياردم ايتمليدر . بوكيلر بو حركت ليله بتون موسويلر لك رفاه وسعادتنى دوجاز تملك ايتدكلرينى هيچ دوشونمورلر . مع مافيه بر كون كله جك كه حقيقت ميدانه چيحه جق و اوزمان (سيونيزم) حركتنك كرك موسويلر و كرك دولت عثمانيه ايچون بيموك بر نعمت (!) اولديغى اكلاشيله حقدرد . ممالك عثمانيه اقتصاديات نقطه نظرندن عصر لجه اهل ايدلمشدر . تركيا بوكون هر زماندن زياده خارجدن كله جك و نافع بر عنصر (!) تشكيل ايده جك مهاجر لره محتاجدر . تركيا ايچون ملجاسز موسويلر قدر صادق (!) فائده بخش مهاجر لر بولنه مز . تركيانك قانون اساسيسى بزم امنيت شخصيه مز (!) ايچون بر ضمان وكفالتدر .

دوات عثمانيه نك اجزاي متممه سندن (ارض فلسطين) ده بر ملجأ وماوى تداركنه (!) معطوف آمال وتصورات پرورده ايتمكه كندى مقدار مزمى تركيا نككنه ربط ايتمش بولمورز . كويا (ارض فلسطين) ي (!) دولت عثمانيه نك

جسمندن قوپارمغه ومستقل بر موسوی حکومتی تشکیل ایتمهک چالیشدیغمزی
ادعا ایدنلر بونی یاقره برجهالت (!) ویا بیوک برخیات (!) سائتقه سیله سوریلیورلر .
کویا بتون مساعی وتشبأتمز (!) مستقل بر موسوی حکومتک تشکیلنه معطوف
ومصروف (!) بولندیغی حقنده کی مصالحه خلقی ایناندریمق ایچون دو قوتور
(هرچهل) طرفدن قلمه النان (حکومت موسویه) ناهنده کی اثر اوکه سوریلیور
واثر مذکورده بسط و تمهید ایدیلان نظریات ومطالعات بزم خط حرکت مزه اساس
اولمق اوزره کوسریلیور . حالبوکه بو محاکمه عقليه (!) بالاده کی ادعایک باطل
اولدیغنیك صریح دلیلدر . (هرچهل) حکومت موسویه عنوانلی اثرینی
یازدیغی زمان (سیونیزم) نه اولدیغی همان همان بیلیموردی . هومی الیه موسویك
مسئله سنی دنیانك لاعلی التعمین بر کوشه سنده بر حکومت موسویه وجوده کتیرمک
صورتیله حل ایتمک فکرنده ایدی . مع ما فیه (هرچهل) سیونیستار ایله مناسباته
کیریشدکن و حرکت مزک ماهیتی (!) لایقیله اکلا دقدن صوکره مستقل بر حکومت
موسویه تشکیلی مسئله سنی بر ده اقاله آلمدی (!) بز پروغرام مزده املاریمزی ،
امیدلریمزی ، مقصدیمزی مختصراً و واضحاً بیان ایلدک .

(سیونیزم) ارض فلسطینده موسویلر ایچون حقوق عمومیه نك تحت تامیننده
اوله حق بر ملجأ تدارکنه (!) معطوف بر حرکتدر . دقت ایداسون بر حکومت
موسویه دن دکل انجق اجداد مزک وطننده بر ملجأ تشکیلندن (!) بحث ایدیلیورز .
اویله بر ملجأ که اوراده موسوی صفتیله (!) یشایه بیله جکیز وهیچ بر معامله
اعتسافکارانه یه معروض قالمق سزین اوصاف وخصائل ملیه مزی محافظه ایده
بیله جکیز .

بزیکي وحر ترکیاده (!) امنیت شخصییه و ملیه مزک ضمان وکفالتی ترکیانك
مؤسسات مشروطه سنده (!) کوریلیورز . مع ما فیه بزم حکومت عثمانیه دن طلب
ایتمکه مجبور اولدیغمز بر شیء وارسه اوده موسویلرک بلا قید وشرط تابعیت
عثمانیه داخل اوللارینه امکان بر اقله سی وکندیلیلرک بلا مانع (!) موسوی
ملتنك آداب وعاداته کوره یشایه بیلیملریدر . بزم غایه املمز (!) معمور و ذی قدرت
بر دولت عثمانیه داخلنده مرفه بر ملت موسویه حالنده دمکذار اولقدرد .



سیونيست قونفره سی رئیس موسیو (وولفون) لك بونطقی مدققانه مطالعه

وتدقيق اولئورسه سيونيستلارك كيملر اولديغي وسيونيستلك نه ديمك ونه مقصد ايچون تاسس وتشكل ايتديكي تظاهر ايدر .

رئيس افندى نطقنده (يكانه اميدمز تركياده در . بر كون اولوبده احوالزده بر اثر صلاح كوريله جلك اولورسه بونك تركياسايه سنده اوله جعنه شبهه يوقدر) دييور . شو جمله لرله ديمك ايسته يوركه تركيا حكومتى بزم المزده در . پلانز موجبجه انى آلت اوست ايتديكى بزده بر اثر صلاح كوريلور يعنى ارز وايتديكز يهودى حكومتى اولور بوده انجق تركيه سايه سنده اوله جقدر ديمك اتحاد وترقى جمعيت وحكومتى سايه سنده ديمكدر . برده رئيس افندى دييوركه (تركياده موسويلره بخش اولونان حقوقك جديتندن امين اولمق لازم كير) بو طبيعيدر مملكتمز ذاتا كندى اللرنده اولديغندن ايسته دكارى كى منافع وحقوقلارنى تامين ايدرلر وايتديلر . ينه رئيس دييوركه (سيونيزم حركتلك كرك موسويلر وكرك دولت عثمانيه ايچون بيوك بر نعمت اولديغي اكلاشيله جقدر) ايسته بو جمله لك زياده جالب نظر دقت اولسه كركدر . زيرا رئيس موى اليه بز يهوديلر يعنى سيونيستلر آلمانى الله ايتلك و تركيانى ده انكله اتفاق ايتديرلك و آلمانىايى حرب عمومى ايچون حاضر لا مقده يز بر حرب عمومى ظهورنده تركيايه وعد ايتديكز وانكله اها ليسنى اغفال ايتديرديكز (توران) ياپيلير تكرار ايچون بر نعمت اولور بزده وعد ايديلن (ارض فلسطين) ويريلور يهوديلرده بو نعمتدن مستفيد اولور اعتقادنده اولديغندن بو جمله لى درميان ايدىيور . بونكله ده ديديكز كى آلمانيا حكومتى اليه اتحاد وترقى جمعيتى سيونيستلارك امر و آماننه آماده بر آلت اولديغي اكلاشيلور .

برده رئيس افندى (يكي وحر تركياده امنيت شخصيه ومليه مرك ضمان وكفالتنى تركيانك مؤسسات مشروطه (!) سنده كورنيورز) دييور .

زيرا اون سنه در تركيا حكومتى ديمك سيونيستلر ديمكدر . بوكا هيچ شبهه مزوق . مؤسسات مشروطه تعبير يله ده اتحاد وترقى جمعيتنى ايا ايدن رئيسدن بزده سؤل ايدلم كه يكي وحر ديديكى اون سنه لك جمعيت اتحاديه وسيونيست حكومتى اولمادن اول عجا اسكى تركيا يهوديلر حقنده مظالم واعتسافاتده بولندي ؟

يوقسه انقلابد نبرى كندى تربيت كرده لرى اولان رؤساي متغلبه اتحاديه لك اجرا ايلديكى جنايات ومظالمدن يوز بيك ده برينى ياپدي ؟

اسکی ترکیا اتحاد وترقی جمعیتک خرسیتانلر حقنده روا کوردیکی افعالدن برینی اجرا ویا معابد و مذاهب دینه لر یله موسویلر ککنه تعرض و مداخله ابتدیی ؟
یالکز اسکی ترکیا تک قباحتی سیونیستلره بنده اولدینی و (ارض فلسطین) ی
انلره ویرمهک و عد ایلمدیکی دکلمیدر ؟

بو مسائلی اوزون اوزادییه تدقیق و مناقشهیه شو اثر مساعد اولمادیغندن تطویل
کلام ایله اضاعه و قته لزوم کورمیوب درج ابتدیکم نطق فقرات مترجمه سیله سرد
و بیان اولونان مطالعات و استانبولده منتشر (بیان الحق) جریده سنک طربزونده کی
(اقبال) غزه سندن نقللا یازدیغی مقاله و بیان مطالعه سی قارئین کرامک افکارینی
تنویره کفایت ایدر .

— صورت مقاله —

— طربزونده منتشر اقبال غزه سندن اقتباس اولمشدر —

اوت . بو یکی دشمن بوندن یکریمی عصر اول ، عثمانلی ایمراطورلغک و (ارض
فلسطین) نامیله یاد ایدیلن بر قطعه قیمتدارندن مجبور هجرت اولمش عبرانیلر
احفادی بو کونکی موسویلرک افکار مفرطه اصحابندن (سیونیستلر) نامنی طاشیان
کتله در . مسالک استیلا کار یلری (سیونیزم) نامیله یاد ایدیلن بو یکی یهودیلر اجدادینک
بنی اسرائیل قطعه سنه غنوده تراب عدم اولان خاطرات ماضیه سنی احیا ایتک
واراضی مقدسه ده یکی بر دولت متمدنه اسرائیلیه تشکیل و تأسیس ایتک و نهایت
بتون بوتون دنیاده کی ملت موسویه بی ارض موعودک قیزغین چوللرنده ، منبت
و ادیلرنده « حضرت موسی » نک معبود اعظمی ایله موعده ملاقاتی و « اوامر
عشره » نک محل اخذ و تلقیسی اولمش بر سهای فیوضاتک قبه ششمه داری التنده ،
اقوام سائرهنک پنجه قهرندن قورتاره رق بر حیات استقلال ایله وایه دار بر عمر
حضور و سکون ایله یاشاتق ، امل عظیمیله بو کون یشایورلر . چار اقطار عالمه
صاحلمش ، موجودیت سیاسیه سنی غائب ایتمش بر ملت قدیمه ایچون بو امل
طبیعی الحصولدر . فقط اقسام وطنی ، هر نه شکله اولورسه اولسون استیلا کار
قوتلره قارشى مدافعه ایتمکده بالطبع معقول و مشروعدر .

بناء علیه سیونیستلرک بتون بو امل اوغرنده کی تشبثاتی خطوه بخطوه تعقیب
ایتک واکاکوره مملکت مزده تدابیر مانعه اتحاد ایلمک ، حکومت مزک ، ده

طوغریسی ملتیزک اک مهم وظیفه وطنپرورانه سیدر . بونوکی دشمنک مملکتیزی فتح ایتمک خصوصنده کی آمال وحرکاتی بر نظر امان ایله تدقیق ایدرسهک بی شبهه ، غریب بر فکر استیلانک مواجهه سنده بولونورز ... ساحه ارضده نشو وئا بولان نسل بشرک وقت وقت عائله لر ، قبیله لر ، دولتر تشکیلی خصوصنده کی کچیردیکی اشکال ماضیه وحالییه اصلاً مشابهتی اولمیدیغی کوریرز . علی الا کثر حرب وضرب ایله غصب و غارتله ویا تغلبه تشکل ایدن حکومتلرک والحاصل محصول تحکم و ظلم اولان دولترک مناقب تکاملاتی ایله مناسبتدار اوله میه جفته قناعت ایلرز . اشته بویکی دولت ملحوظه ، موجودیت مستقبله سی ده یکرمنجی عصرک بدایع خارق العاده سی کی یکی بر بدیعه مدینت ، یکی بر نمونه غالبیت اوله رق ، بوعصرک و بلکه ده اعصار آتیه نک بر وقعه خردسوزی تلقی ایدیلجهک بر طرزده نشو وئا بولق ایسته یور . دوات وملتیزک قدرت اجتماعی و سیاسی سندن تمی ایده لم که وطنیزک بر عضو قیمتداری عصر حاضر ومستقبل ، اوزرنده بویله بر حادثه خارق العاده ایله کسب امتیاز ایله مسین (ارض فلسطین) ایله جوارنده ، سوریه قطعه سنده ، بریته الشامده ونهایت عراق عربده بتون او حوالی قدیمه اسرائیلیه ده اراضی واسعه اشتراسیله ، مهاجرین موسویه اسکان ایتمک و بو طریق ایله محال مبارکه ده آتیا استحصال استقلال ایلیجهک بر موجودیت قویه عبرانیه جانلاندیرمق وزمان زمان تشبث اختلال وعصیان ایله مختاریت وممتازیته نائل اوله رق والحاصل دولت عثمانیه فی ماده ومعناً ضعیف دوشوردرک آنک انقاضی اوزرنده یکی بر عضویت سیاسی تأسیس ایتمک صورتیله وارث ابدیسی اولمق سیاستی سیونیستلرک اس ال اساس حرکتلیردر . بونکله برابر ، مقصده وصول ایچون ، تعقیب ایدیلن سائره ده واردرکه انلری ده سیونیستلرجه (موسوی بریسی) یاد ایدیلن روسیه لی (اوشیکن) نام یهودینک پروگرام عنوانیله نشر ایتدیکی اثرندن اوکره نیورز . (اوشیکن) بونلری درت نقطه ده جمع ایدیور .

۱ — ارض فلسطینده ثروت ومعرفت جهتیله احراز غالبیت ومسابقت .

۲ — یهودیلرک قوای عمومیه سی وسرمایه سی جمع وتنسیق ایتمک .

۳ — ملت موسویه ده حس ملیتی تزئید وتوسیع ایتمک .

۴ — تأمین مقصد ایچون دیپلوماسی طریقیه صرف مساعی ایلیمک .

برنجی طریق موفقیت اراضی اشتراسندن عبارتندر . « ۱۸۳۹ » سنه سنه

مصادف اولان « ۱۲۵۵ » سنه سنده اعلان ایدیلن تنظیبات « خط همايونی » ايله مملکت مزده حقوق مدنيه و سیاسیه اساسلری وضع ایدیلرک مساوات و حریت اقایمی رشیم حالنده میدانده چیققیجه ، بوندن جسارتیاب اولان یهودیلر ، ایکی بیک سنه اول ترک ایتدکلری (قدس شریف) سنجاغی حوالیسنه هجرتیه باشلامشیر و بوانه قدر یوز بیک نفوسه بالغ اولشاردر . انجق اون بیکی تابعیت عثمانیه یی حائز اولان بوکتله موسویه روحیلده کی یهودی اغنیاسنک همتيله (قدس شریف) ده یوز بیک دونم قدر اراضی اشترا ایلمشاردر .

عثمانلی ایمپراطورانی کی اراضیسی یوز میلیون نفوسی بیلله بسلیمه بیلن فقیر و محتاج مدنیت بر دولتک مهاجر قبولی ، اعمار مملکت نقطه سندن جائز و حتی شایان ترغیب ایهده اقسام وطنه یرلشهرک اکتساب ثروت و قدرتدن صوکره امتیازات سیاسیه استحصالنه قیام ایده جک هر هانکی بر فردی ، بر کتله مهاجرینی حدود حاکمیتندن بر خطوه ایلرو کچیر مامک دهدها زیاده الزم و اهم بر وظیفه تحفظ کارانه در . بو کون روسیه کی سیونیزم تهلیکه سنه معروض قالان بر دولت یهودیلرک ، اساساً بیک جاهل و غافل اولان موسقوف کو یلولرینه قارشی حائز اولدقلری فوق اجتماعیسی کنندی ملتک سعادتیی ایچون بر فلاکت عدیله انلری طرد و تبعید ایتدیکنی جداً ملاحظه ایلرسه ک بزم سیونیستلرک پشداریی اوله رق تلقی ایدیلن مهاجرین موسویه یی قبول ایله کندارینک اراضی اشتراسنه ممانعت ایتماه مز ، دولتک غیر قابل غفو خطایای عظیمه سندن معذود در .

روسیه دن موسویلرک طردی یکی بر حادثه اولدیغی کی بزده استملاک سیاستی ده یکی ایشیداش دکادر . قومه شومزده کی بو تیقف و شدته مقابل بزددکی مضرت بخش مرحمت و غفلت نه قدر ائیدر . واقعا ماضیده کی بو مرحمت و غفلت صوکره زمانلرده « آمال شخصیه » اندیشه سنه مقابل اولدیغنه و بودها زیاده موجب فلاکت بولندیغنه شبهه ایدیلهمز . حتی خفی و کبزی اللرک بوتمایلات ملیتپروانه لرینه انضمام ایدن احتراصاتی دوام ایلرسه بیک ازمان صوکره عثمانیلرک باشنه بر (سیونیزم) غائله سی حقیقاً جعفتدن بحق اندیشه ایدلمیلدر .

(بیان الحق جریده سنک مطالعه سی صورتیدر)

سیونیستلک حقیقده کی شو مطالعه اول و آخر (بیان الحق) ک تعقیب ایتدیکی اساسلری ایوجه آندیریمور . مع هذا سیونیستلکک ارض فلسطینه دخولی بتون

جميعات سياسيه نك ظهري اولان فرماصونقله كيرديكني بر چوق ادله اشعار ايلور كه مملكت مزده (سيونيزم) تهلكه سي نصل بزي دوشوندير ميورسه فرماصونقلده او تهلكه نك دوننده دكلدر . حتى — طوغري اولديغنه كوره — ارض فلسطينده تجمع ايدن سيونيستلر ك فرماصونلق اصولنه توفيقاً برحكه نك بولنديغي و برحكه نك حكنه جمله سنك كردن داده اولدقلى سويلنيور كه بوده بتون قواعد حقوقك فوقنده برحركتدر . سيونيستل ايله فرماصونلغي انكار ايدنلر ك قولاغى چينلاسون .

(بيان الحق) ۲۶ كانون اول ۱۳۲۷

(بيان الحق) جريده اسلاميه سنك بالا ه كى مطالعه سي حقيقه بك طوغرى ونفس الامر ه موافق اولديغي وسيونيستل ايله فرماصونلغك آري برشي اوليوب توأم بولنديغي واضحاً كوسترلديكي جهتله اوزون اوزادى به مباحثه و مناقشه دن صرف نظرله بويده برقاچ سوزله اكتفا ايدم جكم .

فرماصونلق وسيونيستل و بو كى ايجاد و تأسيس اولونان جمعيتلر ه بر مقصد خفي اوزرينه مؤسس اولوب اك قديم و انسانلرى اك زياده آلداتيغي اولان جمعيتده فرماصونلقدردر . فرماصونلق فرانسزجه ديوار ياييچى معنا سنهدر . ايشته فرماصون قارداشلر ك تأسيس و تشكيل ايتدكلرى فرماصون لوجه لر ينك مقصد تأسيسى كويا بربرلرينه ياردم ايتك و انسانيته خدمت ايلمك ايچون ايش . كتب مقدسه ار به دن هيچ برى ابنائى جنسكزه معاونت و ياردم ايتمه بيكر ديديكى كى انسانلر قارداش دكلدر ديمه يور ديك اوليور كه امر و اراده الهى وجهله كائناتده موجود انسانلر قارداش و بربرلرينه معاونتله ده مكلفدرلر .

طبيعى صاحب كتاب اولان اقوام ايچون ماصون قارده شلر ك جمعيتلرينه دخالتله قطعياً لزوم كوريله مز .

ما دامكه « جناب حق حضرتلرى » بزره بربريكزه معاونت و ياردم ايديكز بو يور يورلر .

ابنائى جنسمزه معاونت و ياردم ايتمكلر كز با امر الهى وظيفه انسانيه مزدندر . نصل اوليورده « امر الهى » به اطاعت و انقياد مجبور يتنده اولان انسانلر بونص قاطعه اعتبار و انقياد ايتميورده شونك بونك يازديغي پر و غرام دائره سنده حر كنه مجبور اوليور .

بو جهت ايوجه تدقيق و تفكر اولتورسه بو جمعيتك انسانلره معاونت و ياردم

ایچون تشکل ایتمیوب خفی وخصوصی بر مقصده بناء ایجاد و تأسیس اولندیفی
نظا هر ایدر .

بونک ایچون انسانلر بر شیک اصانی تحری و تدقیق ایتمکسزین فرعه آلدانه رق
هیچ بر جمعیت و فرقهیه انتساب ایتمایدر .

ذاتاً بر دین ایله متدین اولانلر منسوب اولدقلری ادیانک ارئه ایلدیکی شرائط
دائر سنده تماماً حرکت ایدر لسه هیچ شبهه یو قدر که بویله بر مقصد خفی ایچون
تاسیس و تشکل ایتمش جمعیتلره انتسابدن بری وازاده قایلرلر .

حقیقی بزم مجهولزایسه ده ایشیدلیدیکنه نظراً فرماصونلغی ایجاد ایدنلر عالمی
اویوتوب ادیانی اورته دن قالدیره رق دنیایی الده ایتمک و بو وسیله ایله تعقیب
ایلدکلری مقصده واصل اولوب منفعتلرینی تأمین ایلمک ایستینلردر که مؤخرآ
ظهور ایدن جمعیتلره انلردن ترشح ایتمش و دنیایی بوکونکی حاله کتیر مشدر .

مع مافیه یقیناً آلدیغمز معلوماته کوره ماصونلق هر مملکتک سویه و تربیه
اجتماعیه سنه کوره تعین ایدر . بزمکیلرک بر زمین استبداد اوزرنده اجرای فعالیت
ایتدکلرینه نظراً مشروطیتی استحصال ایتدکلری کونه قدر ایقاع و ارتکاب
ایلدکلری جنایات متعدده یی — مقصده وصول ایچون واقع اولدیغندن مقبول
و مدوح عد ایدلسه بیلر — عقیب انقلابده بر شکل مدنی و اجتماعی آلمعه وانلری
مجبور ایدردی . حالبوکه رؤسای معلومه هر فضیله فضا حمله مقابله ایتمک
عادت متخذهلری اولدیغندن فرماصونلغک ترویج ایتدیکی اساساته دخی عین
لا ایلدکله اهات ایتمکدن کندیلرینی آله نامشاردر .

شوسرد و بیان ایلدیکم مطالعاتک اساسه یک مطابق و موافق اولدیغی فیکرنده یم .
شو فکر مصیبه ده کی اصابت وعدم اصابتی قارئین کرام واربانی وجدانلرینه
حواله ایدرم .

ماصونلق و سیونستلکدن متولد اتحاد و ترقی جمعیتک ازهدت ظرفنده اجرا
ایلدیکی فضایح و جنایات دخی فکر و مدعاه دلیل کافیدر .

سیونست بنده سی اولان بزه کی اتحادجی قارداشار کویا انسانته معاونت
ویاردم ایده جک اولان بوجمیتلره حامیلری آلمانیا ایمپراطورندن آلدقلری امرلر
اوزرینه مملکت مزده یا بعدقلری فئالق و جنایات قالمامش و طوغریسی ابنای
جنسلرینه منسوب اولدقلری ماصون جمعیتی پروغرامی و جمله معاونت

ویاردم (!) ایتمشلردر .

حتی بوقارده شلرک بیوک جنایتی ده اخیراً اجرا وار تکابدن چکنماشلردر .
اوده : ولی عهد سلطنت و خلافت یوسف عز الدین افندی حضرتلرینک
شهادتیدر .

ملتک قرة العین افتخاری اولان ولی عهد مشار الیه حضرتلری آلمانیا و آوستریا
دولتلرینک مملکتیز حقننده پرورده ایلدکلری فکر استیلاجویانه لرینی مطالعات
وتبعات تاریخیه دن اکلا دقلری کبی اخیراً آلمانیا و آوستریایه واقع اولان
سیاحتلرنده دخی مشاهده بیوردقلرندن دولتمین مشار الیه مانک بو فکرلرینه میدان
ویرلماک ایچون لازم کان تدابیرک اجرا سیله آلمانیا سیاستندن دولت ومملکتی
قورتارمق اسبابنک استکمالنی خاقان مرحوم سلطان محمد خان خامس حضرتلرینه
عرض وتوصیه دن کیر و طور میورلردی .

بونی بیلن اتحاد اشقیاسی وخبر الان آلمانیا ایمپراطوری ویلهم ولی عهد یوسف



ولی عهد سلطنت و خلافت شهید مغفور یوسف عز الدین افندی حضرتلری

S. A. Le Prince Heritier Feu Youssouf Izzeddine Effendi

عز الدین افندی حضرتلرینک قتل و شهید ایدلمری ایچون لازم کلن ترتیبانی
برقاچ آی اول اجرا و فعل مذکور ایفای تصمیم ایدلکری اوتوده بریده بولونان
آلمانر واتحاد جیلر طرفندن سویلئیلوردی .

مملکتی ، دولتی ، تختی کوز کوره اوغرامقده اولدیغی اضمحلال و فلاکتدن
تخلیصه چالیشن مشار الیهک جمعیت اتحادیه قاتلاری طرفندن بر صورت فجیعده
قتل و شهید ایدلمسی جداً شایان تأسف و نفرت احوالند .

شهید مغفور یوسف عز الدین افندی حضرتلری جنتمکان سلطان عبد العزیز
خان حضرتلرینک نجل مکرملری اولوب (۲۱ صفر الحیر ۱۲۷۴) سنه هجریه
سنده قدم نهاده عالم وجود اولدقلرندن الی طقوز یاشلرنده ایدی .

بشکطاشده زنجیری قیونام موقعده کی قصر عالی نجابتناهیله شهید ایدیلن
مشار الیه حضرتلرینک نعش مغفرت نقشاری پدر معظملری جنتمکان سلطان
عبد العزیز خان حضرتلرینک مدفون بولندقلری استانبولده چنبرلی طاش جوارنده
سلطان محمود خان ثانی حضرتلرینک تربه شریفه لرنده ودیعه خاک رحمت رحمان
قلنمشدر .

(جناب حق شهید مغفور مشار الیهی غریق رحمت بیورسون)



مرحوم و مغفور یوسف عز الدین افندی حضرتلری اخلاق حسنه و مقبولیه
مالک و فطره نزاکت و اداب انسانیه ایله متحلی بر شهزاده عالی اولوب خاندان
آل عثمان میاننده بر موقع مخصوص و ممتاز احراز بیورمشلردی .

دولت و ملتیی یک زیاده سور و وطننک تعالی و ترقیسی ایچون هرکونا غیرت
وفدا کارلقدن چکنمز و ملت و مملکتی ایچون اجرایی لازم کلن اصلاحاتک تطبیق
واجراسی ضمانتده و کلاسی ملت و مأمورین دولته دائماً تاسده بولنه رق مباحثه
ومذاکرات اجرا بیورر و بوندن متلذذ اولورلردی .

حاصلی ملت و وطن ایچون خیرلی بر وجود قیمتدار ایدی .
شو صورتله شهیداً وفاتلری مملکت ایچون ضایعات ائیمه و عظیمه دن معدود در .
کرک ولی عهد مشار الیه حضرتلرینی قتل و شهید ایدن و کرک دیگر قتل و جنایات
متعدده بی اجرا ایلن اتحاد و ترقی جمعیتی قاتلرینک عن قریب الزمان جزای سزالرینی
کوردکلرینی جناب حق جمله مزه کوسترسون .

یوسف عز الدین افندی حضرتلرینک ارنخاللری اوزرینه برادر عالی قدرلری شهزاده جوانبخت دولتو نجابتلو عبدالمجید افندی حضرتلری عادات مرعیه و اصول قدیم عثمانیه موجبینجه سلطنت سنیه و خلافت کبرای اسلامیه ولی عهد لکنی (*) احراز بیورمشادر .



ولی عهد سلطنت و خلافت دولتو نجابتلو عبد المجید افندی حضرتلری

S. A. Le Prince Heritier Abd-ul-Medjid Effendi

ولی عهد سلطنت و خلافت دولتو نجابتلو عبد المجید افندی حضرتلری سلالة آل عثمان ایچنده صاحب علم و معرفت بر شهزاده عالی مقامدرلر علم و ذکا ایله متصف و متحلی اولان ولی عهد مشار الیه حضرتلری صنایع نفیسه یه ده مالک اولدقلرندن چیره دستی مهارتلری اولوب ایادی احترامه وضع اولونان تابولری شایان تحسین و تقدیردر .

(*) ولی عهد سلطنت و خلافت دولتو نجابتلو عبد المجید افندی حضرتلری جنتمکان سلطان عبد العزیز خان حضرتلرینک صلب همایونلرندن ۱۲۸۵ سنه هجریه سی صفر الحیرینک ینجی کونی زور کهوره شهود اولدقلرندن الیوم الی یاشلرنده درلر .

ولی عهد سلطنت عبد المجید افندی حضرتلری هر خصوصده صاحب مهارت وکیاست بر ذات نادر الصفاتدرلر .

امور داخلیه و خارجیه و قوف نجابتناهیملری دخی مسلم انامدر .
حلم و نزاکت و تربیة اخلاقیه مالکیتلری جمله جه معلوم و مسلم اولوب سیماى
عالیٰ نجیبانه لریده بوکا بر برهاندر .

ولی عهد مشار الیه حضرتلری عادات و السنه غریبه ده آشنادرلر .
والحاصل نجابت و ذکاوتلری دولت و مملکتته خدمات خیریه و نافع ابراز
وارائه سنه دالدر .

اخوت ، حریت ، عدالت ، مساوات کلمه لرینک متضمن اولدیغی معانی عالیة
سیاستی اس افکار اتخاذ ابتدیکنی اعلان ایدهرک میدان انقلابه آتیلن وسنه لر دنبری
استبدادک قوه تضییقه سندن بیزار اولان اهاالى صافیه نک فوران حیمتندن استفاده
ایدن و بوضورتله موقع اقتداره کلمرک اداره عثمانیه به وضع ید ایلین اتحاد و ترقی
جمعیتی رؤسای معهوده معلومه سنک داخلده عدالته مقابل ظلم و تعدی ، خارجه
صلح عمومی نی اخلاص ایدهرک مسائل تحریسیله مشغول اولدیغنی کورن و بوحال
ایله مملکتک ورطه فلا کته یو وارلندیغنی حس ایدن ارباب ناموس و حیثیتدن
بعض مبعوثین کرام مجلس مبعوثانک ایلک دوره اجتماعیه سنک صوکلرینه طوغری
بور رؤسای شریه دن دولت و مملکتک تخلیصی چاره سنه توسل بیوره رق اتحاد
و ترقی فرقه سندن افتراق ایله قره سی (بالیکسری) مبعوثی علما و صلحای اسلامیه
و فضلا و ادبای عثمانیه دن فضیلتلو عبدالعزیز مجدی افندی حضرتلرینک ریاستلرنده
(حزب جدید) نامیله بر حزب تألیف و تشکیل ایدهرک رؤسای معلومه اتحادیه دن
آئیده کی اون ماده نک موقع اجرا و تطبیقه وضعنی طلب ایلمشلردر .

حزب جدیدک موقع تطبیق و اجرایه وضعنی طلب ایلدیکی مواد شونلردر .

- ۱ — مبعوثلرک امتیاز و سائر منافع تعقیب ائمه ملری .
- ۲ — مبعوثلرک حکومت مأموریتی قبول ائمه مسی .
- ۳ — مبعوثلرک ناظر اوله بیلمسی ایچون فرقه جه رأى خفی ایله عدد مرتبک
ثلثان اکثریتله قبول اولنسی اصولنک تطبیق .
- ۴ — احکام قانونیه به تمامی رعایت و مسئولیت و کلايه دقت اولنسی .
- ۵ — کما کان اتحاد عناصره چالیشمسی ، تجارت ، زراعت ، صنایع ،

- معارفك ترقيسنه درجهٔ احتياجه كوره غيرت ايدلسى .
- ۶ — اخلاق وآداب عموميهٔ دينيه و مليه نك محافظه سيله برابر غربك ترقيات و تكميلات مدنيه سنك ممالك عثمانيه ده انكشافنه خدمت اولئسى .
- ۷ — قانون اساسى دائره سنده عنعنات عثمانيهٔ تاريخيه نك ادامه و محافظه سى .
- ۸ — مأمورينك تعيين و عزلنه انتظام قانونى و يرلسى .
- ۹ — حقوق مقدسهٔ خلافت و سلطنته متدائر قانون اساسينك بعض موادينك قواى ثلثه اساسنده كى موازننى تأييد ايده جك صورتده تعديلى .
- ۱۰ — مقاصد خفيهٔ مخصوصه بيه بناء تشكلى ابدن جمعيتك حرکات وآمالنه ممانعت اولئسى .



قره سى مبعوث سابق و حزب جديد رئيسى عبدالعزيز مجدى افندى حضر تلى

Abd-el-Aziz Medjdi Effendi Ex député de Karassi

حزب جديد طرفندن اوزمان و يريلن شو مواد عشره اتحاد و ترقى جمعيتى
رؤساسنى فوق العاده تلاشه دوشورمش واتحاد و ترقى جمعيتك دردنجى دفعه اجتماع

ایدن قونغرہ سندنہ موقع مذا کرہ یہ وضع اولنمشدر .

حزب جدیدک تکلیفات واقعہ سی سلامت مملکت نقطہ نظر بحجہ بلا افاتہ وقت شایان تقدیر و قبول اولدینگی حالده بو موادی قونغرہ ده مذا کرہ یہ وضع ایله وقت قزاق و بومدت ظرفنده (حزب جدید) اعضای کرامنی الدہ ایتمک عزمندہ بولونان اتحاد رؤسای منفعت ذانیہ لری اوغرندہ مملکتی فدادن ذرہ قدر بختنب اولسه لردی بویولده تشبثانہ قیام ایله ایشی سورونجمہ یہ دوشورمز لردی .

هرنه ایسه دردنجی دفعہ اجتماع ایدن اتحاد وترقی قونغرہ سنہ سوق وارسال اولونان مواد عشرہ مذکور قونغرہ ده عریض وعمیق تدقیق ومطالعہ اولنمشدر .

مطالعہ وتدقیق اولونان مواد عشرہ دن هیچ بریسنک تماماً وحرفیاً قبولی رؤسای اتحادک مسلک سقیملرینہ موافق کلمیہ جکی وبو موادک عدم قبولی ایسه اتحاد وترقی فرقہ سنک انقسامنہ سبب اولہ جنی ملاحظہ سیلہ مواد مذکورہ نک بعضسنک قبولیلہ بعضسنک برر صورت وبہانہ ایله جرح وردی قرارلشدیریلہ رق قونغرہ یہ ارسال اولنمشدر .

شویله کہ ، قونغرہ مواد عشرہ نک برنجی وایکنجی مادہ لرینی اساس اعتباریلہ قبول ایتمش وبعض مطالعات سردایله تاخیرہ اوغراشمشدر .

اوچنجی مادہ پک ایشلرینہ کلمدیکندن عدم قبولہ مظهر اولمشدر . دردنجی مادہ ایسه مسئولیت وکلایہ دائر اولدیغندن بوده هیچ ایشلرینہ کلامش وبعض مطالعات سرد و بیانیله تاخیرہ اوغراشمشدر .

بشنجی مادہ یہ کلنجہ بونلرک کافہ سنہ جمعیتجہ چالیشدیغندن بوبابده یکی بر مادہ قبولی حاصلی تحصیل دیمک اولہ جغندن بوکالزوم بیلہ کورلماشمشدر .

التنجی مادہ یہ ده ذاتاً جمعیتک مقاصد علویہ سی (۱) جمله سندن اولان آداب عمومیه دینیہ وملیہ نک محافظہ سی ایچون جزا قانونہ احکام شدیده وضع ایدلدیکندن بحملہ بوده بر طرفہ بر اقلمشدر .

یدنجی مادہ ایسه عنعنات تاریخیہ نک محافظہ سی اتحاد وترقی جمعیتک اخص آمالی (۱) اولدیغندن باحث مالایعنی پارلاق کلمات ایله کچشدیرلشددر .

سکزنجی مادہ یہ ده مأمورینک عزل ونصیلری ، ترفیع وترقیلرینی بر اصول سالمہ یه بط ایچون بر لائحہ قانونیہ نک حکومتدن طلبیلہ برآن اول کسب قانونیت ایتمسی قراریلہ جواب ویرلشددر .

طوقونجی ماده حقوق و صلاحیت شاهانه نك موازنتنی تأمین ایده جکندن ذاتاً اتحاد و ترقی جمعیتی مرکز عمومیسنك نظر دقتنه (!) چارپمش و جمعیت سیاسی پروگرامنك بو اساسی تأمین ایده جك صورتده تنظیمی مقرر بولمیش سوزیله بوندن ده صرف نظر ایدلمشدر .

اوننجی ماده ایسه مقاصد خفیه مخصوصیه بناء تشکل ایدن جمعیتلر حقنده اولوب بوایش کندیلرینه تعلق ایلدیکندن بر طاقم سفسطهلرله بونك وظائف حکومتدن اولدیغندن بحثله بوده بر طرفه آتمشدر .

اتحاد و ترقی جمعیتی رؤسای مواد عشره حقنده کی شو مقرراتی برانجمنده بالاطراف تدقیق ایتدیردکن و قونغرہ هیئت عمومیہ سنجہ ماده بماده تذکر و تدقیق اولندقدن صوکره قبول ایلمش اولدیغندن (حزب جدید) ایله یینلرنده موجب تفرقه بر حال قالمدیغنه دائر مذکور قونغرہیه متفقاً و متحداً قرار ویردیرمشدر . اتحاد و ترقی جمعیتی قونغرہ سنه ویردیردیکی شو قراردن کندیسی نه اکلادی دیو بر سوال وارد اولسه امینم که اوده هیچ جوابنی ویرر .

زیرا قونغرہ نك بو قرارندن نه (حزب جدید) ونه ده اتحاد جمعیتی برشی* اکلایه مز واکلامدی . بو قراردن بزم اکلادیغمز برشی* واریسه اوده مواد عشره یی اتحاد و ترقی جمعیتی آچیقدن آچیه رد ایده میوب وقت قازانق وایشی سورونجمه ده بر اقوب حزب جدیده منسوب مبعوثلری اوایلایمق ایچون قونغرہیه یابدیردینی یالیزیلی جبدن بشقه برشی* دکادر .

جمعیت اتحادیه عالمه بویله یالیزیلی حبلر یوتدیره جمنه منفعت عامیه متعلق تکلیف اولونان بوکی موادی بالقبول اجرا ایتمش اولسه ایدی هیچ شبهه ایدیه مزدی که بوکونکی دوشدیکمز ورطه یه نه ممالکت ونه ده جمعیت دوشردی .

حالبوکه دولت و ممالکت ایچون حسن نیت پرورده ایتیمان و هر درلو اداره عقلیه و کیفیه سنك اجرا سیله منافع شخصیه لرینه چالیشن بو اتحاد اشقیاورؤسای او ن سنه دنبری منافع عمومییه متعلق واقع اولان تکلیفات و نصایحی قبول واجرا ایتمدی وایده مز ایدی .

بوندن طولانی بونلره بو بولده تکلیفاتده بولنق بیهوده اضاعه وقت ایتک ایدی . نته کیمده او یله اولدی ، حزب جدید و سائر فرقه لره منسوب مبعوثلرک اتحاد و ترقینک خذله معلومه سنه اجرا ایلدکلری نصایح و تکلیفات مدققانه لری متمر

اوله مدینگی کی نخامتلو پرنس صباح الدین بك افندی حضرتلری ایله برنجی فریق عطفوتلو شریف پاشا حضرتلری و سائر ارکان دوات و وطنپروران ملت طرفندن انقلابدن اول و بعد الانقلاب اجرا قلئان تبلیغات و نصایح و ایفاسی لابد اولان مواد مهمه نك هیچ بری عمره بخش موفقیّت اوله مامش ایدی .

چونکه منشاء و ظهورلری ، اصل و نسللری مجهول اولان بو حشرات اصالت و نجابتله متصف اولان ذوات عالیله نك ارائه بیوردقلری یوله حرکتی و اجرا بیوردقلری نصایحی و منافع مملکت ایچون یا یامسی لازم ککن اجرا آتی قبول و ایفا ایلمکدن بك اوزاق بولنیورلردی .

بو مواد و نصایحك اجراسی ديك انلرك وجودینك ازاله سی ديك اولدیغنی رعنا ییلدکلرندن بو جهت بر درلویناشامشاردر .

بو جهت یناشمق دولت و مملکتیمزك بقاسنی تامین ایده جکندن بونلرك مسلککریله قابل توفیق دکلدی .

زیرا بونلر دولت و وطنمزلک دوام و بقاسنه چالیشه جق سوبه ده خلق ایدلماش سرسریلردن عبارت ایدی .

دها طوغریسی بونلر بشریتك عادی طبقه سندن مرکب برکتله دن بشقه برشیء دکل ایدیلر .

جمعیتلری ایسه فارماصون و سیونیست لوجه و جمعیتلرینك ترتیب و تشویقیله میدانله کلمش بر جمعیت فسادیه ایدی .

طبیعی بویله بر جمعیت فسادیه دن و بو جمعیتی تأسیس و تشکیل ایدن مؤسسین ورؤسادن نه بککنه بیلیردی .

بونلر خادم انسانیت اولنلره دشمن و اصالت و نجابتله عدو بر طاقم مجهول النسل آدملردن اولدقلرندن کندیلرندن عقلاً و فکرأ و ذرایه و اصالة عالی و بیوک اولانلری ایسته مزلر و اوکی ذوات مکرمه نك وجودلرینی ازاله یه چالیشیرلردی .

ایشته مملکتده کندیلرینه نسبتله بك بیوک اولان و بونلره نصایح خیرخواهانه ده بولونان برچوق خاندان و ارکان و رجال دواتی برر صورتله مأموریتلرندن اخراج و کیمیسینی نفی و اجلا و بعضسینی قتل و شهید و خارجده بولونانلری ده برر بهانه ایله غیاباً اعدامه محکوم ایتدیرهرك وطننه عودتدن و دولتته خدمتدن منع ایدیورلر ایدی .

غیا با محکوم ابتدی ردکاری ذوات میاننده نخامتلو پرنس صباح الدین بك افندی حضرتلری کبی وجود لری ملت عثمانیه ایچون باعث مفخرت و خاندان عثمانیه منسوبیتلرندن طولاییده شایان تبجیل و حرمت اولدقدن بشقه اقتدار و اهلیت و درایت ولیاقتلری و آثار علمیه و قلمیه لرله معروف بر سیمای اصیل و نجیب اولدقلری جمله نك مسلمی اولان برذات عالیمصفا دخی بولنیوردی .

بونلرك عندنده پرنس مشار الیه حضرتلرینك اك بیوك قباحتلری اصالت و نجابت نخمانه لرینه انضمام ایدن درایت و ذکاوت خارق العاده لریدر .

برده بدرجنت مقرلری داماد حضرت شهریارى محمود جلال الدین پاشا حضرتلریله برلکیده اوروپاده بولندقلری صردهده بو خذله معلومه به هر درولولطف و معاونتی بی دریغ بیورملریدر .

انقلابدن اول و صکره مالاً و نقداً بونانکوردلردن بر چوغنی عنایت واحسانلرینه مظهر بیوره رق حمایت وصحابت ومحافظه ایشملر ایدی .

ایشته اداره دولتی الدن قاجیر مامق و بویله عالی برذاتی ریاستلرنده بولندیروب دولت و مملکتک تعالی و ترقیسنه غیرت ایدهرک ایکی جهتله استفاده ایتمک لازم ایکن بواشرا واشتقیا صرف ریاست اکابره تحمل ایده مدکلرندن بویله بر طریقّه سلوک ایده مامشلدردر .

اکر دولت و مملکت اون سنه دنبری بو اشقیای شریره نك النده قالمیوب نخامتلو پرنس صباح الدین بك افندی نك تأسیس بیوردقلری فرقه احرار پروغرای اس الاساس اتخاذا اولنه رق (تشبث شخصی) و (عدم مرکزیت) یعنی (توسیع مآذونیت) نظریه لری حسن صورتله موقع اجرا و تطبیقه وضع اولنسه ایدی هیچ شبهه ایدیله مزدی که دولت علیه عثمانیه بوکونکی اوغرا دیغی شو فلاکت و اضمحلاله دوشمز و پک زیاده ترقی و تعالی ایدردی .

پرنس مشار الیه حضرتلرینك قدرت قلمیه و علمیه و تشبیه سندن پک زیاده توحش ایدن اتحاد رؤسامی و جمعیت حامی و عامللری مملکتتمیزی حسن اداره و محافظه ایله مکلف اولمیوب کردا بدن کردابه سور و کله مک وظیفه لری مقتضیاتندن اولمغله اولوجهله حرکت ایله منافع شخصییه و سیاسیه لرینی تأمینّه چالیشدیلر .

ذاتا اوچ غروشی بربرده کورمین حشرات مرقومه جزئی بر منفعت مقابلنده

هر شیء فدايه آماده اولدقلرندن مملکتیزی شو کوردیکمز حاله کتیرمکدن چکنما مشلردر.

اشرای مرقومه پرنس صباح الدین بك افندی حضرتلریله دیگر ذوات معتبره وعالیه کبی اصیل ونجیب اولسه لردی بویله اوفق بر منفعت ذاتیه وشخصیه نه دولتی ونهده مملکتی فداوقربان ایده مزلردی .



پرنس صباح الدین بك افندی حضرتلری

Son Altesse le Prince Sabaheddine

جنتمکان فردوس آشیان سلطان محمود خان ثانی طاب ثراه حضرتلرینک کریمه عفت وسیمه لری صالحه سلطان علیه الشان حضرتلرینک زوج مکرم لری داماد حضرت شهر یاری مرحوم خلیل رفعت پاشا حضرتلرینک مخدوم قیمتدار لری داماد جناب بادشاهی مرحوم ومفقور محمود جلال الدین پاشا حضرتلرینک وجنتمکان

سلطان عبد المجید خان حضرتلرینک کریمه محترمه لری و پادشاه معدنپناه و شهنشاه عدالت اکتناه سلطان « محمد وحید الدین » خان عادل حضرتلرینک همشیره مکرمه لری سنیحه سلطان عالیہ الشان حضرتلرینک مخدوم نجابتناهی لری پرنس صباح الدین بک افندی حضرتلری کبی جدبجد اصالت و نجابتله موصوف و خاندان جلیل العنوان سلطنت سنیهیه منسوب بر ذات عالی همت و ذی اقتدار و قیمت ایلله تشریک مساعی ایتک اتحاد و ترقی جمعیتی ایچون بر شرف اولدیفنی ده در خاطر ایده مدیلر .

رؤسای معلومه مرقومه هر خصوصده و بالخاصه سیاستده کی جهل مطلقلرینی دوشونمکدن عاری و بری اولدقلرندن کندیلرنده بر بیوکلک و فضیلت کوردیلر . اصالت و فضائل اخلاقیه و مستحسنه دن مجرد اولدقلرینی نشوه منفعت و آمریتله اونوتدقلرندن پرنس نخامتلو صباح الدین بک افندی حضرتلریله برنجی فریق عطوفتلو شریف پاشا حضرتلری کبی وطنپرورانی منافع خسیسه و سقیمه لری ایچون محو و افنایه تشبثدن کیر و طور مدیلر .

اتحاد و ترقی رؤسای معلومه سنه یاردم و معاونت ایدن و بونلرک اک زیاده فنالق و هجومنه معروض قالان شریف پاشا حضرتلری انقلابدن بر چوق سنه اول اوروپاده تشکل ایلین اتحاد و ترقی جمعیتی ایلله رؤاسنه هر درلو معاونت و صحابت و حمایتی دریغ بیورمدقلری کبی جمعیتک تشکل و دوای اوغرنده ده بر چوق فدا کارلقلرده بولنشلردر .

مشار الیه شریف پاشا حضرتلری بو وجهله جمعیته معاونت و فدا کارلق ابرازیلله ممالک اجنبیه ده رؤسای جمعیتک اقامتنی و اتحاد و ترقی جمعیتک بقاسنی تأمین ایدن حریتپرور بر ذات عالیقدر اولدقلری حالدیه بونانکور اتحاد و ترقی رؤسای معهوده سی امثالی مثللو مشار الیه حقنده عقل و خیاله کلز بر طاقم افترا لره برابر آئیده بیان اولنه جفی و جهله حیاتلرینه ده سوء قصده جرأت ایلله یولنکه مقابل مایه لرنده مرکوز اولان دنائت و فنالق اظهار ابتدیلر .

بالطبع درایت و فضیلت و اصالت و نجابتک دشمنی اولان اتحاد رؤسای شریه سندن ذاتاً بشقه درلو برشی بکلمک عبثدر .

برنجی فریق عطوفتلو محمد شریف پاشا حضرتلری ارباب لیاقت و درایتدن و اصالت و نجابتله متصف بر ذات ذی قیمت اولدقلری جهتله رؤسای مرقومه نک

تعرض وهجوملرینه معروض قاله جقلری بدیهی ایدی .



استقہولم سفیر اسبقی برنجی فریق شریف پاشا حضرتلری

Son Excellence le Général Chérif Pacha, Ancien
Ministre à Stockholm

شریف پاشا حضرتلری ، دوات ابد مدت عثمانیہ سنہ لرجہ خدمات
برگزیده ابراز بیوران ومتعدد متصرفلق ووالیدلکرله مهم ومعتنا مأموریتلرده
وبرحوق سفارات سنیهده ومدت مدیده خارجیہ نظارتی ایلہ شورای دولت ریاستنده
بولنمش اولان کردستانک اک قدیم واصیل (علی خندان عائله بی) امیر ورئیس
حسین پاشا زاده وزرای سلطنت سنیهدهدن محمدسعید پاشا حضرتلرینک نجلنجیبیدر .
شورای دولت رئیس سعید پاشا مرحوم کبی دولت ومملکتنه کمال صدق
واستقامتله یارم عصردن زیاده خدمت ایدن قدمای وزرادن بر ذات حمیت
سماتک مخدوم درایت موسوملری اولان شریف پاشا حضرتلری پدرلری مرحومه
حقیقہ خیر الخلف بر مجاهد ووطنپرورددرلر .

وطن و مملکت ترقی و تعالیسی و رفاه و سعادت بی دوشون شریف پاشا حضرتلری
 بوا مید و امنیه ایله انقلابدن اول و صوکره اتحاد و ترقی جمعیتله رؤسای معلومه
 منفورسی حقه ابدال بیوردقلری معاونت و حمایت قارشى جمعیتک کندیلرله
 دیگر و طبروران حقنده روا کوردیکی تعدی و تعرض و هجوم و مملکتک اوغرامغه
 معروض قالدیغی فلاکتی مشاهده و تأمل بیورهرق بونلردن تبعاعله کندى اجتماعلری
 دائره سنده آیروجه چالیشهرق مملکتی استقباله اوغرابه جفی فلاکتدن تخلیه
 قرار ویرمشلردر .

اوتنه دنبری مالاً ، بدناً فدا کارلقدن خالی قالمین شریف پاشا حضرتلری سلامت
 وطن اوغرینه استقبالرینی ، حیاتلرینی تهلکه به القادن چکنامش و دولت و مملکته
 پک بیوک خدمت ویرارلقرار ابراز ایتمشدر . جنتمکان سلطان عبد الحمید خان ثانی
 حضرتلری پاشای مشار الیه حضرتلرینک افکار حریتپرورانه سندن طولانی
 درسعادته اقامتلری محذوردن سالم اوله میه جفی ملاحظه سیله پدرلری خارجیه
 ناظرى سعید پاشا مرحومى ظاهراً تلطیف و تطیب و باطناً مخدومی مشار الیه
 شریف پاشایی استانبولدن نفی و اجلا ایتمک ایچون بروکسل و پارس سفارت
 سنیهلری آتشه میلتر لککرینه تعیین و اعزام ایتمشلردى .

اتحاد و ترقی جمعیتی مرکزینک پارسده بولاندیغی بر صرهدده پارس آتشه میلترى
 اولان پاشای مشار الیهک اتحادیونله تماسلرینی و جمعیت مذکوریه مادی و معنوی
 خدمت و معاونتلرینی استخبار ایدن خاقان اسبق مرحوم مشار الیهک اوراده
 بقاسی جائز اوله میه جغندن درحال عزلیله درسعادته جلب وعودتی اراده
 بیورمشلردر .

بو وجهله عزل و درسعادته جلب ایدیلن شریف پاشا حضرتلری بر مدت
 استانبولده اقامت بیوردقدن صوکره خاقان اسبق مرحوم طرفندن ینه درعلیه دن
 نفی و تبعیدینه لزوم کوردیکندن بوکره یار و اغیاردن خالی و آوروپانک منتهای غرب
 شمایلینده بولونان استقووم سفارت سنیهسی توجیهیله استانبولدن اخراج ایدلمشدر .
 حتی استقووم سفیرلکنده بولونان شریف پاشا حضرتلرینک پدرلرینک خسته لق
 و وفاتلرنده بیله یانلرنده و جنازه لرنده حاضر بولمق ایچون ماذوناً درسعادته
 کلمرینه مساعده سنیه ارزان بیورلمدیغی وارد خاطر عاجز یدر .

شریف پاشا حضرتلری اون سنه قدر مذکور سفیرلکده بولمیش و اتحادک

نانکورو و خائن رؤسای یوزندن مذکور سفارتدن استعفا یه بیله مجبور اولمش واستانبوله کلامسی وآر و پاده طولاشه رق ژون ترکاره یاردم ایده مامسی ایچون هان تعیین ایدلکاری مادرید سفارته (استقهولم) دن طوغریجه عزیمتلی تبلیغ ایدلمش ایسه ده مشار الیه سفارت مذکوره یی عدم قبول وعزیمتدن استنکاف ایله مذکور سفارتدن ده استعفا ایتمه شلردر .

بوندن اون ، اون بش کون صوکره اعلان مشروطیت ایدلمکله بالطبع پاشای مشار الیه طوغریجه استانبوله عودت بیورمشاردی .

شریف پاشا حضرتلرینک استقهولم سفارتندن سبب استعفا وانفصالی ده آر و پاده کی ژون ترکارک اولولردن واتحاد وترقی جمعیتی مؤسسلردن اولوب بعدالاقلا ب مجلس مبعونان والیوم هیئت اعیان ریاستنده بولونان احمد رضا بکدر . احمد رضا بک شریف پاشا حضرتلری ایله کوریشمک وامثالی مثللو بعض کونا مظاهرت ومعاونتلینی جلب واستخصال ایلمک اوزره پارسدن استقهولمه عزیمتله پاشای مشار الیه مسافر اولمشدر .

روایتله نظراً احمد رضا بک مسافرة سفارت سنیه ده بولندیغی اولزمان سفارت کتابتنده بولونان ودور مظالم اتحادیه ده خارجیه ناظر وکیلی ومؤخرأ دخی بر سفیرلکه تعیین قلنان وطنپوران (!) زماندن واتحاد وترقی جمعیتی کزیده اعضاسندن مختار بک طرفندن یدیز سرای هایوننه اخبار و ژورنال ایدلمش ومابین هایوندن شریف پاشایه احمد رضا بک سفارتخانه ده بولنمندن بالاستفاده هان توقیف ایدلمسی امری ویرلمش اولدیغندن پاشای مشار الیه بویوله کی امری ایفا واجرا ایده میه جکندن باحث جوابلر ویرمش ایسه ده سرای هایونله سفارت بیننده کی مخبرات تمادی ایلمش اولدیغندن استعفا سنک اعطاسیله بو ایشک ایچندن حقیقه مناسبت عدایدن شریف پاشا ال نهایت استعفا سنک قبولی یازهرق افکار عالیة حریتپورانه سنی ارائه واثبات ایله احمد رضا بکی اوغرایه جغی محقق اولان فلا کندن صیانت ومحافظه ایلمشدر .

بونک اوزرینه طبیعی (استقهولم) ده قالمسی ماینیجه مناسب اولمیان ودر سعادتده عودتی موافق کورلمیان پاشای مشار الیه حضرتلری مابین هایوندن شدتلی برتوبیخنامه یه کسب استحقاق ایلمش ویوقاریده دیدیکز وجهله مع التوبیخ مادرید سفارت سنیه سنه نقل وتحویل ایتدیرلمشدر .

ایشته بویولده حال واستقبالنی احمد رضا بکله جمعیت اتحادیه یولنده ترك وفدا ایدن مشار الیه شریف پاشانك قتلی رفقای شیریه سندن مصرأ طلب ایله بویولده او خانن ، نانکور جانلره قرار ویردیرن ذاتك احمد رضا بك اولدینی سویله نیلوردی که بوکا هیچ تعجب اولماز .

زیرا آياصوفیه و بایزید میدانلرنده صلبأ اعدام ایدیلن بوزلرجه مظلومین واطلر و مواقع سائریه نفی اولونان بیکلرجه مغدورین و سوراق اورته لرنده قتل و شهید ایتدیریلن محررین و سائر احمد رضا بکك مجلس مبعوثان ریاستنده بولندقلری زمان وقوعبولان مذاکره و تنسیب ایله اجرا ایدلمشدر .

هله مؤلفین و محررین عثمانیه نك سرتاج ابتهاجی و اتحاد و ترقی جمعیتك ایلك رئیس و میزان غزه سی صاحب و محرری استاذ معزز و محترم مراد بك افندی حضرتلرینك اعدامی حقنده دیوان حرب عرفیله ویریلن سرری امرلر و مشار الیهك اعدام ایدیله مامسی اوزرینه درسعادتن نفی واجلاسی ایچون چویردکلری دولابلر جمله نك معلومی اولسه کرکدر .

استاذ ملت دینلمکه سزا ولایق اولان مراد بكك حس رقابتله مأیوسا و مقهورأ وفاتلرینه سببیت ویرن دخی احمد رضا بك افندی دکلمیدر .

مملکتهمزده شمدیه قدر اتحاد و ترقی جمعیتی طرفندن اجرا و ارتکاب ایدیلن هرفنالق و جنایاتك مسبب یکانه سی مبعوثان رئیس اولان احمد رضا بکله اوزمان مرکز عمومیده کی رفقا سندن بشقه کیمدر .

ایشته هرکونا جنایات و فنالقاری اجرابه چالیشن و ایضا سنه مساعد ایلین احمد رضا بك افندی طبیعی درکه شریف پاشا حضرتلرینك قتل و اعداملری قرارینی ویرر و ارباب اقتدار و حیثیتی و رقیب عد ایتدیکی ذواتی اورته دن قالدیره رق فکر خیالپرستانه سنه امکان و میدان بولق ایستردی .

اصالت ، نجابت ، اقتدار ، لیاقت ، بسالت ، شجاعت اسحابندن اولان مشار الیه شریف پاشا حضرتلرینی ده بالطبع رقیب عد ایدن احمد رضا بك افندی حضرتلری عین فکرله مألوف و موصوف بولونان رفقای شیریه سنهده شریف پاشانك قتل و اعدامیله افنای وجودلرینه قرار ویردیرمش ایدی .

شریف پاشا حضرتلری حقنده بوقراری ویرن اتحاد و ترقی جمعیتی رؤسای ملعونه سی هر بر فرصتدن بلا استفاده مشار الیه حضرتلرینی دفعتله غیابأ اعدام ایله

محکوم ایتدیرمش و آوروپاده اقامت بیوران پاشای مشار الیهی وطن عزیزینه دخولدن منع ایلمشدر .

شریف پاشا حضرتلری کی حمیت و وطنپرورلیکله مشبوع بر وجود قیمتداردن دولت و مملکت مزک استفاده ایده مامسی ایچون ابتدای انقلابدن بری مشار الیه حقارنده ایجاد و اعلان ایتدیرمدکلری افترا و یالانلر قالدینی کی ملت و دولته قارشی پاشای مشار الیهی عادتا بر جانی و خائن مثابه سنده کوسترمکه رؤسای شریعه مرقومه وار قوتی بازویه ویرمک چالیشمشلردر .

نظر ملتده بر موقع مخصوص صاحبی اولان شریف پاشا حضرتلرینی ملتک نظرندن دوشورمک ایچون یکانه چاره ژورنال اسناد ایتمک سلاخی اولمشدر .

ذاتاً ابتدای انقلابده ارباب ناموس و حیثیتی لکه دار ایتمک ایچون بر جوق ذوات مقتدره به ژورنال جلیق عطف و اسنادی کی بر سلاح استعمال ایلمک رؤسای جمعیت ایچون اس حرکت اتخاذ اولمشیدی .

شریف پاشا حضرتلری حقنده کی سلاح مزور دخی شویله ایدی . مشار الیهک بنده مخصوصی دیک اولان کاتب خصوصیبسی شاعرلیکله مشهور طلعت بکی الیه ایدمک اکا بر ژورنال یازدیر دیلر و بو ژورنالی غزنه لاله نشر ایلدیلر . شریف پاشایی افکار عمومیه دن بو صورتله اسقاطه چالیشدیلر .

هیچ بر مأموریتده بولنماش اولان طلعت بکه بیوجک بر مأموریت تکلیف ایدیلورسه بواشه موفقیت الویره جکنی بیان اتحادک قورناز رؤسای معهوده سی بر مدت موقته ایچون اولسون مومی الیهی بر موقع و منصبه اقعاد ایتمکده کندیلر ایچون بر باس اولمیدیندن الیه ایتدکلری مومی الیه طلعت بکه شریف پاشا حضرتلرینک صهرراً منسوب اولدقلری عائله خدیوی الیه آره لرینی بوزه جق بر صورتده عائله مشار الیها الیه بعض صدارت معزولینی علیمده ترتیب و تنظیم ایتدکلری ژورنالی مومی الیه طلعت بکه یازدیره رق زیرینه ده ساخته بر محمد شریف مهری باصدیردیلر .

ایشته بودوزمه و ساخته ژورنالی مقصدلرینک حصولنه کافی و وفای عد ایدن اتحاد رؤسای ملعونه سی همان فطوغرافنی آلدیره رق مصور ثروت فنون الیه نشر ایتدیرمشلر و بو خدمت حسنه و مقبوله سنه مکافاة عقل و خیالنه بیله کلیمان بحریه نظارتی مستشارلغنه محرر ژورنال طلعت بکی تعیین ایدمک تاطیف ایلمشلردر .

ثروت فنون ایله نشر ایدیلن بودوزمه وساخته ورقه آوروپاده بولونان شریف پاشا حضرتلرینک منظوری اولور اولماز همان بونک ساخته اولدیغندن بوبولده ساخته کارلته تشبث وجرأت ایدنلر حقنده لازم کلن معامله قانونیه نك ایفا سنه دأثر و بعض افاده بی حاوی درسعادت غزته لرینه ارسال ایلدکلی مکتوبلریده رؤسای مرقومه پوسته خانه دن اخذ وحفظ ایلمکدن چکنهامشدردر .

ساخته ژورنالی تنظیم وتحریر ایتدیکی روایت ایدیلن طلعت بك ژورنالک زینده کی مهربك شریف پاشا حضرتلرینک مهربلری اولدیغنی وهرنقدر مهرباصیلرینه بکزه تلمك ایسته نیلسه بیله بکزه تیله میه جکنی وخدمت لرینه مقابل پاشای مشار الیه دن آلدقاری شهریه وبالطبع یدکلی نانی وکوردکلی لطف خصوصی دوشونه جک قدر بر صداقت ابرازی حس وخاصه سنه مالک اواسه ایدی طبیعی بر مدت موقته ایچون نائل اوله جنی منصب وماموریتی قبول ایتمز واتحادک اوشیرر رؤساسته بر آلت شر وخیانت اولماز ایدی .

شریف پاشا حضرتلری بوژورنال مسئله سی اوزرینه لازم کلن تشبثلرندن بر آن خالی قالمیوب وسائط سائره ایله بونی رد ومدافعه نامه لرینی نشر ایله بونک بحربه مستشاری اولان کاتب خصوصیلری طلعت بك طرفندن ده تکذیب ایدلسنی مصرانه طلبدن واز کچمدکلرندن اتحاد وترقی رؤسای شیریه سی خدمتتی ایفا ایتمش اولان طلعت بکی مأموریتندن عزل ایله شریف پاشا حضرتلرینک بومحق نشریات ومراجعاتنه خاتمه وبرمکی منفعتلرینه موافق کوره رک درحال طلعت بکی مذکور مستشار لبقدن عزل ایله برکوشیه آتدیلر .

هرحال وکارده شریف پاشا حضرتلرندن توحش ابدن اتحاد وترقی جمعیتی رؤسای مشار الیه حضرتلرینی بعض مواعید ایله آلداتوب استانبوله جلب ایله قرار واقعلری وجهله قتل ایتمک ایچون پاشای مشار الیه حضرتلرینه دفاعاله تشبث ومراجعه ده بولنمشدردر .

حرب عمومیدن بر سنه اول رؤسای اتحاددن پارسه کلن بر ذات شریف پاشا حضرتلرینک نزدینه بالذات کلیمکدن اجتناب ایلدیکندن فرانسه رجاندن موسیو (فینو) نی توسیط ایده رک بعض تکلیفاته بولنمشدر .

مومی الیه طرفندن شریف پاشا حضرتلرینه تبلیغ ایدیلن تکلیفات شودر .
پاشای مشار الیه ک میدان اجتماع وخالفته شمدی یه قدر صرف ایلدکلی

آقچه نك كاملا اتحاد و ترقى جمعيتى طرفندن تا ديه و اعطاسى و قابينه طلمت و جاويد بكار داخل اولقى شرطيله مسند صدارتى قبول بيورمليدر .

شريف پاشا حضرتلى بو تكليفاته شو جوابله مقابله بيورمليدر .

بن بوجهاد و مخالفتى بر تجارت فكر و مقصديله اعلان ايتدم . صرف ايلديكم آقچه يي اونلردن آلىق ايچونده صرف ايلدم . بوكاه احتياج يوقدر . اتحاد و ترقى جمعيتى دولت و مملكتى تعقيب ايلديكى سياست سقيمه ايله اضمحلال و انقسامه سور و كله يور . بوكا قارشى مخالفت ايله عزيز و وطنمى فلا كتدن قورتارمق ايچون ميدان اجتهاد و مخالفته آتدم . اكر جمعيت و اركانك دولت و مملكته مفيد و نافع خدماتنى كوره ايدم . مخالفتده دوام ايتمز و هر كس دن زياده بن اتحادك و رؤساسنك مداخلى اولوردم .

جمعيت و رؤساسى بو خدعه يده دوشوره مدكلرى شريف پاشا حضرتلى يني اورته دن قالديرمق سوداسندن بردرلو كنديليرنى آله مديلر .

حيات معززندن دها معزز اولان وطنى اوغرنده فداى جاني جانه منت عدايدن پاشاى مشار اليه يابورزيللردن دولت و مملكتى قورتارمق و يا خود دولت و ملت اوغرینه افزاى وجود ايتك شرفندن كير و طور ميوب آتيدقلىرى ميدان مخالفتده دوام ايله اتحادك او ملوث و مردار رؤساى رزيله سنك آمل خسيسه لرينه حائل اولقى و يا يمتقده اولدقلىرى فنا القاره سد چكك ايچون پارسده مشغول بولندقلىرى بر صره ده اتحاد و ترقى جمعيتنك رجال الغيبى (!) طرفندن شريف پاشا حضرتلى حقنده و يريلن اعدام قرارينك انفاذينه نظارت و رياست ايتك مأمور يتيله استانبول پوليس مديرى معهود عزمى بك پارسه اعزام قلمش و لازم كن فداييارده مومى اليه ترفيق ايدلمشدر .

اون قدر فدائى و مأمورين سائره اتحاديه ايله پارسه مواصليت ايدن عزمى بك پاشاى مشار اليه حضرتلى رينك قتلى ايچون لازم كن ترتيباتى بالا كمالك جرأتكار و جاني فدايياردن (على جواد) نام مستعارينى (*) طاشيان وضا بطان عسكريه دن

(*) على جواد نام مستعارينى طاشيان جاني جمال پاشانك استانبول محافظلنده بولنديقى زمان ياورى محمد كمال نامنده جمعيتك فداييلردن بريسى ايتش . موقوم جاني كمال عوكيرلى بر پوليسك اوغلى اولوب مكتب حريه دن سوارى ضابطايكيه چيچمش و سلا نيكدده اتحاده انتساب ايله قوميته برچوق جنايتلرله خدمت ايلمش اولدينى بعد الماركة كان استانبول غرتلنده كوراشدر .

اولدیفی روایت ایدیلان بر جلاد و جانی خونخوار اول امرده شریف پاشا
حضر تلیزینی قتله مأمور ایدیلور .

جلاد مرقومک پاشای مشار الیهک دولتیخانه لرینه داخل اوله بیلمسنی تأمین
ایچونده آوستریا و روسیه دن خفیه لکله محکوم و مطرود (اسکندر) اسمنده بر
خفیه شریر ایله شریف پاشادن آلدیفی آیلقله پارسده کچینن (برهان الدین)
نامنده بر آجققی آات و مأمور ایدر لر .

۱۹۱۴ سنه میلادیه سی کانون ثانیسنک ۱۳ نجی صالی کونی شریف پاشا
حضر تلیزینک پارسده اقامت بیوردقلری « پومب » زقاغنده کی — ۱۱۵ — نمره لی
دولتیخانه لرینه مرقوم (علی جواد) نام جانی کلیرایسده اوکون قوناقدله کوردیکی
غلبه لکدن اورکن مرقوم سرسری جانی ایقاع جنایتله جسارت ایده میهرک
عودت ایدر .

ایرتسی چهارشنبه کونی — ۱۴ کانون ثانی ۱۹۱۴ — علی الصباح پاشای مشار
الیهک دولتیخانه لرینه کلن جانی مرقوم بلا تکلیف و بلا سؤال ایچری به دخول
و حرم دائره سنه طوغری یوریمکه باشلار .

بونی کورن خدمتکارلر دخولنی منعه قیام ایتمک ایستیرلسده انلردن بر ترک
خدمتکارینی غایت آغیر و اوتوموبیل شوفری بر فرانسزیده خفیف بر صورتده
جرح ایتمکدن صوکره ایچری به داخل اولور .

بو خانن جانینک بویله بغته حرم دائره سنه دخولی خدمتکارلری جرح ایچون
استعمال ایلدیکی سلاحک سسندن و حرم دائره سنده تصادف ایتمیکی مخدراتده
استعمال سلاح ایلمسندن اکلا شلمغله ایچریده بولونان شریف پاشا حضر تلیزینک
داماد سامیلری صالح بک افندی درحال جانی مرقومک کیره بیلدیکی محله شتاب
ایتمش و خانن مرقوم میرمومی الیهده سلاح انداختنه باشلامش ایسده صاحب
شجاعت و بسالت اولان صالح بک افندی بالمقابله جانی جرح و قتله
موفق اولمشدر .

صالح بک افندینک قتل نفس کی بشریتک جریمه کبری عدایتدیکی برحاله جرأتی
محضاً « مدافعه نفس » و « مدافعه اولی القربی » مقصدیله وقوع بولدیغندن شرعاً
و قانوناً موجب موأخذله اولدیغنه باقیلیرسه فعلنک فضایحدن عدا ایلدیه جکندن
ماعدا نظر قانون و ملتده مدح و ستایشه لایق مفاخردن صایلمسی لازم کلیر .

بو صورتله وجود خباثت آلودی اورتدن قالقان جانی مرقومک « معاذ الله تعالی » حرم دائره سنده بولونان مشارالیه پاشا حضرتلریله حلیله و کریمه محترمه لری پرنسس حضراتی و سائر افراد عائله نجیانه لرینی قتل و شهید ایتک کبی بر فعل جنایت و خیانتدن حذر واجتناب ایتیه جکی درکار ایدی .



برنجی فریق شریف پاشا حضرتلرینک دامادلری حسنی پاشا زاده
صالح بك افندی

Husni Pacha Zadé Salih Bey Gendre de
S. E. Général Chérif Pacha

« جناب حافظ حقیق حضرتلری » پاشای مشارالیه حضرتلریله خاندان جلیل العنوان دولترینی بو کبی مصائب آئیمه دن حفظ و صیانت بیوره رق مالت و وطنمزه بر چوق خدمات مرغوبه و مقبوله ایفا سنه موفق بیورسون آمین .
یوقاریده دینلیدیکی کبی شریف پاشا حضرتلری ویردکاری قرار موجبنه اجتهاد دولتاری دائره سنده چالیشمقدن و دولت و مملکتی اتحاد و ترقی جمعیت ورؤسای متغلبه سنک ظلم و اعتسافندن قورتارمقدن کیرو طور میوب سنه لردنبری

ترکجه و فرانسزجه اوله رق پارسده نشر ایلدکاری (مشروطیت) غزنه سیله نشریات حقکویانه و خیرخواهانه لرینه دوام ایتمش و حرب عمومی ائناسنده همان بتون اجنبی مطبوعاتیلده آوروپا افکار عمومیه سنی دولت و ملتیزک لهنه ارشاد و تنویره چالیشمشد.

شریف پاشا حضرتلری دولتیز ایچون تعقیبی اهم و لازم اولان انکاتره و فرانسه سیاستلرندن ذره قدر آیرلاماش و دائماً انکاتره و فرانسه سیاستلرینک استیجاب منافعه غیرت ایتمشد.

حاصلی پاشای مشار الیه حضرتلری شو صوک اون سنه دنبری دولت و مملکت ایچون مالاً، بدناً پک بیوک فدا کارلقلار ابراز بیوره رق حیاتلرینی بالفعل تهلکیه القا ایله وطنیزه خدمت ایدن رؤسای مخالفینک الک بیوکی واک برنجیسیدرلر.

ابتدای انقلابده اتحاد و ترقی جمعیتنک پانقالی شعبه سنی ریاستنده بولندیغی صروده شریف پاشا حضرتلری طرفندن اتحاد و ترقی رؤسای معلومه سنه برحس وطنپروری ایله ارائه اولونان و همان اجراسی طلب ایدیلن تکلیفاتی رؤسای مرقومه قبول ایتمش اولیدی مملکت طبعی بوکونکی حاله کلمز ایدی.

شریف پاشا حضرتلری طرفندن وقوع بولان تکلیفاتده شونلردر.

عسکرلک سیاستله اشتغال ایتماسی. جمعیتک آرتق بر جمعیت خفیه حالندن چیقاروق جمعیت خیریه حالته کیرمسی. انتخابات اجرا ایدلدکدن صکره جمعیتک یالکز مجلس مبعوثانده سیاسی بر فرقه حالنده بولمسی. جمعیتک حکومتک احوالنه نامشروع بر صورتده قاریشمقدن و از کچمسی. مملکتده بولونان عناصر مختلفه حقوق متساویه سنک ادامه و محافظه ایدلمسی. انتخاباتک جبر و تضییقندن معرا بر صورتده سربست اجرا ایتدیرلمسی. ضابطان و امرای عسکریه نک جمعیتدن اخراجلریله متقاعد و مستعفی اولیان ضابطانک جمعیتده داخل اوله مامسی. اردوی عثمانینک هیچ بر فرقه نک خادمی اولیوب وطنک بر واسطه مدافعه سنی اولدیغندن جمعیتله تشریک مساعی ایتدیرلماسنه بغایت دقت و اعتنا ایدلمسی.

ایشته بو تکلیفاتده بولونان برنجی فریق شریف پاشا حضرتلری رفقای عسکریه سنه نمونه امتثال اولق اوزره درحال عسکرلکدن بالاستعفا بعدما سیاساتله اشتغال ایده جککرینی نشر و اعلان ایده رک برحس حمیت وطنپروری ابراز بیورمشلر ایدی.

پاشای مشار اليك بوجمله استعفا سندن ده اوركن جمعيت اتحاديه رؤساي استعفا لرني كيرو آلملري ايچون تشبثات ومراجعات ده بولندقلري زمان شريف پاشا حضرتلري طرفندن بالاده سرد و بيان اولونان تكليفات قارشوسنده تكرار قاهره مبهوت اولمشلاردر .

زيرا بو تكليفاتي قبول ايتمك رؤسا واركان جمعيت ايچون نا قابل ايدى .
پاشای مشار اليه تكليفات واقعه لرنيك عدم قبولى اوزرينه اتحاد وترقى جمعيتى ترك ايله آوروپايه عزيمت واوراده اختيار اقامت بيورمشلاردر .

مخالفت ووطن پرورليك يكانه حامى وعامللري اولان نخامتلو پرنس صباح الدين بك افندى حضرتلري ليله عطوفتلو شريف پاشا حضرتلري حقارنده اتحاد وترقى جمعيت ورؤساي خائنه سنك واقع اولان مفتریات و تعرضات لثمانه سى صرف منافع ذاتيه وملعونانه لرنيك تأمینی ايچون اتحاد ابدلش اكاذیب واراچيفدن بشقه برشى دكلدر .

حتى اتحاد وترقى رؤساي معهوده سى بومثلو مفتریات ايله صدر اسبق كامل پاشا مرحومه ده هجوم ايتمشر ومعلم محترم مراد بك افندى حقنده ده برچوق اراجيف نشر وعلانندن حيا ايلما مشلر ايدى .

صدر اسبق مرحوم كامل پاشايه ژورنالچليق اسناد ايتك بياضه قاره ديمك قيلندن اولديغندن بونكله مشار اليك شرفته نقيصه ايراث ايديله ميه جكنى بيله دوشونمكدن عاجز اولان جمعيتك آلچاق رؤساي (طنين) پاچاوراسيله « صدارت نامزدى كامل پاشا حضرتلرينك مملكت مزده مشروطيت اداره حقنده افكار ومطالبات حكيمانه لرى ! » سرلوحه سى تحتنده استهزا آميز برطرز تحرير ايله (مجلس وكلايه مأمور ايديلن كامل پاشانك عبد الحميده حسب العبوديه كيزلى وخصوصى معروضاتندن اولوب انظار عموميه عريض) اولنور ديه رك زيرده عيماً صورتى مندرج عريضه يي نشر ايتديرديلر .
طنين نمره — ۱۱۸۵ —

— صورت عريضه —

عرض وبياندن مستغنى اولدينى اوزرده قانون اساسينك موقع اجرايه وضعى حكومت مشروطه اصولنك قبولى ديمك اولوب بو اصول ايجانبجه اهالى به اداره حكومه اشتراك حق اعطا اولنش اولديغندن اعضاسى طرف اهاليدن مستخبل اولان

مجلس مبعوثان ارزوی اهالی به تبعاً ایفای وظیفه ایله اداره حکومت مدخله و دولتک قوانینی ایله بودجه سنی ایجاب حاله کوره تنظیم و تعدیل ایتک حقنی حائز اولدقلرندن بو اصولی قبول ایدن حکمداران اجراءات واقعه لرینی افکار عمومیه توفیق ایدرلر . شوالده مادام که دولت علیه لنجه اصول مشروطیت اعطایورلمشدر . دوائر حکومت سنیه بی تشکیل ایدن هیئت لر قاعده اصلیه سی اوزره ترتیب اولنه رق مأموریتلر اهالرینه تودیعیه تخصیصاتلرینک دخی کفایتی درجه ده تخصیصی مقتضی اولسلیله مجلس مبعوثانک اجتماعدن اول باب عالیجه بوجهتک اجراءاته مسارعت اولنسی تسکین هیجانه مدارکلی اولور . غفلت و یا اغماض عین اثر ایله اولسون هر نصیسه روم ایلی جانبندن وقوعه کلن قیام اهالی و اختلال عین استعدادده بولونان در سعادت خلقته ده سرایت ایدهرک صنوف اهالی جانبندن انواع نمایشلرله اعلان حریت و بعض مطالب نا مرضیه جه جرأت ایدلسی نزاکت حالی قات قات آرندیرمش اولدیغندن شو بجران سیاسی بی سلامتله کچیرمک ایچون اتخاذ اولنه حق تدابیر جمله سندن اوله رق قانون اساسینک مقتضیاتندن اولان اصلاحاتک بی دربی و اهل قیام طرفندن تکلیفات وقوعندن اول موقع اجرایه وضعی ایجاب حال و مصلحتدنددر . شمدیکی نمایشلر اظهار شادمانی و اعلان حریت طرزنده اولغله برابر مزعجاتدن اولوب حالوکه اختلال واقعک مرتبلی اوله رق آوروپاده مصرده و محال سائرده بولونان (ژون تورکلر) رؤسائینک قریباً در سعادت عودت لرنده بونلرک نشریات و تشویقاتیله دوام ایده جک اولان جمعیتلر دهانه کبی حال و حرکته بولنه جقلری مجهول اولسه ده هر حالده خلاف قانون مطالب وقوعنده رد اولنه بیلیمک ایچون اداره جه قانون اساسینک مقتضیاتندن اولان تشکیلات و تنظیماتک باب عالیجه بالاستیدان اجراسی حقنده شمدیدن اراده حکمتاده جناب خلافتناهی لرینک شرف اصداری ذات اقدس هایونلرینک از عاجاتدن مصونیتنی تأمین ایده جک تدابیر مهمه دن اولدیغنک حسب العبودیه عرضنه اجتناسار اولنغین اولبا بده وقاطبه احوالده امر و فرمان حضرت ولی الامر افندمزکدر .

مجلس وکلایه مأمور صدر اسبق

۲۹ جمادی الآخر ۱۳۲۷

قوللری کامل



اعلان انقلابدن برقچ کون اول سعید پاشانک صدارته تعیننده مجلس وکلایه

مأمور ایدیلین کامل پاشا مرحوم اوصرده صدر اعظم سعید پاشا نك متزددانه حرکتی جهتله اعلان مشروطیتدن طولای فوق العاده غلیانه کان افکار عمومیه نك تسکینی ممکن اوله مدینعی برصرده یوقاریده سعید پاشا نك صدارتی قسمتده بیان ایدلیدی وجهله برده حریبه و بحریه ناظرلری تعیین مسئله سی چیقار یله رق تشدید هیجانه سببیت و برلیدیکندن وذات شاهانه نك ده بوحال کشمکش قارشوسنده متلاشیانه ومنفردانه بر حالده بولندیغنی کورن کامل پاشا ظهوری ملحوظ اولان بر جوق فنا لقلرک اوکنی آلق وحر بیه و بحریه ناظرلری مسئله سی کبی بر مسئله ده اچیقارلامسی ایچون خاقان اسبق مرحومی بو عریضه ایله ایقاظ وقانون اساسی مقتضیاتی دائره سنده حرکتده دعوت ایدیور .

بو نه بر ژورنال ونه ده طنین پاچاوراسنك دیدیکی کبی کیزلی وخصوصی بر معروضاتدر .

بوعادتا کامل پاشا کبی ارکان حکومتک وبا خصوص اوصرده مجلس وکلا یه مأمور اولان و آتی نی کورن بر حکومت آدمی اولان مشار الیه ایچون یایلمسی لابد بر وظیفه در .

بو وظیفه یی ایفا ایدن بر ذات شایان تقدیر وتحسین ایکن جمعیت رؤسای معهوده سی اوصرده موقع صدارته کملارینه چالیشیان کامل پاشا موقع مذکوره کلدیکی تقدیرده آلمانیا سیاستنک تعقیبی ممکن اوله میوب منفعت ذاتیه وشخصیه لری سکتهدار اوله جنی خوفیله خاقان اسبق حضرتلارینه عرض وتقدیم ایدیلان عریضه یی نشر واعلان ایتمک و بو عریضه یی بشقه بر طرزده کوسترمک نه دیمک اولدیغنی اوزمان دکلسده شوصرده اکلامیه جق بر فرد تصور اولنه مز .

کامل پاشانک تقدیم ایدیکی بو عریضه ویا خطرله اوقوندیغنی زمان بتون دقایق دوشونمک مجبور اولان انسان پاشای مشار الیهک خاقان اسبق مرحومه نه دیمک ایستدیکنی اکلار وکامل پاشا بونکله شونی دیمک ایسته مش دیر .

« اصول مشروطیتی شکلاً قبول ایدو بده روحنه مخالفت ایلمک بر پادشاه ایچون فلاکتی موجبدر . چونکه پادشاهک رضاسیله یایمدیغنی شیاری اهل قیام جبراً یاپدیرر احوالده مفرط طلبلار وقوعیده احتمال داخلنده در . مادامکه اصول مشروطیت قبول اولندی ، بو اصولک روحی دوائر حکومته کیرملی واهل مأمورلر تعیین اولمیدر . مجلس مبعوثانک کشادنن اول حکومت شکل مشروطیتی آلمیدر ،

یوقسه اهالی خشنود سزاق کوستر طلبار آرتار ، اونلری اجرا ایچون اهالی قوته مراجعت ایدر ، خلوصله حرکت ایدیکز که بوحالردن مصون قاله سکر « ایشته بو عریضه ویاخطره نك معناسی ده صرف بوندن عبارتدر .

اگر کامل پاشانك شویان وتوصیه ایدیکی کبی حرکت اولنسه وجملهجه شکل حکومته حصوله کلن تبدل خلوصله قبول ایداسه ایدی ، انقلاب بشقه بر حال آلیردی . مملکت بیوک نزلالتدن مصون قاله رق ، برقاچ کون ظرفنده طریق سلامته گیردی .

بونی نشر ابتدیرن وایدن جمعیت رؤسای خانئه سی وطنین پاچاوراسی بونکله پاشای مشار الیهك شرفنه خلال وتقیصه کتیره مامشر وبالعکس شرف وشانلرینی تزئید ایلمشلردر .

ایشته بیوک ودکرلی ذواتی برر صورتله نظر ملتده لکه دار ایتمک ایستهین بو آلقاق رزیلر بویولده کی نشریات وحرکتلری ایله کندیلرینی دوشوردکلرینی بیله ادراکدن عاجز برکروه لا یفلحون اولدقلری ارباب ازعان ووجدان عندنده مسلماتدندر .

انقلابدن برچوق سنه اول استانبولده تشکل ایدن اتحاد وترقی جمعیتی مؤسسینی که اکثری الیوم مذکور جمعیت رؤسا واعضای کزیده سسیدر .

بو مؤسسین واعضانك اکثریتی تشکیل ایدنلر احمد رضا بك افندی حضرتلرینك رقابت ریاستنه قربان اولان معلم محترم ملت مراد بك افندی حضرتلرینك مکتب ملکیه ده حلقه تدریسنده بولونان طلبه ایله مکتب مذکور معلمینی ایدی .

درسعادته انقلابدن برچوق سنه اول مکتب ملکیه وطبییه طلبه لريله معلملرندن الک کزیده لرینك التحاقیله تشکل ایدن اتحاد وترقی جمعیتی مقام ریاستنه معلم محترملری مراد بك افندی بی متفقاً انتخاب ایتمشلردی .

مؤخرأ مشار الیه مراد بك افندی آوروپاده دخی جمعیت اتحادیه ره رئیس انتخاب وتعیین ایدلمش ایدی .

جمله بك حرمت ومحبتنه نائل واققدار واهلیت وآثار تاریخیه وقلمیه سیله طبقه قصوای اشنهاره واصل ایلان مراد بك افندی حضرتلری هر نصله احمد رضا بك افندی نك مظهر تقدیری (!) اوله مامش وکندوسنه ازهرجهت فائق اولان

مراد بك افنديك علمنه اوكوندن اعتباراً هجومه باشلامشدر .

احمد رضا بك افنديك مراد بك افندی به هجومی يالكز رياست چهنندن
اولميوپ برچوق اسباب دخی موجود ایدی .

احمد رضا بك غایت خیال پرست و پك زیاده متكبر اولغله برابر مراد بك
افندی حضرتلرینك یاننده آغز آچه میه جق درجهده جاهل اولمسی وهریرده
برنجی درجهده بولمق و بیوك كوزوكك و بیوكك كوسترملك ایسته مسی دخی
بوابده بر سبدر .

حتی بوابده مراد بك افندی بر اثرلرنده (احمد رضا بكك بتون طاتلی خلیالری
بنم آوروپاده و بالخاصه پارسده ظهورم ایله بر هوا اولمش ایدی) دیور .

ایشته خیال ایله مشبوع اولان احمد رضا بك بالطبع ارباب اقتدار و لیاقت
واصحاب حمت و وجداندن اورتهده کیملر واریسه برر درلو اسناد و افترا ایله
انرك وجودینی ازالهدن اجتناب ایتمز و عالده تفرد ایتمك ایستردی .

بو حال ایله متصف اولان بر آدم منافع ذاتیه سندن بشقه بر شیء دوشونه من
و مملكتنه خدمت ایده من .

نته کیم احمد رضا بكده رقیب عدایتدیکی ذوات عالییه و محترمه بی منفعت
شخصیه می اوغورنده اون سته دنبری درلو صورته اسنادات و مفتریاتنه فدا
و قربان ایتمكدن بشقه مملكتنه نافع بر خدمت ایفا سته مقتدر اوله مدی .

احمد رضا بكك اوغورینه فدا ایدیلان حمیتمندان و وطنپرورانك فوقنده
بولونان مراد بك افنديك قدر و قیمتی تقدیر اولنوب جمعیتك ریاستنده بولندیرلسه
ایدی . دولت و مملكتمز پك بویوك استفاده لر تأمین ایدر و جمعیتده عقلنه کان
فنالقری اجرا ایده مزدی .

نه چاره که مرحوم مراد بك افندی کی صاحب علم و عرفان اولان
حریتپروران :


بیانمز عارفك عصرنده اصلا قدر آثاری

حكّ خاكله سنجیده در نقد هنر دائم

مضموننجه حال حیاتلرنده مظهر تقدیر اوله میوب غیبو بت ابدیه لرنده آرانیه
كلمش اولدیغندن اوته دنبری نا اهللر النده قالان مصالح عباد محور لایقنده
جریان ایده میهرك مملكت فلا كتنن فلا كته دوشهرك بوكونکی حاله كلمشدر .

ادوار ماضیه دن زمان حاضر مدینه انتقال ایدن بو حس رقابت احمد رضا بك افندی یه ده سرایت ایتدیکنندن اون سنه دنبری دولت ومملکت مز بو یوزدن بر سوری خیال پرست جاهل و چولق چوچق النده قالمش ومع مافیه احمد رضا بکده اقصای املی اولان صدارت موقع عالیمنه نائل اوله مامشدر .

مراد بك افندی مرحوم شواون سنه ظرفنده جریان ایدن احوال اسف اشمالك بر چوغنی كورمش وشخصی حقنده اجرا ایدیلن وروا كوریلن معاملات غیر مرضیه وقانون شكمنه دن فوق العاده مأیوس ومكدر اولمش وبرچوق فلا كتلره دوچار ایدلمش اولدیغندن آه وانین ایچنده احمد رضا بکده ویتشدیردیکی طلبه سنه قربان اوله رق ترك حیات ایتمشدر .



میزان غزه سی صاحب امتیاز ومحرری معلم محترم
مراد بك افندی حضرتلری

Professeur Mourad Bey Proprietaire et Rédacteur
du Journal Mizan

مراد بك افندى مرحوم عصرمزده زوريتيشير مؤرخين ومؤلفين عظامدن
برذات ايدى .

مرحوم مشار اليه سنه لرحه تاريخ عمومى معلملىكنده (*) بولنديغى مكتب ملكيه ده
يتشديدكى طلبه نك تصديق ايدى جكلى وجهله غايت حميتلى ووطنپرور برذات
نادر الامثال اولوب سياستده « استاذ ملت » عنواننه بحق كسب استحقاق
ايلمش ايدى .

مراد بك مرحوم اخلاق حسنه مالک غايت نازك ومرتلى ايدى .
والحاصل مراد بك افندى مرحوم اوصاف مطلوبه يى حائز بر وجود قيمتدار
ايدى .

مجاهدۀ وطنيه و آثار علميه و قلميه سيله نامنى الى الابد پايدار ايتمش وضياع
ابد يسندن طولايي سنۀ ملتده برياره براقشدر .

برچوق آثار مطبوعه سى شهرتكير عالم اولوب باشلوجه سى شونلردر .
مختصر و مفصل تاريخ عمومى ، نسل جديد ، مجاهدۀ مليه ، تاريخ ابو الفاروق ،
تحريؑ استقبال ، حریت واديسنده برينجهؑ استبداد و سائر در .
هله (طائلى املار و آجى حقيقتلر) اثرى جداؑ نامنى تبجيل ايدى جك آثار
مخلده دندر .

مرحوم مراد بك افندى كې برچوق ذوات مقتدره و وطنپرورانك دعواى
رياست و تفردله افناى حيات و قتل و شهيد ايدلارينه سببيت و یرن احمد رضا بك
افندى حضرتلرى حقنده ده یراز معلومات و یرمكى مناسب عد ايلدم .

احمد رضا بك ، محررين عثمانيه دن و جمعيتك ايلك اعضا لرندن دوققور شرف الدين
معمومى بك افنديك (حقيقت حال) نام اثرلرنده محرر اولديغى اوزره انكليز
على بك دينكله معروف برذاتك خدوميدر .

احمد رضا بك افنديك درجۀ تحصيلنه كلنجه والده سى نمسلى اجنبى برقادينك
تربيهؑ آغوشنده بيومش و والده سندن نه تربيهؑ عثمانيه ونه ده وطنه و ملتنه قارشى
درس محبت و حميت آلمغه موفق اوله مامش و آورو با مكتبلرنده ده یدى ، سكرسنه
قدر بولمشددر .

(*) مرحوم مشار اليه ديون عموميهؑ عثمانيه قوميسرلىكله شوراي دولت اعضا لفنده و سائر
مأموريت مهمهؑ دولتده دخى بولنش و ميزان غزته سيله ده عالم مطبوعاته خدمت ايتمشدر .

پارسی علم زراعت تحصیل ایدن احمد رضا بك برمدت بروسه اعدادیسی
وزراعت مکتبی معلم ومدیر لکنده بولنش ایدی .

مشروطیت وحریت پرور (!) اولان احمد رضا بك افندی بروسه ده بولندی
صره ده اوراده انتشار ایدن ادبی واسبوعی (فوائد) و (نیلوفر) جریده ورساله لرینه
نثرا و بعضاً نظماً ادبی مقاله ومنظومه لر تحریر ونشرینه یلتنیر وایام رسمیه ومبارکده
سلطان عبد الحمید خان ثانی حضرتلری حقنده مدحیه بی حاوی منظومه لر چفتجی
رضا امضاسیله نشر اینتدیرردی .

بو مدحیه ومنظومه لری ایله استفاده سنی تأمین ایده مین احمد رضا بك بروسه دن
آوروپا یه عزیمتی واورادن تأمین منافعه خدمتی ده موافق کوردیکندن ازمدت
ظرفنده بروسه بی ترک ایله پارسه صاوشمش ایدی .

پارسه صاوشمش واوراده اختیار اقامتی کویا تحصیل علوم ایچون ایمش .
حالبوکه (حقیقت حال) رساله سندن عیناً نقل اولونان شویانات آتیه —
پارسی مدت اقامتی ظرفنده نه تحصیل ابتدیی هرکجه مجهول وعلم زراعت
اوکرندیکی کندیلرندن منقولدر . کندیسنگ هیچ برشعبه علمیه وفنیده وقوف
جدیسی اولدقدن بشقه خرده فروشلق درجه سنده معلومات عمومیه دن ده بی بهره
وبی نصیبدر . علوم ریاضیه وطبیعیه نك دقایقنه دکل مبادیسنه دائر برمحاوره آچیاسه
بو بؤک بر اثر جهل ابراز ایدر . ممالك عثمانیه نك احوال تاریخیه وجغرافیه سی ،
امور اداره وداخلیه سی خاطره سندن بیله کچما مشدر . ترکیه بی هرکس قدر بازار
اوقور ولسان مادر زادم دکل دییه بیان ممنونیت ایلر . لسان مادر زادی اولان
آلمانجه ایله پدرلرینک لقبنک لسانی اولان انکلیزجه دن برکله بیله بیلمز .
فرانسزجه ده کی ملکه سی فرانسه ده کی مدت اقامتی ایله معکوساً متناسبدر .
یازیلرینی ، اخرك قلم تصحیح وتعدیلندن کچمکسزین باصدیره ماز . رضا بکک
پارسیه وقف نفس وحیات ایلدیکی برشی* وارسه اوده (پوزی تیویزم) مسلک
فلسفیسیدر . عمرینی عطالت وبطالت ایچنده کچیرن تنبللر کی ، زوالی احمد
رضا بك ده بیلمدیکی ، اکلامدیغی (پوزی تیویست) صالونلرنده صقال اوزامش
بیهوده عمر کچیرمشدر . بیلمدیکی ، اکلامدیغی دییورم ؛ چونکه فلسفه ، زبده
علوم و خلاصه فنون دیمک اولوب علوم وفنونده بهره تامی اولان کیمسه لرك اشتغال
واستفاده ایده بیله جکی بردرس حکمتدر . یوقسه مبادیلرینی بیلیمیه جک قدر سرمایه

علمی زوگوردی اولانلر ایچون فلسفه ، اکلاشلماز بر معما ، مغلق بردستور ، ایچندن چیقلماز بر باطقدر — رضا بکک درجه تحصیل واقتدارینی کوستردیکندن بوبابده بشقه برسوز سویلمکه حاجت یوقدر .

اتحاد وترقی جمعیتک علامه بی مدانیسی اولان احمد رضا بک افندی بو درجه جهل مطلق صاحبی اولدینغی مجلس مبعوثان ریاست واعضالغنده دخی اثبات ایتدی .

یالکز کندیلرنده بر مزیت وارایسه اوده کبر وغرور وکین وغرضدر ، عظمت وغرورلرینه فدا ایدیلان معلمین مقتدرین ورجال سیاسیون صرف احمد رضا بکک حرکات جاهلانیه سنه ومشار الیهک سودای ترقی وتغذینه قربان ایدلمشدر .

یوقاریده دخی دینلریکی وجهله استانبولده حریتپروان طرفندن تاسیس ایدیلان اتحاد وترقی جمعیتی ابتدای تشککنده مقصد تأسیسی ظلم واعتسافه نهایت ویرمک وعثمانلی قوم نجیبینک محتاج ومستحق اولدینغی حریت وعدالتی استدعا واسترحام ایلیمک ودولت ایلله ملت آردسنده منکسر ومنقطع اولان رابطه امنیت ومحبتی تجدید وتغویه چالیشمق کبی صاف وخالص برامل وارزوی وطنپورانه ومقصد حمیتکارانه ایلله ملتداشارینی دائره اتحاد واخوت وغیره دعوت ایلیمش ایدی .

اوزمان بوصورتله تأسس ایدن مذکور جمعیه ارباب حمیت وناموسدن واصحاب اقتدار ولیاقتدن برحقوق ذوات داخل اولدینغی کبی شخصمندن ، نفسندن غیری دنیاچه بر دوشونجهسی اولیلان دولت ومائنه قارشی برحس محبت بسله مین بعض خائن وخبیثده حمیت ووطنپورلک نقاب وکسوهسی التنده بو جمعیه بالطبع داخل اولمشدری .

ایشته ارباب حیثیت ووجدان میانیه کندیلرینی ادخاله بو وجهله موفق اولان بوخان خیشلر عالمه کندیلرینی وطنپور کوسترمکه باشلامشدر .

احمد رضا بک افندیده بو حمیت کسوهسی التنده کندیسینی اخفا ایدهرک جمعیه داخل اولانلردن بریدر .

مشار الیهک شخص وعظمت وغروری پک کنج اولان جمعیت منسودیننی آلدائمش ورضا بک جمعیتجه مهم موقعلره چیقارلمش وبرمدت صوکره نه مال اولدینغی اکلاشلیمش ایهده منتسبین جمعیت دوستلرینی مایوس ودشمنلرینی مسرور ایتمکدن اجتناباً مدت مدیده احمد رضا بکک سیئاتینی ستردن کیر وطورمامشدری .

احمد رضا بك افندی حرکات عقلیه وجاهلیه سندن ناشی سیئاتنی تزیید و تشدید ایتمش و آوروپاده جمعیت افرادی حقننده روا کورمدیکی حقارت و چویرمدیکی دولاب مفسدت قلاماش و اعضای جمعیتك جمله سنی کوجندیرمش اولدیفندن موی الیهك تبدیل مسلك و اصلاح حالی مرحوم مراد بك طرفندن تعهد ایدلمش اولدیفندن مرحوم مشارالیه احمد رضا بك تبدیل مسلك و اصلاحنه جمعیتجه مأمور ایدلمش ایدی .

هر تدبیره باش اوردیفنی حالده تبدیل مسلك و اصلاح حال ایتدیریله میه جکی مراد بك افندی ایله رجال جمعیت طرفندن اكلاشدیفندن دفع مضرتی چاره سی دوشونلمش و هیئت اداره جمعیت احمد رضا بكك صوك قباححت و خباثتنی اورتیه قویمش و مشار الیهی جمعیتدن طرد و رابطه سنی قطع ایدلمش ایدی .



مجلس اعیان رئیس احمد رضا بك افندی حضرتلری

Ahmed Riza Bey Président du Sénat

ایشته جمعیتدن طرد و اخراج ایدیلن احمد رضا بك افندی اولزمان سوت دوکمش کدی کبی بر طرفه چکلدیکی کبی جمعیتك نه بو قرارینی پروتست و نه ده

معصومیتنی دعوی ایله مدافعهٔ نفسه مقتدر اوله مدی . زیرا کندیس ده قباحتنی وسیئات سابقهٔ متسلله سنی بیلیدی . احمد رضا بکک جمعیت اتحادیه ده دخولی و نامناسب حالاته اجتساری جمعیتک ارباب ناموس و حیثیتدن اولان مؤسسن ورؤساسندن بک چوغنی کوجندیرمش اولدیغندن بونلردن بعضیلری قبل الانقلاب جمعیتی ترک ایتمش و بعضسی دخی بعد الانقلاب جمعیتی ترکه مجبور اولمشدرکه جمعیت احمد رضا بک و امثالی مطرویدن ایله بر طاقم اشرا و اشقیای شریره النده قاله رق بوکونکی حاله کلمشدر .

اگر احمد رضا بک منفعت ذاتیه سندن زیاده منفعت وطنی دوشونک خاصه سنه ذره قدر مالک اولسه ایدی . بالطبع نه کندی جمعیلری محو اولور ونه ده مملکت اضمحلاله دوشردی .

بو بویه اولدقدن صکره آرتق نه احمد رضا بکک ونه ده سائر رفقاسنک بو دولت و مملکتده اوینایه جقلری او بونلر قالدیغندن سسلرینی چیقارمق چسارتنده بونیمه رق مملکتی بوندن صکره اولسون فلا کته سوروکلمکدن کندیلرینی منع ایلملری اقتضا ایدر .

جمعیت اتحادیه نک صورت تشکل و تأسسنده احمد رضا بک و امثالی کبی ذوات و اون سنه دنبری مملکت مزده میدان اوقویان اتحاد و ترقی جمعیتی اشرای خائنه سی داخل جمعیت ایدلماش اولسه ایدی . بلکه بوکون اتحاد و ترقی جمعیتی نلمندن و افاردندن کیمسه نفرت ایتمز ولعنتمخوان اولمازدی .

غرابت شوراده درکه احمد رضا بکک بو درجه جهل و حقی ایله برابر اون سنه دنبری موقع اقتدارده بولمشدر . بوکا بردرلو عقل ایردیره میورز احتمال ایجاب طالعدر .

یوقاریده بیان اولندیغنی اوزره اتحاد و ترقی جمعیتک دردنجی دفعه انعقاد ایدن قونقره سنده (حزب جدید) حقنده ویریلان قراردن بشقه برحق قراردها ویرلش و مرکز عمومی اعضاسنک یدی کشیدن اون ایکی کشی به ابلاغی ده قرارگیر اولمشدر . بر موجب قرار اتحاد و ترقی جمعیتی مرکز عمومی اعضالغنه انتخاب اولونان اون ایکی اعضاده (حاجی عادل ، طلعت ، احمد نسیمی ، علی فتحی ، خلیل ، ضیا ، صبری ، دوقتور ناظم ، مدحت شکری ، ایوب صبری ، حسین زاده علی ، ناجی) بکلردن عبارتدر .

بودند نجبی قونقره کولنج اولمقدن زیاده جمعیتک مقاصد خائنه سنی ارائه ایدر بر صورتده بتون افراد ملتی اتحاد وترقی اعضا سندن عدایتیش وبالعموم اولاد وطنی اتحاد وترقی بیراغی التنده مجتمع کورمهک دعوت ایلمشدر .
 بو قرارله مشروطیتپرور (!) اتحادجیلر اداره مشروطهده مخالف کورمک ایسته مدکلرینی ارائه واثبات ایله منفعتپرست ومستبد اولدقلرینی میدانه قویمشدر .
 دردننجی قونقره بونکلهده قالمامش و بویکی مضحک هذیانلرده بولمقدن کندیسنی آله مامش ایدی .

از جمله باشلوجه هذیان ومسخرهلقدن بریده لوامی اتحاد التنده اجتماع ایتیه جک اولانلری اتحاد وترقیه اعلان حرب ایتیش عد ایدیور وحقی عثمانلیقدن اخراج ایدیور . بونلر بزدن دکلدنر واوله مازلرکی برطاقم هذیانلرده بولنیور .
 بو جمعیت عثمانلیق نام مبیجلی کندیسنه مال ایدیور . جمعیته داخل اولیانلری عثمانلی عد ایتیور .

شاعر مشهور حسین کامی بک بر منظومه شنده آئیدهکی مصراعلرله اتحاد وترقیه بر درس عبرت ویرمش ایسهده بوندن بی خبر اولان جمعیت متنبه اولمامشدر .
 یا شرف ویرمک کرک عثمانلیق عنوانه
 یا که آرتق ترک نام وشان عثمان ایتملی !

عالی اتحادجی ایدهرک منفعت شخصیه لرینی تائمینه چالیشن جمعیت رؤسای با الله عثمانلیلری اتحاد بیراغی التنده کورمهک چالیشمیورده زمان مشروطیتده دولت وملتک ایچون چالیشمق وجوینی بیلسه و عثمانلیق عنوان مبیجلنه شرف ویرمهک موزق اولسه ایدی .

بو یولده قونقره قرارلریله وسائر کونا تهدیدلرله ملتی اتحاده جلبه لزوم کورلر وملت عثمانیه اتحاد وترقی نامنی تبجیل ایدر و جمله خلق اتحاد وترقیه انتساب ایلردن .

حالوکه جمعیتک اون سنه لک اداره مستبده سی شان وشرف عثمانیه جدا تقیصه ایراث ایتدیکندن عالی جمعیتلرینه دعوت ایدن بو شیرلر عثمانلیق نامی تحتنده یاشامغه لایق اولدقلرینی اکلاملی ونام جلیل عثمانی بی اغزلرینه آلمه رق دفع اولوب کیتیلدرلر .

چونکه بونلرک بر چوغی عثمانلی اولدقلرینی بعض مسائلده ارائه اثباته

تثبت ایدن سرسر یلردر .

بیتنی اثر عاجزی به مقدمه و سرنامه اتخاذ ایلدیکم شاعربی نظیر مرحوم اشرف بک (*) اولجه تنظیم ایلدیکی (تصویر احوال) نام منظومه رعنا ، بو شیریرلرک زمانه موافق و مطابق کلدیکندن اشرف ایچون وسیله رحمت و کنجلرده بر نصیحت اولق اوزره عیناً زیره نقل و درج اولندی .



اطنه والی معاون اسبقی شاعر بی نظیر

اشرف بک افندی

Echref bey

Célèbre poète satirique turc

(*) شاعربی نظیر اشرف بک مرحوم برجوق قضا قائمقامقلرنده بولنش واک صوک مأموریتی اولان اطنه و لایق والی معاونلکندن تقاعد ایدیلرک از میر داخلنده قرق اغاج شهرنده اختیار اقامت و اوراده ترک دغدغه حیات ایشدر .

(تصویر احوال)

اغارمش صاحبلم برطاغ باشنده قاره دونمشدر
اوطاغك داممنده كوزلم انهاره دونمشدر
بتون موی سیاهم بم بیاض ازهاره دونمشدر
تمده جوهرجان بر چكلمز باره دونمشدر

جهانه كلدیم كوندنبری بك چوق جفا كوردم
ازیلدم بارغم التنده بیک درلو اذا كوردم
دكل بیكانه لردن آشناردن بلا كوردم
وجودم عالم سخته بر بپاره دونمشدر

فلك غایت دونك دنیاده برجلاد مدهشدر
ایچندن حیقمسی بومشكلاتك خیلی برایشدر
دكرمن صانكه ییل، آی چرخ، ایامی برردیشدر
ایچنده آدم اوغلی بر اوافق چاوداره دونمشدر

موقتدر اگر حکم ایلسهك دنیایه سرتاسر
چیقار آخر الكدن بیک یرندن باغلهسهك چنبر
جهانه صیغمامشكن بر مزاره صیغدی اسکندر
واروب باقسهك اوده شمدی ییقق برغاره دونمشدر

سن ایستربوینكه ایپ طاق دیلر جوهرلی قوردون طاق
بودنیادن نصیبك اك نهایت بر آوج طوپراق
بقاسی وارمی دهرک دبدء امعان ایله برباق
نیجه معموره عالم خرابه زاره دونمشدر

نه اولمش اولسه آدم قالمامشدر ذوقی دنیانك
هله مأمور اولورسه راحتى اولماز بر انسانك
حكومتلرده فریادی چكلمز لاله كیرانك
فلك حجاج ظالمدن دها غداره دونمشدر

طویان یوق سویلمه باشكده بیک درلو بلا اولسه
امین اوله صاقین بر شخصه حتی اولیا اولسه

صوقار عقرب کبی فرصت بولنجه اقربا اولسه
بتون ابنای آدم بر زهرلی ماره دونمشدر

کوروده صورتا بر زاهدی ظن ایتمه بیچاره
آچار ایستسه تیغ جور ایله سیننه کده بیک یاره
ویرر اول نصیحت صوکره انساندن آلیرپاره
بیوک کمرکده واعظ صانکه بر سمساره دونمشدر

بیولارجه جهانده عاجز الدامق درایتدر
یلان سوز سویلمک اونارجه کویا بر ظرافتدر
کوچککردن صدور ایتسه فقط بونلر جنایتدر
بیوکک سینائی ستر ایچون آستاره دونمشدر

چالار بر کیمسه یه بر کیمسه تفویض امور ایتسه
دوزلز بعدما اخلاقمز مهدی ظهور ایتسه
قالیر آل قان ایچنده یاره دن هرکیم مرور ایتسه
طریق استقامت بر مغیلا نزاره دونمشدر

صاقین مایوس اولوب دونه طریق خیرخواهیدن
ثریایی ترا ظن ایتمه فرق ایت ماهی ماهیدن
کوچکدر باب عالی باب درکه الهیدن
انک یاننده بو سوراخ مور و مازه دونمشدر

قوشامش ملک اسلامی سرایا دشمن دولت
کسوفه اوغرامش خورشیده دوش عادتالم
مظالم قاپلامش اطرافنی ، قانون حریت
ظلام ایچنده پارلایان انواره دونمشدر

می ایچمک انتحار ایتمک دیعکدر کرچه بالتدریج
دوشونمکه ورم اولمقدن اولی در دیلرسهک ایچ
ولکن حرمتنده اولماسون واقع قصورک هیچ
بزمنچون چونکه می اغیاره بکزر یاره دونمشدر

قاجار آهوی حریت جهالت یاده کلدکجه
نباعد ایلر عقلی باده نوشک باده کلدکجه

سحر وقتنه بلبل دم چکوب فریاده کلدکجه

نشاطندن کوکل بر بلده احرا ره دوعشدر

آکلدقجه جهالت ایله چین جین اظهار

جهالت اوزره غالب معرفت ایسترایسه ک معیار

ژاپونیا چینه اسقاط جنین ایتدیردی آخرکار

اوملکک شمدی حالی بنده کی افکاره دوعشدر

جهانده وارمیدر بزلر قدر بیلم غرض معتاد

کورورسه ک کیمده آتار لیاقت ایلر زبر باد

ایدلزی تأسف بزه کی ارباب استعداد

حبسه اویقودن محروم اولان بیداره دوعشدر

اولوری جاذبه سیر ایله هر محبوب کلغمده

کمال اولماز مکاتبدن یتشمش هر بر آدمده

شهادتنامه لی جاهلی ایسترسک بو عالمده

معارف شمدی بزه میوه سز اشجاره دوعشدر

جهالت آدمی محروم ایدر هر بر سعادتدن

جهالتدر جهانده وارایسه اشع اسارتدن

اوزاغه کیتمه (اشرف) بوقینلرده جهالتدن

قوچه بر ملک اقبالی باق ادباره دوعشدر

شاعر اشرف شو منظومه سیله ده بی نظیر اولدیفنی کوسترمشدر .

اشرف مرحوم شعرای قدیمه وجدیده آره سنده آزی تیشیر بر شاعر ایدی .

طرز تحریری اعتباریله اشرفه بکزر نه زمانغزده بر شاعر وارونه ده آرتق

یوندن صوکره او طرزده شعر تنظیر ایده جک بر آدم یتیشه جکنه امید وارز .

زیرا زمانغز کنجلی نحد پرستک کوسترمک هوسنده بولندقلرندن شعرای قدیمه بی

بکنمک شویله طورسون اوچ ، بش سنه اول وفات ایدن وزمانغزده یتیشن

اشرفی بیله تقدیر ایتمز لر ظننده بم .

شعر وانشا مزده کنجلمزک آوروپا مقدلکی بوزندن غائب اولوب کیدیور .

هرنه ایسه اشرف مطبوع وغیر مطبوع بر چوق اثر تنظیر وتنظیمنه موفق

اوله بیلمش ونامنی الک بیوک شعرا صره سنه ادخال ایلمشدر .

نامنی الی الابد پایدار ایده جک آثار مطبوعه سندن بمضری شونردر .
 دجال ، استمداد ، حسبحال ، شاه پادشاه ، ایرانده یانغین وار .
 اشرفک بونردن بشقه اتحادیون علمینده بر طاقم بیت وقطعه لری واردرکه غیر
 مطبوع اولوب شونک بونک النده قالمشدر .

اتحاد وترقی جمعیتک طاعندنی؟ بوقسه مملکتتمزک طالعسر لکندنی؟ شواون سنه
 ظرفنده جریان ایدن احوالی نسل آتیمزه برر صورتله اکلالته جق درجه ده آثار
 نشر ایده بیلله جک اشرف وامالی ذواتک وفاتلری حقیقه موجب تأسف و تأثردر .
 ایشته اتحاد وترقی جمعیتی رؤسای خائنه سنه شواون سنه ظرفنده فلک دخی
 مساعد طاوورانیدی حالده مملکتی دوزلتکه کلن بو سرسریلر دوزلتک شویله
 طورسون آلتنی اوستنه چویرمشلردر .

هرکسک معلومی اولیدی اوزره بورزیلار درسعادت وولایاتده انتخابات
 زمانلنده ده لا بعد ولا یخصی جنایتلر وظلملر اجرا سندن چکنامش ومنتفعت
 ذاتیه وشخصیه لرینک تأمین ایچون چالیشدقلرینی عالمه ارائه ایتمشلردی .
 بویولده حرکتلرینی مشاهده ایدن ملت بو آلچقلردن دهانه منتفعت
 بکله یورلردی که بونلرک سنه لجه دوام ایدن ظلم وغدرلرینه کردن داده انقیاد اولمقدن
 کیرو طورمدی ؟

قانون اساسی حکم منیفنجه حق انتخابه مالک اولان افراد ملت ندن بوشریلر
 طرفندن صندوق باشلرنده بر طاقم حریتپروورانک صوبلار ، قمارلر ، پیچاقلر ،
 رولورلر ایله ضرب وجرح ایدلکلرینی و انتخابات صندوقلرینه وضع ایدلکاری
 اسامی بوصله لرینک صندوقلرک آلتنی آچمق وصور سائره ایله صندوقلردن آشیرمق کی
 معاملات غیر قانونیه لرینه تحمل ایتدیلر ؟

ندن افراد ملت جمعیت اشراسی طرفندن ویریلن براق غروشه مقابل
 انتخابات زماننده کلاهلرنده حریت ، عدالت ، مساوات یازیلی بر طاقم
 سرسریلرک شهرلده اجرا ایتدکاری مظالمه سکوت ایله مقابله ایلدی ؟
 ندن الکی زیاده اجرای رزالت وخبائت ایتدکاری از میرده اونوزر ، قرقرکشیمک
 اتحاد اشقیایچه لرینک سرخوش وجانی افرادی صندوقلر باشندن دفع وطرده موفق
 اوله میوبده هر صندوق یاننده افراد اهلیدن بوزلجه مظلومینک ضرب وجرحنه
 میدان براقدیلر ؟

حریت نام وکسوه سی التنده تجمع ایدن اتحاد اشراسته ، مشروطیت وحریت اولان بر مملکتده بویله صوبا وسلاحله می انتخابات اجرا ایدیلور . بوکا مشروطیت وحریت دینیلورمی دیه بر سوال وارد اولسه انلرده عجبا نه جواب ویره ییلورلر ؟

بورؤسای معهودهء معلومه نك ملتك آغزینی آچه میه جق درجه ده یابدقلى ظلم وتعدى یوزدن ملت برسوز سويلمكه مقتدر اوله مامش وبوشر لرلر همپاريله برابر برچوق اویون اوینامشدركه اهالی حریت ومشروطیته لعنت ایتمك درجه سنه کلمشدر .

طیعی بویله رزالتر وقانون شکنانه حرکتلر ومستبدانه معاملات وظالمانه جنایات ایله مشروطیت وحریتی کندی منفعتلرینه آلت ایدن اتحاد اشقیاسی اون سنه دنبری مملکتمزده مشروطیت یوزی کوسترمامش واهالی مملکت مشروطیت وحریتك نه اولدیغنی اکلايه مامشدر .

رؤسای اتحادیون بویله ظالم وملتده مظلوم اولنجه مشروطیت وحریت دینیلن شیتك نه اولدیغنی اکلاشيله ماز .

حریت وعدالت ومساوات اعلان ایدن بانئ مشروطیت اتحاد وترقی جمعیتی انتخابات زماننده از میرده انتشار ایدن مخالف غزتلری صاتان وبا خصوص (مساوات) غزتمی متعهدنی مذکور غزته یایی اولستدن طولای زقاق اورته سنده ضرب وقها ایله جرح ایتدیردیکنی وانتخاب یوزدن برچوق جنایت ارتکاب اولندیغنی کورن مذکور (مساوات) غزته سی مدیر فضائل انیسی مجاهد غیور حافظ اسماعیل افندی حضرت نك بالیده سويلدکلى قطعه وارد خاطر اولنله شوراجعه درجه مجبور اولدم .

— قطعه —

انتخابك بزده کی اشكال خون آلودینه
نفرتم مزداد در باقدچه مشروطیته
لنعت اولسون نرده اولسه م سويلرم پروام بوق
بویله جمعیت اسیری مستبد حریته

شو قطعه دنده معلوم اولدیغنه کوره ملتك هر بر فردی اون سنه دنبری مشروطیت وحریتدن بر اثر کورمندیکنی قیلا وقلاما سويلمور .

مومی الیه حافظ اسماعیل افندینک مصرده نشر ایلدیک (مساوات) غزته سندہ
« صاعقه مساوات » سرلوحه سی التندہ کوربان منظمه آتیه سی دخی عینا
شورایه نقل ودرج ایله تزیین صحیفه ایلدی .

— صاعقه مساوات —

طالع ناسازی برکده یار ایتسون ده کور
یک قلمده کنجی آلسون اختیار ایتسون ده کور
اتحادیونه دنیایی مزار ایتسون ده کور
سن (مساواتی) قریباً انتشار ایتسون ده کور

مقصدی ، تأسیسی دور عدل و انسانیتک

نشر و تعمیمی وطنده نعمت حریتک

مسلمکنده کیمسه دن پرواسی بوقدر حضرتک

سن انی ارباب ظلمی خاکسار ایتسون ده کور

یوق قوینک حق آرتق برضعیفی آزمکه

سفلک ایدوب بیک خون معصومی ایچنده یوزمکه

مفتخر قانله ، جنايتله جهانده کزمکه

سن انی ترک مقام اقتدار ایتسون ده کور

ظالمی - انسان ایسهک - احبابه حصر همت ایت

بکلمه اللهدن امدادی سن ده غیرت ایت

انتقام المقله اوندن حق وعده خدمت ایت

سن اوعدلی ، حق جهانده پایدار ایتسون ده کور

بعضی غدار مخلقک ، اکثری مغدور در

ظلمت چهل ایچره مدفون جمله سی مغدور در

اتلری تنویر ایدر فیض معارف نور در

سن اونوری ، عاقبت ایلی مزار ایتسون ده کور

شرقه استیلا ایدن بر دشمن مشغوم در

قوم آلمان ، که او یوزدن اولدیلر معلوم در

ارمنی ، روم و عرب ، ترک جمله سی معصوم در

سن بوملتار او یانسون اخذ ثار ایتسون ده کور

رفع و احای مظالمکن اساس اتحاد
باق نه حاله اولدی منجر اولله عالی اجتهاد
شمدی هر بر عضوینک اوستونده بیک خون عباد
سن اوقانلی اتحادی انکسار ایتسونده کور

ویردیلر بی چاره ملکی - قانیدیلر - آلمانلره
ملتی غرق ایتدیلر باشند باشه آل قانلره
قانلیدیلر بیگانه حتی قونیه به ، بالقانلره
سن اواسکی یوردی مولا بختیار ایتسونده کور

خاندان (آل غنائف) ظلمتک مظلومی در
اولله جمعیت ، که حالی جمله نک معلومی در
خادم ویلهلمدر بونلر ، انک مخدومی در
سن او ویلهلمی ، لوید جورج تارمار ایتسونده کور

یوقی مشروطیتک بر فرقی استبداددن
أولدرک معصومی محروم ایلک امداددن
صکرة دهشت دورینی ایجاد ایدک بیداددن
سن اودوری ، دهشتندن انتحار ایتسونده کور

دور دهشت ، آه .. هر آنک ، که غدار ودنی
قانیدیلر دور حمیدیلر ده سویلتمه بنی
نفی و اعدامه مهیا بریغین ترک ، ازمینی
سن او مظلومینی الله کامکار ایتسونده کور

ایتدیلر باشند باشه اعدام حیفا ملتی
بیقتدیلر بش اون قدر اهل مظالم دولتی
قانله تلویث ایتدیلر ناصیه حریق
سن اووجه پاکی مولا شعله دار ایتسونده کور

آفرین بر بویله کونده رأسه کلمش أرلره
دولتک طاق بلند شانی دوشدی یرلره
قالدیی خارجده جانی برباقک دفترلره
سن اودفترلر اوقونسون ذکر یار ایتسونده کور

وارمی تاریخنده تدقیق ایتدیگزمی دولتک
برلشوب دشمنله محو اولقمی کاری ملتک
یوقی حامیسی صانیرسک مسلك حریتک
سن اوحریت بوملکی سایه دار ایتسونده کور

باق شوسوزده حرب دینی به ، دوشون برعبرت آل
کعبه بی ، قدسی ، عراقی واقفانه فکره طال
جرات و خسرانکک انواعنه حیرته قال
سن اوخسرانی سکا تاریخ بار ایتسونده کور

بر زمان ، که روسلر اسلامه صولت ایتدیلر
انکلیزلره فرانسزلر ، صیانت ایتدیلر
قاناریله دولتی ابقایه همت ایتدیلر
سن اوملتلر بونکله افتخار ایتسونده کور

روم ایلی بی کیمدی (برلین) ده اعاده ایتدیرن
بلغارستانی کوچولتن ، بوسنه بی ابقا ایدن
هانکی دولتمدی سنی اصلاحه اقدام ایله بین
سن بو نعمتلر ثنایه افتقار ایتسونده کور

بک یازیق احسانه قارشو بز أسائت ایلدک
ترک ایدوب حریتی میل أسارت ایلدک
دوستلره اعلان حرب ایتدک ، جنایت ایلدک
سن اودوستلر دشمنی مغلوب وزار ایتسونده کور

دولتک تاریخ استقلالی ، لکن شانلی در
قوته قارشی قویان ، ضعفی طوتان عثمانلی در
حق ، احسانی طانیر عثمانلیلر وجدانلی در
سن اووجدانسز حکومت برقرار ایتسونده کور

اتحاد وترقیقک اوظالم وخونخوار رؤسای منفعت ذاتیه وشخصیه لری اوغرنده
هیچ بر فناالقدن اجتناب ایتماش کرک انتخاباته وکرک سائر اوقاتده وطنمزه
جنایات متعدده اجرا ایلمشدر .

ایشته بو جنایات ومظالم نتیجه سیله مملکت بوکونکی حال فلا کنه کلمشدر .

فارماصون وسیونست اولادی و آلمانیا ایمپراطوری ویلهلمک بنده خاص
الخاصی اولان اتحاد و ترقی جمعی ذره قدر وطن و ملتیه محبت و خدمت ایتمکی
عقلنه کتیرمش و توارخ متعدده عطف نظر ایتمش اولسه ایدی .

جهانگیر اولق سودا سنده بولونان آلمانیا ایمپراطوری ایکنجی ویلهلمک حرکات
مجنونانه سنه قابیلهرق دولت و مملکتی بو فلا کته دوشورمزدی .

زیرا تاریخ عالم کوستریور که شمسی به قدر توسیع ممالک و جهانگیرک خلیا
و سودا سنده بولونان حکمداران سالفه دن هیچ بری بو خیال خامه موفق
اوله مامش و یکمسه باشند باشه دنیایی ضبط ایده مامشدر .

تاریخه عطف نظر ایدیلورسه ، جهانگیرک سودا سنده بولونان حکمداران
سالفه نیک بیوکری اولان کیخسرو لر ، دارالر ، اسکندر لر ، هلا کولر ،
تیمور انکدر و سائر بیله فتوحات عظیمه لریله امل وارزوی جهانگیرانه لرینه موفق
اوله مدقدن بشقه بعضاریده حکومتهارینی ان قدر بره رق محو و پریشان
اولمشاردر .

تاریخ اورته ده یکرمنجی عصر مدنیته کی ترقیات فنیده میدانده ایکن
عسکرینک تعلیم و تربیه سنه کوفونه رک بالمعزم دولته میدان اوکورجه سنه
اورتهیه آتلمق کی حرکات مجنونانه بولونان آلمانیا ایمپراطوری ایکنجی ویلهلمک
تشویقات و اغفالات مغرورانه سنه قابیلهرق قدر اثر حجت ابراز ایدن اتحاد
و ترقی جمعی رؤسای خائنه سنده دنیای لازم گیرسه دیناسنی عقلای ملت
واصحاب درایته حواله ایده رز .

اتحاد و ترقی جمعیتک میدان انقلابه آتدینگی بیک اوچ یوزیکرمی درت سنه
رومییه سندن اول و صوکره فارماصون وسیونست جمعیتلریله آلمانیا حکومتی
آمانه خادم اولان مذکور جمعیت رؤسای ملعونه سندن برچوخی منسوب
اولدقلری مذکور جمعیتلریله اجیر خاصی بولندقلری آلمانیا ایمپراطوری ویلهلمک
آمال جهانگیرانه سنه خدمتله مکلف اولدقلردن ذاتاً بو حرکات مجنونانه دن
کندیلرینی آله میه جقلری معلوم ایدی .

یک جزئی و خسیس بر منفعت مقابلنده مذکور جمعیتلریله آلمانیا ایمپراطورینک
خدمتکاری اولان رؤسای ملعونه اتحادیه نک ماضی و استقبالی دوشونگی
خاطر لرینه بیله کتیرمه که لزوم کورمییه جکاری درکاردر .

ایشته بوکا بناء آلمانیا حکومتی ایله حرب عمومی به اشتراك ایتمک کبی حرکات جنایتکارانه و مجنونانه دن کیر و طور مدیلر .

حتی عالم اسلامی آياقلندیرمق و ولی نعمتلرینک ارزو و آمانه دها زیاده خدمت و یاردم ایتمک ایچون « جهاد مقدس » نامیله حرب دینی اعلانندن دخی چکنمدیلر .

« جهاد » اعلان ایدن رؤسای ظالمه نك نه اولدقاری عالم اسلامجه معلوم ایدوکندن بونلرک اعلان ایتدکلی بو جهادک شرعی و دینی اولدیغی آکلاشیله رق برچوق برلده نظر اعتباره بیله نمدی .

« جهاد » اعلان ایدن اتحاد و ترقی حکومتی ارکانی دین و ایماندن مبرا و شیخ الاسلامری اولان موسی کاظم و خیری افندیلرده ماصون قارداشلردن ایدیلر . هیئت و کلاسی بو یولده اولان بر حکومتک (حرب دینی) اعلاننه اینانه جق و اشتراك ایده جک بر مسلم تصور ایتمک عبت ایله اشتغال ایتمک دیمکدر .

خلاصه هرايشده اولدیغی کبی بو حرب عمومیده دخی دینی کندیلرینه آلت ایدن بو دینسرلر خارجه ده بولونان اسلامری ارزولری و جهله آياقلندیره مدقلمرینی کورونجه داخل ممالك عثمانیه ده بولونان اسلامری و عثمانلی نام مبعلی ایله مفتخر اولانلری حر به سوق و تحریک ایچون مولویلردن متشکل طا بورلر تأسیس و تشکیل ایدهرک مولوی اردوسی نامنی ویرمک و سلاطین عظام عثمانیه نك نام جلمیلندن استفاده املیله اردولردن بعضلرینی سلاطین سالفه نك اسم جلمیلاری ایله یادایتمک و تبعه عثمانیه دن حرب علیه ده بولونان برچوغنی ده قتل و اعدام کبی مجازاته دوچار ایلمک کبی رزالت و مسخره لقلر اجرا سنده بولنمشلردر .

« علم جلیل رسول اللهی » کشاد ایله بالجمله اهل اسلامی « لوی جلیل پیغمبری » اتنده تجمع ایتدیرمک و کندولرینی دیندار کوسترمک ایسته یین بودینسر و حیا سز اتحاد و ترقی رؤسای صاحب علم « جناب نخر کائنات افندمرن حضرتلرینک فم پاك رسالتپناهیلردن » صادر و آتیده مندرج اولان « حدیث شریف » ایله کندیلرینک کیم اولدیغنی آکلاسلر ، عالم اسلامی « لوی محمدی » التنه جلب و دعوتدن پك اوزاق بولندقلمرینی بیلیلردی .

ایشته ؛

بخاری شریفک علامات نبوت باینده کی :

— حَدِيثُ شَرِيفِ نَبَوِي —

« يَأْتِي فِي آخِرِ الزَّمَانِ قَوْمٌ حَدَثَاءُ الْأَسْنَانِ سَفَهَاءُ الْأَحْلَامِ يَقُولُونَ مِنْ خَيْرِ قَوْلِ الْبَرِيَّةِ يَمْرُقُونَ مِنَ الْإِسْلَامِ كَمَا يَمْرُقُ السَّهْمُ مِنَ الرَّمِيَّةِ لَا يَجَاوِزُ إِيْمَانَهُمْ حَنَاجِرَهُمْ فَإِنَّمَا لِقَيْتُمُوهُمْ فَاقْتُلُوهُمْ فَإِنَّ قَتْلَهُمْ أَجْرٌ لِمَنْ قَتَلَهُمْ يَوْمَ الْقِيَامَةِ »

(زبدة البخارى الشريف ، صحيفه ۱۸۰ ، نمره ۹۷۶)

— ترجمه سى —

« آخر زمانده بر قوم كليرهمسى كنيج همسى عقلجه سفيهدر . بونلر خليفك الك خيرلى سوزلارى طرزنده سوز قونوشورلر . فقط اوقك يابدن چيقدىغى كبي دين اسلامدن چيقارلر . بونلرك ايمانى لسانلرنددر . بوغازلرندن آشاغى تجاوز ايتمز . بونلره زنده ملاقى اولورسه كز اولدوروكز . چونكه بونلرى اولديرمك آخرنده اولديرنلر ايچون باعث مكافاتدر »

ايشته كنيج تركلر دينيلان اتحاد وترقى جمعيتى مؤسسين ورؤساي ملعونه سى حقهنده اولدىغى احتمال اغلب اولان « حديث شريف حضرت نبوى » بورزيل والچقلمرك كيم اولدقلمرينى دكل بونلرك امريله حركت ايتمك بونلرى قتل وانلاف ايلمك دنيوى واخروى موجب مكافاة اوله جغنى واضحا كوسترديكمندن آرتق بوبابده بشقه برسوز سويلمكلكمز زاندر .



بوكى وطن وملت خائى دينسزلك اعلان ايتدكلرى حرب دينيدن بر نتيجه استحصال ايديله ميه چكى صراحة ميدانده ايدى .

نته كيمده اويله اولدى : افنديلر يته قارشى خدمت و برارلقاربنى ارائه و اثبات اوغورنده التى يوز الى سنه لك قوجه بر دولتى محو و پریشان ايتديلر .

ميدان انقلابه آتدقلمرى زمان اداره مطلقيتله دولتك بقامى قابل اوله ميه جغنى اوكه سورهرلك مشروطيتك فضيلتسندن بحث ايدن بوانحاد وترقى رؤساي شريره سى اون سنه اداره حكومت ايتدكلرى حالده بو مدت ظرفنده اداره مستبددن بشته ملت مشروطيت آئلى كوسترمديلر .

عجبا بونلرك ديدكلى مشروطيت (۱) كندى منفعت ذاتيه وشخصيه لارى
ايچونى ياپيلمىش ايدى ؟

يوقسه ملتى بوكى طائىلى سوزارله اغفال ايدىرك كېسەلرېنى طولدىر مق ودولتى
فلا كته سوق ايلمك ايچونى مشروطيت اعلان اولمىش ايدى ؟
بز بورالرىنى اكلايه مدينىمىز ايچون بو سؤاللىرى ايراده مجبور اولدق .
كندىلر ينك بىلدكلى قدر بزجهده معلومدر كه ، بوكون ممالك عثمانيه يى مشروطيتدن
بشقە بر شكل اداره ايله ادارايتىمك ممكّن دكادر . لىكن اون سنه لك مشروطيت كې
مشروطيتله دكل جدى وحقيق مشروطيتله اداره ايتىمك شرطدر .
اكر اتحادجىلرك مشروطيتى كې مشروطيتله اداره ايدىلورسه مشروطيت دينلر
و بوكا آيروجه برنام و يرلك لازم كلىر .

اتحادجى بكارك اون سنه لك مشروطيتيله كچن زمان مطلقى مقايسه ايتىمك
لازم كلىر ايسه اوزمانه مشروطيت زمانى وبوصوك اون سنه يه استبداد دورى
دينلىر .

مع مافيه شوراسى شاين دقتدر كه خاقان اسبق جتتمكان سلطان عبدالحميدخان
ثانى حضر تار ينك طقسان اوچ سنه سندن صوكره دوام ايدن اوتوز اوچ سنه لك
مدت سلطنتلرنده اوتوز اوچ خانلى بر كوى ضايع ايتدىكى حالده اداره مشروطه
قانون اساسى يه حقيله رعايت ايدلامسندن ناشى اون سنه ظرفنده يكرمى بيوك ولايت
ضايع ايتمىدر . مصر ايلات عظيمه سى ده بو يكرميدن بريسىدر .

آرتق حكومت اتحاديه اداره سيله بكنمىد كىز حكومت حميديه اداره سنى يكدىكريله
مقايسه ايتىمك ارباب اذعان وعرفانه محولدر . بز بوراده يالكنز :

حلب آنده ايسه بونده بولنور اندازه

ايشته ميدان هنر كيتيمه لم شيرازه

ديوب كچه جكنز .

اشئ آمر يتله وآلمانلرك ازمىد ظرفنده كى ترقيسيله شيارمىش و دنيا يى ضبط ايله
(جرمانيزم) سوداسنه دوشمىش اولان آلمانىا امپراطورى ايكىچى و يله لك حرركات
مخونانه سنه وفارماصون وسيونست جمعيتلر ينك آمال خفيه و دسيسه كارانه سنه
اوفق بر منفعت مقابلنده اشتراك و خدمت ايدن اتحاد و ترقيتك منفعت پرست رؤساي
شره سنى بر جهتدن معذور عد ايتمىكده لازم كلىور .

زیرا بوشریلر اصلاً و نسباً وارثاً اصالت و نجابت و ثروت و ساماندن عاری و بری بر طاقم سرسریدن عبارت اولدقلرندن دنیایه قدم باصدقلری کوندن اعلان مشروطیته دکین اوچ بش غروشی بر آرده کورمش طاقندن دکللر ایدی .

اصلاً اصیل وارثاً صاحب ثروت اولمین بو سرسریلر طبیعی بر قاچ غروش مقابلنده هرشی* فدایه حاضر اولدقلدن بشقه ذره قدر علاقه دار اولدقلری وطنی محو و پریشان ایتمکده حاضر و آماده ایدیلر .

بزم بیلدیکمز بو آلچقلر یالکیزکندی منفعتلری تا مین ایدلسونده نه اولورسه اولسوندن بشقه برشی دوشونه مزلدی .

چونکه بوخندله معهوده علم و عرفاندن ده حصه مند دکل ایدیلر .
هردرلو فضائل انسانیه دن محروم اولان بوکروه کندیلرنده ساخته بر فضیلت و اصالت کورلر و کوریشدکلری ذواته شان و شرف ، اصالت و ثروته اولیوب فضیلت و درایتده اولدیفندن بحث ایله کندیلرینه بر موقع و یردیرمک ایستلر و شعرای قدیمه دن برینک سویلدیکی شو قطعه دن استفاده ایتمکجه چالیشورلردی .

(قطعه)

شرف و شان نه جاه و رفعت ده

نه اصالت ده در نه ثروت ده

بونلرک ده صفاسی و ارایسه ده

ارجمیت ینه فضیلت ده

حالبوکه بو سویلنیلان شو قطعه نک نفس الامره پیکده موافق اولدیغی کورلدی و کوریلیمور .

کندیلری اصیل و نجیب اولمین و فضیلت و درایتلرینه کوه نه رک حرکت ایدنلر بزم شو اون سنه ظرفنده کوردیکمز اتحاد رؤسای کبی صاحب درایت و لیاقت اولورسه غایت جزئی بر منفعت مقابلنده مملکتی صاتار و کیدرلر .

حد داننده اصیل و نجیب و صاحب ثروت اولان بر آدم کندیلرنده فضیلت و درایت کورن و صوکرده دن صاحب ثروت و سامان اولانلره قات قات فائقدر .
زیرا اصیل و زنکین برعائله یه منسوب اولان بر ذات اویله مملکتی و دولتی بر قاچ غروشه فدا ایده مز . بوکا کوردیکی تربیه و تحصیل ماندر .

ایشته اون سنه دینری حکومت مز مملکت مزجه معروف اصیللر انده بولمش

اولسه ایدی . بوفلا کتله باشمزه کلزدی . زیرا اصالت ونجابتله متصف اولان ذوات اتحاد رؤسای کبی مملکتی صانعیه قطعاً وقاطباً راضی اوله مازلردی . ذاتاً دنیاده ترقی وتعالی ایدن ملت ودولتله اک زیاده بوجهته حصر دقت ورعایت ایدنلدر .

از جمله انکلتزه دولت معظمه سنک بوکونکی حشمت وعظمتنه سبب یکانه عنعنات قدیمیه بغایت دقت وهرایشی اصالت ونجابتله متصف ذواته تودیع وتوجیهه علی الدوام صرف همت ایتسیدر .

بوجهت بزده پک زیاده اهمال ایدلمش ومملکت بر طاقم اصل ونسلی نامعلومار النده قالمش والک نهایت بو ورطهیه دوشمشدر .

آرتق سنه لرجه کوردیکز نجر به لر کافی ووافی اولوب بوندن بویله اولسون اصالت ونجابت ودرایت ولیاقتیه دشمن اولوبوب بو بولده کی ذواتک یتشمسنه صرف ماحصل غیرت ایدلم وایشلریمزی بو کبی ذواته تودیع ایلیلم ده بزده از زمان ظرفنده ترقیه طوغری یوری یلم .

ینه اداره میزیمزیمه چاته بر طاقم نا اهللره ترک وتودیع ایدرایسه ک عالمده حیات اجتماعییه مالک اولق شو یله طورسون هرشیدن محروم اولورز .

استبدادک قوه تضییقه سندن بیزار اولان اهالی صافییه نک فوران حمیتندن استفاده ایدن وبصورتله موقع اقتداره کلهرک اداره حکومتیه وضع یدایله دور اخیر مدنیتده دور قدیمک مشاهیر خونخوارینه رحمت اووقوده جق مسلیکه سلوک ایلین اتحاد وترقی جمعیتی رؤسای خونخواری کبی اصل ونسللاری مجهول برسوری حشرات لایفلجونه بنده واسیر اولمقدن کندی میزی قورناره لم .

دوات وملتمزک ترقی وسعادت ییچون چالیشم .

هیچ اولمزسه بوندن بویله ملت مظلومه عثمانیه رفاه وسعادت یوزی کوستردم . آرتق ملت بوکبی سرسریلرک ظلم واستبدادینه تحمل ایدمهز .

✽ تنبیه ✽

اتحاد وترقی جمعیتک انقلابدن اول در سعادتده حین تأسس وتشککنده حب وطن وسوق حمیت ایله جمعیتی تشکیل واداره ایدن ومؤخرأ جمعیتی ترک ویاوفات ایلین مؤسسین ورؤسا واعضاسی ایچنده ارباب ناموس وحیتدن پک چوق ذوات موجوددر .

كذلك بعد الانقلاب بر طاقم مؤسسين ورؤسا واعضای وطنپوران دخی بو شیرلرک چویردکلی دولاب تزویری مشاهده واستشام ایتدکلرندن ناموس وحیثیتاری ایجابیلله جمعیتدن چکلمشلدرد .

بناء علیه زده بو قسم ذوات حیتمندانی نبجیل ایدر و بوکی اشرا ایلله تشریک مساعی ایتیهلرک جمعیتی ترک ایلله چکلدکلرندن طولایی ذوات مشار الیهی تبریک وتقدیر ایلرز .

بزم بو کتابده علی التوالی طعن وتشنیعمره هدف اولان رجال اتحادیهدن مقصد اتحاد وترقی جمعیتک اسرارینه واقف ورفیقاسنی وافراده ملتی اغفاله عن قصید سالک اولان اعضا ورؤسای معلومه شیریه سیدر .

بونلر تخمینمزجه الک چوق فرض اولسه درت بش یوزکشی بی تجاوز ایتز وبونلرک ایچنده الک زیاده مؤثر ومدیر اولانلریده تخمیناً اوتوز اوچ ایلله قرق کشی آره سندهدر .

بوقسه اتحاد وترقی جمعیتی ایچنده ایکنجی ، اوچنجی ، دردنجی درجهده بولونان ذوات میانندهده ارباب ناموس ومحب وطن رجال بولندیغمنده شبهه ایدیله مز . بوکی رجال دخی طعنمره هدف دکلدرد . بونلرک قباحتلری یالکنز غفلت سیاسیه لیدر .

— افاده مخصوصه —

اتحاد وترقی جمعیتی رؤسای خونخواری یوزندن سوکیلی وطنمدن اتی سنهدر دور بولندیغمندن اندن اولکی درت سنهک بیلدیکم بعض وقوعات ومعلوماتی وحر بدن اول واثنا یحر بده مصرده اخذ واستحصا ایده بیلدیکم اخبار موثوقه بی شو اثرله نشر ایدورم .

ان شاء الله تعالی قریباً وطن عزیزمه عودت میسر اولدیغی تقدیرده مؤخرأ جریان ایدن وقوعات ایلله حرب عمومیه عائد جمع ایلله حکم معلوماتی «اوکرندکلرم» عنوانی بر اثرله طبع ونشر ایدرهک قارئین کرامه ناچیزانه یر خدمت انفا سندهده موفق اولورم .



محرم عاجزک افکار ولسانه صرف ترجمان اوله رق بر ذوات حیتسمات طرفندن

قلمه آلتان منظومه آتیه دخی خاتمه کتاب اتخاذ اولمشدر .

— منظومه —

آفرین ای اتحادك شانلی آنلی (انوری)
 عرشدن تافرشه ایندیردك لوی اگری
 برغزا ایتدك كه نهب مال ایچون ملت ایله
 غارت ایتمزدی بورتبه اولسه مسقوف لشکری
 آج ایکن محتاج ایکن عسکرله ملت سرتسر
 اولدی غرق سیم وزر جمعیتك قارداشلری
 مملکت برحاله کلمشدرکه ظلم و جور ایله
 کیمسه حس ایتمز قیامت قوپسه دول محشری
 بنده حیرانم ید اعجازینه جمعیتك
 صدمه سیله یتقدی اون ییلده سراپا هریری
 الی یوز ییلاق معظم دولتی احا ایچون
 ملتك تاجان اوندن صاپلا مشدر خنجری
 یوقی حقم شمدی ای (طلعت) سکا سویلر ایسه
 قهر ایده حق سن کبی صنعی حیمپروری
 طلعت بن عاقلم واربنده قدرت دیرایدك
 ظن ایدردك اذکیانك کنیدیکی سر دفتری
 ایشته بر باد ایلدك اولدی ممالك تارومار
 قالدی الده جزء اصغر کتدی قسم اگری
 کتدی حتی « مهد والای نبوت » ای لئیم
 برغزا ایتدك كه دغون ایلدك « پیغمبری »
 بن سکا وقتيله بیک بر کره شویله سویلدم
 آسیاب دولتك (طلعت) دکلسک سن خری
 صدر اعظملاق ندر فکر ایلمک لازم ایدی
 سرور ملت اولوری سن کبی برسر سری
 علم وفن ایستر توکنمز ثروت ایستر شمدی حرب
 جهل ایله مغلوب اولوری آوروپا دولتری .


حق یومی شمدی قبرندن چیقوب «سلطان حمید»
 وجهکه عطف ایتسه حدتله بُزاق اصفری
 مردم کار آزما ایستر بو دولاب ثقیل
 (جاهد) و (جاوید) ایله دوغز سیاست چنبری
 اکسیک اولز بویله رآسنده مصائب آن بآن
 باشده جمعیت غراب آسا اولورسه رهبری
 حسن استعمالی مشروطیتک آسان دکل
 قدر زر زرکر شناسد قدر کوهر کوهری
 اویله مشروطیت اجرا ایتدیکزکه اون سنه
 ایلزیدی بویله ظلمی اولسه جنکیز عسکری
 مشورت هرملته بخش ایلشکن منفعت
 سایه کزده بزده اولشدر رزالت مشهری
 ماه حریت کسوف التنده کیردی اولکجه
 کورمدک انوار حریتله تابان کشوری
 سوزده مبعوثان ملتدر دین آدملرک
 هانکیسی اولش حقیقی انتخابک مظهری
 آتش فقر و ضرورت طوتدی ملکی سرتسر
 آسمانه چیقدی ظلمک دودآتش کستری
 اتحادک صندوغنده وارسه هپسی کیزلیدر
 مملکتده چوق زماندر یوق کورن سیم وزری
 بر بیوک دعواله کرچه انقلابی یابدیکز
 صکره استبداده طوغری ایتدیکز صاغدن کری
 یاد ایدوب رحمتله هرکس عصر استبدادینی
 سزله ترجیح ایدر تیورانک اشهری
 بر قودورمش یرتیجی حیوانکی کویا (جمال)
 صالدیروب مجروح ایتدی کوردیکی شیریری
 اولقدر حق وجهالت قاپلامشدر کیم سزی
 کیمسه سزدن بر نفر صایغاز قوجه اسکندری

عقلنك سياسى اندامنده هر دم روڤا
 كورمامشك بز (خليل) آسا سياست دلېرى
 شېبه سز (احمد رضا) دن خوش سيخن سويلرايدى
 هيكل حریت ايتسهك مجلسه بر مرمري
 بز بونك غمزيله حاشا مرجع عدلايلك
 صاحب ميزان اولان استاد على جوهرى
 نرده كورسه بر فضيلت مطلقا تسميم ايدر
 وارسه انسانيتك جمعيت اولمش اژدرى
 صانكه تخريب جهان شوقيله كلمش عالمه
 بشقه يوق جيمتك بر خاصه زيب و فرى
 بركون اولسون وجه ملتده مسرت كورمك
 مملكتده اتحادك حقيقتي كوندنېرى
 حقيدر بروجه آتى اتحادى وصف ادوب
 مدح ايدرسه جامع دهرهك خطيب منېرى
 بونارك ابليس ملعون صانكه بر شاكر ديدر
 اتحاد ارکانى اويله فتنه لر دانشورى
 حقى ناحق كوستروب كذب صريحى صدق ايدر
 خون مظلومان ملتدر بو قومك كوثرى
 هدم ديندر غايه سومرلر ديانت اهلى
 بونارك مقبوليدر دائم بو عصرهك اكفري
 كچدى چوق ظالم جهاندن كرچه ظلم وجورايله
 چشم دوران كورمامشدر بويله حزب بدترى
 حقه دشمندر بو جمعيت كسر هيچ ديكلمز
 طوغرولقدن بحث ايدن هر بر سري هر سرورى
 ايتديلر اجلا وطندن ظلم ايله عدوان ايله
 بن «صلاح الدين» كې پك چوق صداقتېرورى
 ملتى محو وپريشان ايله ين هر خائمه
 سن حواله ايله يارب ذوالفقار حيدرى



بویله در هر دم دعای اصدقای ملتک
حق معمر ایلیه خاقان حیدر پیکری
ملتک محبوبیدر «سلطان وحید الدین»
چونکه اولشدر (عدالت) دره تاج سری
باشده خاقانیه ملت مشورتپرور اولوب
ایلسون مولا بوقومی عصرینک بالاتری

مختتم ختام



اعتذار

مراد بك افنديك صفت مأموریتی یدنجی صحیفه ده دیون عمومیه عثمانیه قومیسری یازیله جق و کامل پاشا مرحومك مرقدلری سكسان ايكنجی صحیفه ده لفقوشه ده عرب احمد جامع شریفی خطیره سنده دینيله جك ايكن ائزدهول اوله رق یاكاش یازلمش و یتشمش یدنجی صحیفه ده سلطان محمد خان خامس حضر تارینه کامل پاشا طرفندن عرض و تقدیم اولونان عریضه ده (دوات علیه نك حقوقی محافظه ایده بیلمسی اسبابی بزم استحضار ایله مه مز لازمدر) دیو یازیله جق ايكن سهو مرتب اوله رق (استحضار ایله مه مز) ترتیب اولندیغندن مع الاعتذار تصحیح کیفیت اولور .



- ۴ اتحاد و ترقی جمعیتك مقصد تأسس و صورت تشكلى
- ۱۱ مشروطیتك اعلانی
- ۱۳ مشروطیتك برنجی قاینه سی و كامل پاشانك اوچنجی صدارتی
- ۱۸ حسین حلمی پاشانك برنجی صدارتی
- ۲۱ توفیق پاشانك صدارتی
- ۲۵ سلطان عبدالحمید خان ثانی حضرتلرینك خلعلری
- ۲۶ سلطان محمد رشاد خان حضرتلرینك جلوسلری
- ۲۸ حسین حلمی پاشانك ایکنجی صدارتی
- ۲۹ حق پاشانك صدارتی
- ۳۳ ایتالیا نك طرابلس غربه عسکر سوقی و دولت علیه عثمانیه اعلان حربی
- ۳۴ سعید پاشانك طقوزنجی صدارتی
- ۳۶ ایتالیا نلر طرفندن طرابلس غرب و بنغازینك ایتالیا به الحاقی اعلانی
- ۴۰ سعید پاشانك اوننجی صدارتی
- ۴۳ بالقان حكومتك اتفاقی
- ۴۸ غازی احمد مختار پاشانك صدارتی
- ۵۳ بالقان حكومتك حدود عثمانی بی تجاوز و اعلان حربلری
- ۵۵ كامل پاشانك دردنجی صدارتی
- ۶۷ باب عالی وقعه جنائیه سی . كامل پاشانك استعفا سی و حربیه ناظری ناظم پاشانك شهادتی
- ۷۵ كامل پاشانك سلطان محمد خان خامس حضرتلرینه مصر دن عرض و تقدیم ایلدیكى عریضه
- ۸۲ محمود شوكت پاشانك صدارتی
- ۸۸ محمود شوكت پاشانك شهادتی
- ۸۹ پرنس سعید حلم پاشانك صدارتی
- ۹۲ آوروپا حرب عمومیه سنه دولت علیه عثمانیه نك اشتراكی

- ۱۰۱ ۱۹۱۴ سنه سنده انگلتره نك نشر ايلديكى بياض كتابدن ايكي مهم وثيقه تاريخيه
- ۱۰۵ (مكه مكرمه) اميرى شريف حسين پاشا حضرتلى طرفندن نشر اولونان
عربجه برنجى بيا ننامه نك صورت مترجمه سى
- ۱۰۹ امير و شريف (مكه مكرمه) حسين پاشا حضرتلى طرفندن نشر ابتدرييلن
عربجه ايكىنجى بيا ننامه نك صورت مترجمه سى
- ۱۱۴ طاعت پاشانك صدارتى
- ۱۳۰ عزت پاشانك صدارتى
- ۱۳۲ دول متفق ايله متاركة عقدى
- ۱۳۵ توفيق پاشانك صدارتى
-
- ۱۳۸ شوكتلو قدرتلو سلطان « محمد وحيد الدين » خان عادل حضرتلرينك
تخت على بخت عثمانى به جلوس هابونلرى
- ۱۵۰ ولى عهد سلطنت و خلافت يوسف عز الدين افندى حضرتلرينك شهادتلى
- ۱۵۲ شهزاده عبد الحميد افندى حضرتلرينك سلطنت سنه و خلافت كبرى
اسلاميه ولى عهد لكى احرار بيورملى
-
- ۱۵۳ حزب جديدك موقع تطبيق واجرايه وضعى طلب ايلديكى مواد عشره
- ۱۵۸ برنس صباح الدين بك افندى حضرتلى حقلرنده بعض معلومات
- ۱۶۰ برنجى فريق شريف پاشا حضرتلى حقلنده اتحاد وترقى جمعيتى طرفندن
اجرا اولونان فضايح و جنايات ايله مشار اليه مختصرجه ترجمه حاللى
- ۱۷۱ كامل پاشانك عقيب مشروطيتده سلطان عبد الحميد خان حضرتلرينه عرض
وتقديم ايلديكى عريضه
- ۱۷۴ معلم محترم مراد بك افندى حقلنده بعض معلومات
- ۱۷۷ اعيان رئيسى احمد رضا بك افندى حضرتلرينه دائر معلومات
- ۱۸۳ اطنه والى معاونى شاعر بنى نظير اشرف بك حقلنده معلومات
- ۱۸۴ اشرف بك افنديك (تصوير احوال) نام منظومه رعناسى
- ۱۸۷ انتخابات حقلنده برقاج سوز
- ۱۸۹ مساوات غزه سى مديرى حافظ اسماعيل افنديك (صاعقه مساوات) نام
منظومه سى

- ۱۹۳ اتحاد حکومتوں (جہاد مقدس) نامیلہ حرب دینی اعلانی
۱۹۴ حدیث شریف حضرت نبوی
۱۹۷ تنبیہ
۱۹۸ افادہ مخصوصہ
۱۹۹ خاتمہ کتاب اتحاد اولئان منظومہ
۲۰۳ اعتذار




— رسم —

جنتمکان سلطان عبد العزيز خان حضرتلری	۴
جنتمکان سلطان مراد خان خامس حضرتلری	۵
جنتمکان سلطان عبد الحمید خان ثانی حضرتلری	۱۰
صدر اعظم کامل پاشا	۱۳
صدر اعظم حسین حلمی پاشا	۱۸
صدر اعظم توفیق پاشا	۲۰
حربیہ ناظری غازی ادهم پاشا	۲۱
حرکت اردوسی ایلک قوماندانی فریق حسین حسنی پاشا	۲۳
جنتمکان سلطان محمد خان خامس حضرتلری	۲۶
صدر اعظم حق پاشا	۳۰
صدر اعظم سعید پاشا	۳۵
صدر اعظم غازی احمد مختار پاشا	۴۸
بحریہ ناظری محمود مختار پاشا	۵۳
شیخ الاسلام محمد جمال الدین افندی	۵۵
حربیہ ناظری ناظم پاشا	۵۸
ادرنه قوماندانی شکری پاشا	۶۳
باب عالی وقعہ جنائیه سی : ناظم پاشانک شہادت (تابلو)	۶۸
صدر اعظم محمود شوکت پاشا	۸۳
صدر اعظم پرنس سعید حلم پاشا	۸۹
صدر اعظم طلعت پاشا	۱۱۵
شیخ الاسلام موسی کاظم افندی	۱۱۷
حربیہ ناظری انور پاشا	۱۱۹
بحریہ ناظری جمال پاشا	۱۲۱
مالیہ ناظری جاوید بک	۱۲۲
طنین غرتہ سی صاحبی حسین جاہد بک	۱۲۳
اتحاد وترقی جمعیتنک رکن اعظمی دوکتور ناظم بک	۱۲۴
اوقاف ناظری خیری افندی	۱۲۶

- ۱۲۸ داخلیه ناظر اسبق خلیل بك
- ۱۲۹ اتحاد وترقی جمعیتی كاتب عمومیسى مدبحت شكرى بك
- ۱۳۰ صدر اعظم عزت پاشا
- ۱۳۲ داخلیه ناظر اسبق حاجى عادل بك
- ۱۳۴ آیدین والى سابق رحى بك
- ۱۳۹ خلیفه مسلمین ذیشان و پادشاه عالیجاه عثمانیان سلطان «محمد وحید الدین»
خان عادل حضرتلری
- ۱۵۰ ولی عهد سلطنت و خلافت شهید مغفور یوسف عز الدین افندى حضرتلری
- ۱۵۲ ولی عهد سلطنت و خلافت عبد المجید افندى حضرتلری
- ۱۵۴ قردسى مبعوث سابق و حزب جدید رئیسى عبد العزیز مجدى افندى
- ۱۵۹ پرنس صباح الدین بك افندى حضرتلری
- ۱۶۱ استقہولم سفیر اسبق برنجی فریق شریف پاشا
- ۱۶۹ شریف پاشا حضرتلرینك دامادلری صالح بك افندى
- ۱۷۶ معلم محترم مراد بك افندى
- ۱۸۰ اعیان رئیسى احمد رضا بك افندى
- ۱۸۳ اطنه والى معاون اسبق شاعر بنى نظیر اشرف بك افندى





3 1761 06981661 9

